



A
40-81



27.a 6

6





de M. Blg. de la Comp^a. de I.S.S. de Granada.
IACOBI PONTANI ^{B+4.}
DE SOCIETATE IESV. N. 3217
PROGYMNAS- (1)
MATVM LATINITATIS,
SIVE DIALOGORVM.

Volumen primum, cum Annotationibus.

DE REBV S LITERARIIS.

*Editio tertia, denuo recognita & aucta. Voces plurimae ex
vulgari Germanorum, in Gallicam traductæ.*



L V G D V N I,
APVD BARTHOLOMÆV M.
V I N C E N T I V M.

M. D. XCII.



518-219





GENERO SO ATQUE
OMNIBVS REBUS ORNATIS-
SIMO ADOLESCENTI, GEOR-
gio Fuggero, Jacobi F. Baroni in Kirch-
berg, & UVeissenhorn, IACOBVS
PONTANVS de Societate IESV.

S. P. D.

V O D iam inueterata eadēmque
laudabilis eruditorum consuetu-
do me hortabatur, vt postea, quām
primo meorū Progymnasmatum
dialogorūmque volumini summū fastigium
imposuisse, deliberarem mecum, cuīnam
in aliquo dignitatis & excellentiæ gradu
locato, idipsum inscribere ac donare potis-
simūm oporteret, eam omnem deliberatio-
nem ab illustri adolescētia tua incisam pla-
nē ac sublatam gaudeo, vehementerque læ-
tor. Etenim adeo multa, minimēque leuia
rationum momēta, cur sub tuo nomine hoc
vigiliarum mearum opusculum, & hunc pri-

† 2 mum

mum perquam mediocris ingenij mei partum in vulgus exire finerem, etiam nil tale volutanti occurrerunt, vt nisi ore sim durissimo, animoque longe ingratissimo, ad aliū præter te, quantumuis omni genere nobilitatis eminentissimum, deferre illum neutiquam possim. Nam si quis vñquam in amplissima familia natus, proba & præclara mentis indole auctus, domesticis virtutum exemplis abuudans, aliquo coniunctionis vinculo cum altero colligatus: postremo, si quis adhuc extitit, qui iure suo ab aliis multa exigeret, cuncta hæc in te vñū confluxerunt. Quanquam enim nondum permissa tibi liberius, ac tuo arbitratu viuendi potestate, apud nos beneficia ponere haec tenus non potueris, tamen haud parum iam in nos tuæ voluntatis contulisti, tuamque erga collegium nostrum propensionem satis declarasti. Et meruerunt quām optimè de nobis parentes tui, meruerunt avi tui, meruerunt ambæ, F V C G E R O R V M nimirum I L S V N G O R V M Q V E domus, vnde tu paternam & maternam originem ducis. Quibus vniuersis atque singulis cum pro amoris magnitudine, meritorum verò etiam multitudine pares agere gratias (quid enim dicam referre?) nequeamus,
quis

quis tandem est , qui non intelligat , eorum
nos minoribus in omne consequentis ævi
spatium teneri obstrictos ? Deinde in nostrâ
disciplinam traditus es à patre , & traditus
ex florentissima gente vestra primus ante o-
mnes , certè quidem in hac vrbe ac patria
tua , magnissimum Gymnasio Societatis or-
namentum addidisti , quando inter condic-
cipulos , quorum permulti nobiles ac patri-
cij pueri , velut quoddam lumen præfulges .
Iam qui nescit , quâm sancta inter Præcep-
tores & discipulos , quâm coniuncta neces-
situdo intercedat , is se non plus cernere
quâm pecudem fateatur necesse est . In pa-
rentum loco Magistri sunt colendi , & qui
ab iis erudiuntur , vicissim in filiorum loco
diligendi . At tu curæ nostræ & institutioni
commendatus , non unum sed multos patres
inuenisti , siquidem nos omnes , quibus do-
cendæ iuuentutis est mandata prouincia ;
ingenium tuum præceptis utilissimis & sa-
luberrimis fingere percûpimus , & tanquam
filium certatim amamus atque in oculis fe-
rimus , in spem certam ingredientes , te cres-
cētibus annis per semitam à maioribus tuis
prius calcatam incessurum , in eorūmque
mores & instituta abiturum , qui semper op-
timarum artium cognitionem cum maximis

clarissimisque virtutibus copulauerunt : ac
proinde tantam sibi posteritatique suæ am-
plitudinem pepererunt , vt omnium pænc
gentium oras nominis vestri gloria famaque
peragrauerit . Quid vtroque auo tuo ad op-
inionis celebritatem commendatius ? aut
quibus aliquando ciuibus fortunatior fuit
hæc tam prædicata , veréque Augusta ciui-
tas ? Paternus quidem , A N T O N I V S F V G-
G E R V S , cùm esset à potentissimis Princi-
pibus ad amicissimorum numerum adscrip-
tus , copiis omnibus circumflueret , nihil o-
minus tanta moderatione , tanta modestia in
illa sua felicitate enituit , quanta etiam nunc
hominum sermonibus crebrò usurpatur .
Quis eodem aut fuit , aut esse debuit , pru-
dentia , liberalitate , iustitia , constantia , aut
vlo demum genere laudis præstantior ? Ma-
ternus autē , G E O R G I V S I L S V N G V S ,
Eques auratus , Sueviæ Prefectus , & quatuor
Imperatorum consiliarius , quo ardore , qua
animi excelsitate præstítit in propugnando
pro religione Catholica ? Quanta eius apud
Principes existimatio & auctoritas ? Quam
magnas ille res , quanta cum prouidentia
procurauit ? quæ morum in ipso integri-
tas ? quæ humanarum rerum despicientia ?
In nostram porrò Societatem quantam ille
bene-

benevolētiā nauauerit, quibus eam officiis coluerit, dictū est perdifficile. Cuius erga nos tam incensi amoris hāredem & successorem, experti iam sāpe didicimus quem reliquerit: Annam videlicet filiam suam, matrem tuam, prāstanti religione erga Deum, commemorabili beneficentia in egentes, eximia humanitate in omnes, spectatissimam denique atque optimam fōminam. Sed ad clarissimum patrem tuum festnat oratio, cuius laudes, quas ex sincerissimo numinis cultu, & ex amore ac veneratione ECCLESIAE CATHOLICAE, sacrificque ædibus omni magnificētia exornandis, & aliis præterea rectē factis capit egregias, hoc maiori tibi sunt ornamento, quo tu illi, & ille tibi est sanguinis necessitate coniunctior. Declarauit is non Augustæ solūm, verūm etiam Landspergæ, & alibi, quem erga nos animum gereret, nec id verbis tantūm honorificis, verūm etiam donationibus iisdem creberimis, iisdem amplissimis: quam nos liberalitatem colemus, uti par est, memoria sempiterna. At enim non est in præsentia mihi decretum generis tui panegyrim contexere, cui par nulla potest reperiri laudatio, illud tantummodo carptim demonstrandem putauī,

† * quale

quale tibi à parentibus & maioribus reli-
etum sit ad virtutis decus inuitamentum.
Ac nulla sanè præcepta ad solidum verum-
que honorem adipiscendum æquè valent,
vt patrum facinora pulcherrima ante ocul-
los nepotum obuersantia: quorum vitia &
peccata tanto notiora euadunt, quanto ip-
sorum parentes & aui in maiore claritate vi-
ixerunt. Quemadmodum scilicet in purissi-
mo fonte, & in lucidissimo speculo minutæ
sordes maculæque facilius conspiciuntur.
Tu verò, G E O R G I , à paruulo eductus es
diligentius, quām vt hoc tantum malum de
te pertimescendum videatur. Huc accedit,
quod nec oris tui dignitas, & egregia totius
corporis conformatio, quæ plerūmque fu-
turæ probitatis indicium est, nec perspecta
nobis iam pridem indoles tua tale quidquā
timere nos patitur. Suscipes igitur hanc
primam partem lucubrationum mearum,
tibi multò antè desponsam, & ea ad vtilita-
tis tuæ fructum aliquem vtēre, vt nostris le-
gendis sermonem tuum cultiorem plenio-
rēmque efficias, & eadem opera ad doctri-
nam accessionem qualem qualem adiūgas.
Quod vt tu, tecumque adolescentes, qui ad
Humanitatem informantur, possetis, si mi-
nus sum consecutus, omni tamen conten-
tione

tione ut consequeret mihi est elaboratum.
Quemadmodum autem parens tuus literas
ac literatos, virtutéque condecoratos ho-
mines omni gratia, officio, charitate semper
adhuc complexus est, & complecti perse-
uerat: sic tu, ubi maturior ætas virum te red-
diderit, eorundem esto præsidium atque
perfugium: nec puta uspiam melius te col-
locare beneficia. Nam ut de Cœlesti remu-
neratione taceam, illi maximè scriptis suis
immortalibus nomen tuum ab obliuio-
ne & silentio vindicabunt. Vale. E

Collegio Societatis I E S V , Au-

gustæ, Kal. Decemb. Anno

Domini M. D.

LXXXVIII.

* * *

† s IN



IN GENEROSVM
ADOLESCENTEM
GEORGIVM FVGERVM,

25

EPIGRAMMA.

CVM te spectarent Iuuenem, Fors, Gloria, Virtus;
Pædia, has inter lis fuit orta Deas.
Hic meus est, Virtus; meus est hic, Gloria dixit;
Pædia esse suum, Fors ait esse suum.
Audiuit, magnamq; volens componere pugnam,
Addidit Astripotens: Cuiq; quod optat, erit.

Matthæus Raderus.

A D



AD HUMANIORVM
ARTIVM STVDIOSAM
IVVENTVT EM.

X omni copia eorum hominum,
qui hac nostra tempestate multò
etiam amplius qui patrum, quig;
maiorum nostrorum memoria iis
doctrinarum studiis deuincti pe-
nitus fuerunt, quibus Humanitatis nomen inde à
priscis usque temporibus est attributum, si diligen-
ter comparare voluerimus, paucos omnino extitif-
se reperiemus, quorum esset bene Latina, pura, ni-
tida, iucorrupta, elegans & ornata oratio, sine illi
sermocinarentur cum aliis, sine literis cogitatio-
nes suas monumentisque commendarent. Quod
sanè quidem in illis artium disciplinis, quæ non ita
in medio posita, sed à communi sensu intelligentia-
que disiunctæ, abditis quibusdam è fontibus han-
riuntur, minus est mirandum: quarum alumni,
candidati, & doctores laudandi sunt, si non pessi-
mè Latine loquuntur: si secus, non est id ab ipsis
pertinacius requirendum, quando eos magis rem
spe-

P R A E F A T I O.

spectare, quām verba pendere oportet. At verō quemquam se Humanitati addictum & consecratum confiteri, cui parum percepta & cognita, pa-
rum usitata sit bona, à veteribus custodita, nobis-
que velut testamento legata latinitas, hoc demum
admirabile, & vix tolerandum existimari potest.
Aut enim à nulla prorsus, aut ab istac eruditorum
natione optimo iure Latini sermonis candor, sum-
ma propemodum integritas, perfectioque postulari
debet. Huius mali ecquānam caussa sit, inuestige-
mus. Non est certè librorum accurate, composite, il-
luminatè, copiosè conscriptorum paucitas. Quan-
quam enim & iniuritate vetustatis, & negligen-
tia, nequitiaque hominum plurimi interciderunt,
nihilominus diuino, ut arbitror, beneficio ad hanc
etatem adeò frequentes sunt conseruati, ut si quis
omnes, nec raro euoluere animum induxit, ei
propemodum annosum Enboicē vatis euum à Deo
efflagitandum videatur. Et planissimum est, ipsum
huius linguae antistitem M. Tullium, Sallustium,
Cæsarem, Linium, Plautium, Terentium, alios præ-
tere a politissimos scriptores assidua lectione ab in-
numeris celebrari, nec unquam fere de manibus
deponi. Illud quoque in controversiam adducit ne-
mo, excitationem scribendi sine qua eius prestan-
tiam nullus unquam adipiscetur, à plerisque ad-
hibitam: nec ullam ab iis nauitatem & industriā
desiderari iuste potuisse. Quo namque modo omnes
sedulita-

P R A E F A T I O .

sedulitatis suæ neruos contenderint , quantum in hisce literis sudauerint tot & tam grādia varia-
rum commentationum , eadēmque utilissima mo-
numenta , quæ reliquerunt , pro testimonio dicunt.
In quibus tamen , quod est in hac lingua mundissi-
mam , cultissimum , electissimum , suauissimum , at-
que sanissimum , frustra queras . Nec à iudicio eos
fuisse desertos putandum est , siquidem eorum qui-
dam commentariis sermonem Latinum sunt per-
secuti , qui utique aut omnem , aut pānē omnem eius
rationem atque vias cognouerunt . Ac ne Magistri
quidem eos , & ad Latinitatem duces defecerunt ,
Nam sine praeceptore in studiis liberalibus quis no-
strum quidpiam discit ? quis aliquando didicit ? Ad
extremum , nec temporis eguerunt : constat enim
complures cūm sese huic politiori scientiæ dedidis-
sent , ad præcipitem senectutem incolumes peruc-
nisse . Quid ergo tandem his defuerit , quamobrem
in eorum Collegium quos querimus & suspicimus ,
cooptari minus potuerunt ? Probabiliter mihi vi-
deor responsurus , si naturam defuisse dixero . Ete-
nim cūm ferme nullum tersè , exquisitè , ac literatè
vel scribere , vel loqui videamus , qui non idem sit
ac iudicetur eloquens , ad eloquentiam autem na-
tura & ingenium vim afferat longè maximam ,
non imprudenter coniectarit aliquis , hinc accidere
videlicet , ut qui venire in eloquentiam societatem
atque numerum hanc possint , (non autem omnes
possunt

P R A E F A T I O.

possunt etiam si toto, quod aiunt, pectore nitantur,
& sint alioqui praeclaris ingenii, magna diligen-
tia, non vulgari doctrina homines) iidem nescio
quo modo salubres illos, atque dulces latinitatis
natiue succos, aut pro derelicto habeant, aut non
conspirante cum voluntate natura perhibere ne-
queant. Porro hoc ipsum, eloquentem esse, quiddam
excellentius ac magnificenter continet, quam non
nulli suspicantur: qui regnam rerum, & copio-
se loquentem sapientiam inani quadam verbo-
rum quamvis lectissimorum ornatissimorumque
profluentia, inanique sonitu metiuntur: Quia
igitur inter eos, quibus Humanitatis studia sunt
in desideratissimis, qui que in iisdem plurimum o-
pere temporisque consumperunt, perpauci elo-
quentes cernuntur, mirari desinamus, cur item
non adeo multi sint, semperque fuerint, qui (quod
ab eloquentia vix est ut cernatur separatum) hu-
ius linguae tot gentium tam communis leporis, fe-
stinitatem, gazam uniuersam, omnes numeros, o-
mniesque copias possideant. Ac non neminem for-
tassis natura factum ad dicendum, hoc aditulau-
dis prohibuit & prohibet non satis commodus eius
discendae modus, qui idcirco est multiplex, quoniam
multe vigent docendi ac praecipiendi rationes.
Sunt qui in ordines congestis & digestis rerum vo-
cibus Nomenclatores edunt. Sunt qui de Terentio,
Plauto, Cicerone, de his, inquam, praet aliis Phrasēs,

Ele-

P R A E F A T I O .

Elegantias, Sylvas, Observations colligunt. Non nulli parua quedam volumina conficiunt, in quibus seruata literarum serie vocabulorum notiones, usumque adiunctis ad confirmationem scriptorum illustrium locis declarant. Alij Dictionaria (ut quidem ipsi nomen eis imponunt) Cornucopias, Thesauros, Calepinos construunt, Latinisq; Gallicas etiam & Græcas voces opponunt, quo uno labore in tribus linguis studiosi proficiat. Quibusdam placitum est continuato, nec unquam interrupto orationis cursu de sermone Latino disputare, ut olim Varro, & Iulius Cæsar ad M. Tulliū. Alij Augiae stabulum perpurgare pro re sibi honorifica ducunt. Id est, barbariem & inquinatissimas loquendi formas subjectis puris & emendatis corriger, queque ex inscitia irrepserunt, impropria, sordida, peregrina, ea per Indices, Scopas, Appendices, Farragines funditus tollere, & profligare. Alij insuper suos sibi modos habent. Postremo sunt qui Colloquia & Dialogos ad imbuendam Latinitatem adolescentiam componunt. Horum omnium instituta ponderare, deque iis affirmatè proferre sententiam si velim, verendum sit magnopere, ne mediocritas nostra nimium sibi sumpsisse, atque arrogasse existimetur. Illud asseueratione omni confirmare non verebor, singulorum laborem atque vigilias disceptibus profuturas: maiores aut utilitates asserre Dialographos si modo prouincia recte, & quemadmodū decet explicauerint.

P R A E F A T I O .

explicauerint. Nihil adolescentibus utilius, nihil iucundius Dialogis, nihil etiam, pueris præsertim, perinde necessarium. Quibus cùm Epistolæ Cicero-nis à diuersis selectæ, & in unum, duos, trésue li-bros collatæ soleant explanari, non ego quidem il-las prætermittendas censuerim, sed ubi cauſas memorauero, cur quarundam scholarum morem probandum iudicem, quæ pueris Dialogos potius, quam epistolas iam pridem interpretantur, si-milque de fructibus & iucunditate huiuscemodi Colloquiorum differuero, faciam, opinor, ut liqui-dissimè appareat, Moderatorum nostrorum nec repentinum, & prudens fuisse consilium, qui hoc e-tiam itinere creditam suæ fidei potestatique in-uentutem, legendis scilicet ac prælegendis dialogis ad Romanam ciuitatem deducendam sibi cogita-runt.

Qui sumptuosa ac longiuscula ueste puerum induunt, eiusdémque pedi inauratum, & magnum calceum inducunt, non ideo inepti sunt, quod ipsum pretioso, sed quod ad paruitatem corporis nunqua-quam apto amictu contegunt. Nam etatula illa & statura splendidi vestitus capax est, verū non ita laxi atque longi, ut adolescentum & virorum corpora. Similiter metuendum est, ne dum in gym-nasio pueris solas Ciceronis epistolas explicamus, idem prorsus cum ingenii, quod illi cum corporibus agere iulicemur. Est profectò meritisimum aurum,

est

P R A E F A T I O.

est purpura, sunt gemmae, quae in tabernis Cicero-
nianis venalia proponuntur, & hoc uno auctore in
uniuersa lingua Latina cum verborum uertate,
tum omne genus ornamentis nullus concordibus o-
mnium suffragiis censendus opulentior, quem ab-
solutum in eloquentia artificem, & omnis elegan-
tiae consummatum exemplar nuncupare possumus:
at non omnibus illa conueniunt, non ad omne cor-
pus illæ tanquam uestes, non ad omnem pedem illa
velut calceamenta quadrant, quia non ad quem-
uis captum, non ad quodvis ingenium perinde sunt
accommodata, quare nec tantum inde fructum
capi necesse est à pueris. Hoc igitur primùm spectā-
dum, quam sit perceptu facile, quod ipsis discendum
imponitur, & quam copiosum ex eo fructum sint
relaturi, non, primisne, an secundas, an tertias in
Latinitate obtineat. Occurretur autem forsitan
nobis ab aliquibus in hunc modum. Nos apertiores,
breuiores, familiariores epistolas è toto corpore se-
cernimus, in quibus nullæ obscuritatum latebra,
nulli nodi, nullæ difficultates. Ut ita sit, quanquam
haud est ita prorsus, attamen fatendum est, res iis
epistolis inclusas laboriosius & imperfectius à pue-
ritia, tenerisque ingenii comprehendendi, quam quæ
cadunt in dialogos, quorum argumentis atque re-
bus nihil est uisitatius, nihil notius, nihil magis ob-
uium atque domesticum. Quid quod frequenter e-
iusmodi loci incident in his epistolis, quos ipsimet



P R A E F A T I O.

Magistri ex plebeis, & infimi subselliij interpretib.
ut Ascensio, Hubertino & similibus, quibus plerum-
que & solis utuntur, & uti etiam coguntur, neuti-
quā intelligūt? Quod si vel Paulū Manutium ex-
planatorē doctissimum, vel alium approbata erudi-
tione scriptorē cōsultum adierint, remq; didicerint,
non consequentur tamen, ut pueruli intelligent, q
non ita promptè intelligere ipsi potuerunt. Laborio-
sè autem maleq; disci quod non cognoscitur, in hoc
omnes una mente consentiunt. Queret quispiā, que
tandem illa tam obscura & ingeniis puerorum a-
liena patem? Qua? De negotiis, inquam, Reipub. de
Asia, Aegypto, Græcia, Cilicia, Cappadocia, de exer-
citibus & oppugnationibus urbiū, de summa Rom.
Imperij de quibus Cicero vel in brevibus epistolis fa-
pe loquitur. De Dolabellis, de Brutis, de Pompeiis, de
aliis, aliorumq; statibus, controversiis atque caussis.
De priuatis quidem etiam, & suis, non inficior. At
in quibus declarandis longiore interdum oratione
principiisq; altius repetitis opus sit. Itaque ad fami-
liares rectius & verius quam familiares appellā-
tur illæ epistole, ut multis abhinc annis consensu
Doctorum cæpta sunt appellari. In Dialogis ea di-
sciunt, que audiunt, que aspiciunt, que cogitant,
loquuntar experiuntur quotidie, que sunt fami-
liarissima, tractatissima, communissima, in quibus
propriè, pure, & cū aliquo ornatu exprimendis sem-
per harent, semper inopes reperiuntur, non modò

post-

P R A E P A T I O.

postquam 12. menses, sed postquam 12. annos Magistro Ciceronem interpretanti operam dederunt. Ingentes sunt Orationis in Tullio diuitiae, magnifica verborum & infinita supellex, non tamen ex eodem unico quiuis, & quocunque tempore, & ad omnem omnino materiam diues ac fortunatus evaserit. Quamobrem minore cum labore percipientur à pueris Dialogi, quam Epistole, ut ostendimus. Hac commoditatem primam, & eandem propè maximam ducere par est. Relique mira cum voluptate coniunguntur. Nam quis dubitet eos propter incredibilem argumentorum varietatem, personarumque colloquentium vicissitudinem, & naturas atque mores eleganter expressos, oblectatione maxima delinitos, cupidissime audituros? Quā audiendi famē (q̄ tibi de plano promiserim) non parum exactū breuissima narrationes & suauissimæ prouerbia apposita, electa Apophthegmata, sententiae argutæ fabellæ dulces, aspersus ex omni facetiariū genere lepos, & aliæ demū huiuscemodi ingeniorū etiā pueriliū, non modo confirmatorū illecebra. Pascetur deniq; non Ciceronianis tātū, sed elegantissimorū præterea scriptorū, imprimisq; Terentij & Plauti veluti conquisitissimis epulis, quorum amborum quanta sit post Ciceronem laus, quam idonea ad congregiones rerūque quotidianarum explicacionem eloquentia, nouit, qui strictem saltē, utrūmq; attigit. Ac melius sane Plautinæ, atque Terentia-

P R A F A T I O.

ne elocutionis usus ex Dialogis, quā ex ipsa Comi-
corum illorū quanquam creberrima euolutione di-
scetur. Ergo si Dialogorū sermo totus fuerit (esse au-
tē debet) antiquus, cōcinnus, dilucidus, proprius, lau-
tus, ac salibus cōditus, cūm sit etiam familiaris, nō
ne ad loquendū scribendūmque haud mediocriter
iis siue legēdis, siue audiendis profectū iri credendū
est? Deinde si dialogis partim de literariis rebus,
partim de morū honestate & elegantia, partim de
alii quā plurimis argumentis agatur (ut agendū
videtur, quo sit absolutior scriptio) sine ullo difficut-
tatis sensu etiā doctrina adolescentes, doctrina ni-
mitum liberali, nō abstrusi, non spinosa, & recōditā
augebuntur, moribūsque tēperatissimis, gratissimis,
humanissimis instituētur. Ad prudēter quoque sen-
tiendū, & ad iudiciū paulatim ex decoro rerū per-
sonarūmque seruato excolendū proderunt, cū nece-
se non sit semper garrire pueros, aut dici puerilia,
modo ea dicātur, que à puerorum, adolescentūmque
intelligentia nō sint abhorrentia. Parētes insuper,
Pædagogi, Magistri, ac ceteri hominū ordines ha-
bent, quod ex Dialogis ingeniosè prudēterque con-
scriptis addiscant. Atque ipsi adolescentuli olim Pa-
rentes, Præceptores, Pædagogi sient, & certos vite
status amplectentur: quos nunc optimum est doceri,
quā honestē in futurū, quam suo muneri conuenien-
ter sese gerant. Et quoniā omnium expeditissima,
utilissima, iucundissima lingue Latinae comparāde-

P R A E F A T I O .

ratio hæc apparet, cur non omnes quotquot Humanitatis, ac proinde etiam Latinitatis sunt studiosi, huiusmodi libros, quales nos iam informauimus, & quodammodo adumbrauimus, quām diligentissimè euoluant, ego quidem causæ nihil video.

Sed enim Moderatores nostri cùm rondu inuenirent, quem in hoc scripti genere certas, nec leues ob causas, tantum probare possent, quantū quidem ipsi probare cuperēt, & in suas scholas introducere, periculum viriū mearum facere, mihi que hāc imponere necessitudinē voluerunt, ut Dialogos scriberē. Ego verò cùm rectisare imperata minime auderem, q ab eorum voluntate totius vitæ, actionumque mearū rationes suspensas habeo, & tamen ad iatum opus efficiendū & qualem me facultatē haud allaturū cognoscerem, malui imbecillitatē meam adducere in discrimen, quām me ad ipsorum arbitriū non conformare, & quorum utrumvis mihi turpissimum esset, aut noluisse, aut labore fugisse existimari. Atque ut eò libenter huic oneri succederē, fecit perpetua mea in hāc nobilissimā partem studiorum inclinatio, quam florere ac celebrari etiam atque etiam vehementerque cupio, cum & ad usus vitæ plurimos, & ad res difficillimas atque gravissimas, ad Ecclesiū denique Catholicā cohonestandā, contraque vesanos hæreticorum furores tutandam non leue in ea momentum inesse nulla ratione dubitandum sit. Tempus est iam, ut quid mihi in hisce

P R A E F A T I O.

voluminibus, atq; in hoc toto progymnasmatū opere proposuerim, quam distinctissime potero, exponam.

Scopū Dialogorum ac finē potissimum decet esse
eum, qui esset libri alicuius de lingua Latina: ut
nēpe iis quasi quedā sementis fiat, & iuuentuti ad
intelligentiam atque usum nō adulterinæ & infu-
scatæ, sed germanæ ac sincerae Latinitatis via mu-
niatur. Iā cū sermo vageretur latissimè, non est unū
dunt axat genus rerum, aut præcipue deligēdum iis,
qui Dialogos meditātur, nec sunt 40. aut 60. tantūm
conscriptibendi Dialogi. Res scholasticas, & eas semper
minutas, nullæ ferè interdū eruditione interpunctas
magnam partem apud alios videmus occupare. De
moribus agunt illi quidem etiam, sed neque tā di-
stributè, neque tam cumulate, quam conueniebat:
quanquā impie satis, & scelerate, is, cuius plena ve-
neni, plena pestilentiae Colloquia, ad bonos mores cor-
rūpendos disertissimè scripta, quicūq; de re Catho-
lica bene sentiēs haud negabit. Quid si de aliis præ-
terea sermo miscendus? Num ad Ciceronem Adole-
scentes mittemus? de quo suprà aperi sensum meū.
Immenitatē itaque rerum ac multitudinē in tres
classes redigi, & in tria volumina īētē locū in-
cludi posse sum arbitratus. In primo de literariis
atque scholasticis egi; non ita, ut ullam disciplinam
traderem, verū ut cōmnia tantūm verba, locu-
tionesque ad scholam & litteras pertinentes tan-
quam sub aspectū subiicerem. Secundo morum

præcepta

P R A E F A T I O.

præcepta sum executus, non solum ciuiliū, sed Christianorū etiā Catholicorumq; & de virtutibus non pauca, pinguiore licet Minerua, disputavi. In tertio, cuius iā bonam partem cōfecimus, pādunt sese cāpi latissimi, earū videlicet rerum, quae uno quodā cōmunicare nomine significari nequeūt. Verbi gratia, de re militari, de nautica, de culinaria, de rustica, de funebri, de medica & morbis, de metallica, de nummaria, de architectonica, de equestri, de variis quoq; opificiis. De istiusmodi argumētis apud Viue, Corderiū, Sylvium, Schoteniū, ceterosq; vix aliquid nedū de uno cōplures Dialogos inuenias, sicuti apud nos lector est inuenturus. Nec istud ita à me dictum accipi velim, quasi cuiusquā laudē coner imminuerē, sed ut, quid ego ad uberiora dissentium emolumenta, diuina confisus ope, moliri cogitauerim, plenius & planius queam ostendere. Ac de his quidem tam multis ea propter conscribemus, ut in colloquiū voces & loquendi normas, ad illam rerum diuersitatem exprimendam idoneas pro virili inscrāmus, quibus, quando, & quoties usus venerit (veniet autem nimis sape) adolescentes utantur. Quem si nem etiam in primo & altero volumine spectauimus tanquam extremum scilicet tractationem aut̄ reram, sine quibus sermo doceri nequit, tanquam medium. Hinc claret nos merito ultimū locum destinasse tertio, propter copiam utique & amplitudinem argumentorum: quem fore multi sudoris

†† 4 (atque

P R A E F AT T O.

(atque ideo fortasse etiā legentibus perutilem) non
tā arbitramur, quām experti iā certō scimus. Quia
vero de rebus ipsis per se, atque praecipuo fine nō a-
gimus, sed id ante omnia laboramus, ut Latinè do-
ceamus, si quid vel in Medicis, vel in Architectu-
ra, vel in alio quopīā ordine offenderimus, id tale
peccatū reputetur, quale in poētis Ἐσθῆτες vo-
cat Arist. alterius scilicet, seu in altera, nō in pro-
pria facultate: atque ideo facilius ignoscēdum. Er-
go Dialogos plurimos facere, ob cauſam allatā con-
ſtitui, verum ita scriptos, ut eorū partim in tribus
scholis inferioribus explanari, oēs autem à studiosis
scholarū Humanitatis in manibus haberi possint.
Atque hoc secundum me voluisse magis, non ſolum
numeris ipſe Dialogorum haud exiguis, ſed quām
plurimorum quoque materia & hypothesis indicat
quaē quidē quoniā paulo grauior & eruditior, pue-
rili ingenio non eſt aequa, at mediocriter literatis a-
dolescentibus, nō difficultis ad intelligendum, & gra-
ta, q̄ ſpero, futura eſt. Hinc item ſuum errore agno-
ſcant & corrigāt, qui cū libros meos aperuerint, at-
que hinc inde, ut fit, oculis pererrauerint, quauis p-
ſonarum nomina tāquam puerorum nomina acce-
perint. Lōgē mihi alia mens, ſapius nō indoctos in-
uenes, ſapius viros, nonnunquā ſenes notant, quod-
que manu tangi, nedum cōmuni ſenu iudicari po-
teſt, dicūtur ea frequentius, quaē à pueris absurdissi-
mē dicerentur. Hoc mihi Latinam lingvā copiosius

&

P R A E F A T I O.

& distributius docere laboranti necessariò præstā-
 dum fuit. Sine variarū quippe rerum tractatione
 disputationēq; id nunquam fuisset assecutus. Sunt
 aut̄ disputationes mea nō subtile, non litigiosa, &
 cōcertationū plenae, sed populares, ac sedata magis-
 que sermonis, q̄ rerū cognitione diriguntur. Nec e-
 rit cur quispiā vel pueriles illos, quos ex duob. prio-
 rib. volumi selecturus, & duobus lib. ad usum 1. &
 2. Gramma. gymnasiorū cōprehensurus sum, addi-
 tis etiā aliquot nouis, si putabitur operapretium, pa-
 rum familiarī dictione factos, nimiūmq; doctos id-
 eōq; difficiliores fore quiritetur. Etenim si ea fami-
 liare dictione intelligit, qua nos hodie in sermonib.
 collocutionib⁹sq; nostris pleriq; utimur, cum ea ni-
 hil sit incōptius, abiectius horridius, fateor me illam
 non curasse, si est nō curare, omni studio & animad-
 uersione fugere. Quā tamē an ubiq; effugerim te-
 nuitatis mea ipse mihi conscius, & cōmuni naturae
 haud ignarus, nō ausim profecto affirmare. Sin aut̄
 Teren. Plauti, Cic. q̄ in me fuit, elaborauit, non quidē
 ut nihil aliud, nisi q̄ apud eos inuenissem, sed certe
 ut innumera inde sumpta in progymnasmata mea
 cōportarem, ac veluti ex eorū uberrimis purissimis
 que fontibus riuiulos quaquā versū ducerē, quibus
 pratula mea irrigarē, & flores multiplices ac su-
 ueolentes ex illis viridariis carperē, quibus hortulos
 meos consererem. Nō igitur id à me factū nego, ne-
 que me piget, & deinde facturum autumo, ut est

P R A E F A T I O.

in Heautontim. Nec tamen vel Terentij, vel Plautii
 quibus suis sine delectu utor, nisi si quando ioci & em- locu
 phasis caussa quibusdā. Ea non oscitās, neque impe- mō
 ritus lector facillimē ab iis internoscet, quae ubiū alii
 & semper recte usurpabuntur. Quā præterea in- & vī
 telligendi difficultatē creabit aliquis apodus, ali- sum
 quod adagium, aliquid apophthegma, mos priscus, pli
 historia vetus, auctorisque cuiuspiam sententia, si me
 Magister ipse non usq; adeo rudis, & auctoritate sue- rit?
 Si aliquid legerit, si viderit, si audierit? Aut re-
 quomodo ista non capientur, à pueris si doctor ma- ne
 nu apprehensos paululum deduxerit? si panē quā- rib
 uis mollem adhibita sectione diuiserit? si nucē fre- tiet
 gerit? A pueris, inquam, non agresti & seruili, sed par-
 ingenua & liberali indole, bonisque ingeniiis quales rod
 ego mihi in Progymnasmatis meis propono. Socra- hor
 tes apud Platonem in Menone pusionem quendam Di-
 de dimensione quadrati Geometrica quedam tam bor-
 dilucide, tam facilibus questionibus interrogat, ac tio-
 respondentem eō perducit, quasi Geometrica didi- cisset. Et quid Geometricis inuolutius? Ergo si peri- Sic
 tus Præceptor pueros docere potest obscurissima, nón- nū
 ne multò magis non obscura poterit? Si quis adhuc gar- in l
 erit, cui nō satis aliquando severus & grauis vide- in p
 bor, cuique ludicra mea displicerint, is sciat me li- in p
 teris & otio abuti noluisse. Abutitur aut, Cicerone imp
 iudice, qui cogitationes suas mandat literis, cū eas, lect
 nec disponere, nec illustrare possit, nec delectatione mir
 aliqua

P R A E F A T I O .

lauti aliqua afficere lectorē. Hoc extreūm ubi tandem
em- locū habet si nō habet in Dialogis? Qui cū ad co-
mpe- mœdiā quām proximē accedant, ac nihil pānē sint
biui alīnd, quām soluta comædia, ēstne aliquis adeo
a in- ἄγλαξ, adeo durus ac tetricus, qui iocum ac ri-
ali- sum tollēdum statuat ē comædia? Deinde cū am-
iscus, plius trecentos Dialogos afferam in medium, si se-
ia, si mel atque iterum duntaxat, aut nunquam hil-
fue- ritates aspersissēm, si ludūm & risūm omnēm fuge-
Aut ut malam pēstem voluisse, quis tam multa si-
ma- ne fastidio legere potuisset? Cui non absque lepori-
quā- ribus, sine salibus māsta semper ac tristis oratio sa-
fre- tietatem citō attulisset? At crebrius iocamur quām
, sed par sit. Comparentur libri mei, non dico cum Rote-
ales rodami Codice, qui trimodio, seu ipso propemodum
cra- horreo demensas largitur facetias, sed cum aliorum
dam Dialogis: pro rata portione nimium parcus iudica-
tam bor. Restat ut in iocādo illiberalis, petulans flagi-
, ac tiosus, obscēnus sim; id quod non modo cōtra Chri-
didi- stiani hominis, sed honesti etiam viri officium esset.
peri- Sic animatus nunquam fui, atque vti confido,
nón- nunquam ero. Illud alterum genus, liberale, ele-
dhui gans, urbanum, ingeniosum, facetum, quod &
vide- in Plauto, & in antiqua Atticorum comædia, &
e li- in philosophis Socratis, qui eo etiā totos libros suos
rone impleuerint, & in Apophthegmatis à Catone col-
eas, lectis valde commendauit Cicero, si(habita nihilo-
iqua minus morum puerilium, etatisque immaturioris
ratione)

P R A E F A T I O.

ratione) secutus sum pro ingenij modulo , non me
prius, quam illos quorum memini quisquam repre-
hendat . Sed nō sum a securus . Volui certè ; & in ma-
gnis sat est voluisse . Et scitè in præfatione operis sui
Plinius : etiam non a securis voluisse pulchrum at-
que magnificum est .

Non autem omnes rerum ordines , qui in No-
menclatoribus , Dialogis persequendos suscepī , nec
omnia vocabula illa sum complexus . Quis enim fi-
nis scribendi fuisset ? Tantummodo maiorem partē ,
& usum atque coniunctionem , seu phrasim ip-
sam tradere contendī , quod in illis Nomenclatori-
bus non fit . Sciendum etiam , nonnulla quæ apud
me suum titulum distinctum non habent , ea in alia
classe inueniri ; ut rei cibariæ in dialogis culinariis ,
partium corporis humani in medicis , & in iisdem
insuper non paucarum herbarum appellations . I-
dem dictum esto de aliis . Verborum tam sollicitus
esse non potui , nec debui , ut non quedam parum
quidem Latina , veruntamen contritissima , & ad
rem eandem toties notandam commoda retine-
rem . Talia sunt , si exempla queris studiosus , pro de-
dito literis , recitare , repetere , ascendere pro ingredi
majorum studiorum rationem . Item Ecclesiastica
nonnulla , ut communio , iejunium , rosarium , bene-
ditiones , confessio , campana , & similia . Nam sem-
per hac mutare , incommodum , valdeque putidum
esset . Nec pauca verba minus Romana , nec è Tul-
liano

P R A E F A T I O.

biano myrothecio prompta, nec illius saceruli, quod perfectissimum quidam & aureum vocant, totam orationem deformabunt, si aliqui splendida, illustris, & artificio quodam distincta fuerit. Conformanda est ad Ciceronis exemplar quantum fieri potest nostra oratio, tamen cum iudicio & delectu, non ex Cæsare tamum, & antiquis illis, quin etiam ex recentioribus, Plinio, Tacito, Suetonio, Quintiliano, Seneca, bellissimum quodque, & quo quisque maximè videbitur excelluisse, depromendum est.

I N D E X

PROGYMNASIATVM
PRIMI VOLVMINIS.

D E D V C T I O pueri ad Magistrum, & primum examen.	Pag. 1.
2. Consimile argumentum.	9
3. Euntes in ludum.	15
4. Tarde ludum petentes.	19
5. Redeuntes à Gymnasio.	21
6. Excusatio absentie.	29
7. Calami preparatio.	34
8. Elementorum conformatio.	37
9. Eiusdem materia.	39
10. Orthographia.	43
11. Dimissio improuisa.	46
12. Serus in ludum aduentus.	48
13. Silentium & attentio.	52
14. Suggestio.	

I N D E X.

14.	Suggestio.	55	47
15.	Absentes. ¹	60	48
16.	Accusationes.	65	49
17.	Petitio lusus.	70	50
18.	Idem argumentum.	74	51
19.	Ludus ex pacto concessus.	78	52
20.	Nox transacta.	83	53
21.	Virga.	87	54
22.	Colloquium in schola	87	55
23.	Arma scholastica.	89	56
24.	Inuitatio Magistri.	93	57
25.	Ludimagister defensus.	97	58
26.	Dies remissionis.	100	59
27.	Emendatio scriptionis.	103	60
28.	Diuersarum scriptionum emendatio.	109	61
29.	Leges.	117	62
30.	Ascensus.	125	63
31.	Præmia.	129	64
32.	Repulsam passi.	133	65
33.	Vacationes.	142	66
34.	Studium in siluis ac nemoribus.	149	67
35.	Mutuatio calami.	153	68
36.	Frustratio petitii atramenti.	155	69
37.	Ludendi potestas recusata.	157	70
38.	Comparatio nominum, verborumq; coniugatio.	159	71
39.	Explicationum repetendarum ratio.	161	72
40.	Dicta alterna.	161	73
41.	Interrogationes varia.	164	74
42.	Amissus & promissus liber.	166	75
43.	Auxilium & consilium.	167	76
44.	Chartæ in membranam consutæ.	169	77
45.	Nomenclatura.	171	78
46.	Iterum Nomenclatura.	173	79

I N D E X.

55	47.	<i>Exercitationes.</i>	177
60	48.	<i>Temeraria suspicio.</i>	179
65	49.	<i>Astutia puerilis.</i>	182
70	50.	<i>Somnus in Gymnasio.</i>	183
74	51.	<i>Spes & metus ob certamen scholasticum.</i>	184
78	52.	<i>Litigium.</i>	186
83	53.	<i>Simplicitas & lentitudo Magistri.</i>	188
87	54.	<i>Hora producta.</i>	191
87	55.	<i>Pecunia utiliter collocata.</i>	194
89	56.	<i>Virtus in teneris.</i>	196
93	57.	<i>Præceptor honesta imperat.</i>	199
97	58.	<i>Pueri multandi verberibus.</i>	200
100	59.	<i>Literæ Bellerophontis.</i>	207
103	60.	<i>Minae.</i>	209
109	61.	<i>Recitatio.</i>	211
117	62.	<i>Repetitio.</i>	213
125	63.	<i>Disputatio.</i>	215
129	64.	<i>Concertatio sc̄riptionis.</i>	217
133	65.	<i>Examen.</i>	222
142	66.	<i>Auditiones</i>	224
149	67.	<i>Industria discendi.</i>	227
153	68.	<i>Penſum diurnum.</i>	231
155	69.	<i>Obſeruator.</i>	235
157	70.	<i>Formulæ petendarum facultatum.</i>	237
159	71.	<i>Certamen copiae.</i>	240
161	72.	<i>Cantus musicus.</i>	252
161	73.	<i>Græca literæ.</i>	255
164	74.	<i>Bibliotheca.</i>	263
166	75.	<i>Descriptio Gymnasij.</i>	268
167	76.	<i>Pædagogi.</i>	271
167	77.	<i>Præceptores.</i>	275
171	78.	<i>Auctores scholastici.</i>	279
173	79.	<i>Formulæ salutādi atq; valedicendi in cōḡressionibus</i> cer-	atque

I N D E X.

	<i>atq₃ literis.</i>	282
80.	<i>Cupiditas proficiendi.</i>	289
81.	<i>Munditia librorum.</i>	292
82.	<i>Academia.</i>	294
83.	<i>Honores Academicci.</i>	297
84.	<i>Depositio.</i>	303
85.	<i>Actio Latinitatis.</i>	309
86.	<i>Litera Pythagoræ, seu binium Herculii.</i>	318
87.	<i>Laudatio eruditionis.</i>	336
88.	<i>Studia politioris Humanitatis.</i>	347
89.	<i>M.T. Cicero.</i>	358
90.	<i>Epistola M. Tullij.</i>	373
91.	<i>Rhetorica M. Tullij.</i>	378
92.	<i>Orationes M. Tullij.</i>	386
93.	<i>Philosophica M. Tullij.</i>	396
94.	<i>Tres linguae principes.</i>	402
95.	<i>Hebræa lingua.</i>	406
96.	<i>Græca lingua.</i>	408
97.	<i>Latina lingua.</i>	411
98.	<i>Solutæ pedestrisq₃ scriptionis varietas.</i>	414
99.	<i>Poëtica scriptionis varietas.</i>	420
100.	<i>Actio scenica.</i>	426





PROGYMNAS-

MATVM LATINITA-

TIS, SIVE DIA-

LOGORVM.

* *

VOLVMEN PRIMVM.

PROGYMNASMA,

SIVE DIALOGVS

PRIMVS.

*Deductio pueri ad Magistrum, & pri-
mum examen.*

PATER, MAGISTER, PVER,

PATER Salute plurima Doctorem te
literarum impertio. M. Habeo gra-
tiam, vir optime. Quid est negotij,
quamobrem me velis? P. Si non gra-
uaberis paruam dare operam mihi
paucis exsequar qua causâ ad te accesserim. M. Ad-
uerto animum. P. Ego germani patris officium se-
cutus, paruulum hunc, quem cernis, filium meum
honestissimis doctrinarum studiis, & virtuti à j ri-
mordio ætatis deditum esse nimium quantum cu-

A pio.

pio. M. Laudabilis & iustissimo atque præclarissimo desiderio incensa volūtas: quam primum enim, & quam diutissimè discendum sapientes prædicāt, quod nunquā perditur, & proficit in perpetuum. Præterea multum resert, quibus odoribus testa reccens imbuatur. P. Est verò ita ut dicas. Hunc igitur puerum (quod mihi familiæq; meæ feliciter cœniat) tibi in manum do, tibi committo, tuæq; mando fidei. Natura ego sum, amore, cura & sollicitudine tu illi pater es. Tua institutione ac disciplina probitatem & intelligentiam rerum (quanta quidem in istam teneritudinem cadit) adipiscatur. M. Certè quidem haud repugnanter in album discipulorum ipsum retulero, si, vt est in more positum, ingeniolum eius atque progressum, quem in literis hactenus effecit, periclitatus antè fuero. P. Teneas licet solemne tuum, & exquiras quodcumque tibi exquisito opus videbitur. M. Age, mi fili, e de nomen tuum. Pv. Mihi nomen est Iacobus. M. Quotum agitas annum? Pv. Hic, opinor, nonus incipit. M. Elementa conformare nosti? Pv. Maximè; quanquam haud venuftissimè. M. Quid? rudimenta Grammaticæ num doctè calles? etenim in hoc meo gymnasio illa non traduntur: instrutum ab iis venire ad me audiendum oportet. Pv. Spero me scientia comprehendisse illas præceptio-nes, quantum potuerim. M. Cuius autem Grammatici erant illa tua rudimenta? Pv. Emmanuelis Aluari Lusitani. M. Emmanuelis? Vnde explorem quām studiosè didiceris? Pv. Explora, si placet. M. Cedò, inflexiones nominum quot sunt? Pv. Quinque. M. Hæc vox, sensus, quota declinatione continetur? Pv. Quarta. M. Quo casu effertur?

Pv. Nominandi, generandi, vocandi singulari: & rursum nominandi, accusandi, vocandi multitudo-
nis numero. M. Bonus cuius generis? Pv. Masculi-
ni. M. Certumne istud habes? Pv. Certissimum. M.
Eius fœmininum? Pv. Bona. M. Neutrum? Pv. Bo-
num. M. Da comparatiuum & superlatiuum? Pv.
Melior, optimus. M. Cur non dicas, bonior, bonis-
simus; perinde ut doctior, doctissimus? Pv. Dice-
rem vero, nisi esset anomalum, sive inæquale, ut illa
quoque; Malus, peior, pessimus: Parvus, minor,
minimus. M. Probè respondet adolescentulus. De-
hinc Pronominis definitionem recita. Pv. Quod
loco nominis positum, certam finitamque perso-
nam adsignificat. M. An emendatè sic loquemur:
Saluum te aduenire gaudemus? Pv. Prorsus emen-
datè. M. Undenam hoc intelligis? Pv. Ex regula
I V. M. Audiamus. Pv. Verbum personale infiniti
modi, postulat ante se accusandi casum. M. Perno-
scō, & demiror egregiam singularēmque diligen-
tiam tuam. Hanc si in posterum similiter ad discen-
dum attuleris (quod te facturum esse mihi quidem
dubitare in mentem non venit) promitto ac recipio
huic parenti tuo, te hominem eruditissimum
venientibus annis euasurum. P. Diligentiam qui-
dem pueri in spe optima ponat Magister. Ego item
quo minus illi cessare, & socordia atque desidia bo-
num otium conterere sit integrum, curabo sedulò.
Pv. Ignauus non ero. M. Magis indole, sic facies mi-
Iacobe, & cras postquam luxerit, cum libellis tuis,
armisq; scholasticis ad sextam in ludum hunc meū
itare, Diuis bene iuuantibus, occupies. Tu interim
filium reduces domum; quem propter ingenij bo-
nitatem, & quam facile perspicio, naturæ præstan-

etiam multò commēdatissimum nobis, clarissimūq; fore credas velim. P. Liberalis ista, & humanitatis plena pollicitatio, vir doctissime, omnibus necessitudinibus me tibi obstringit. Bene vale. M. Et tu,

ANNOTATIONES.

PROGYMNASMA SIVE DIALOGVS) Qui
tyrones suos ciendis belli simulacris, seu ludicris qui-
busdam certaminibus & ymbratilibus pugnis ad serios con-
flictus, atque ad vera prælia ineunda prius exercet ac pra-
parant: qui que aliis in rebus & artibus idem faciunt, w̄o. s̄d,
yvμvαḡd̄, & antecedentes ille primæque exercitationes no-
τρογγυράσμ̄a dicuntur, verbum ē verbo p̄æxer- X
citationes, p̄æxercitamenta. Possit etiam prolusiones ap- E
pellare. Ego itaque, cum iam inde usque ab initio laborū
mei progymnast̄ me esse optauerim, & studuerim: hoc
est, adolescentes Humanitatis alumnos Latinæ linguae my- Su
steriis initiare, & ad eius in omni vita usum veluti belli. eur
cis quibusdam concursionibus preparationem ipsis adhibe- ab
re contenderim, non incommodè videbor hoc quidquid est à p
qualecunque est scriptorum meorum, nominasse Progym- à p
nasmata. Quoniam autem in hoc genere scripture Dialogo. de
rum contritissima est appellatio, nec nos eam repudiamus. N

DOCTOREM LITTERARVM) Magistros Grā- nina
maticæ nitidius & honoratius ita vocabimus, voce nimi- quā
rum generali, respicientes ipsum nomen artis, quod à littera- dur
ris ductum est: ἀνδρῶν γραμμάτων quippe οὐ γραμμάτων. &
& pro Grammaticis dicti sunt litteratores, ut Sylla qui cile-
dam apud Catullum. Et Sueton. de illust. Grammat. Ap. Or-
pellatio Grammaticorum Greca cōsuetudine inualuit, sed in
initio literati vocabantur. Eodem respexisse apparet. M. Im-
Tullium i. de Orat. Quis musicis, inquit, quis huic studio li. 1. P
terarum,

terarum, quod profitentur ij, qui Grammatici vocantur,
 &c. studium literarum nominat Grammaticam. Idem alias
 cum de Grammatica rebus loquitur, literas vocare solet.
 De Orat. 3. scribit literas ab Aristophane tractatas fuisse.
 De Seruio Sulpitio in Bruto. Sed adiunxit etiam & litera-
 rum scientiam, & loquendi elegantiam. In Pisonem. Quid
 nunc te. asine, literas doceam? non opus est verbis, sed su-
 stibus. Non dixi hanc togam qua sum amictus: nec arma,
 scutum aut gladium, & quæ sequuntur. Qui in Academiis
 hanc scientiam profitentur, Latina linguae Professores au-
 dire volunt, & ipsi hoc se nomine afficiunt. Id neque fal-
 sò, quod omnes vident, neque iniuste, quando Grammatici
 nomen hoc saeculo vilescit ac despicitur. Et Seneca Epistola
 X C V. custodes Latinitatis appellat. A PRIMORDIO
 ap. AE TATIS) Propert. lib. 3. eleg. 4.

Me iuuat in prima coluisse Helicona iuuenta,
 hoc Mufarumque choris implicuisse manus.

Sunt eadem huic. Ab adolescentulo, ab adolescentulis, ab in-
 telli- eunte, à prima adolescentia, ab ineunte, à prima etate,
 ibi ab initis etatis, à primis temporibus etatis, à puerō, à pueris,
 d est à pueritia, à paruis, à paruolo, à puerō paruulo, à pusillo,
 ym. à pauxillo puerō, à tenero, à teneris, à teneris vnguiculis,
 ogo. de tenero vngui. Horat. quod Græci δέ απαλών οὐδέχων.
 nus. N I M I V M Q V A N T V M C V P I O) Immane quantū,
 Græcī nimium quantum, mirum quantum, non aliud sibi volunt,
 simi quā illa, summoperē, mirificē, valdē, maiorem in mo-
 tte dum, & similia. Græci δαυματεῖς έπον, αμήχανοι έπον,
 iuk. &c. mirabile quantum, seu, mirabile admodum, diffi-
 qui cile quantum, seu difficillimum, seu valde difficile. Cic. in
 Ap. Orat. Huic generi orationis aspergentur etiam sales, qui
 sei in dicendo mirum quantum valent. Sallust. apud Nomum.
 M Immane quantum animi exarserunt. Horat. ode 27. lib.
 o li. 1. Vino & lucernis Medus acinaces Immane quantum di-
 m,

screpat. QVAM DIVTISSIME) Tamdiu immorandum in studiis liberalibus suadet Seneca, quamdiu melius agere animus nihil potest. Et tamdiu discendum est, quamdiu nescias, & si proverbio credimus, quamdiu viuere. epist. 76. Idem de Philosophia, quae laudat arum artium fons & parens est, epist. 72. Cui nullum tempus satis magnum est, etiam si à pueritia usque ad longissimos humani aui terminos vita protendatur. QVIBVS ODORIBVS TESTA) Hora. epist. 2. lib. 2. Quo semel est imbuta recens seruabit odorem, Testa diu. Quo carmine quam nihil verius, tam nihil perulgatius. De quo videoas licet Robert. Titium lib. 6. cap. 8. Geminum huic est, quod legitur in 3. de finib. de filio Luculli puero. Sed infici tamen iam debet iis artibus, quas si, dum est tener, combiberit, ad maiora veniet perarior. Et quod ex eiusdem Hortensio producit Nonius. Ut qui combibi purpuram volunt, sufficiunt prius lunam medicamentis quibusdam: sic literis talibusque doctrinis ante excolti animos, & ad sapientiam consipiendam imbuvi ac preparari dicet Arist. 2. de Moribus. Στριπός οἰαξέπαι τὸ δέτως ἡ δέτως οἴθος ἐν νέοπ έγίζει, εἶδε τὸ παρηπολὺ, μαλλού οἱ τὸ πάρ. Non parum refert, sed permultum, utrum sic, an sic à pueris assuescamus; immo vero totum in eo positum est. Addamus & Fabium: Natura, inquit, tenacissimi sumus eorum, quae rudiibus annis perceperimus: ut sapor quo noua imbuas durat: nec lanarum colores quibus simplex ille candor mutatus est, elui possunt, lib. 1. cap. 1. Huc pertinent canes Lycurgi, dissimili ratione educati. Plutarch, de lib. educand. QVOD MHI FAMILIAE QVE) Cic. 1. de Diuinat Neque solum deorum voces Pythagorei obseruabant, sed etiam hominum quae vocant omnia, quae maiores nostri quia valent credebat, idcirco omnibus rebus agundis. QVOD BONVM, FAVSTVM, FELIX, FORTVNATVM

QVE

QE SIT prefabantur. Varro lib. 5. de ling. Lat. Vbi no-
 ñtu in templum censura auspicatur, atque de Cœlo nuntia-
 tum erit: preconis sic imperato, vt viros vocet. Quod bonū,
 fortunatum, felix, salutareq; sit pop. Romano Quirinium,
 reig; publice populi Romani. Quirinium, mihiq;, collegaq;
 meo, fiduci magistratiq; nostro, &c. Luius lib. 1. Quod bo-
 num, faustum, felixque sit, inquit, Quirites regem creare.
 Idem. Quod bonum, faustum, felixque sit pop. Rom. ac mihi
 vobisque Albani. Talia sunt apud Flautum. Aulul. Dij be-
 ne vortat. Ibid. Quæ res bene vortat mibique, tibi que tua-
 que filia. Et Cap. Que res bene vortat mibique meoque fi-
 liæ, vobisque. Et Trin. Vxor venerare, vt nobis hac habitatio
 bona, fausta, felix, fortunataque eueniat. Virgil. eclog. 9.
 Hos illi, quod nec bene vertat, mittimus hædos. Luius
 lib. 1. Quod bene vertat, castra Albanos Romanis iungere iu-
 bet. Cic. pro Murana. Id ē ego præcatus sum, vt ea res fau-
 stè, feliciter, prosperèque eueniret. Fui ē hac apud vere-
 res præfandiratio, ḡdō, ḡdō, vt ex Pausania recitat Rho-
 digin. lib. 1. cap. 2. SOLEMNE TUVM) Tenere serua-
 re solemne suum, est tenere institutum ac morem suum.
 Cic. ad Att. lib. 7. epist. 6. Tantum igitur nostrum illud so-
 lemne seruemus, vt ne quem istuc euentum sine litteris di-
 mittamus. MIHI NOMEN EST IACOBVS)
 Quatuor modis priscos Latinos in proprio nomine indican-
 do vsos inuenio. Dicebant enim. Est mihi, est illi nomen
 Fabius, Fabij, Fabio. Qui quidem tres modi in vulgus noti
 sunt satis, quartus non æquè, accusundi casu nimirum. Li-
 uius lib. 1. Cui parentes Ascanium dixerunt nomen. Eodem
 lib. Lucium Tarquinium Priscum edidere nomen. Gellius
 quoque lib. 15. cap. 29. fatetur hanc nouam figuram esse ad-
 ducitque ex annalibus Pisonis hoc exemplum. L. Tarqui-
 nium collegam suum, quia Tarquinium nomen esset, me-
 tuere, cùmque orat, vici sua voluntate Roman contendat.

8 PROGYM. LATINIT.

Hoc perinde est, inquit, tanquam si ego dicam; mihi nomen est Iulium. Virgil. 3. Aeneid. Aeneadásque meo nomen de nomine fingo. Quasi dixerit, impono illis nomen Aeneadas. **QVOTVM AGITAS ANNVM?**) Verbum, agitare, Sallustius in ore habet quam sepiissime. Vita hominum sine cupiditate agitabatur. Agitabatur magis magisque in dies animus ferox. Beneficiis magis quam metu imperium agitabant. Gaudium atque latitiam agitabant. Multa agitari nihil processit. Rempub. agitauere. Cum precepta patru mei agitarem. Quæ mente agitaui. **I N H O C M B O**

G Y M N A S I O) Loca in quibus nudi luctarentur, seseque exercerent, dicta sunt gymnasia, τὸ γυμνάσιον nudo. Ipsa exercitatio palestra. Placuerunt deinde illa loca philosophis, in quibus disputationes suas habere cœperunt, quod etiam 2. de Orat. testatus est Cicero. Nunc pro quibuscunque locis ad docendas literas destinatis ista vox capitur.

V E N I E N T I B V S A N N I S) Horat. ad Pison. Multa ferunt anni venientes commoda secum, Multa recedentes adimunt. Veniunt anni dum ad eum iuvenile viuendo progredimur: recedunt dum ad senectutem tendimus. Seu, anni venientes sunt ab infantibus usque ad medium & virilem etatem: recedentes, à virili etate ad sepulchrum.

Q V O M I N V S I L L I C E S S A R E) Cic. 1. de Nat. Deor. Profecto Epicurus quasi pueri delicati, nihil cessatione melius existimat. At ipsi tamen pueri, etiam cum cessant, exercitatione aliqua ludicra delectantur.

P O S T Q V A M L V X E R I T) Simul atque cœlum albescere cœperit, seu, ut Cæsar 1. de bello ciuili, albente cœlo, & lib. 4. de bello Gall. orta luce. Cum primū dies orta fuerit. Primū aurora nouo cum spargit lumine terras. Cum sol ortus sua luce conuestit ac perfundit omnia. Dum rosea face sol inferret lumina cœlo: que sunt Lucretij. Cum prima luce, diluculo, primo diluculo. Hec omnia volunt, lucere diem, in-

quam,

quam, ac lucem esse. Cic. pro Sex. Roscio. Occisus est à cena rediens. Nondum lucebat, cum Ameria scitum est. De Diuinat. lib. 2. Vbi lucere cœpisset Epist. 4. lib. 15. expedito exercitu ita noctu iter feci, vt ad 4. Id. Octob. cum lucesceret, in Amanum ascenderem. Catull. ad Calnum. Nam si luxerit, ad librariorum ciuram scrinia. Plaut. Milite. Priusquam lucet assunt. Apud hunc, & Terentium crebro legas, lucet hoc, tuncescit hoc; subaudiendum cœlum, aut interuallum, quod inter cœlestes orbes terrarum que sola interiectum est, quod digito videntur ostendisse: vt proinde illud, hoc, ολφήσινώς accipiatur. DIVIS BENE INVANTIBVS) Liuianum. Ennius dicit: cum magnis diis volentibus. Profert Cic. i. de Off. Sic Plaut. Persa. & Milite. Agite, ite, cum diis benevolentibus. Vulgaria sunt illa, Deo fauente, Deo annuente. Iacobus Apostolus cap. 4. Christianos bene ominari docet in hunc modum. Εαρδούνεται Τελίτη, καὶ γένοσθεν, καὶ ποιήσομεν τοῦτο, ἡτούτῳ. Si Dominus voluerit, vivemus. & haec aut illud faciemus. In Xenophon te iste pasim occurruunt: σὺν Τελίτῃ, σὺν τῷ Τελίτῃ, ὑπὸ Τελίτης, Τελίτης συνθετότων, Τελίτης ικενών οὔτην, ἡντὶ Τελίτης, μη βλάπτῃ, & οὐ Τελίτης μη οὐαγίστο.

PROGYMNASMA SECUNDVM.

Consimile Argumentum.

MATER, PVER, LVDIMAGISTER.

MATER, Narcissule, agedum onera pallio-
lo humeros tuos, & actutum sequere me.
P. Quò concessura es mater? M. In lo-
cum periucundum, pérque amœnum, &
salutarem. P. In hortum? M. Etiam, in hortum
A 5 ibimus.

ibimus. P. Tollam ergo mecum corbulam meam ad poma & flosculos colligendos. M. non opus istis corbulis ad hæc poma, atque ad istos flores, eius de quo loquor hortuli asportandos: moue te ocius. P. Nō intelligo mater quorsum me ducturassis. M. In scholam ad Magistrum te ducam, ô fili; ibi latinitatis tyrocinium pones, posteaquam intra domesticos parietes à pædagogovisque ad hoc temporis legere, & formas literarum quoquo modo pingere doctus es. P. Hæi, nolo in scholam itare. M. Caevis malam rem: debes velle quæ pater & ego volumus. P. Virgas pertimesco, quibus me Præceptor assiduissimè tacturus est. M. Ne timueris, misissimus atque lenissimus homo est puerosq; dociles ac morigeros amat vnicè, nec eos digito attingit. P. Missum me fac isto anno, insequenti quod constitutum habes transige. M. Opprime os, & sequere. P. Sequor. M. Hem, illæ sunt ædes, illic est Gymnasiū, quò maturo pergere. At ipse Lüdimagister eccū prodit foras. Cum proximè accēserimus, primum nudato capite inflecte aliquantum genua; deinde dexteram manum tuam osculatus eidem porrige. Astabis autem solo fixos tenens oculos, & quam modestissimè, placidissimèque ad interrogata respondebis. P. Ut iubes mater. L. Salue bona sc̄emina cum istoc paruulo tuo. M. Salut multū vir literatissime. L. Tuāne isthęc soboles. M. Mea, Deo sint laudes, cui in accepris refero. L. Quid venis? in meāmne fidem ac potestatem permissura filiolum tuum? M. Eapropter huc me affero, mi Domine; & te per illos quos ipse genuisti liberos rogo, atque oro, institue mihi hunc puerum literarum atque morum præceptis, pro eo a confueuit

consueuisti diligenter. Pretium tibi largè cumula-
 téque persoluam; & ille qui omnibus omnia mu-
 neratur Christus, maioribus te præmiis in cœlo
 dignabitur, L. Ita spero quidem. Tibi autem affir-
 mo, me in isto puerulo informando nullam laboris
 parte in prætermisurum. Hoc porrò fidelis ac piæ
 matris est munus, quo tu perfungeris modò: optare
 scilicet & curare suos erudiri liberos: ne si manse-
 rent literarum imperiti atq; rudes, haud minus dif-
 ferant à doctis, quam arbores in fructiferæ à fructi-
 feris, equi in domiti, & à viuis mortui.
 Qui vocare? mi parvule. P. Narcissus. L. conue-
 niunt rebus nomina sæpe suis. Perquam scitus puer
 natus est tibi, & prælagum ipsi nomen indidisti. Vi-
 fura es aliquando hunc virtute, & sapientia floren-
 tissimum. Deum quæso, vt vitæ tuæ superstes sit. M.
 Ille idem faciat, vt huius formæ mores consimiles
 sint, aptæque membrorum compositioni, & colo-
 ris suavitati præclara animi species olim pulchritu-
 dóquæ repondeat. L. Jamne legere nōst, Narcis-
 se? P. Noui. L. Et ducere literas? P. Ita, L. Lege
 quod typis impressum cernis in hac paginula. P.
 Cū & contra voluntatem mean, & præter opinionem
 accidisset, vt mihi cū imperio in prouinciam proficiisci ne-
 cessè esset, in multis & variis molestiis legationibusq; meis
 hæc vna consolatio occurrebat, quod neque tibi amicior.
 L. Sufficit, perfectè legis. Libenterne frequentabis
 scholas? M. Permetuit virgas Domine, vt pueritæ
 mos fert, alioqui non iniurias discit. Veriuntamen in
 hoc metu illum esse haud iniutile est. L. O Narcissu-
 le, habe bonum animum. Nisi fueris incredibiliter
 turbulentus & segnis (quod minimè futurum cre-
 do) nihil graue patieris; sed primum apud me ami-
 citæ

citiaz locum tenebis, disputatorū duces familiam, sedebis loco primario, & quām sēpissimē brauiō potiere. Nec me defēctura est pomorum, sicuum, amygdalarum, & sacchari copia, vnde crebra sedulitati tuæ dem munuscula. Tu, matrona, cures licet ne domi nimium lusibus vacet inter coēuos suos, néue mulierum ancillarum blandimentis abstrahatur à studiis. Prouideas ne absit à schola, nisi forsitan morbo teneatur. Progressus plurimum impedit absentia. M. Scilicet ita res est. Satis contente illum habeo, néque sinam ut absit à gymnasio. L. Emes libellos illi ad hanc scholam necessarios, & in diebus paucis in ludum mittes. M. Etiam. L. Vale. M. Communis ille omnium magister & imperator Deus te nostrae iuuentutis moderatorem lectissimum, longissimo tempore viuum ac sospitem præstet.

ANNOTATIONES.

Quis situm est à doctis, quo tempore literis tradendus foret puer. Summus ille iuuentutis moderator Quintil. etiam ante septimum etatis annum id fieri oportere censet. Cur, inquit, non pertineat ad literas, que ad mores iam pertinet. Chrysippus, ut idem scribit, cum nutribus triennium daret, etiam tum ab illis infantiam optimis institutis informandam iudicauit. Lege cetera lib. 1. cap. 1. Alia ponitur quaestio, maiorenē cum fructu intra parietes domesticos, an foris in schola, in celebritate coēuorum condiscipulorumque erudiantur pueri. Complures, & sanè quam idoneas rationes idem Quintil affert lib. 2. cap. 2. quamobrem publicè docendi videantur, & aliud sentientes refellit. Tertio loco queri potest, ecquid extra fines patriæ institutionis caussa

nis caussa mittendi sint. Hac de re legendus Mapheus lib. 2. cap. 3. Cuius præterea consilium est cap. 2. eiusdem lib. ne subito multo discendi labore obruantur ingenia puerilia; quando nec aratores, nec equorum domitores id faciunt: illi dum iuuencos iugo, hi dum equulos fræno assuefaciunt. Eadem ante ipsum Quintil. cuius est illa omnibus notissima similitudo de vasculis angusti oris, quæ superfusam humoris copiam respūunt: sensim autem iſſuentibus, vel etiam instillatis complentur. Præcipitur hoc quoque prudenter à Mapheo: ne Magistri pueros assiduū in scholis cum ceteris morari cogant: sed spectatores magis, quam discipulos esse patiantur. Sicut vinitores periti nouellas vites non solent multū extendere, quod vinum proferant, donec in stirpem robustiorē succreuerint. Denique de officio Doctorum nee pauca, & perutilia differit lib. 2. cap. 7. 8. 9. 10. sparsim nonnulla etiam Quintil. lib. 1. & 2. T A C T V R V S E S T) Quam Graci μέωσις & ἔλατσωσιν, Latini imminutionem & extenuationem dixerunt: per quam se tetigisse, aiunt, qui dicto factō due grauiter quempiam laſerunt, aut durius etiam verberarunt. Terent. Eunuch. Quo pacto Rhodium tetigerim in coniuvio. Id est, dicto aculeato vulnerauerim. Catull. Velut prati Ultimus flos prætereunte postquam tactus aratro est. Propert. lib. 2. eleg. 34-

Me iuuet æternis positum languere corollis:

Quem tetigit tactus certus ad ossa Deus.

Vsurpatur item tangere pro fallere, fraudare, circumuenire, decipere. Plaut. Epid. Iſtis adeo tetigi te triginta minis. Et Pseudol. Si neminem alium potero, tuum tangam patrem. Sic vsus est verbo ferire. Terent. Phorm. Geta ferietur alio munere. EA PROPTER HVC ME AFFERO) Terent. And. Haud auspiciat̄ huic me attuli. Id est, huic veni, huic accessi, hic me stuti. Contrarium, aufer te hinc, abi, discede. Cic. ad Tiron. similiter locutus est. Ut te Leucadem

Leucadem deportares. quomodo & Sophocles Antig. πολεις νομίζοις ἀνταυτὸν οὐ γέλεις. PRETIVM TIBI
 LAR GE) οἰδαντες, mineral. Large autem, dignissimi
 mi enim hi operarij mercede sua. Sed reperiuntur quibus
 Magistri nimis grande mineral exigeantur, quiq
 mille denariis mancipium aut iumentum malint emere.
 Emant, & sibi habeant duo seu mancipia, seu iumenta, vi
 respondit Aristippus euidam. Plutarch. de lib. ed. E Q V I
 IN DOMITI A DOMITIS) Aristippi est, qui pra-
 terea interroganti qua nam re melior esset evasurus filius, fa
 si cum instituendum literis curaret: ut nihil aliud, inquit, pi
 certe in theatro non sedebit Lapis super lapidem. Quod se
 quitur de viuis & mortuis in dialogo, protulit Aristoteles.
 LE GE QVOD TYPIS IMPRESSVM) Cum pa
 pueri docentur legere, audiendus est Quintil. cuius hec sum sus
 verba. Incredibile est quantum moræ lectioni festinationem Ter
 adiiciatur. Hinc enim accedit dubitatio, intermissione, repe
 titio, plusquam possunt audentibus: deinde cum errarunt,
 etiam iis que iam scient diffidentibus. Certa sit ergo im
 primis lectione, deinde coniuncta, & diu lentior, donec exer
 citatione contingat emendata velocitas. FAMILIA
 DV CES) Qui in re aliqua primam merentur laudem,
 primūq; locum obtinent, ij ducunt familiam. Tralatu
 ab his, qui, quod potestate, aut honore, aut scientia pro
 stant, ceteros ducunt, & comites habent. Muret. lib. 4 cap
 17. Manut. in Ciceron. epist. 5. lib. 7. POMORVM FI
 C V V M) De genere & inflexione vocabuli, sicut, lege Val
 lam lib. 1. cap. 4. Legitur etiam sicutius, pro fructu, apud
 Plautum Sticho. Meminit huius moris Horat. Sat. 1. lib. 1.

Vt pueris olim dant crustula blandi

Doctores, elementa velint ut discere prima.

Qui huiusmodi crusta & crustula parant, coqui & arti
 fices crustarij & crustularij dicuntur, Ruchelbacher

Plat

g. & IBI
gnissi-
quibus
quia
mera,
ita, n
Q.V.
i pra-
filius,
nquit,
od se-
oteles,
Cum
c sum
atiorum
repe-
urunt,
go im-
exer-
I A Y
udem,
alatu
a pre-
4 cap
FI
e Val
apui
lib. 1.
Plato
r art
achet
Plate

PLATO in 7. de Repub. non vi cogi pueros ad disciplinas, sed ludentes potius inuitari vult: ut appareat, ad quod quisque genus studiorum natura sit idoneus. Veruntamen non debent uidem semper & secundi quidem flare venti. Nunc pluit, & claro nunc Iupiter aethere fulget. MULIERVM QVE ANCILLARVM) Sallust. Ingurth. Cum interim Hiespsal reperitur, occultans se in rugario mulieris ancillæ. Omnis ancilla mulier, non quænis mulier ancilla. Terent. And. Mirum verd, impudenter mulier si faciat meretrix. Plaut. Menoch. frater geminus. Pœn. Lapis silex. Cæsar lib. 3. de bello Gall. digitus pollex. Ibid. homo adolescentulus. Huiusmodi apud classicos scriptores sunt, terra Gallia, terra Italia, terra Gracia, terra Campania, & alia. IN DIEBUS PAUCIS) Idem prorsus valent, in diebus paucis, paucis diebus, intra paucos dies. Terent. And. In diebus paucis quibus hac acta sunt, vicina bac moritur. Catull.

Cœnabis bene mi Fabulle apud me
Paucis, si tibi Dij fauent, diebus.

Propert. lib. 2. eleg. 19.

Tu quoties aliquid conabere, vita, memento
Venturum paucis me tibi luciferis.

PROGYMNASMA TERTIVM.

Euntes in ludum.

ANTONIVS, MARCELLVS.



NTONIVS. Securusne & timore expeditus in phrontisterium vadis Marcellus? M. Quid tibi ista percunctatione vis? explicadum, non enim satis intelligo. A. Fabor

Fabor ergo apertiūs. Contexisti epistolam, quam à nobis hodie requiret Præceptor? M. Contexui, & descriptam porto mecum. A. Præcurrit alacritas tua meam tarditudinem. Quanquam haud ita pigritia me, ut chartæ penuria, qua premebar, remorata est, fecitque ut meam non totam descripserim: seriūs quippe adeptus sum papyrum. M. Quid acturus, si poposcerit? A. Dum vestras emendat, interea quod reliquū est nullo negotio describam. Hoc concessurum mihi spes est; siquidem aliis aliās concessit. M. Ostende lis tuam scriptionem. A. Hem. M. Quām fœdè tu pingis literas? gallinam scripsisse arbitror. Quām item vacillant versus? A. Dummodo legi queat scriptura, parui duco tristia sint an lēta, pulchra visu, an deformia elementa: versus ad amissim nequeo dirigere, quantumuis coner. Atqui non tam valde vtrāque laude mihi attestas. M. Iudicium cœci. A. Aliter doceat me præceptor, si ipsi displiceo cum istis illepidis inuenitīsque characteribus. M. Abhorrent iste partes ab eius munere. A. At vnde discam tandem? Quid tu nunc mihi auctor es? M. Aliquem peritum adolescentē pacta pecunia conducant parentes tui, quem hanc ad rem magistrum capias. A. Attamen doctrina quōque spectati & clari homines plerūmq; inscitē, & indecorē efformant figurās istas. M. Dici aliter non potest; verūm non idcirco sunt docti: & tamen multi illorum decenter. A. Parentes mei pretar (quod vitium senectus affert) attentiores sunt ad rem quām sat est: defraudant genium suum: vero vt illis persuadeam. M. Adhibe procuratorem Magistrum, cuius vnum verbū huc plus valebit, quām centum tua. A. Rogabo ut hanc mihi appellā surripiat.

ripiat. M. Cæterūm, quæ heri explicata sunt in Cicero, si te forte nominauerit, poterisne repetere? A. Nisi ipsem opituletur, parum bene: oblitus enim sum quorundam, & quem domi interrogem habeo præter parietes neminem. M. Hærenti subueniet. Ego insuper, quoad eius facere potuero, tibi opem feram. A. Mi optime Marcelle. M. Spondente mutuum esse facturum mecum, si in eodem luto hæsitauero? si necessitudo postulauerit? A. Spondeo firmiter. M. Salua res est.

ANNOTATIONES.

TI MORE EXPEDITVS) Quemadmodum apud probatos scriptores legimus curi expeditus, & curi expeditis, curi solitus & solutus, soluere animum cura, soluere curam, ita licebit dicamus timore expeditus, timore expedito, &c. Possunt etiam Pronomen accusandi casu, & Prepositio interponi. Expedire se erumni, expedire se ab occupationibus. Dicimus item expedire negotium, nodum, &c. IN PHRONTISTERIVM) à verbo φροντίζω cogito, meditor, commentor, deflectitur φροντιστήριον, locus ad commentandum, meditandum, cogitandum. Locus nempe, in quo cogitationes & sensa nostra explicamus, atque ad audientes proferimus. Accommodatur ad scholam: ibi siquidem Magistri discipulis sua, & auctorum quos interpretantur cogitata mentemque explanant. οἰδασκαληθεὶς quaque dici potest, à docendo: οἰδασκεῖον námque est docēo. σχολὴ est otium & cessatio. Hinc schola, quod à ceteris negotiis omnibus vacui atque liberi, in ea vni tantum studiis impertiri nos debeamus. Eodem vocabulo disputaciones & controversiae inter doctos agitate, & quæstionum

denique non leuium tractationes significantur. Gellius ^{prodic}
 cap. 26. lib. 1. diatribam nominat, Graeca item voce: ob suum
 diuum scilicet operamque liberalem, quia tempus descendit, si
 atque audiendo consumimus. Latine auditorium: Suetonius
 sunt, Item ludus, quoniam generatim locus in quo quis exerceatur,
 sic dicitur. Ludus gladiatorius, ludus musicus, ludus pessimum
 dicinus, ludus palestrae. Ac meritò quidem ludus, quando
 ut alicubi Cicero ait, descendit voluptas potius est, quam
 labor. Addimus interdum litterarius. Hinc ludum aperit
 Cic. 1. Tuscul. loquens de Dionysio; quod parum Latinum
 quidam professionem suscipere. GALLINAM SCRIP-
 PSISSE) Plautus initio Pseud. huiuscmodi lepidas literas,
 lepida conscriptas manu irridens, inter cetera sic au-

An obsecro hercle habent quoque gallinæ manus?

Nam has quidem gallina scripsit

VACILLANT VERSVS) Quid hoc sit, sequentibus statim verbis de amissi declaratur. Cic. epi. 15. lib. 16. Acceptuam epistolam vacillantibus literulis. Nec mirum, ragaui morbo. Vacillare memoria, ad Atticum. DOCTRINA QVOQVE CLARI) Vulgata ac propemodum vera opinio. Istuc enim negotium illi & τιμωντας Δογμα, quemadmodum Anacreon Polycrati Samiorum distinguo quinque talenta, quibus ab eo donatus fuerat, & Να να que duabus noctibus somno caruerat, restituens dixisse se εμ. Catur. Theodosium minorem, Arcadij F. iam ad clavum ενε. Edentem Nicephorus cap. 3. lib. 14. describendis libris μη εμ. Ode delectatum, & καλλιγραφωτατος, multaque eius marad so exarata ad suam etatem permanuisse, postquam ipsum fuit dientia vita sumptum tolerare commemorat. Quid tam VITIUM SENECTVS) Tenacitas & auaritia seni quam effusio iuuenum est. Illi querunt, & inuentis miseri abstinent, ac timent utrum quoque minus restat viæ, ed plus corradicandum viatici. Nihil absurdius. Hi vitium tardi prouisorum prodig

ellu
b flu
cenda
etor
and
qua
ein
atm
RI
as l
ic an
trib
cce
tan
TR 1
odu
ppor
y
m
m
y
odig
prodigi eris, ut inquit ad Pisones Horatius. NECESSI-
TVDO POST VLAVERIT. Necessitas & necessita-
do, sicut suauitas & suauitudo, sanctitas & sanctitudo idem
sunt, & vtraque vox coniunctionem benevolentiae, seu fa-
miliariorem amicitiam, consanguinitatem, & id quod ne-
cessum est significat. Gell. lib. 13. cap. 3. apud Sallustium qui-
dem posterius frequenter sane. Vide insuper Manut. in epist.
vltimam lib. 2.

PROGYMNASMA QVARTVM.

Tarde ludum petentes.

EMMANUEL EVSTACHIVS.



M MANVEL. Saluus sis Euſtachi. Ev.
O ſalve Emmanuel. Quò ire intendis?
EM. In ſcholam. Quò te pedes? Ev. Eodem.
Em. Vbi libri? vbi atramentarium?
Ev. Sub pallio & axilla geſtitto. Em. Au-
diſtin' primam? Ev. Pridem. Em. Ain' tu pridem?
& Næ nobis. Ev. Quid conſternaris? aut quid metuis?
Em. Quid metuam? quod ſolent ſerò venientes. ah.
Em. Ego ſanè probabilem excuſationem adducam.
Em. Obſecro, quam? Ev. Mater me cum mandatis
fororium miſit, cuius reſponſum renuntiandum
fuit domum, & abſunt illius aedē à noſtriſ longius:
y oē ſtardiū venio. Em. Quid ſi hanc rationem tan-
nurquam commentitiam repudiet? Ev. Fiducia eſt id
abſtimimē facturum. Nam me ab huiuscemodi men-
aciunculis temperare non raro expertus didicit.
Em. Me miſerum, maliq; fati: quid machiner? quid
odig

20 PROGYM. LATINIT.
confingam, cùm (vt hoc æstiuum, & pomeridianum) tempus etiam magno natu homines inuitare sole^{cyas} somno captus obdormiuerim super libro? in extre^{in ep} mo sitæ sunt fortunæ meæ, nec quid agam certu^{De n} est. Ev. Si rem ipsam ingenuè confiteare, forsitan^{remi} delicti gratiam faciet. Quid forsitan? certè facie^{mus} exonera te metu. Em. Obtemperabo bene moner^{no} ti: absterfisti metum. At enim ecce aliud mihi i^{edti} morem obiicit. Ev. Aliud? dic quæso. Em. Formid^{men} malè, ne hic elapsus, alibi in casses incidam. E v s^{ptat} Vbi? Em. Quæ memoriter pronuncianda præsc^{hum} psit, haud teneo absolutè. Ev. Suspicari fas est, no^{nib} te inter primos interrogatum iri: tum ego qui i^{rev} cundus tibi sedeo, suggeram dissimulanter & fid^{nari} liter. Em. Id, amabo, adiuta me. Summum tibi b^{alici} neficium debuero, hoc si perfectum dederis: na^{conc} nunc spes opésque meæ omnes in te sunt sitæ. E^{ocul} Ambulemus contentiùs. Em. Tam strenuè te co^{nefa} sequi vix possum.

ANNOTATIONES.

QVO TE PEDES?) Virgil. eclog. 9. Quid te Ma^{peDES?} an (quod via ducit) in urbem? Subaudimus, eunt, portat, aut simile quid. **A**I N' TV PRIDEM: Ain' tu? &, ain' tandem? dicere consueuimus ea de re terrogantes, que ab alio dicta, admiratione nos affectit. Cicer. Epist. 21. lib. 9. Ain' tandem? insanire tibi videris, qui imitere verborum meorum, vt scribis, fulmina? Ad Att. 4. epist. 5. Ain' tu? an me existimas ab yllo malle mea li probarique quam à te? Et Epist. 1. lib. 6. ad famil. Ain' tu Scipio hic Metellus proauum suum nescit censorem? Huius? Terent. And. Ain' tandem? ciuis Glycerium est? B

anun cyra. Ain' tu tibi hoc incommodum euenisse iter? Plaut.
 sole. Asinaria. Ain' tu meum virum hic potare? Consule Manut.
 extre in epist. 21. lib. 9. POMERIDIANVM TEMPVS)
 tertu De meridiatione, seu somno meridiano nos quædam disse-
 rsita remus volumine tertio, cùm de re medica & morbis age-
 facie mus Plaut. Mostell. Non bonus somnus est de prædio. SO M-
 oner NO CAPTVS) Varias & elegantes locutiones creat ad-
 hui iectuum captus per metaphoram. Exemplo sint haec. Captus
 mid mente, pro deliro, captus amore, errore, dolis, verbis, volu-
 v s ptate. Illa de valetudine prostrata, & offensione partium
 æsc humani corporis quam venusta sunt? Captus membris om-
 t, ne nibus, captus oculis, captus auribus, captus pedibus. Aude-
 qui l rev quoque dicere, captus lingua, captus manibus: captus
 e fid naribus non auderem. Etiam oculus captus is dicitur, qui rei
 bib alicuius specie captus est & allactus, ut eam vehementer
 : na concupiscat, & habere ardeat. Cic. 6. in Verr. Tametsi ne
 E oculis quidem captus in hanc fraudem tam sceleratam ac
 e co nefariam decidisti. Turneb. lib. 8. cap. 10. Victor. lib. 34. ca. 14.

PROGYMNASMA QVINTVM.

Redeuntes à gymnasio.

ANDREAS, LUDOVICVS, TIBURTIVS.

ANDREAS. Portenti ac prodigijs simile numerandum. Hodie nullus plorauit in schola. L. Post meridiem fortassis eueniet, ut tu princeps fleas. T. Quid si uterque veltrum? A. Nos fleamus? quare fleamus? quid offendimus? L. Crimen aliquod fabricatus es, nisi aberrat suspicio, cuius actionem nobis intenderes:

B 3 ibi

ibi si caussa ceciderimus, tu in nostra incommod
 & afflcta fortuna triumphabis gaudio. Si me au
 dias, te ipsum consulas, ad te prius refetas, quid mo
 liare: inest & formicæ sua bilis. T. Minime gentium
 ego quidem: vestra vos singularis eximiisque virtutis
 ad tribunal reos citabit. Duxi. A. Iste Harpocrate
 indignissimè patitur; Ludouice, nos conferre capi
 ta, & quandoque sermones communicare in audi
 torio. Tanto magis confabulabimur, ut tibi oculi
 doleant. Ecquid intellexisti? T. Vro hominem. In
 cedit laneis pedibus noster doctor, & quo tardius
 hoc grauius vindicare solet in noxios. Ecquid in
 tellexistis? Quando autem excellenter vapulante
 praæ acerbitate plagarum miserrimè vulubitis, du
 plicesque ad sidera palmas tendetis, tum scilicet
 cognoscemus, quibus male sit, mihi ne an vobis. I
 Tun' optas virgis nos percutiri? T. Opto vos cum si
 lentio discere: sed id contemnitis, opto condigni
 decorari præmiis, ut metatis nimirum, quemadmo
 dum sementem facitis. A. Et quod lucellum ad
 redibit, pessime, si nos diuerberabimur? T. Luce
 lum? imo enim uero quam plurimum lucri. L. Quod
 nam est istud lucrum, quod iste somniat? neque
 perspicere. T. Ut gaudeam de conseruata iustitia
 quæ cuique quod suum est tribuit. A. Hoccine i
 lud immensum infinitumque compendium? cre
 debam te exspectare tot talenta, quot Alexander
 Rex Phocioni Atheniensi misisse dono fertur. I
 Estne aliud quod nobis exprobres maleficium? T
 Est sane. A. Quin dicis? T. Dicam liberrimè. Tan
 tum non quotidie, cum è memoria recitandus e
 Cicero, libros veloci oculo inspicitis, & suggestis
 inuicem, in quibus yacillat memoria, ea astutia, v

Magiste

Magister vix aduertat. L. Non me fecellit, te istuc
 exprompturum. Quid tua (malitia) interest quo-
 modo nos geramus? nimirum tu huiusmodi præsi-
 diariis indigisti. T. Studiosus nunquam, desidio-
 sus saepissime. A. Quis potest, nisi capite ferreo, &
 visceribus æneis usque adeo semacerare studiis ut
 tu? L. Diligit se Tiburtius, & magnificè circumspic-
 cit, albæ gallinæ filius. Ut cunque merebitur, non
 consulit in ipsum paullò durius Præceptor. T. Quā-
 to rectius, si conaremini vos quóque penitus intra-
 re in eius amicitiam? at bonis artibus, modestia ni-
 mirum atque industria, quas ille amat, cum disci-
 pulos amat. A. Morem habes deferendi condisci-
 pulorum nomina, & es clandestinus noster Iudas;
 propterea nempe blanditur tibi Phnij. T. Tu ut me
 tam maledicè appelles? nō hoc tibi sic abiabit, non.
 Haud feres tacitum; ad Magistri aures perueniet.
 L. Ne faxis Tiburti. Meministi, ob conuicium non
 dissimile in Lambertum pronuper iactum, quām
 atrocem peccatum sustinuerit. T. Cur ergo (nefas)
 iactus pescator non sapuit? L. Quid vis? lingua men-
 tem anteuerit. Roga veniam Andrea: alioqui cri-
 brum carnificinum futurus. T. Parum etiām præ-
 vt futurum est prædicas. A. Eia ignosce Tiburti: &
 istuc insipienter à me factum sapienter fert: præ-
 vibicibus etiamnum vix possum sedere. T. Itaque
 iam tergum dolabitur fustibus, quoniam alibi re-
 centibus plagis, vt te affirmantem audio, non est
 locus. A. Obtestor te per fortunas meas, charissi-
 me Tiburti, si vñquam posthac. T. Tam subito ex
 Iuda factus sum huic conuiciatori charissimus? quis
 risum teneat? L. Quid quaslas caput? sine te placari.
 T. Egone vt contumeliam tam insignem in me ac-

cipiām? A. Per Christum te rogo, ne inaudiat Praeceptor. L. En quām suppliciter. Ne sī te obfirmā ueris, Adeōne ingenio te esse inexorabili, vt preci bus istis molliri non queas? an vis vt tibi flens mū liebriter ad pedes accidat? At meā saltem voluntati ac precibus iniuriam istam dolorēmque tuum condona, eiusque memoriam abiice. T. In Christ gratiam tacebo nunc quidem. A. Aspersisti aquam rediit animus. T. In eiusdem gratiam, si denuo tak quid, siue aduersus me, siue aduersus alium quem cūnque euomentem te audiuerō, Præceptori pālām faciam, ne inultum auferas. Satin' hoc plan', satin' disertē sum locutus? L. Cauto opus erit, Andrea.

ANNOTATIONES.

PORTENTI SIMILE) Cic. i. de Dīnīn Quorū quidem vim, vt tu soles dicere, verba ipsa prudenter maiori bus posita declarant. Quia enim ostendunt, portentū, monstrant, prædicunt, ostenta, portenta, monstra, prodigia dicuntur. PRINCEPS FLEAS) Vocabulum princeps, apud maiorū gentium Latinos auctores frequentissimē non dignitatis, sed ordinis est. Atque inde natum arbitror, vt dignitatē quoque sonaret. Et enim quā aliquo in ordine primi sunt, ferme etiam ceteris antecellunt. Cic. de Inuent. Exordium princeps omnium debet esse. Idem ad Att. lib. 2. Ego princeps in adiutorib⁹, ego secundus. Et Accusat. lib. 2. Omnia nationum princeps Sicili⁹ se ad amicitiam & fidem populi Romani applicuit. Cæsa lib. 1. de bello Gall. Ea pars princeps pœnas persoluit. Lucretius lib. 1. de Iphianassa, seu Iphigenia Agamemnonis.

Nec miserae prodesse in tali tempore quibat,

Quod princeps patrio donārat nomine Regem.

Id est, quod prima patrem fecisset Agamemnonem, cum
ante sorores, & ante fratrem esset progenita. Horat. Ode
16. lib. 1.

Ferrur Prometheus addere principi
Limo coactus particulam vndique
Desectam.

Principem limum vocat lumen, seu argillam, è qua Poëta
fictum primum hominem à Prometheus Iapeti filio fabu-
lantur. Ovid. lib. 1. Metamorph. Rursum Horat. Ode vlt.
lib. 3. Princeps AEolium carmen ad Italos Deduxisse mor-
dos. Ait se primum inter Latinos lyricum extitisse, ante se
nullum. Virgil. 5. AEneidos de nauibus AEneæ.

Princeps ante omnes densum Palinurus agebat
Agmen, ad hunc alij cursum contendere iussi.

Plura testimonia, plurésque auctores mitto prudēs, ne paulo
humaniori videar soli lumen inferre. FLEAS) Lamen-
tari propriè mortuos dicimur, & mulieribus hoc verbum
magis conuenit. Terent. And. Quia tum mihi lamentari præ-
ter ceteras visa est. Et Phorm. Misera, suam matrem la-
mentari mortuam. Cic. de Orat. Matremne ut misera lamentantemque videam? Pacuvius. Conqueri fortunam ad-
uersam, non lamentari decet. Id viri est officium. Fletus mu-
liebri ingenio additus. Flere est emittere lacrymas & vo-
cem: plorare lacrymas tantum. Gemere in pectore. Einlare
est sublata voce flere, quod ad mulieres pertinet. Lamen-
tari est voce querula & tristi oratione calamitatem testa-
ri suam. Hac Muret. in Terent. DIXI) Lepidè, quasi con-
tra eos egisset in iudicio. Nam oratores caussa perorata
addebat. Dixi, Et hoc erat mittere in consilium. Id est, lu-
dices dimittere ad dicendam sententiam. Budæus in Pan-
dect. Euripid. ἐρηθάλγη. Solebant autem è consilio di-
mitti iudices per præconem, ita pronunciantem. Actum est,
sicut id est, ire licet. Concio his verbis dimittebatur. Si vo-

bis videtur, Quirites, discedite. Senatus hac formula. Nibil
vos moramur. P. C. ISTE HARPOCRATES) Deus quidam apud veteres ita effingebatur, ut primo di-
git o labris admoto silentium indiceret, qualis Roma An-
gerona Dea colebatur. De qua scriptum est apud Plin. lib.
3. cap. 5. his verbis. Namque Diua Angerona, cui sacrificia-
tur ad diem XII. Kalend. Ianuarij, ore obligato obsigna-
toque simulacrum habet. Reddere seu efficere quempiam
Harpocratem, est illi silentium imponere, eum quasi mu-
tum & elinguem reddere. OCVLIT DOLEANT) Ia-
dicantur dolere oculi, qui rem molestam sibi & odiosam
coguntur aspicere. Iis etiam apud Gracos, qui rem pulchri-
atque incundam cernerent, qua tamen frui non possent.
Lege caput 5. lib. 2. apud Victorium. LANEIS PEDI-
BUS, ET QVO TARDIYS) Parcemia, si lance
habent pedes. Qua docemur, diuinum numen ad capienda
de sceleratis poenas non festinare. In eos tamen nec opinan-
tes tandem animaduertere, & plerunque quod serius, eo si-
uerius. Cesar lib. 1. de bello Gall. Consueisse Deos immorta-
les, quo grauius homines ex committatione rerum doleant
quos pro scelere eorum vlcisci velint, his secundiores inter-
num dum res, & diuturniore in impunitatem concedere. Tibul hunc
lib. 1. Seratamen tacitis poena venit pedibus. Valer. lib. lus,
cap. 1. Lento enim gradu ad vindictam sui diuina procedit
Robe ira: tarditatēque supplicij grauitate compensat. PHO ABI-
CIONI ATHENTENSI) Centum talenta mis-
tulli.
Rex Phocionis. Idem Xenocratis quoque magnam vim pecunian-
nic: Ad C. Fabricium & Curium Romanos Samnites ma-
tum auri attulerunt. Hi omnes qua animi magnitudine
blata recusauerint, quidque fecerint ac responderint, vi dices
Plutarchum in Phocione, & in Apophthegmaris Regi qui in
ac Ducum. Cic. in Catone, & in Off. & V. Tuscul. Athi gure-
naum lib. 10. cap. 5. AElian. lib. 1. cap. 25. Laert. in Xenocri
te, Gellio

te, Gellium lib. 1. cap. 14. VISCRIBVS AENEIS)
 χαλκύτερος, id est, anea seu ferrea intestina habens. Sic
 cognominatus est Didymus Grammaticus, quem librorum.
 4. millia scripsisse affirmat Seneca epist. LXXXVIII. ubi
 etiam docet, quam inanes questiunculas sit persecutus.
 Propter indefessum in studiis, sribendisque libris animum
 etiam Origines dictus est Adamantius. AT BONIS
 ARTIBVS) Latinis & virtutibus & vitiis artium no-
 men tribuunt. Ter. And. Nihil istac opus est arte ad hanc rem
 quam paro: Sed his quas semper in te intellexi sitas Fide &
 taciturnitate. Plaut. Trin. Aut si agrotant in te artes anti-
 qua tua. Sallust. Catil. Namque auaritia fidem, probitatem
 ceteraque bonas artes subuertit. Et paullò supra. Agit ab-
 tur magis magisque indies animus feror inopia rei fami-
 liaris, & conscientia scelerum, quae ytraque iis artibus au-
 xerat, quas supra memoravi. Cic. pro lege Manil. Sed mul-
 ta sunt artes eximiae huius administræ comitesque virtu-
 tis. Ac primùm, quanta innocentia, &c. Est ergo unum hoc
 de communibus, ancipitibus, mediis vocabulis; ut tempestas,
 valetudo, facinus, dolus, gratia, industria, periculum, vene-
 rum, contagium, pretium, fortuna. Gell. lib. 12. cap. 9. In
 hunc ordinem referenda sunt, honesta turpitude, felix sce-
 lus, & alia nonnullatum Graecarum Latina, de quibus
 Robertus Titius lib. 4. cap. 1. NON HOC TIBI SIC
 ABIBIT, NON) Eleganter geminata negatio. Ca-
 null. Non, non hoc tibi false sic abibit. Proper. Non, non hu-
 mani partus sunt talia dona, Apud Terent. quedam inter-
 iiciuntur. Adelph. Non aequum dicis, non. Et apud Cic. ad
 Att. epist. 9. lib. 1. Non sunt ab obsequio nostro, non: suas ra-
 dices habent, sic enim legendum censuit Manut. pro, nam:
 qui in eiusdem epistola comment. exempla plura huius fi-
 guræ loquendi ex Cic. collegit. Eadem vis sentitur in vo-
 ce, nihil. Agraria 2. Nihil sibi appetit præcipue Pompeius,
 nihil.

nil. LINGVA MENTEM ANTEVERTIT) Preceptum Isocratis ad Demonicum. τὰν δέ τι ἀν μὲλλει λέγειν, πρότερον ἐπισυντάξει γνώμην πολλοῖς καὶ γλωτταῖς προφέχει. Καὶ οὐαὶ οἱ Quicquid dicturus es, prius expende apud animum. Sunt enim non pauci, quorum cogitationibus lingua anteuertat. C R I B R V M C A R N I F I C I N V M) Plaut. Mostell.

O carnificinum cribrum, quod credo fore,
Itate forsunt patibulatum per vias.
Stimulis, si hoc reueniat senex.

Indicat loris, flagris, & virgis eius pellemita laceratum, perforatum ac pertusum iri à lorarius tanquam carnificibus, furcam in collo per viciniam gestantem, pradicantemque delictum suum, quod seruis alicuius facinoris compertis fiebat, ut cribri specie exhibere videatur. PER FOR-
TUNAS MEAS) tuas, nostras, &c. genus obtestationi
-in re misera, nec unquam sine dolore, quod omnia vndique ex antiquis libr is collecta exempla testabuntur. Manut. in epist. 20. lib. 3. ad Att. Idem tamen in epist. 7. lib. 10. ad eundem. Vsurpatur hic loquendi modus cum dolore, aut certum summa cupiditate obsecrantis, &c. NE IN AV-
DIAT PRÆCEPTOR) Huius verbi, inaudire, ut hæc est, ut non nisi de rebus occultis usurpetur. Ut in Epistola ad Pætum. Aquini & Fabrateriæ consilia sunt inde me, quæ te video inaudisse. Et apud Plautum, aliosque eiusdem generis sunt exempla. Manut. in epist. 1. lib. 6. ad Att. AD PEDES ACCIDAT) Germana huic; genua seu genibus accidere, procumbere ad genua, ad genua se alicui summittere, ad pedes se abiicere, prosterne ad pedes procumbere, procedere, ad pedes se prouolueri Greci τρόποντας. Cur autem supplicantes ad genua caderent, eaque tangerent, caussa affertur, quod illa conscrata essent misericordia, ut dextra fidei, aures memoru

fro

frons pudori, seu Genio, digitis Mineruæ. Seruius in Eclog.
6. Iunine lib. 2. cap. II.

PROGYMNASMA SEXTVM.

Excusatio absentie.

MAGISTER, ANIMADVERSOR, ANTONIUS, IOANNES, MARCUS.

MA G I S T E R. Euge animaduersor, ades dum. A. Adsum, impera. M. Quinam hesterno die scholam non obierunt? A. Qui? Antonius Niger, Ioannes Faber, Marcus Sylvius. M. Perpaucos memoras. A. Reliqui ad unum omnes coram præsentes affuerunt. M. Extra eos videlicet, qui munusculis te elingauerūt. A. Hoc quidem aliâs cùm tentarent nonnulli, semper Austrum perculerunt. M. Probatus es adolescens, & Magistro tuo fidelis. Heus, prodite vos in medium, repente, statim, sine mora. An nondum etiam? confestim, inquam, aduolate. Quid habes Antoni dicere ad excusandam absentiam? A. Ingens quidam, & intolerabilis dolor occupauerat sinciput meum. Quocirca mihi in mandatis dabat mater, extra ædes pedem ne vsquam ponerem, M. Fabulae. Tibi ut credam? non ego te noui? A. Si verbis meis exigua apud te est fides, certum hominem a matrem & familiares indagatum allega. M. Logi. A. Haud secus reperies. M. Somnium. Quasi vejtu, ut es callidus & versipellis, hoc tuis non impo-
suisses, tibi nimirum cōdolere caput. Studebas verberationem

berationem effugere, quæ propter segnitiem te
 manebat. A. Neutquam, Præceptor: non imposui
 profectò; reuera nihil finxi. M. Poteróne hodie ve-
 rum ex isto puero exsculpere? Causæ mihi mendacij
 quidquam. A. Vera loquor. Si aliter fuerit ac dixi,
 causæ nihil erit, quin tibi dem pœnas. M. I. fessum;
 rem ego nunc quidem in medio relinquam. Tu bo-
 ne Faber, quo negotio implicatus tenebare? I. Pa-
 ter quopiam profectus animi gratia, me perduxit
 illue secum. M. Quò profectus, I. In villulam no-
 stram, quæ aliquot millia passuum ab urbe distat.
 M. Cur pridie à me copiam non petebas? I. No-
 ñtu hac de re deliberauit pater: tum multo mane in dia-
 viam nos dedimus, vt ad te adire nequievem, nec tex-
 voluerim, quod verebar ut cubitu surrexisse. M. qu
 Dictum inopinatum atq; mirabile; te alioqui som- te:
 niculosissimum, id temporis, sub galli cantum scili. vir-
 cet, experrectum. Monstra ac portenta loqueris. I. cui
 Videre me somnum haud sinebat gratissimæ pro- han-
 missionis exspectatio. M. Quin tu exoraueras pa- tun
 trem, vt hoc promitteret? I. Factum est vt patre se-
 cundo villam amœnissimam petiuerim, ibique ani-
 mum studiorum perpetuitate fatigatum triduo isto
 instaurauerim. Proinde, amabò mi Præceptor, par- dum
 ce vltra querere, quandoquidem te clam non est,
 quanto me opere schola delectet, nusquam vt sim
 libentius. M. Qui tibi incessit metus plagarum in- buc
 solitus, hic de improviso oratorem te reddidit. Nūc Fast
 condonabitur erratum. Posthat nisi quoquo modo exire
 de absentia certiore me feceris, verberibus tesculi
 cædam, vt si in pistrino moleres. Percepisti? I. Pla- sexi
 nissime. M. Restat vt te quoque purges, solute ado- mus
 lescens, & omnium inertium inertissime. Quid egis facti
 stil

n te sti? aut vbi fuisti? aut qirare in Iudum non venisti?
 posui Quid est Sylui? quid taces? M A R. Existimabam
 e ve esse ferias literarias. M. Ridiculum. Hóccine os
 dacij tuum? istáne frons tua? Ecquid, ô insulse, nudius
 dixi, tertius aut quartus primùm auditiones obire cœpi-
 sum; sti? quomodo? an tu nesciebas vacationi diē Mer-
 a bo curi; consecratum? Hic ego te manifestum men-
 . Pa dacijs teneo. M A R. Ast mihi occurrebat heri Mer-
 duxit eurius. M. Ast ego faxo tibi hodie Tisiphone ac-
 n no cincta flagellis occurrat. Lepidum capitulum. Té-
 istat, ne errare in isto negotio tam antiquo, tam noto,
 No tam vulgato? Quamobrem autem horis antemer-
 ne in dianis saltem non comparuisti in hoc loco? Præ-
 , nec texis culpam hoc figmento: non sit mihi verisimile
 s. M. quod ais. Illi illi sodales & congerrones tui aliquò
 som te ambulatum, aut lusum auocarunt. Para; mox tibi
 scili virgis corium conscribam. M A R. Miser, ah miser,
 is. I. cui tam malè vertit dolus. Sed te obtestor, vnam
 pro hanc dimitte noxiā; si quando rursus admisero,
 s pa tum occidito. M. Nihil agis.
 re se.

ANNOTATIONES.

A DESDV M) Ades, imperatiuum est, dum, ταρέλ-
 a est, ηνερ. Est enim productio & adiectio syllabe, ut Eho-
 sim dum ad me. Donat. in And. Non tam vero significat, veni
 m in, quam hic esto, hoc age, attende, ades animo. Q V I ?)
 Nū F estiuē per verbum eius qui cum loquimur, ac præsertim
 modo extreum respondemus aut interrogamus, ταυταλογικῶς
 us t scilicet. Cuius festiuitatis exempla in Plauto & Terentio
 Pla sexcenta, & in hisce quoque dialogis non pauca. Adduca-
 ado mus tamen aliquot. Terent. And. Factum est hoc Dane? D.
 i egis factum. Ibid. Aut si tibi nuptiae haesunt cordi? P. Cordi. Idem
 Phorm.

Phorm. Scisne hoc certo? G. Certò. Plaut. Amphit. In eodem
 lecto? A. In eodem. Ain' tu geminos? B. geminos. Cic. ad Att. lib. 7. Coronatus. Quintus noster Parilibus? Parilibus.
 & pro Sex. Roscio. Patri, inquit, non placebat. Patri non placebat? AD MATREM, &c. ALLEG A) Que si proprietas & vis horum trium, allegare, legare, ablegare, quidque differant. Cardinal. QVIN TIBI DEN POENAS) Idem est quod dare alicui supplicium, punient dum se prabere scilicet. Terent. And. Eunuch. Plaut. Epia Catull. SOMNVM HAVD SINEBAT) Cura ve hemens & affectus ingens insomniam conciliant. Quan sub noctem defacandus est animus, ut sopor suavis oculo operiat, quo se priuatum propter immodicam ex versu eius elegatia conceptam delectationem conqueritur. Et Cic. ad Attic. lib. 9. epist. 12. Sed cum me dorum gritudo non solum somno priuaret, verum ne vigilare quidam sine summo dolore pateretur. PATRE SECUNDO) Elegans huius vocula usus est profauente, amico, bineuolo, fôlice ac prospero. Hor. Ode 10. lib. 2. Sperat infestus metuit secundis Alteram sortem bene preparatum Pectus. Sic apud eundem rumore, omine, Aquilone secundo. Securitas & aduersis auribus aliquid accipere Liuius. Secunda admurmurationes, fortuna secunda. Cic. Existimatio secunda Sueton. Clamor secundus, cursus secundi Virgil. TISPHONE) Furias Acherontis & Noctis filias tres inducit Poëta, Tisiphonem, Alecto, & Megara, de quib. Ouid. From 4. Metamor. & in 6. Æneid. Virgil. TE NE ERRAR QUOPI
 IN ISTO) Istiusmodi orationes per modum infiniti cum aecus. casu ad animi affectum vehementem exprimedum aptæ sunt subauditurg, oportet? & quum est? credibile est? censes? putet, credit aliquis? patiar? par est? verum ei &c Cic. epist. 1. lib. 14. Me miserum, te ista virtute, fide, probitate, humanitate in tantas ærumnas propter me incidi se. ep.

eodem se. epist. 2. eiusdem lib. Hem mea lux, meum desiderium; vn-
 ic. ad de omnes opem petere solebant, te mea Terentia sic vexari,
 lib. sic iacere in lacrymis & sordibus? lib. 2. ad Att. Facinus in-
 ri non dignum: tibi hoc contigisse? Virgil. 1. Aeneid. Me ne incæpto
 ue su destitere victimam? & paullò post. Me ne Iliacis occumbere
 egare campis. Non potuisse? magis animam hæc effundere dextra?
 DE Plaut. Persa. siccine hoc te mihi facere? Amphit. Ita me
 unien probri, stupri, dedecoris argutam à viro me o? HORIS
 Epid ANTEMERIDIANIS SALTEM) De vi & ori-
 gine vocis, saltem, lege quæ tradit Gellius lib. 12. cap. 14. &
 Quan Donat. ad illud Terent. And. Ut aliquot saltem nuptiis pro-
 oculo dat dies. & Adelph. ad illud. Meum mihi reddat, saltem
 rsuun quanti emptus est, Syre. Barbari dicunt, ad minus. CO-
 RINIVM CONSCRIBAM) Plautus dixit, virgis
 me dorsum scribere. Corium autem humani corporis pellem
 re qui sapius per iocum nominat. Pseud.
 CVN

co, be Quasi in libro cum scribuntur calamo literæ,
 nfestis Stilis me totum usque vimeis conscribito.

Pect Amphit. Eius ornamenta, & corium uti conciderent. Huc
 Securitiam facetè transtulit verbum pingere. Epid.

secu Extuis verbis meum futurum corium pulchrum prædictas,
 o seci Quem Appelles atq; Zeufis duo pingent pigmatis vimeis.

ducu Catull. quoque ad contubernales. Namque totius vobis.
 uid. Frontem tabernæ Scipionibus scribam. & ad Thallum, à
 A quo pallium sibi & sudarium surreptum indignatur.

initu Quæ nunc tuis ab vnguis reglutina & remitte.
 rime Ne lanceum latusculum, manusque mollicellas
 edibi Inusta turpiter tibi flagella conscribillent.

de, pr Hoc verbi, conscribillo, ex Varrone iterum assert Nonius.

 PROGYMNASMA
 SEPTIMVM.

Calami preparatio.

VEDASTVS, BALTHASARVS.

VEDASTV s. Cùm haud inuenustè pingas elementa, doleo tibi nec chartar esse bonam, nec calamos aptos. B. A his singulis fateor me inopem. Charta nec candida multum, nec firma & plana, sed aspera, scabra, & pilis paruissimis plena; quos cùm à calamis crena detraho, mora scriptio affertur; quos si non detraho, scis ipse quales efformentur literae. Sed quod intolerabilius mihi accidit, etiam perfluit: verùm hæc culpa sit atramenti potius, quo cum esset heri spissum valde, aqua nimia effecit dilutissimum & subalbidum. Calamos ad usum accommodare cultello prorsus nescio; & te etiam a que etiam vehementerque rogo, ut hanc rem m' doceas, si ipse scias. V. Miseret me tui, qui p' solus ignores, quod condiscipuli tui didicerūt magnam partem. B. Libera tu me ista ignorantia. Ausculta igitur. Anserinæ pennæ sunt ad scribendū imprimis appositæ, iisque plures vtimur, ac si pius quam pauorum aut cygnorum; quarum illi nimis sunt duræ, hæc nimis amplæ; quanquam diutius bonæ permanent atque anserinæ. B. Teneo. Ex his ipsis anserinis meliores iudicantur, quæ superpellucidae, mediocriter duræ, caule longiore, ampleiore, firmiore. Quæ autem habent caulem brevem angustam

angustum, & sunt admodum duræ, vt quæ inhærent
 extremæ alæ, non probantur. B. Iam nouerim de-
 ligere pennas. V. Vbi delegeris, ita parabis. Rescin-
 des caudam, plumulas vtrinque detrahes, scalpellî
 tergo cauum pennæ leuigabis, extreum caui, seu
 caput rescindes, ex vtraque parte, antrorsum & re-
 trorsum; hoc modo, vt fiat bifurcata (aspice.) Tan-
 tum porrò resecabis, quantum latus est vnguis au-
 ricularis digiti. B. Meminero. V. Post hæc in dorso
 crenam facies; id est calamum cuspidè cultelli, siue
 extremo cultello iustè per medium scindes, sic, vt
 fissio seu incisura diametro dorsi pariter pæne æ-
 qualiterque respondeat. Tum vbi adhuc aliquantil-
 lum deorsum à fronte exsecueris, à dextris & fini-
 stris acuere calamus, & mucronem facere perges;
 seu æquabis duos illos pedunculos, siue cruscula.
 Nunc me vide, quomodo indita crena vtrumque
 horum absoluam. B. Obseruo. V. Rastellum hoc,
 quem mucronem antea vocavi, temperatæ graci-
 litatis esse debet, de quo quanto plus abscideris,
 tanto habebis calamus obtusorem, & grandiori-
 bus notis ducendis aptiorem: dextra tamen pars, in
 quam calamus dum scribimus incumbit, sit ali-
 quanto altior sinistra, quod discriminæ adeo sit mi-
 nutum, vix ut perspiciatur. Age experiamur hunc
 nostrum. Accipe, vide an placeat. Quare sic eum
 capis? B. Sic assueui. V. Tene pollice, & medio di-
 gito, molliterque superpone indicem, sic: ita minus
 vacillabit manus, & firmius eam chartæ imprimet.
 Sit autem brachium usque ad cubitum liberum
 dum scribis, & pondere suo tabulae seu pluteo in-
 nitatur, tota autem manus auriculari. Intuere me
 scribentem. B. Imitabor te ad vnguem, & quibus-

únque officiis potero, tuam erga me humanitatem
aut obruam, aut exæquabo.

(nar.
lib. I.)

ANNOTATIONES.

PARVISSIMIS) Hoc superlativo semel, iterum
acteriū n̄ vſus est Lucret.lib. I.

Præterea nū erit minimum, parvissima quæque
Corpora constabunt ex partibus infinitis.

A CALAMI CRENA) Subtilem illam, & parua
ſectionem in dorſo calami, quo is atramentum remittat
ſimiliudine quadam crenam vocemus licet. Nam extre
num ſagittæ, cui neruus inseritur, & ſumma arcus cor
nua, quibus extrema nerui aptantur crenæ dicuntur à ſe lega
tionibus & incifuris. Et crenata quædam herbarum folia ſu
mum. Noſſe porrò quæ charta proba, quæ non proba, quomodo n̄ cit d
ētè apparetur calamus ſcriptorius, & quæ ſint eius genitificij
ra, qua ratione excellens coquatur atramentum, qui ſi proxi
modus veniſtè literas pingendi, que ſtudiosorum denique Ger
instrumenta ad uſum commodi ora, hæc, inquam, & ſimiſ & p
noſſe haud indecorum eſt adolescentibus iis, qui ad artum mun
ingenuas omne ſuum ſtudium contulerunt. Eſt etiam ratiōne co
de iis rebus purè ac proprie loquendi paucis nota: quando xeris
quidem & ſimplices earum voceſ, & coniunctionem pluri
mi penitus ignorant. Quorum ignorantia toto hoc volumen
ne conabimur ſuccurrere. Sciendum nihilominus, in tali meui
bus circuitioñem, metaphoram, catachresin eſſe neceſſariis datu
AVRICVLARIS DIGITI) Habent ſua cognitio
menta digiti utriusque manus, quorum ſatis eſt maniſta, p
gnificatio. Lege nihilominus Isidorum lib. II. cap. I. & Topace
rent. in Sueton. Aug. cap. 80. qui cur indicem dexteræ manu
tandi digitum ſalutarem nominet, cauſam adhuc nescire meſta p
teor. Sed quare iis qui minimo ſiae auriculari eſt proxim
annular

aten annularis dicatur, seu potius quamobrem annulo decoretur
(nam inde adeptus est id nomen) caussam explicant Gell.
lib. 10. cap. 10. Macrob. lib. 7. cap. 13.

PROGYMNASMA OCTAVVM.

Elementorum Conformatio.

IOSIAS, EXPERIVS.

IOSIAS. O scitissimum archetypum, & speciosissimas literas, & illecebras. Diuina, quod aiunt, virgula adeptus es hanc etiam leganciam. Sed vnde? E. Meus germanus patris ius folia su manu sua mihi confecit. I. Vbi porrò ipse dididit? et ductus hosce bellissimos? E. Semper huius artificij cupidus fuit, & in quendam magistrum anno sproximo superiore incidit, qui Latinas, Græcas, Germanicas pingebat excellentissimè. I. Exemplar mili & prototypum quoddam mihi quoque datum est arumuneri ab amico: verū præ tuo sordet. En. E. Quare contemnis? si ad istum modum ac formam effineris elementa, ut in hac tua papyro efficta conspi- pluriuntur, iudicabo te oleum non perdidisse. I. Atqui optima imitandi: cupido assidue versat animum talmeum. E. Atqui hic nō quæritur optimum. I. Lau- datur tamen. E. Non nego. I. Ostende sis mihi tuam manum. E. Ecce. I. Quasdam exprimis prosta pœnum perfectè, quasdam non assequeris, quod pace dixerim tua. E. Paulatim, & consuetudine imitanandi assequar. I. Prò quām decentia f. quām deco- mesta p. q. & omnes denique caudatas literas facit ille frater tuus? E. Quid notas grandiores? nōne amas?

I. Mirificè. E. Aspice A, vide D, & M. tanquam si ex typis æneis in chartam essent impressæ. I. Ipsa verò quæ alphabeto subiecta est scriptura, quam ad lineam rectam sine linea directis versibus? quam æ qualibus sursum ac deorsum elementis? Vnum te volo. E. Vel decem. I. Nónne tibi præcepta dat pingendi & lapsus corrigit? E. Certè: & nonnunquam sua manu meam, tenentem calatum comprehendit, atque alienis digitis pingit, ut ego tractibus literarum hac ratione assuescam. I. Inires à me non vulgarem gratiam, si exemplum à fratre mihi curares. E. Difficulter inducam. Nihilominus quoniam te tanto studio pulchre pingendorū characterum ardere animaduerto, curabo, ut voti compofias. I. Quotum intra diem polliceris daturum in manus? E. Intra quartum. I. Perlubenter gravissimum hoc donum tamdiu expectabo, cogitaboque interim, quo te honorario remunerer. E. Sic habeto, me gratuitò hoc operis non esse facturum.

ANNOTATIONES.

TVAM MANVM) Dicta est manus, ut vult Isid. quod sit totius corporis munus. Ipsa enim cibum ori ministrat, ipsa operatur omnia atque dispensat: per eam accipimus & damus. lib. 11. cap. 1. Sunt autem notiones huius vocis diuersæ, quæ ut modo recenseantur, non est necesse. Tantum hoc breuiter monendum, capi pro figura ipsa litterarum, quas alij aliter, & quidam pulchrius, alij deformius ducere solemus. Sic verò Ciceronis exemplo loquimur. Hoc est aliena manu, mea, tua, sua manu, subaudi, scriptum. Hac est librarij, Petri, mea, tua manus. Amo te de ista manus,

manu, seu, amo manum tuam. Scripti istuc meā manu, non,
propria manu. ET CONVENTVDINE IMITAN-
DI ASSEQVAR) Quid ni tantillam rem assiduitate
& diligentia consequamur, quando vel difficillima, & vix
sperabilia non aliter consequimur? De quo dicerem, nisi id
aliis locis arbitrarer fieri posse commodius. Nunc, quoniam
proximum est nomina scribere, postquam literas cœperit
effingere puer, auscultemus Quintil. illūmque hanc operā
in vulgaribus, & forte occurrentibus perdere ne sinamus;
Plura dialogo sequenti.

PROGYMNASMA

NON V M.

Eiusdem materiae.

DAMASVS, ALBANVS.

DAMASVS. Tam artificiosè tamque gra-
phicè characteres Romanos effingere,
tanta proportione, & tam compositè mu-
tuò respondentes, versibus præterea pari-
bus interuallis à summa pagina ad imam usque di-
remptis, & nulla omnino in parte vacillantibus,
dic sodes quid tandem utilitatis affert? ALBA.
Modus ipse querendi tuus, clamat te istuc in quæ-
stione ponere non debuisse. DAMASVS. Quid ita
non? ALBA. Quoniam ostendit non displicere tibi
hanc manus meæ elegantiam. Atque ut agam aperi-
tius: delectarisne, si quando quidpiam à me exara-
tum aspicis? DAMASVS. Ac multum profectò,
non secus, quam si nitidam, & collustratam pictu-
ram intuerer. ALBA. Hæc igitur vna est utilitas,

vt mearum literarum veluti pictura tuis aliorumq;
oculis blandiatur, lectorésq; meos voluptate qua-
dam nec illiberali demulceat. D. Bene tu quidem
haec tenus, sed plura desidero. A. Ego ipse quoq; (id
quod omnibus mei ordinis vnu venire existimo)
propterea libetiūs, faciliūs, maiorēque cum iucun-
ditate scribo. Adde quod lectu expeditior est venu-
sta, quam rusticā, indocta, imperitaque manus; nec
aliud in caussa est, quare tantoper typis descriptos
libros amplectamur, nobiscumque fœliciter actum
credamus, si calamo ad illorum typorum venustis-
simam speciem quam proximè accesserimus. D.
Negari non potest, manum tuam exquisitam, pro-
bè distinctam & luculentam esse. Nunc da, quibus
viis ac rationibus ad huius scientiæ facultatem per-
ueneris. A. Quorsum id nosse expertis? D. Etiam
tu hoc rōgas? Ut facere queam similia. A. Si animū
huc aduertas, narro tibi. D. Asto audiissimis au-
ribus. A. Principiō percommōdum fuit exemplar,
in quo erat alphabetum maioribus minoribusque
literis compositum. Nec ibi solum completæ & in-
tegræ, verū etiam imperfectæ, partesque & fru-
stilla earum visabantur. Ostendebatur item, quo
pacto illa fragmenta coagmentanda essent, vt ab-
solutum literæ corpus efficeretur. Verbi caussa; du-
cebatur ab alto virgula ad hunc modum l. appinge-
batur minutus semicirculus dextrorum, seu inuen-
sum c, sic, o, vt docerer b. componere, si illi porre-
etæ deorsum ad angulos rectos lineolæ hāc notam
copulassent. In d. idem præstabatur, propaſito
sic tamen, vt postquam c. illud cum virgula coiu-
ſet, puncti instar de infimo eius extra emineret. I.
maiſculis eadem planè ratio custodiebatur. Sc.

vt rem clariū cognoscas, ipsum tibi prototypon demonstrabo, si fuerit occasio. D. Optatissimum acciderit. A. Posthæc binæ, ternæ, quaternæ connectebantur, vt ab. do. mi. ptu. flo. gran. trum. Subiectebatur adhuc vocum series, quæ aliquam animantem, arborem, herbam, morbum, instrumentum indicarent, eæq; haud ita vulgatae ac tritæ. Tandem breuiores sententiolæ, vt illæ (nam edidici, sicuti vocabula de quibus dicebam) *Vacare culpa magnum est solarium. Medio tutissimus ibis. Festina lente. Nescis quid vesper serus vehat. Homo bulla.* D. Videtur Magister hoc exemplar meditatus confecisse. A. Credo. D. Quid erat nouissimo loco? A. Longior scriptura, sex septem versuum scilicet, quæ ad virtutem excolandam me hortabatur. Ex Platone, Tullio, aut Seneca, vt reor, depropnserat. D. Nec illius te caperet debuisse obliuio. A. Non cepit. Erat autem concepta his verbis. Altum quiddam est virtus, excelsum, regale, inuictum, infatigabile: voluptas humile, seruile, imbecillum, caducum, cuius statio ac domicilium fornices & popine sunt. Virtus em in templo inuenies, in foro, in curia, proximisstantem, puluerulentam, coloratam, callosas habentem manus: voluptatem latitatem sepius, ac tenebras captantem: circa balnea ac sudatoria, ac loca edilem metuentia, mollem, enerum, mero atque vnguento madentem, pallidam, fucatam, & medicamentis pollinctam. D. Quid tantumne sapientius inspectanda hac formula pedidisti hoc tuum artificium? A. Non. D. Quid egisti hoc amplius? A. Sua manu Præceptor meam complexus moderabatur ac dirigebat. Iubebat item tenuissimæ ac subtilissimæ papyro membranam substernere, in qua inessent festiuissimè picta elementa, cum egregiè concinnata scriptura, & calamum

super literas per chartam satis traluentes ducere, coni
ut sic ductibus earundem æmulandis assuescerem etiam
& habitu quodam confirmarer. Quinimò style bene
plumbeo interdum literas cùm exarâset, eas m^{is} si sat
atramento tegere, & de liuidis nigras reddere ve mor
lebat. Ceterum ne facerē inæquales, eas, inquam suad
quæ vel sursum lineas non proiiciūt, vel infra non
demittunt, vt vocales, & consonantes c. m. n. r. &c fene
applicata regula trahebat lineas duas angusto sp̄a fice
tio distantes, intra has mandabat mihi ut scriberem verb
aliquid. Idem in grandioribus seruauit, quarum in nou
ter se omnium æqua est magnitudo. His ego exer ea v
citationibus usus, quantum cernis processum effe sus
ci. D. Si nancisci possem magistrum æquè scientem ci a
ac peritum, discerem hanc artem sanè. A. Si solli M E
citus queras, puto te inuenturum. D. Difficillimè quo
paucorum est enim bella manus: contrà, malè pi
gentium numerus infinitior quam frondium in syl
uis, piscium in vndis.

A N N O T A T I O N E S.

QVID TANDEM UTILITATIS) Due vi
litates καλλιγραφias infra ponuntur: & ab illis
eo: Principio percommode fuit, rationes quinque
enumerantur, quibus pueri elementa ductu calami conf
cere docebuntur. Quinti. Non est aliena res, quæ ferè ab hi
nestis negligitur, bene ac velociter scribendi. FESTIN
LENTE) Aug. Imp. & dicere in sermonibus, & scribere
epistolis solebat, σπάθε βραδέως. Per quod monebat, ut
rem agendam simul adhiberetur & industria celeritas,
diligentia & tarditas. Gell. lib. 10. cap. 11. Atque hoc dictum
nummis quoque suis exprimebat, cum terminum fulmin
coniungere

cere coniungeret, sicuti anchoram delphino. Titus Imp. Crebro
 rem etiam iactabat illud: sat celeriter fieri, quidquid fiat satis
 bene. Sueton. Octauio, cap. 25. Catonis quidem est: sat curd,
 si fiat bene. Quintilianus lib. 1. cap. 1. versus huiuscmodi
 voe morales pueris ad imitandum in scriptura proponendos
 suadet. Nam otiosas velim, inquit, sententias habeant, sed
 honestum aliquid monentes. Prosequitur hac memoria in
 senectutem: & impressa animo rudi, usque ad mores pro-
 spiciat. NOVISSIMO LOCO) Gell. lib. 10. cap. 21. hoc
 eren verbum Ciceronem fugisse narrat, ut etiam aduerbium,
 in nouissime, quibus tamen plures illa etate uerentur, quod
 ex ea veluti non Latina haud probaret. Priore nihilominus v-
 effe sus est pro Q. Roscio. Alterum inuenias epist. 24. lib. 10. Pla-
 nten ci ad Ciceronem. SVA MANV PRÆCEPTOR
 solli M E A M) Vide quæ sint hac de re apud eundem eodem cap.
 limè quo superiora, Quintilianum inquam.

é pin
n syl

PROGYMNASMA DECIMVM.

Orthographia.

SEPTIMIVS, ANSELMVS,

SEPTIMIVS. Si tibi faciendum vide-
 tur, Anselme, conferamus inter nos, quæ
 ante meridiem à Magistro de orthogra-
 phia accepimus. A. Ordire, ego cœpta
 persequar. S. Tu maior, & plura tenes memoria. Si
 quid effluxerit iā tibi, fortassis id mihi occurret, tū
 repente subiiciā. A. Affirmabat igitur, illā se statue-
 re orthographiam probatissimā, & præcipue com-
 plectendā, quæ constaret perbene formatis litera-
 rum

rum figuris, quæ haberet versus ad amissum exten-
sos, minimèq; velut à recto tramite usquā deflectē-
tes. S. In hisce duobus ipse met magno nobis exem-
pli est: quis enim eo pingit venustius? quis tam re-
cta linea? Verūm hæc potius ornamenta sunt quæ-
dam orthographiæ, quæ ne doctis quidem singulis
contingunt, nec illi magnoperè inflammato eorum
studio rapiuntur. A. Sic est ut ait. Attamen cū
ornamēta hæc amemus & admireremur in aliis, quid
est quod ipsi non consecutamur? S. Quod erat ter-
tium? A. Quod? scire quæ cūm Latinæ ac Romanæ,
tūm Græcæ, hoc est, è fontibus Græcorum in Latini-
tatem deriuatæ transfusæq; voces (quarum innu-
merabilis est multitudo) diphthongo; quæ vocali,
& quanam scriberentur; quibus consonantibus vbi
addendum aspirationis indicium. Quid sequebatur?
S. De tonis seu accentibus nescio quid. A. Iam re-
cordor. Nosse etiam quo tono, acuto, graui, inflexo
vbi vtendum. Adhæc de interpunctionibus, quæ vi-
delicet nota hypodiaستoles disiungenda, quæ per
 $\nu\varphi$, $\ell\mu$, coniungenda, quando demum syllaba por-
recta super se pusilla linea insignienda, quando se-
milunula inferiore ad breuitatem indicādam, quā-
do comma, quando puncta, quando bina puncta,
seu colon, quando interrogationis signum, quando
parenthesos nota adhibenda. S. Dicebat in or-
thographia locum esse non deriuationibus dunata-
xat, notationibus, siue etymologiis, originibus, sed
consuetudini etiam, videndūmque quid solerent e-
ruditi: qui si discrepant, & alij hoc, alij alio modo
verbum idem scriptitarent, plurimum valere oportet
re iudicium. A. In reprehensionem denique voca-
bat eos, qui cum peruvicacia manuscriptis codici-
bus,

bus, saxis ac numismatis vetustis adhærerent; quoniam illi sculptores, scalptores, monetarij sæpius illiteratissimi fuissent. Locutos quidem Latinè, vt nos omnes patria lingua Teutonicè loquimur, non tamen idcirco scisse Grammaticam; & ita falsò putari mysterium atque auctoritatem grauissimam, quæ esset alicuius idiotæ opificis mera inscitia. S. His addebat inspiciendos crebrò decoris typis in typographio descriptos libros, illósque imitandos. A. Ultimum proponebat hoc præceptum. Non solum formas literarum decoras studiosè contemplari, sed astare etiam scriptoribus librariis, & ductus atque tractus quam diligentissime obseruatos intimis sensibus mandare. Hoc quale esset, similitudine ante oculos ponebat. Ut enim viua vox magis non afficit quam lecta in libris & muta; sic ipsa manus scriptoris multò vehementius imprimit in animo ideam elementi: seu potius rationem ipsius conformandi, quam ipsum solum iam in charta absolutum, & relictum elementum. S. Hæc ferè audiimus hodie: cras & deinceps reliqua exspectemus. A. Non omittendum illud præterea cōsilium quod dabat. Ut orthographicos libellos Aldi Manutij Pauli F. aliorūmque volueremus S. Diu est cūm hoc factito.

ANNOTATIONES.

HOC progymnasmate aliquot, & quidem, vt vide mur, bona, nec difficultia orthographia præcepta complexi sumus. quæ Magister industrius distincte discipulus, & paucioribus verbis adscenda commendabit. Nostri autem propositi non est hac & similia ex instituto persequi. Quin autem

autem nonnulla δδς πάρεργον, & tanquam aliud agentes tractemus, facere nequimus: quandoquidem Latinitatem in re literaria οἰλαλογικῶς persequimur. IN TYPOGRAPHIO τυπογραφεῖον locus est, in quo formis & neis libri describuntur, inuenio duorum fratum apud Moguntiam primi, omnium excusi Lactantius Firmianus, & Augustinus de Cuiitate Dei. Typographia ipsa descriptio, seu γραμματοθεσίς. Inepte igitur ac falso, In Typographia fui, si locum intelligas. Verum hæc & alia id genus infinita, qua in lingua Latina quasi herba irrigua succreuerunt vererrimè, quorūque licet messem metere maximam, ut est apud Plautum, curiosius emendare velle ac diligentius, reveror ne sit docere cancrorum rectâ ingredi.

PROGYNASMA. VNDECIMVM.

Dimissio improuisa.

GORGONIVS, THEOBARDVS, EVSEBIVS.

 **G**ORGONIVS. De scholâne? T. De scho-
la. G. Proripuistis vos inde, an potestatem
abeundi obtinuistis? T. Neutrū. G. Quid
igitur exeundi tempus antecapitis? nec dum enim
secundam audiuimus, & exiri solet ad quartam de-
mum. E. Quin taces? non displicebit tibi simul rē
intellexeris. Bonum factum te in nos incidisse, lātiti-
& lubentia onusti incedimus. G o R. Expedite
breui. E. Præceptor nos dimisit lusum. G. Hui, lu-
sum? Dies Mercurij præstitutus est, ad quem exer-
ceantur ludi, non dies Martis. T. Sciscitare ex aliis
si lubet, & si inueneris secus, mentitos dicio. G.
Ain'

Ain' tandem ita esse vt dicis? T H E. Quidni aiam?
G. Quapropter dimisit hodie? quid natum est
 noui? quid viro in mentem venit? E. Duplex caus-
 sa, G. Cedò. E. Vna, quia misit sanguinem è bra-
 chio dextro, quod videbamus illum gestare in mi-
 tella bombycina & nigra. T. Altera, quia hodie
 dabit natalitia. G. Multa loquimini: iam assentior.
 Est enim vtraque caussa perquam verisimilis; & in
 memoriam regredior aliâs quoque nos ideo iussos
 redire domum, quia cum amicis diem suum nata-
 lem acturus erat. T. Nobis nec opinantibus hæc
 fortuna obtigit: siquidem ita ingressi eramus gym-
 nasium, tanquam veteri more exituri. G. Eu, pro-
 bè. Nemo igitur hanc gratiam extorsit? E. Nemo
 quod sciam: sponte sua benefecit nobis. G. Om-
 nium quantum est qui viuunt hominum optimus
 est homo. Verùm in isto concessu seu liberalitate
 sui magis quam nostri rationem duxit: nam hæc
 lux, qua ipse primùm lucem hanc aspergit, & vitales
 auras hausit, omnino hilaris ei, & sine vlla pertur-
 batione molestiâque sumenda est. E. Nos lusum
 vadimus recta. G. Siccine est sententia? E. Sic. G.
 Celeriter reuertar, & adiungam me vobis tertium.
 T. Vola curriculò: hunc diem suauem & amœnum
 agitabimus.

A N N O T A T I O N E S.

BONVM FACTVM TE) Plin. de viris illustribus,
Vbi de Scipione Africano. Bonum factum si in Capito-
 lium eamus. Sueton. Vitellio capit. 14. Et Chaldaeos dice-
 re, bonum factum ne Vitellius Germanicus intra eundem Kalen-
 darum diem usquam esset. Plaut. Pænulo. Bonū factum
 est,

est, edicta ut seruetis mea. Horum verborum usus erit propriè in edictis, quibus illa utores boni ominis causa præponere ac præscribere præfariq; solebant. Tertull. Edictum cui adscribi non poterit, bonum factum. Turneb. lib. 3. cap. 22. & alij. Ev. PROBE) Particula approbantis seu laudantis, Grace sū, bene, recte, optime. QVANTVM EST QVI VIVVNTHOMINVM) Catullus creber est in illis. Et quantum est hominum venustiorum. O quantum est hominum beatiorum. pro, quotquot sunt, seu quam multi sunt homines venusti, beati. Sic Plaut. Persa. Exi è fano, quantum est hominum sacrilegissimè. Idem, nisi fallo, alibi. O omnium quantum est qui viuunt hominum homo ornatus.

PROGYMNASMA, DVODECIMVM.

Seru in ludum aduentus.

MAGISTER, DISCIPVLVS.



AGISTER. Quousque tandem hoc festiaissimum lepidissimumq; frustum discipuli ad me audiendum, multo iam die, ultimum omnium ventitabit!

*Tota mihi dormitur hyems, & pinguor illo
Tempore sum, quo me nil nisi somnus alit,
inquit apud Martialem glis. Eho, adspice ad me,
somni mancipium. Videte ut illi turgent oculi, ut
soporis adhuc pleni sunt. Impexum est caput, illo-
ta facies, non appetet circum collum intimam tuni-
ca pender indecorè in sinistrum latus palliū. Quid
est quod stata hora nunquam expergisceris? auscul-
tate,*

tate, ut componet sycophantias, & opplebit aures meas vaniloquentia. D. Credas mihi affirmanti, tam matutinus hic adessem, quam istorum ullus, si quispiam domesticorum, è somno me vellet excitare. M. Eia verò, quia laudator deest, ipse te lauda. Quid tu aīs? non te ad quintam, serò vtique, capit dormiendi satietas: ut è lecto allubescat surgere, explicata relegere, ediscenda ediscere, quò paratiōr scholam intres? D. Enim uero nō possum profecto vltro expurgisci. M. Nullus ergo domi tuæ seruus, nulla est ancilla, quæ te stertentem excitet? D. Sunt famuli, sunt ancillæ: at enim ne ipsi quidem primo diluculo suos lectoris deserunt, somnoque, ut nos pueri, & quæ pascuntur. M. Vah, ista ratio pöderosa est. Parentes autem qui tandem hoc patiuntur? D. Nescio, conueniunt. M. Ausim sponsonem facere, ni tu ab illis excitere. Sed illa ipsissima causa est: è strato, ubi concaluerit, inuitissimè te moues, nunc potissimum summa hyeme, ne conglacies. D. Ama me, illa verissima causa est quam exposui, nec alia. Proinde iram tuam mollire velis, & animum in me quietiorem accipere. M. Tuigitur (infandum) ex tanta discipulorum frequentia repertus es, unicus, qui neque per te euigiles, neque per alium. Quām timeo ne mihi verba des. D. Nō te circumuenio. M. Dedam alicui negotium, qui domi querat num ita sit, ut tute narrasti modò. Si mentitum deprehēdero, neque fidem in posterum dictis tuis tribuam, & pro fallacia ista meritam tibi mercedē dabo. Iam ne hoc tenes? D. Oppidò. Fortassis non fatebuntur illi culpam suam. M. Immò fortassis fatebuntur culpam tuam, & dicent te ab ancilla clare inclamatum nihil consueſſe respondere, similiter

ac si etiam tum arcte, & grauiter dormires. Quod si iteratò clamet & minetur, te non nihil surrigere caput, & stridulo gutture quidpiam murmurare, velut porta in cardine ; rursusque super puluinum illud demittere, ac placide, ut antea, sopori indulgere : & hanc esse vigilantiam tuam, viderique aut præacutis sudibus te fodiendum, aut faces tibi admouendas. D. Quod libido eorum feret comminiscantur: ipsi tamen gallos canentes nihil morentur; non surgunt. M. Tu verò ne post cœbram quidem ancillarum vociferationem potes somnum excutere, ô pigrimè homuncio. Sed nunc intempestiuè de somnolentia tua longo sermone utimur, diemque conficimus. Cognoscam de domesticis tuis. Si fueris verax, rem tuam feceris meliusculam: si n' erit, ut vanitatis in te culpam admiseris, tuipse clamore tuo omnes Endymionas vigilantissimos præstabis. Assequeris, puto, quorū hæc spectet comminatio. D. Admodum, Præceptor.

ANNOTATIONES.

FRUSTVM DISCIPVLI) Qui non est integer, qui non est totus discipulus, non verus, non germanus discipulus. Causa patet. Plaut. Rud. propriè & per hyperbolēn. Loquere tu etiam frustum pueri? Id est, qui propter breuissimam staturam tuam magis dicendus es pars pueri, quam puer. INTIMA TVNICA) Sic Gellius libro decimo cap. decimoquinto. Valerius, interior tunica. Græcè χιτωνιοπ ἐχέσαι γραψε. Vide Brod. lib. 6. cap. 7. Vulgo indusium, subucula. De quibus ita Varro li. 4. Subucula quod subtus: Indusium quod intus subaudi gestatur. Nonius sic. Indusium est vestimentum, quod corpori inter plurimas uestes adhaeret,

ret, quasi intusum. Quidam nō insulē, linea, & linta tunica. A V S I M S P O N S I O N E M F A C E R E) Quid sit sponsio, quibus verbis conciperetur, vide Sigonium lib. 1. de iudiciis, cap. 21. & Budeum in Pandect. Exponit etiā, quid sit sponsione & sacramento contendere, Manut. in epist. 21. lib. 7. N E C O N G L A C I E S) Verbum glaciare tanquam actinum extulit Horat. Ode 10. lib. 3. Et positas ut glaciem niues Puro numine Iupiter? Cic. conglaciandi verbum absolute 2. de Nat. Deor. Tum aquæ declarat effusio, quæ neq; conglaciaret frigoribus, neque niue pruinâe concreseret. Cælius ad Cicer. Curioni nostro tribunatus conglaciat. Obseruant Lamb. G A L L O S C A N E N T E S) Martial. libro decimoquarto, Cristatas lucis aues pulcherrima periphrasi appellat.

Surgite, iam vendit pueris ientacula pistor,
Cristatæque sonant vndique lucis aues.

Ouid. autem 2. Fast. Iam dederat cantum lucis prenuntius ales. Pli. lib. 10. cap. 21. Proximè gloriâ sentiunt & hi nostri vigiles nocturni, quos excitandis in opera mortalibus, rumpendoq; somno natura genuit. Norunt sidera, & ternas distingunt horas interdiu cantu. Cum sole eunt cubitum, quartaq; castrensi vigilia ad curas laborem q; reuocant. Nec so- lis ortum incertis patiuntur obrepere, diemq; venientem nunciant cantu, ipsum verò cantum plausu laterum. Et alia ibidem pulchra de gallis gallinaceis. Iam verò eaussam, cur ante lucem galli canant ex Democrito his verbis reddit Cicero lib. 2. de Diuinat. Depulso enim de pectori, & in omne corpus diuiso & modificato cibo, cantus edunt, quiete satiati: qui quidem silentio noctis, ut ait Ennius, fauent faucibus. Lege fabulam Æsopi de muliere vidua & ancillis, quas ad gallorum cantus exitare ad opera consueverat. E N D Y M I O N A S) Canunt Poëta Endymionem à Ione somnum petuisse perpetuum, & captum amore Lune,

quoniam hominum primus, ut ait Plinius lib. 2. c. 9. mo-
tus eius varietatem ac dissimilitudinem deprehendit. Cic.
1. Tuscul. Qz si verò quisquam ita nonaginta annos velit
vivere, ut cum sexaginta consecraret, reliquos dormiat. Ne
sues quidem id velint, non modo ipse Endymion verò, si fa-
bujas audire volumus, nescio quando in Latmo obdormi-
vit, qui est mons Cariæ, nondum (opinor) experrectus.

PROGYMNASMA DECIMVM TERTIVM.

Silentium & attentio.

SIGISMUNDVS, COELESTINVS.

SI GISMUNDVS. Dupliciter peccatur in gymnasio quotidie, ab aliis hoc, ab aliis illo modo. C. Quæ sunt ista pecca-
ta? S. Confabulari, & Præceptoris non attendere. C. Qui prius designant, vtroque tenen-
tur. S. Ita prorsus existimo. Verum qui aliud agunt, alibi oculis curiosè diuagantur, pingunt animalia, equites, stultos, libellos ineptos legunt, chartas & scamna conscindunt, illi in posteriore genere cul-
pam castigabilem committunt. C. Verè dictū sen-
tio, & noui quorum ista est consuetudo. S. Tu ipse vnum de illis es. C. Egóne. S. Ita, nra. C. Falsò hoc in me vitium confers. S. Mentiri non est meum. C. Attentissimè audio. S. Non semper. C. Si quando eorum quæ tu commemorasti aliquid ago, quasi si quid per transennam inspicere, & leui brachio id fit. S. Ut eleuat hic peccatum suum? C. Haud ele-
uo: vt loquor, ita res est. S. Quin est quādo sermun-
culos

culos seris cum proximis. C. Demiror tantum tibi esse otij à rebus tuis, vt aliena cures. S. Tam sine pudore id perpetratis, vt non possim non notare; videret vel cæcus, audiret etiam surdus. C. Viciissim te captabo. S. Capta, non capies tamen. Sed extra iocum: desiste, si te amas, ab huiusmodi virtutibus, & noli cùm te ipsum priuare tantarum utilitatum fructu, tum alios impedire. C. Quos alios impedio, cum tenuissimo sono loquar? S. Qui proprius tibi assident, dextrà, sinistrà, & à tergo. C. Apage cum superstitione ista religione tua. S. Amicè monenti volens obsecunda, & boni consule: alioqui coactus, non mihi, sed Magistro flagrante operiēti obsecundabis. C. Adeo infanda hæc tibi peccata videntur? S. Magna procul dubio suo in genere. Nam quid indignius, ac turpius in schola delinqui posse, haud dispicio. C. Nisi aut ego mutus siam, aut tu obsurdescas, difficile pax inter nos erit. S. Tu considera quorsum eas, & quid tibi futurum sit. Auceps quando concinnauit aream, offendit cibum; aues affluescunt, sæpe edunt: semel si sunt captæ, rem soluunt aucupi. C. Intelligo parabolam. Opere maximo dabitur opera, ne fraudi sit hoc aucupium.

ANNOTATIONES.

PER TRANSENNA^M) Præverbium, ortum à negotiatoribus & mercatoribus, qui cancellos vimineos, aut ligneos mercibus obiiciunt, que transennæ dicuntur, quod per eas aspectus transseat. Per huiusmodi igitur transennas non sigillatim, sed summatim, nec prope, sed procul res videntur. Cie. i. de Ora. Quid tu igitur fecis idem, quod faceres, si in aliquam domum plenam ornamentorum ve-

nisses? si ea seposita, vt dicas, essent, tuque valde spectandi cupidus esses, non dubitares rogare dominum, vt proserri iuberet, pr& assertim si esset familiaris: similiter nunc petes & Crasso, vt eam copiam ornamentorum suorum, quam constructam uno in loco quasi per transennam pr& terereentes stridim aspeximus, in lucem proserat, & suo quidque loco collocet. Ut igitur per transennam aliquid inspicere, est non prope, nec diligenter, & in transitu inspicere, sic quasi per transennam aliquid agere, erit id ipsum agere obiter: translatione ab oculis ad sensus alios, id quod sepe fit. L E V I B R A C H I O) Hoc, vt etiam illo, molli brachio, opera indiligens significatur. Hinc molli brachio aliquem obiurgare, leui brachio aliquid agere. Cicero ad Atticum. Translatum & parentibus & magistris fortasse qui remissus filios ac discipulos verberant. Q U I D T I B I F V T V R V M S I T) Q uod admirantes, aut de malo aliquo sine accepto sine accipiendo interrogantes dicere solemus. Quid illi contigit? quid de illo fiet? quid mecum agetur? quid de isto faciam? & similia. Latini sic multo venustius; quid illi, quid mihi fieri? quid illi, aut illo factum est? per dandi scilicet atque etiam auferendi casum, omissa prepositione. Cic. epist. 1. lib. 14. Si nos premet eadem fortuna, quid pueri misero fieri? ibid. epist. 4. Quid Tulliolis mea fieri? In Verr. Quid hoc homine facies? Terent. And. Quid me fieri? Plaut. Trium. Si quid eo fuerit. N E F R A V D I S I T H O C A V C V P I V M) Fraus paenam quoque, damnum, periculum & incommodum veteribus significat, non modo deceptionem, fallaciam, atque dolum. Lilius lib. 1. Rex, fac sine me tu regium nuntium pop. Rom. Quiritium? Q uod sine fraude mea, populique, Romani Quiritium fiat, facio. Cic. ad Lentulum epist. 5. Si quid ex his rebus, quas tibi fortuna largita est, nonnullorum hominum perfidia detraxerit, id maiori illis fraudi quam tibi futurum. Et pro Cluent. Que res nemini

nemini vñquam fraudi fuit. Id est, nunquam pena dignam existimarent, vel, nunquam dñmno fuit. Terent. Heaut. In eandem fraudem ex largitate nimia, atque ex parsimonia incides. Id est, vtrumque perinde damnosum est. Sed prioris illius significatus sunt duo bellissima loquendi genera apud Lucretium, dare fraudem alicui, & induere se in fraudem, quomodo dicimus induere se in plagas in laqueos.

PROGYMNASMA DECIMVM QVARTVM.

Suggestio.

MAGISTER, STEPHANVS discipulus.

MA G I S T E R. Sæpenumero cum minis seuerissimis interdixi vobis pueri, ne suggereretis recitatiibus: vos nihilominus, qui mos est vester, idem peccatum peccare non definitis, & patientia mea nimium abutimini. Iam postremum moneo, prædico, & antè denuntio, tibi præfertim capillate, tibi bone Stephane, quem obseruui præter cæteros in ista noxiæ contrahenda diligentissimum, nisi temperaueritis ab ista intempestiuæ benevolentia, non ego mihi temperabo ab iracundia. S. Non soleo tam frequenter. M. Non soles? nemo quisquam frequenter. Prospice rebus tuis: nam acriter ylciscar te, si vel semel amplius suggerentem conspexero. S. Spero mitiora. M. Spera quæ vis, quod acciderit patienter fert. S. Oportet me gratum esse aduersus bene meritos. M. Etiam tu taces? Illa merita tua merebuntur, quod dixi, præmium. Itaque nisi finem datis mutuò bene merendi, & imperium meum minuendi, faciam ego ut huius diei, locisque

meique in omnem vitam memineritis. Et ego quidem verberando, vos vapulando defatigabimini. S. Crudele promissum. M. Nihil hoc genere pueroru pernicioius in schola. Quid enim? dum hinc inde, dextra leuaque, antrorsum, retrorsum recitantibus subueniunt, ubi eos memoria fugit, illos reddunt ignauissimos, & ipsi exspectatione similis beneficij, socordia socordiores sunt. Quisque sui memor, ut poenam ne sentiat, punienda ne designet.

ANNOTATIONES.

IDEM PECCATVM PECCARE) Atticismus est χάριψιν χαράν, φίλοι φίλαις απέρδεις, Αeschyl. Promet. εαφεντοστηνδε τηνδε την ιδσεν, & similia multa, quae etiam non luculenter Græcè doctus nouit. Latini eodem modo, furere furorem, gaudere gaudium, canere cantilenam, currere cursum, somniare somnum, metere messem, pugnare pugnam, ludere ludos, aut ludum, quo postremo usi sunt Plaut. Mostell. Terent. Eunuch. Horat. Ode 29. lib. 3. CRVDELIS PROMISSVM) Hoc quasi non audiente magistro, summissa voce, aut auerso ad condiscipulos vultu dici intelligendum est, ut sepe fit apud Comicos. Tale fuit, quod dialogo sexto in extremo posuimus, cum puer mendax iam cædendus ita loquitur. Miser, ah miser cui tale vertit dolus.

PROGYMNASMA
DECIMVM QUINTVM.

Absentes.

BENEDICTVS. AVGUSTINVS.

BENEDICTVS. Multorum dierum intervallo non te vidimus in gymnasio, Augustine; nec tamen fuit, quod miratus sum vehementer, cum
Præ

Præceptor te requireret, aut mitteret, qui, vbi essem,
& quid ageres inuestigaret. Cur absuisti? A. Malè
me habebam: idque ut ne latenter Magistrum cura-
ri, quo bona cum eius venia, & tuto abesse lice-
ret. B. Meritissimò non apparuisti; si quidem est, ut
autumas. Conualuisti? A. Nondum plane me cō-
firmaui. B. Quamdiu ægrotasti? A. Quamdiu me in
schola non conspexisti. B. Haud equidem recordor
quantum temporis abierit. A. Dies complusculi,
vnde uiginti omnino. B. Quid erat morbi? A. Fe-
bricula. B. Quo medicamento ei subuenisti? A. Ine-
dia prope sola, qua maximos quoque morbos, &
grauissimos depelli solere, aiebat Magister aucto-
res in medicina claros & nobiles afferere. Vacuuus
mihi venter crepitare: ego flocci pendere. B. Facili
negotio conseqüere, quæ interim præcepta nobis
& explicata sunt. A. Sic mihi persuasi; & in eā rem,
si non recusas, ut artuis suppetiis. B. Repetam tibi
omnia, & rectissimis tuis atque optimis studiis non
grauatè obsequar. Quando te redditurum censes? A.
Secūdum Natalia Domini. At tu quid vagaris? cur
non es in ludo? B. Eram in itinere cum libris: ecce
tibi, pompa procedit ferentium instrumenta pugil-
latus. Ego illos sequi in aulam curiæ: ibi ludicum
illud certamen certantes spectavi voluptate mirifica.
Nam vbi ætas maturuerit, eandem artem addis-
cere cogito: quandoquidem disciplinis liberalibus
non est aliena. Noui per plures literatos, eosdémq;
pugiles non spernendos. A. Craftina luce quam ex-
purgationem habebis? B. Intendenda erit aliqua
fallacia, quæ me virgarum periculo eximat: nox da-
bit consilium. Si mendacium dixerim, solens meo
more fecero. A. Timeo ne aliorum cadat res, & tu

propter hanc curiositatem spectandorum pugilum
sine vibicibus à Magistro non dimittare. B. Euasi
non semel, confictis caussis absentiæ. A. Bestiæ quæ-
dam cùm canibus bis, ter, quater elapsæ fuerint, tan-
dem capiuntur & pereunt. B. Oh, non adimet mihi
vitam ista verberatio. Gymnasium flagrorum me
appelles licet, quibus mea cutis induruit, ut si ad fu-
mum pependisset. A. Tua res agitur. In quem exem-
pla fient, quique clamauerit usque ad rauim, illi, pu-
to, aliquid dolebit.

ANNOTATIONES.

VNDE VIGINTI) Sic vnde triginta, vnde quadra-
ginta, vnde quinquaginta, & deinceps. Vnum de vi-
ginti si auferas, manent decem & nouem: ita in aliis. Simi-
lis modus est, duodeviginti, duodetriginta, duodequadra-
ginta. Ambobus crebro boni auctores vtuntur. QVO MEDICA-
MENTO EI) Primum est cauere, ne in mor-
bum delabamur. Cauebimus si seruemus quæ de tuenda va-
letud. à Plutarcho, à Marsilio Ficino, & ab aliis scripta
sunt. Proximum ut ex illo conualescamus; quod quidem si
non per inmediam solam, at certè nunquam sine inedia vi-
demus fieri. Causa enim sublata, etiam effectus tollitur.
At qui morborum cause quæ sunt aliae, nisi humores vitiosi,
ac nimis? humores autem vnde nisi è cibis oriuntur? Quo-
rum moderationem ac delectum qui adhibent, & rarius
egrotant, & citius curantur. VENTER CREPITA-
RE) Plaut. Manech.

M E D. Dic mihi, an vaquam tibi intestina crepitant
quod sentias.

M. Vbi satur sum, nulla crepitant: quando cœlio, tum
crepitant.

Horatius Sat. 2.lib. 2. latrantem stomachum sale & pane
bene

tene leniri affirmat. NOX DABIT CONSILIVM
 Plutarch.lib.de Curiosit.noctem (velut amicam intelligentiae) vocabant euphronem: videlicet arbitrantes quietem
 & assiduitatem illam, nullis interpellantibus aliarum rerum curis, multum habere momenti ad inventionem eorum que inquiruntur.Cic.2.de Orat.Nox te nohis, Antoni, expoliuti, hominemq; reddidit. SI MENDACIUM
 DIXERO) Inter mendacium dicere, & mentiri Nigidius apud Gellium hoc interesse vult, quod qui mentitur,
 ipse non fallitur, sed alterum fallere conatur. Qui mendacium dicit, ipse fallitur. Vir bonus prestare debet ne mentiatur, prudens ne mendacium dicat. Nihilominus hæc sape confunduntur. NON ADIMET MIHI VITAM)
 Exemplum projectæ in puero audacia. Tax tax tergo meo erit, inquit ille in Persa, nō curo. GYMNASIUM FLAGORVM) hominem in quo assidue verberando flagra & virgæ exercentur. Salutatio duorum seruorum in Plantis Afin. hæc est L E. Gymnasium flagri saluete. L I. Quid agis custos carceris? L E. O catenarum colone. L I. O virgarum lascivia. TVA RES AGITVR) Genus loquendi haud inelegans, cum dicimus alicuius rem famam, dignitatem, gloriam, salutem, caput, rem agi. Id est in discrimine periculosa versari. Cic.pro lege Manil. Agitur bona mulitorum ciuium. De Orat. Agitur non solù ingenij nostri existimatio In Philipp. Libertas agitur pop, Roma. IN QVB M EXEMPLA FIENT) Punierorum peccatorum rationes tres adducit Gell.lib.6.cap.14. Tertia ratio vindictæ est, inquit, quæ waqædeza à Græcis nominatur: cum punitio propter exemplum necessaria, ut ceteri à similibus peccatis, quæ prohiberi publicitus interest, metu cognita pœna deterreantur. Idcirco veteres quoque nostri exempli pro maximis grauissimisq; pœnis dicebant. Iam, Latini dicunt exemplum prodere in aliquo, vt Cicero. pro Flacco. In aliquo

aliquo exemplum statuere, ut idem in 4. Verr. Exempla cruciatus edere in aliquem, ut Cæsar. i. de bello Gall. Exempla edere, ut Terent. Eunuch. Exempla faciam ego in te; aut sine prepositione (ut quidam legunt) est apud Plaut. Mostell.

PROGYMNASMA, DECIMVM SEXTVM.

Accusationes.

HIERONYMVS, FELIX, MAGISTER, ALEXIVS, PANTALEON, BERNARDVS,
EVARISTVS, GERVASIVS, CYPRIANVS, DAVID, IONAS.

HIERONYMVS. Papæ, quid tu audacissime locum alienum occupas? F. Alienum? H. Ita loquor, alienum. F. Tuūnne? H. Meum inquam. F. Non est hic locus tuus. H. Cuius est? doce me. F. Meus. H. Age si quid agis. F. Quid ego agam? H. Restitue meum mihi locum, quem inuolasti. F. Si tuus sit, restituam. Aufer hinc iurgium, si sapi. H. Præceptor, iste mihi injuriam infert. M. Quid illic clamoris exoritur. H. Felix, dum ego aliquanto post tempus venio in scholam, impudenter vendicauit locum meum. F. Falsò me accusat: teneo locum meum. M. Quid tu ad hæc? H. Quia honoratior est locus, idcirco me absente ausus est in alienam possessionem irruere. F. Non irru. H. Irruisti: restitue debitum. F. Nihil debeo. M. Dirimam litem. Meridianis horis parati instructiq; ad concertationem eritis. Tum si tu Felicem, Hieronyme, disputādo viceris, infimo ipsum loco, prope ianuam

pe ianuam collocabimus, vt ei tutelam gerat, & humilietur qui se novo exemplo exaltauerit. Sin ipse te superarit, retinebit hunc locum; quoniam te dignior omnium punctis censabitur qui hic sedeat, & iuste eum repetere non poteris, mea quidem tentatio. F. Æqua conditio. H. Non detrecto hanc pugnam. Commutabo tibi nomen hodie, si viuam, vt pro Felice Infelix vocere. F. Minas tuas floccipendo. M. Quos ego post tergum meum confabulantes audio? Heus, quinam modò inter se confabulati sunt? A. Pantaleon & Bernardus. M. linguati pueri, quare non silentiò ediscitis, quæ mox recitetis? P. Non sumus confabulati. A. Estis, & diu satis. B. Reuera non garriuimus. M. Quid fuit igitur? P. Interrogabam nonnulla Bernardum, quæ minus intelligebam. M. Qua in re? B. In Catechismo. A. Hoc se facere simulabant illi quidem, verè autem de suis quibusdam nugis sermonem miscebant. P. Te tam audacter assuerare? M. Hem astutiam: saturne rem Alexius? B. Certè hic minimè. A. Conuincam vos argumento palam: etenim sententias quasdam retineo de sermūculo vestro. M. Premit aduersarius. Fateamini quod res est, & culpa vos soluam. Si pergitis inficiari, virgas cernitis: iis non tam obrupturn silentium, quam ob mendacium tangam vos usque ad necem. B. fatemur: de prandio helterno, in quo simul accubuimus, colloquebamur. M. Cautele, aliòqui pessimè cœnatos dimittam. E. Est quod exponam, Præceptor. M. Expone. E. Heri Geruasius & Cyprianus se conuiciis alternatim consecabantur, vicissimq; pugnis se onerabant egregiè. M. Vidistin' ? E. Vidi cum fortè fortuna in eos ambulans incidisse. M. Quo tempore? E. Haud multò

post

pòst quām solutæ sunt scholæ. M. Quo in loco ? E.
In publico, ante domum Cypriani. Mirabātur præ-
tereuntes, & consistebant. Quin his auribus audiui
qui dicerent: O pueros malè moratos. Vtinam ali-
quis Magistro rem indicet, vt is ambobus pro dig-
nitate stipendum numeret. M. Tantūmne est ? E.
Tantum. M. facinus improbum. Surgite & prodite
in medium bellicosi homuli. Hancce disciplinam
aut à parentibus vestris, aut à me percepistis ? hæc-
cine vos flagitia consciiscere? cōtinuelias intorque-
re, & obserere pugnis sodales suos ? G. Coēgit me
Cyprianus. C. Tu me coēgisti. M. Vtrūmq; nequi-
tia sua coēgit, ambo furore & amentia impulsī ab
officio discessistis. de hoc nulla est quæstio. Me ta-
men cogitis vobis pro isto conflictu mercedem li-
beralem, præsenti & probata pecunia tribuere. Ex-
pedito mihi virgam Euariste de virgis melioribus,
actutum. E. Curabitur. M. Quæ porrò controuer-
sia conflauit hoc duellum ? G. Irridebat me suspen-
so naso Cyprianus, quod per caligas indusium de-
pendebat, & risu pñnè emoriens, multis qui forte
circumstabant audientibus: En, inquit, iste tam audi-
dè cibum voravit, vt ipsas quoque mappas deglu-
tinerit. M. Magna verò & fine dubitatione intole-
rabilis iniuria. Cur ad sartorem subligaculum refi-
ciendum non deportasti ? G. Non aduerti esse lace-
ram. M. Non aduerti. Sat argumenti, te morum
ciuitatem non attigisse vel extremis digitis. Ad
rusticanos cum isto Geruasio, qui cum vrbanus
sit, vrbanum nihil habet. Iam, quas tibi contume-
lias imposuit ? C. Nebulonem & proditorem me
appellabat. M. Quibus tu Geruasium epithetis cō-
trà conhonestâsti ? G. Bubulcum & asinum me no-
minabat.

minabat. M. hoc fuit tubis cecinisse, deinde exemplò secutum est prælium, ventum ad manus, contundisti, alterutrum: nónne? G. Factum heu. C. Ac nisi me in pedes dedissem, cerebrum mihi diminuisset; sic iracundia & furore exarserat. M. Ego, ut munificus Imperator, istis duobus tam strenuis bellatoribus propter generosissimam velitationem dabo congiarium. Et quia Gernasius ob caussam leuorem tantopere non debuit excandescere, dabo illi maius. Te quoque docebo Cypriane, huiusmodi scurrilibus iocis, & intempestiua dicacitate abstinere de cætero. Ite, & ad præmia capienda resolutis ligulis vos comparete. P. Præceptor, Alexius pingit. M. Alexi quid facis? A. nihil. M. nihil? at iam faciam tibi aliquid. Exhibe chartam. A. nihil est. M. Ostende sine mora. A. Quæso. M. videam. O Alexi, ecquando in ludum pictoris iuisti? quam graphicè adumbras canes & ceruos? Suppone sinistrā ferula: suppone, ecquid audis? A. ah, ah. M. Concerpito. Si rursus deprehendero pingentem, scis quid tibi dépicturus sim? A. Scio. D. Præceptor, licetne pauca? M. Quid dicturus? D. Ionas non habet librum. M. Vbi est liber tuus? I. Amisi. M. Siccine rem tuam custodis? Domine, an in schola, an in via? I. Nescio. M. Quæsiuisti? I. Tanquam si aciculam quærerem. M. Nisi tu ante noctem repereris, cras in te exemplum edetur, ut ne quis deinceps perdat libros suos.

A N N O T A T I O N E S.

OMNIVM PVNCTIS) Hor. ad Pisones. Omne tulit punctum, qui miscuit utile dulci Omne punctum ferre, est

est omnibus omnium sententiis atque suffragiis aliqua re dignum, seu in aliquo præstantem iudicari, seu placere universis. In suffragiis, in quibus magistratus, vel leges, vel tale quid rogabatur, bina, nisi fallor, tabella singulis suffragiis lataris dabantur: quarum altera punctum sine dubitatione, altera nihil, ut ego puto, scriptum habebat. Itaque qui fauebant, tabellam puncto inscriptam: qui aduersabantur, alteram in cistam coniiciebant. Hinc Cic. pro Plancio dixit: tribus nonnullas punctis totidem tulit. Idem Tuscul.

4. Quid de nostris ambitionibus, quid de cupiditate honorum loquar? Que flamma est per quam non cucurrierint iij, qui hac olim punctis singulis colligebat? Corrad. in Brut. PV G-
NIS SE ONERABANT) Plaut. Amphit. Onerandus est pugnis probè. Sic onerare maledictis, in Pseud. Onerare letitia senem in Capt. Cic. epist. 10. lib. 3. Onerare aliquem mendaciis. Plauti sunt etiam, pugnum impingere Bacch. Pugnis aliquem contundere, ibidem. Pugnum in os impingere, pugnis peccere, pugnis aliquè incurfare: Rud. & Pseud. Pugnis cedere Amphit. Pugnis concisus, ibidem. D A B O
C O N G I A R I V M) Munus seu donum quod populo dat Princeps seu Imperator, dicitur Congiarium, de quo Sueton. in Octavio, cap. 41. & Caligula cap. 17. Que autem largitio fit in milites, ultra stipendia, videlicet ob victorias, ad optiones, inaugurationes Cesarum, ea donatiuum vocatur. Budæus in Pandect. Steuechius ad cap. 20. lib. 2. Vetegij. Attamen idem Suetonius, non malus Latinitatis auctor, libello de claris Rhetorib. cap. 3. cum de Sex. Clod. agit, vocem, congiarium, pro dono usurpat, quo quis priuatum à Principe afficitur, his verbis. A quo(Antonio) mox Consule ingens etiam congiarium accepit, ut ei Cic. in Philippicis obiicit. Eodem modo in Iulio cap. 27. Et in Vespasiano cap. 18. & Cælius epist. 1. lib. 3. Plancus, inquit, magno congario donatus à Cesare. Seneca item. epist. 29. Scrutabitur scholas no-

stras, & obiiciet Philosophis cōgiaria, amicas, gulam. Sic videtur Cic. vſus, epift. 6. lib. 10. ad Att. ANTE NOCTEM REPERERIS) Quod Grammatici quidam ex verſu Ouidij 1. Metamorph. Tu non inuenita reperta es, inter inuenire & reperiſe hoc discriminis eſſe volunt, vt illud ſit cum labore diu quaſit am rem aſſequi: hoc, fortuitò oblatam nancisci, iſtuc nihil eſt: Nam & reperio clarissimi ſcriptores dixerunt pro eo, quod eſt opera studioq; adhibito adeptus ſum, & inueniri ab iuſdem dici videas, quod non eſt quaſitum. Legendus Alex. ab Alexand. & in eum Tiraquelius lib. 4. cap. 17.

PROGYMNASMA DECIMVM SEPTIMVM.

Petitio lufus.

PHILIPPVS, MAGISTER, PVE-
RORVM TVRBA.

HI LIPPVS. Memoriter memini, Præceptor, dixiffe te aliquando nobis, necelſariam eſſe in rebus vicifititudinem, nec durare poſſe, quod alterna requie careat. M. Quid tum poſtea? quam ob cauſam tu id mihi nunc ſubiicis? P. Haud ſanè inconsulto, ac temerē tuam hoc loco repetiui ſententiam. M. Ergo quod te mouit? dicio. P. Quoniam res quaſdam eſt, quam me à benignitate tua impetratam auferre volo. M. Memora puer. P. Si moleſtè non eſt latus. M. Nifi tu iniuſtum quid à me petas, indignè non feram, quidquid petiueris. Nam vt iuſta ab iniuſtis petere inſipientia eſt; ſic iuſta à iuſtis impetrari non deſet. P. Ne tibi lubeat finiſtrum ſuſpicari. Iuſtè ab

E iuſtis

iustis iustus sum orator datus, & aduenio omnibus
 libentibus, ut quod in rem nostram communē sit,
 hoc à tua lenitate obtineam. M. Eloquere, quid est
 quod obtainere gestis? P. Paullum est. M. Quintu
 vno verbo dic, quid est? P. Iam dies effluxere com
 plures, ex quo libris semper affixi fuimus. M. Traba
 libus clavis opinor. Subolet quorsum euasurus sis.
 Benè habent tibi principia. Pertexe telam, sed apte,
 ut ne compellam te retexere. P. Et exercitationi
 bus auditionum, scriptionum, recitationum, con
 certationum pñne exhausti sumus. M. Itane verō?
 Exhausti? O me in discipulos atrocem, ô crudelem.
 P. Nec vñquam nobis vel ad momentum respira
 re, viresq; fessas reparare datum est. M. Ut res suas
 exaggerat? quodq; contritum est vetustate proher
 bium: ex musca elephantum. P. Quare vehemēter
 etiam atque etiam te rogamus, Præceptor noster,
 pomeridianis horis ad lusum remissionēque ani
 mi descendere tuo concessu licitum sit. M. Äquissi
 mum postulas. Verūm ego his conditionibus hanc
 potestatem largior. Ut absque tumultu ludatis, né
 ue quis alteri turbas ciere insistat. Ut ante quintam
 ad libellos redeatis. Ut deinceps manibus pedibus
 que, cum hasta, cum scuto, quod aiūt, ad vestra stu
 dia incubatis. P. Iustæ conditiones: accipimus, ut
 pro tota schola respondeam. M. Capesci cursum,
 condiscipulos affice tam bono nuncio, P. Gratias
 magnas, ingentes tibi agimus, humanissime atque
 optime Præceptor. Heus heus pueri, Pv. Nunquid
 nam apportas noui? frontē exporrexisti, hoc omen
 placet. P. Oneratum lætitia peccus apporto. Ego
 vester hodie orator & exorator fui apud Magistrū.
 Pv. In quo? P. In ludendi venia, Pv. Voluptatem
 magnam

magnam nuntias. Habemus ergo rem factam? P. Factam. Pv. Bene factum & volup' est. Deuste bene amet. Ludemus igitur? P. Nisi mauultis inhære-re libris. Pv. Valeant libri. Ludamus socij, euge ludamus. P. Silete, non permittit gratis ludere. Pv. Qua mercede? P. Vt absque inconditis clamoribus abīque strepitū, crepitū, tremitu; sic enim inter-pre-tor quod dicebat de tumultu & iurgio vitandis. Pv. Fiet. P. Vt ante quintam ad libros nos recipiamus. Pv. Fiet. P. Vt deinceps neruis omnibus discamus. Pv. Hic melius est respondere, fiat, quām fiet; opta-re, quām promittēre.

ANNOTATIONES.

PE T I T I O L V S V S) *Quomodo stirpes mediocribus*
p aquis aluntur, abundantibus suffocatur: sic animus mo-
deratis crescit laboribus, nimis obruitur. Danda est ergo
pueris à continentibus laboribus respiratio: idq; in animo
habendum, totam vitam nostram in remissionem esse, se-
riumq; studium diuisum. Plutarch. de lib. educand Quintil.
lib. 1. cap. 3. Danda est tamen omnibus aliqua remissio: non
solum, quia nulla res est, quæ perferre possit continuum la-
borem: atque ea quoque, quæ sensu & anima carēt, ut ser-
uare vim suam possint, velut alterna quiete retenduntur:
sed quod studium discendi voluntate, quæ cogi non potest,
constat. Plura ibidem de lusib. puerorum. NECESSA-
RIAM IN REBUS VICISSITUDI-
NEM) Seneca epist. 36. Observa orbem rerum inter se
remeantium. Videbis in hoc mundo nihil extingui, sed
vicibus descendere ac resurgere. Æstas abit, sed alter
annus illam adducit. Hyems cecidit, referent illam sui
menses. Solem nox obruit, sed ipsam statim dies abiget.
Stellarum iste discursus quidquid præterierit, repetit.

Pars cœli leuatur assiduè, pars mergitur. Plutarch. de lib.
educand. Quā ob cauſam non vigilia modō, sed & ſomnus
inuentus eſt, neque bellum duntaxat, ſed & pax; neque ſine
ſerenitate tempeſtas: neque ſeria negotia tantum, ſed &
feria. Vtq; in vnam ſummam contrahamus, requies labo-
rum eſt condimentum, & quæ ſequuntur. ALTERNA
REQVIE CAREAT) Ouid. Quod caret alterna re-
quie durable non eſt. Pub. Syr. Iucūdum nihil eſt, niſi quod
reficit varietas. MEMORA PVER) Ut Gracis tāas, ſic
Latinis puer pro ſeruo, pro filio, pro eo, cui contrarium eſt
puella, pro etate, annisq; primis capit. Numero autem
multitudinis utrumq; ſexum comprehendit. Gell. TRA-
BALIBVS CLAVIS) Clavi trabales grandes clavi
ſunt, quibus configuntur trabes. Figere aliquid trabali cla-
uo, proverbiuſ. Cicer. in Verr. vt hoc beneficium (quemad-
modum dicitur) clavo trabali figeret: id eſt, conſirmaret &
conſtabiliret. Telum trabale 12. Æneid. eſt ingens & ma-
gnū telum, iſtar trabis. NE COMPELLAM TE
RETEXERE) Allusum ad dictum vetus, Penelopes telam
retexere, id eſt, inanem operam ſumere, & deſtruere quod
effeceris. Homer. Odyß. 2. caſtiſimam illam fidēſimamq; ri-
ro ſuo Penelopen procos connubium eius flagitantes, & im-
potenter iam instantes hoc modo eluſiſſe ſingit. Promittit
ſe nupturam, vbi telam, quā tum haberet in manib; per-
texiſſet. Quam conditionem cum illi non repudiаſſent,
callida mulier, quod per diem texuerat, per noctem diſſol-
uebat. Belle autem ea de re Propert. eleg. 8. lib. 2.

Coniugium falla poterat differre Minerua,
Nocturno ſoluens texta diurna dolo:
Viſura & quamuis nunquam ſperaret Ulyſſem,
Illum ex ſpectando facta remansit anus.

NVM QVIDNAM) Terent. And. Vi ſciam numquid-
nam hac turba tristitia afferat. Numquidnam amplius ti-
bi cum

bi cum illa fuit? & alias quoque. Cic. 2. de Orat. Quid vos tandem, Crassus, Numquid nam, inquit, noui? IN LVDENDI VENIA) Hec vox non semper ad culpam refertur, sepius etiam potestatem & petitionis concessionem approbationemq; notat. Cic. pro Archia. Quæso à vobis, vt in hac causa mihi detis veniam. 1. de Orat. Date nobis hanc veniam, vt ea, quæ sentitis de omni genere dicendi, subtiliter persequamini. Cornific. in 4. ad Herennium. Veniam ad vos, si mihi senatus det veniam. Plaut. Trin.

L Y. Ob eam rem hæc, pater, autumauit, quia res quadam est quam volo,
Ego me abs te exorare. P H. Quid est? veniam iam dare gestio.

Æmil. Probus in Themistocle. Huius Rex animi magnitudinem admirans, cupiensq; talem virum sibi conciliare, veniam dedit, annum videlicet ei concessit, quem petebat, ad descendam linguam Persicam. Iterum in Pausania. Quod si eam veniam sibi dedisset. Sic, cum verbum, licentia, in vi-
tio semper patetur esse, proferaturq; è Terent. Deteriores omnes sumus licentia, id secus est. Aliquando enim honestam potestatem significat, & dare licentiam est δέσμος. Cic. 1. Offic. Nec quemquam hoc errore duci oportet, vt si quid Socrates aut Aristippus contra morem consuetudinemq; ciuilem fecerint, locutue sint, idem sibi arbitretur licere. Magnis enim illi, & diuinis bonis hanc licentiam assequebantur. Et in 3. Nobis autem Academia nostra magnam dat licentiam, vt quodcumque maximè probabile occurrat, id nostro iure liceat defendere. His duabus locis haud existimo recte facturum, si quis licentie nomen immoderatam libertatem, impunitatemq; interpretetur.

PROGYMNASMA.
DECIMVM OCTAVVM.

Idem argumentum.

PHILIPPVS, MAGISTER.

HI L I P P V S. In memoria mihi est, commendasse te aliquoties nobis quietem & otium à continuatis studiorum occupationibus, cū, haud scio ex quo Poëta, versiculum illum recitares; Interpone tuis interdum gaudia curis. M. Optimum est: vellem perinde fixifles animo tuo alia permulta, quæ non semel de me audiui stis. P. Dedita opera ad te evenio. M. Quapropter tervenis? P. Ut quid piam abs te auferam. M. Ut a liquid auferas? hem. Ergo furatū huc venisti, quantum intelligo. Scin' quomodo se tibi res habet? tu te auferaris faxo, cum te in manifesto facinore deprehensum, loris adeo benignè cooperuero, ut vestigium facere non possis. P. Ridicularia nihil moror; alio & interiore significatu hoc verbum cœpi, quod præteruectum est mentem tuam. M. Impetra bundus, ut sic dicam, ingressus es. P. Facultatem ludendi ut ab te impetrarem, ideo huc aditum tuli. M. Morem antiquum atque ingenium hic adolescens obtinet: magis de ludo & somno, quam Alexander Macedo de orbe terrarum sub imperium subiungendo cogitat. Cum dies status venerit, tum iudes ad laetitudinem, contradicente nemine. P. Mi Präceptor, sine nos lusitare secundum meridiem. M. Non sano, neque tu istam rem in spe aliqua haberis. P. Quarā tam præcisè recusas? M. Quod vos similiter

similiter satis præcisè indiligentes, & ignauit estis.
 P. Immò certè diligentes. M. Quām iniquè compa-
 ratum est, vt nemo vñquam libenter semetipsum
 fateatur malum? omnes sese amant. P. De reliquo
 senties nos quām studiosissimos. M. Quod promit-
 tunt pueri, in vento & rapida scribere oportet aqua.
 P. Obscuramus (nam ego totius scholæ personam
 recepi) ne te hodie inexorabilem præbeas. M. Res
 de compacto geritur, quod sentiebam equidem à
 principio. Actum agis, abi. Tempus descendit, tem-
 pus ludendi. P. Hodie sudum ad deambulādum per
 amōena camporum, & vmbrosa vallium nos inuitat,
 qua commoditate hoc toto mense caruimus: quiq-
 ue cum in singulos pñnè dies pluuiam toleraueri-
 mus. Opprimenda videtur quæ præter spem ob-
 uenit occasio. M. Non moriemini, Philippe, hac
 quidem de cauffa, si lusionem differatis in peren-
 dinum. P. Sed si rursum cadant pluuiæ, & cogamur
 domi residere, tanquam si dati simus in carcerem?
 M. Tum vos indignissimè vexatos prædicabunt e-
 tiam ipſi lapides. Licet domi quoque sub tecto, &
 securius ludere. P. Licet sanè quidem, at foris sub
 dio longè iucundius; vbi certamus cursibus in sta-
 dio, vt Olympionicæ, & venationes instituimus, a-
 liaque delectamenta, quæ præsens sæpe vidisti. M.
 O importunum flagitatorem. Sit potestas ambu-
 landi foras, & ludendi. Dicite Hypodidascalο ver-
 bis meis, vti vos prosequatur, prospiciatque se-
 dulò, ne quid postea querimoniarum ad me
 deferatur. P. Deus det tibi, Præcep-
 tor integerrime, quid-
 quid voles.

ANNOTATIONES.

INTERPONE TVIS INTERDVM) Danda est remissio animis, meliores acrioresq; requieti surgent. Ut fertilibus agris non est imperandum: citd enim exhauiet illos nunquam intermissa fecunditas: ita animorum impetus assidus labor frangit. Vires recipient paullum resoluti & remissi Nascitur ex assiduitate laborum, animorum hebetatio quaedam & languor. Lege cap. 15. Senecæ. de Tranquill. animi. A DEO BENIGNE) Vsum quendam reconditum & elegantem huius aduerbi, cum videlicet, ei qui nobis aliquid offert, significare volumus, gratiam quidem ipsi habere nos, sed tamen eius dono nolle vti, explicat Muret. ex Horat. annotat. in Eunuch. Terent. IN VENTO ET RAPIDA) locus erit in promissis, & rebus inconstantibus, quæq; nihil habent firmitatis, Graci ἐς τέφραν γράφειν in cinere scribere. Nam & cinis à vento facile dispellitur, & commissa non retinet. Contrarium est, in mente insculpere, quod Cicero sepius, & Graci dicunt γράφειν ψευστιψ. Æschyl. Prometheus. έγραψε συμνήμοσιψ οἰλέναις φρενῶν. Inscrive tabulis mentis memoris. Vide scholiasten ibidem. Terent. And. etiam nunc mihi scripta illa dicta sunt in animo Chrysidi. Victor lib. 9. cap. 13. Sed de superiori locutione pergamus dicere. Catull. ad Ortalum.

Netua dicta vagis nequicquam credita ventis
Effluxisse meo forte putes animo.

Tibull. eleg. 5. lib. 1.

Hæc mihi fluebam, quæ nunc Caurusque Notusque
lactat odoratos vota per Armenios.

Lucret. lib. 4. Tu fac ne ventis verba profundam. Virgil.
Æneid. 9. Sed aura Omnia discerpunt, & nubibus irrita
donant. Et 10. Nec ferre videt sua gaudia ventos. Horat.
Ode 26. lib. 1.

Musis

Musis amicus tristitiam & metus
Tradam proteruis in mare Creticum
Portare ventis.

O V I D.

Quæ tibi sunt facienda tamen cognosce, nec Euris
Da mea nec tepidis verba ferenda notis.

Existimabant enim antiqui ventos interpretes & nuncios
esse, nostrasq; preces & vota ad deorum aures deferre, &
nostra verba, in summa omnia. Hinc eclog. 3. Partem vi-
nam venti diuum referatis ad aures. Et Ouid. 10. Metamor-
pho. Detulit aura preces ad me non inuidia blandas. Quæ
autem vota non eueniebant, & irrita cadebant, ea ad deos
non esse perlata à ventis, sed vel dissipata, vel procul in re-
gionem longinquam aucta arbitrabantur. Hinc: quæ nunc
Caurusq; Notusq; , &c. atque his affinia. Denique quid-
quid euenire nolebant, aut auersabantur & abominaban-
tur, yento differri disiiciq; optare solebant, aut eius pernici-
cursu procul amandari & asportari iubebant. Tibull. lib.
3. eleg. 4.

Hæc Deus in melius crudelia somnia vertat,
Et iubeat tepidos irrita ferre Notos.

Turneb. lib. 1. cap. 23. Victor. lib. 30. cap. 8. S V D V M) Sine
vdo, cœlum serenum, sine nubibus, aut certè non pluuium.
Nonius. Sudum dicitur quasi semiudum, vt est aër post plu-
uias, serenus & liquidus. Cicer. ad Tironem lib. 16. Horolo-
gium mittam & libros, si erit sudum. Plaut. Milite.

Curate ut splendor meo sit clypeo clarius,
Quam solis radij esse, olim cum sudum est, solent.

Idem. Rud. Quin pertegamus villam dum sudum est. Virg. 8.
Aeneid. Arma inter nubes cœli regione serena, Per sudum
rutilare vident. Omittant ergo adolescentes dicere, est pul-
chrum tempus, est bona aura, iam splendet Sol, similesque
modos inquinatisimos. A M O E N A C A M P O R U M)
Græci substantium patrio casu solent efferre πεδαιοις
τῶν ἀρχμάτων, μεγάλα τῶν ξύλων, οἱ σοφοὶ τῶν ἀγ-

διφῶμ ἀντλεῖθε τῶν παρόντων. Huiusmodi apud Poëtas quam plurima. Virg. i. Aenei. Miratur portas strepitumq; & strata viarum, pro stratas vias. Sic Lucret. lib. i. Stratag; iam vulgi pedibus detrita viarum Saxeа cōspicimur. Idem, clausa, opaca domorum, rara viarum, ut Virg. Angusta viarum. Apud Horat. Amara curarum, vana rerum, abdita rerum. Apuleius uno loco habet hæc omnia; Ardua montium, lubrica yallium, roscida cespitum, glebosæ camporum. Plinius dixit, ouorum oblonga, & nigræ lanarum, cap. 48. lib. 8. Litus, Subita rerum, incerta casuum. Vides Latinis adiectuum mutari in genus neutrum? idq; pœnè perpetuum est.

PROGYMNASMA DECIMVM NONVM.

Ludus ex pacto concessus.

MAGISTER, PVERI VII.

MAGISTER. Nimis crebrò ludendi copiā, perinde, ut si queratis cibum ante famam, potum ante sitim, requiem ante laborem: vultis enim remittere cogitationes. prius quam eas post remissionem rursus intenderitis. Itaque vereor ne facilis mea vestros corrumpat animos. Pv. I. Tantummodo duas horas largire nobis in gratiam. D. Cassiani, quem à discipulis pueris librariis scalpellis, stylisque æneis immisericorditer vita & spiritu priuatū perhibent. M. Permittam equidem ludere, sed qua cōditione? Pv. II Hoc tuꝝ potestatis es. M. Hanc nempe, ut è vobis septem ludant iij, qui vel apophthegma, vel simile, vel sententiosum ex Poëta versiculum, vel Ciceronis gnomi- cum aliquid, vel tria prouerbia, vel Aſopicam fabellam

bellam ex memoria protulerint. Pv. I. Ego, si placet, fabellam narrabo. M. Audio. Pv. I. Hœdus fortè à grege cùm deerrasset, scq; lupus insequeretur, cōuersus eum sic est affatus. Mi lupe, quandoquidem tibi escam me futurum scio, quo iucundiū moriar quæso, primūm cane tibia, vt saltem. Lupus canere cœpit, & saltare hœdus. Tum canes id audiētes, luppen acerrimè institerunt persequi. Is sese ad hœdū vertens: Meritò, inquit, hoc patior; oportebat enim me, cocus cum sim, tibicinem non agere. Docet apolodus, eos qui negligunt ad quæ natura sunt idonei, & quæ aliorum sunt exercent, in incômoda sæpius incurrere. M. Dicat secundus. Pv. II. Virg.

Optima quæq; dies miseris mortalibus æui.

Prima fugit: subeunt morbi, tristisq; senectus,

Et labor; & dura rapit inclemens mortis,

Pv. III. Cicero. Graue est homini pudenti petere aliquid magnum ab eo, de quo se bene meritū putat: ne id quod petat, exigere magis, quam rogare, & in mercedis potius, quàm in beneficij loco numerare videatur. M. Elegans, & verissima sententia.

Pv. IV. Ignis non extinguitur igni. M. Explica.

Pv. IV. Malum malo non emendatur: iram non sedat iracundia, sed lenitas: aduersos casus reddit leuiores patientia; iniuria superatur beneficio. M. Bellè: Iam secundum profer, nam tria imperavi. Pv. IV. Annosa vulpes haud capitur laqueis. In eos valet, qui ob longinquam ætatem multarūmque rerum usum callidores sunt, quàm vt arte dolisq; decipi queant. M. Optime. P. IV. Canis sævit in lapidem. In eos, qui mali sui caussam nō veris auctorib. adscribit. M. Audiamus iā quintum. Pv. V. Nihil occurrit mihi. M. Nihilne? hē. Pv. V. Nihil prorsus. M. Ne lufseris.

seris. Sextus. Pv. VI. Ut grauiore pœna multādi censentur, qui venenum non in vnum aliquem cratem, sed in fontem iniiciunt, vnde omnes bibunt: sic sceleratiū peccant qui Principū, quām qui priuatorum ingenia peruerunt. M. Præclarè dictum, à Plutarcho scilicet. Pv. VII. Diogenes formosas mulieres, quæ pudicitiam in propatulo habent, similes dicebat mulso letalibus succis temperato; quod afferrent quidem initio voluptatem, sed quā perpetuus dolor consequeretur. M. Sensibus hæc imis, res est non parua, reponite. Fugite fornicationem, & templa Dei ne facitote membra meretricis. Ergo omnes, de mpto illo uno, qui fuit ἀστροβόλῳ, ad ludendum properate: veruntamen, vt postulatis, horas non amplius vnam & alteram. Pv. I. Præ gaudio ybi sim nescio.

ANNOTATIONES.

QVI VEL APOPHTHEGMA.) Tale precium lusus à pueris magistri postulent, quo ipsi potius dantes, quām accipientes rem faciant, atque ita etiam iudicia eorum exerceant, vt non sint quo quis apophthegmate, versiculo sententioso, fabella, proverbio contenti, sed iis demum, in quibus plus acuminis, leporis, grauitatis, virilitatis inesse videatur, COCVS CVM SIM.) Idem contigit lupo, qui aculeum roganti asino, quem deuoratus erat, summis dentibus è pede extraxit. Cum enim illi sa calce frontem & nasum ei comminuisse, dentesq; excusssisse, & iam celeriter aufugeret: meritò, inquit lupus, hæc mihi merces redditur; Quoniam qui didici iumentorum esse lanius, cur eorum volui esse chirurgus? OPTIMA QVÆ QVR DIES) Hos tres versus interpretatur Seneca lib. de

de breuitate vita, cap. 9. his verbis. Clamat ecce maximus
 vates, & velut diuino furore instinctus salutare carmen
 canit. Quid cunctaris? inquit, quid cessas? nisi occupas, fugit:
 cum occupaueris, tamen fugiet; Itaque cum celeritate tem-
 poris velocitate certandum est. Velut ex torrente rapido,
 nec semper casuero citè hauriendum est. Hoc quoque pul-
 cherrimè ad exprobrandum infinitam cogitationem, quod
 non optimam quamq[ue] etatem, sed diem dicit. Quid secu-
 rus, & in tanta fuga temporum latus, menses tibi, &
 annos & longam seriem, ut cunque auditati tuae visum est,
 exporrigis? de die tecum loquitur, & de hoc ipso fugiente.
 Lege cetera usque ad fin. cap. Epist. porro 108. docens quo
 pacto Grammaticus hos versus, & quo Philosophus con-
 sideret: rursus illos doctissimè explanat. QVI PRINCI-
 PVM, QVAM QVI PRIVATORVM) Cic. de
 leg. Nec tantum mali est peccare Principes (quanquam est
 hoc magnum per seipsum malum) quantum illud, quod
 permulti etiam imitatores Principum existunt. Nam licet
 videre quaecunque mutatio morum in Principibus extite-
 rit, eandem in populo secutam, &c. Isocrates ad Nicoclem.
 οὐδὲντος τὸν διατάξας δέχεται τὰς βασιλείας, διατάξης
 τὰς αὐτῷ γνώμας ταρασκόσασται. Certum est enim
 ita sese regna ipsorum habitura, quomodo ipsi animos suos
 excoluerint. PERPETVVS DOLOR) Notum illud
 Demosthenis de Laide: Σὺ ως θυμῷ μυρτεψάς οραχών μετα-
 μέλεια. Vulgè: Pœnitere tanti non emo. Gell. lib. 1. cap. 8.
 En quid in proverb. Salomon Sapientiss. de muliercula me-
 ritoria. Inclinata est ad mortem domus eius, & ad inferos
 semitæ ipsius. Nulli autem, vt Seneca scribit cap. 6. de bre-
 uit. vit. turpius occupati sunt, quam qui nulli rei nisi vino
 & libidini vacant, ceteri etiam si vane gloria imagine te-
 neantur, speciosè tamen errant. Licet auaros mihi, licet vel
 iracundos enumeres, vel bellatores, omnes isti virilius pec-
 cant.

cant. In Venerem & libidinem proiectorum in honesta labes est, &c.

PROGYMNASMA VICESIMVM.

Nox transacta.

GABRIEL, **LAVRENTIVS**, **NAZARIVS**.

GABRIEL. Saluere iubeo sodales meos, te Laurenti, & te Nazari. L. Nos te vicissim. Ut vales? valuistin? nam te quatuor ipsos dies nunquam oculis usurpauimus. G. Paullò deterius, quam heri, & nudius tertius, quartus, quintus. N. Quamobrem? G. Propterea quod ista nocte, quę præcessit proxima haud placatè dormiui. L. Malè narras. Aliquo fragore nimirum iterum iterumque exercefactus. G. Fragor quidem nullus me perturbavit: sed. N. Sed quid? G A B R. Mirum atque inscitum somniaui somnium. N A Z. Quod somnium? G. Terriculamentorum plenissimum. L.

*Somnia fallaci ludunt temeraria nocte,
Et pauidas mentes falsa timere iubent.*

G. Non èò dico, quia nunc metuam: sanè quidem nouo metu fractus omnino ac debilitatus cohорrui, steteruntque comæ, & vox faucibus hæsit. Videbar enim (oblitus sum perpetrati piaculi) ad subfellia iudicum seuerissimorum raptari à lictoribus, inde condemnatus ad mortem duci. Iam carnifex romphæam distingebat, ut caput meum à ceruicibus amputaret. Amabo, quid vos animi in illo omnium grauissimo præsentissimóque periculo habetis?

retis? L. Ingenuè dicam q̄ sentio. Ego qui vel muscas præteruolantes horreo', ante mortē ipsam morerer. N. Abeant somnia in malū cruciatū; nos vota Deo faciamus, vt mala somniorū tenus, & bona quæq; vigilantibus nobis eueniant. G. Quid verò? vos hac nocte quieuiistis ex sententia? N. Ab octaua vespertina ad septimam matutinam iucudissimè; & toto proflabam pectore somnū. L. O factū pulchrè. Maestē noua virtute puer, sic itur ad astra. Ego ad intempestam noctem legi, donec me lucerna deseruit. N. Tu alter Demoithenes eris. Prò discendi ardorem insolitum. L. Tibi insolitum, & gregalibus tuis, qui libidinē in somno habetis. N. Parciūs ista viris tamen obiicienda memento. Laurenti, nos, vt noris, quieti noctem, labori diem impendimus, ad naturæ præscriptum scilicet: cui repugnare, quid est aliud, quām gigantum more cum diis belliare? ait apud Ciceronē Cato. L. Apage cū istac propugnatione ignauiae tuæ. Nam hoc, crede mihi, nunquam obtinebis, vt te somniculosum, & laboris fugitatem ne iudicem. N. Quod lubet. Ideōne aut ero qui nō sum, aut nō ero qui sum? G. Qui deinde, mi Laurenti, somnum inire potes, cū ita peruigiles? L. cœna terrestris est mihi; quocirca inter me & somnum perbene conuenit: cū volo me obtinet, cū nolo, me relinquit. G. Malim equidē tuas vigilias, quām huius rōchos. N. Ecce autem secundum aduersarium, Noli tu quoq; Gabriel, me iudos facere, cum hoc Laurētius affatim præsisterit, & in isto officio te ante uerterit. Quod nisi desistitis, Magister mox aderit, quo disceptatore bellum vtricq; indicā, ibi cognoscetur, quantū vestris peruigilationibus cōsecuti fitis. G. Caueto ne istos tibi spiritus comprimamus.

N. Ve-

N. Vestras ego linguas ita occludam, ut de somno meo ne mussare quidem audeatis. L. Eris mihi magnus Apollo. G. Res ipsa iam erit testimonio. Audione aduenientem quempiam? Praeceptor est, verè est, ipius est.

ANNOTATIONES.

QVATVOR IPSOS DIES) Quatuor integras dies. Locutio vñtata. Cic. Ad Att. lib. 3. epist. 21. triginta dies erant ipsi, cum has dabant literas. & epist. ad Cælium. Ego cum Athenis decem ipsos dies fuisse. Et epist. 8. lib. 6. ad Att. Detraxit viginti ipsos Dies. MALE NARRAS) cum quid latum & animis gratum nunciaretur, dicereturue, bene narras dicebant, cum triste, aut quod nolent, male narras. Itē ubi quid accidisset prospere & optato. O factum bene bene hercle factum, & gaudeo. Factū optimè. In contrariis: O factum male. Male factum. Exempla multa in Plaut. Terent. Catull. SOMNIAVI SOMNIVM) de somniis & somniorum generibus consule Maecob. in Som. Scip. lib. 1. cap. 3. Valerium lib. 1. cap. 7. Alex. ab Alex. lib. 3. cap. 26. Nihil autem tam præpostere, tam inconditè, tam monstrosè cogitari potest, quod non possimus somniare. Cic. 2. de Diuinat. Vnde somnia tetra, ex Platone idem lib. 1. explicauit. Somniare nos autem ea plerumque, quibus dediti sumus, & in quibus animo, cum vigilaremus, occupati fuimus, docet his versibus ornatissimis Lucre. lib. 4.

Et cui quisque ferè studio deuinctus adhæret,
Aut quibus in rebus multum sumus antè morati,
Atque in qua ratione fuit contenta magis mens,
In somnis eadem plerumque videmur obire.
Causidici causas agere, & componere leges,
Endoperatores pugnare, & prælia obire,
Nautæ contractum dum ventis gerere bellum,

Nos

Nos agere hoc autem & naturam querere rerum
Semper, & inuentam patriis exponere chartis.

NOVO METV) Seruius in Eclog. 3. ad illum versum:
Pollio & ipse facit noua carmina, exponit (noua) magna
& miranda. Et rursum. Eclog. 9. nouas lites, id est, magnas.
Eadem vis est verbi huius in illo 4. Georg. Huic perculsa
noua mentem formidine mater. Cic. nouum cum vocibus
inauditum, inusitatum, admirabile coniungit. ANTE
MORTEM IPSAM MORERER) talia dicuntur
ἔργον μηδέπειρα, id est, sententia, que ita sunt acuta, ut videantur
fatua. Apud Gracos frequenter occurserunt. Eurip. Hecuba.
νύμφην ἄρνυμφον, ταξὶ γένεσιν ἀτάσθετον. Sophoc. Aiace ἐχ-
τρῷ πόλεων ἀδερφα, Aristoph. ΛΟΓΙΣΤΑΙ, Huiuscemodi
sunt Ciceroni, cum tacent clamant. i. Catil. Insepulta se-
pultura. i. Philip. Ipsam victoriam viciisse videris, pro Mar-
cello. Eloquentia obmutuit. in Brut. insaniens sapiētia, Ho-
ratio. Ode 34. lib. 1. Magnas inter opes inops. Od. 15. lib. 3.
Concordia discors. epist. 12. li. 1. Plaut. Aulul. in opibus mag-
nis pauperes. Et sitibundos in medio Oceani gurgite. Ouid.
de fortuna. Et tantum constans in levitate sua est. Vide Vi-
ctor. lib. 10. cap. 12. ALTER DEMOSTHENES) Vig-
labat multum Demosthenes, & ad lucernā orationes suas
diligētissimè elaborabat. Id cum ei Pythias per iocum obi-
ceret, ac diceret orationes ipsius εἴληχτον οὐδέποτε, lucernam
oleo, respondit; melius hoc quidem, quam si hincum. Idem
interrogatus quo pacto tantam sibi eloquiem compa-
rasset; plus olei, inquit, quam vini consunpsi. Celebrantur
præterea lucerne Aristoph. Grammat. & Cleanth. Epidoti
autem Stoici lucernam fidilem tribus diachmarum mili-
bus emptam tradidit Lucianus. Ac solēns ceterè inter stu-
diosos literarum qui ardenter amant suas artes, atque in
iis cupiunt excellere, ad lucernam lecitare & scribere.
Hinc prouerb. de re meditata, magnaq; cum sedulitate fa-

az; lucernam olet. Nisi forte à Demosth. aliorumq; lucernis natum est. Non queo præterire, quod Niceph. de Theodosio iuniore scriptum reliquit. cap. 3. lib. 14. Sacrorum librorum eorundemque interpretum congerendorum adeo fuit studiosus, ut ea laude Ptolemeo inferior non esset. Nota eis legendis operam nauauit, lucerna se sponte sua, machina quadam mouente, sibiq; ipsi oleum insundente: ut ne quis ministrorum eius in laboribus huinsmodi molestiam quamplam subiret, neque vim naturæ cum somno collectas inferret. IDE ONE AVT ERO) Ari.li.de interpretat. Σωδία τὸν αὐτοφαγῆνες, οὐ αὐτοφαγῆνες εἰσὶ, οὐ δὲ εἰσὶ. Non quia affirmatum, aut negatum sit, ideo res erit, aut non erit. Apud Plaut. in Cap. Cum Hegio senex mortem Tyndaro seruo minaretur, à quo delusus fuerat, illegit subiecisset: Qui per virtutem peritat, non interit, excipit senex:

Quando ego te exemplis excruciauero pessimis,
Atque ob futilas tuas te morti misero,
Vel te interisse, vel periisse prædicens,
Dum pereas, nihil interdico, dicant viuere.

COENA TERRESTRIS) dñe incep aqua & n. ex op, cœna sine sanguine, constans ex iis, quæ è terra nascuntur, ex herbis & leguminibus, vilibus dapibus instructa, ob quam nullæ cœsa animantes, eratq; pauperum, & plebeiorum hæc cœna. vide Victor. lib. 7. cap. 16. MVS SARE) Ex litera μῦ, v pronunciato, vt Galli, v. sunt mutire, mussare, musitare. Et quoniam μῦ s. u mu, proprium est mutorum, qui hanc syllabam proferre solam possunt, significant illæ voces μῦ seu mu facere; id est, tacere, obmutescere, harere, quid dicas non habere. N. uis. Mussare est hominum occulta & depressa voce loquentium quod celatum velint. Nunc testes aliquot producamus, ad usum vocis cognoscendum. Plaut. Milite. Ergo si sapiis, musitabis. Et Casina. Ita omnes sub arcis,

arcis, sub lectis latentes metu musitant, Lucret. lib. 1. Sed quia multa sibi cernunt contraria, mussant. Virg. 12. Aenei. mussat Rex ipse Latinus, Quos generos vocet, aut quæ se se ad fœdera flectat. Expone igitur (ne mussare quidem) ut est in adagio, ne uero quidem facere: quod est, omnino tacere; quamquam & uero seu mu dicere, est nihil loqui.

PROGYMNASMA, VICESIMVM PRIMVM.

Virge.

VALENTINVS, SIMON.



ALENTINVS. Tûne ignoras, Simon,
Magistrum hesterno die pomeridianis
explicationibus finitis, pueros aliquos
virgatum misisse in suburbanu nemus?
S. Prô dolor, qualem historiam, quam terribilem
auditu? Quis retulit? V. Ipsem et vnuis fui de illo
ternario. S. Multasne confecistis? V. Bene mul-
tas, bene crassas, bene longas. S. Væ, væ. V. Haud
libenter vtique, in eam rem locauit operam. Sed
quid agas? accersit, accurrendum; præcipit, facien-
dum; vetat, intermittendum est. Nisi exemplò pa-
reas, primò dūm acris increpatio, increpationem
acriores plagæ comitantur. Ego verò præoptarim
quamuis multas ex arboribus defringere & colli-
gar virgas, quām virgarum caussa virgis lacerari.
SIMON, Non improbo quod mandanti parue-
ris, cum ipsem et non aliter facturus fuerim. Re-
centibus & flexilibus virgis, atque ut tute con-
firmas, tam crassis peius metuo, quām arefactis,
gracilibus usque ipso detritis. Huiuscmodi tres

F 2 qua-

quatuorue elapsa hebdomade, cum primus scholā
introgessus, nullum præter me conspicarer con-
fregi, confractas in hortum de fenestra abieci. V.
Nulla te religione tactum, tam periculosem faci-
nus? S. Haud te præterit, non fieri sine periculo
magnum & memorabile facinus. Non multum in-
tercessit tempotis, cum Magister ira inflammatus
auctorem & consciens noxæ inuestigauit. Neganti-
bus reliquis, ego quoque negare liquidd, & fingere
alia omnia. V. Cur non es confessus veritatem? S.
Rogitas? quia mercedem nimis grandem huic con-
fessioni destinatam, summum scilicet in cruciatum
me venturum esse intelligebam. V. Ne chorda ob-
erres eadem:nam in tales (nec ipsorum immerito)
sæuire mos est Præceptoribus: videtur quippe o-
sores & inimici iustitiæ. S. Volebam gratificari meo
corpori, vobisque singulis. V. At nullus extitisset,
qui si ob commissaverberibus accipiendus fuisses,
ipse suum corpus pro te si:pposuisset. S. Rectè. Om-
nes sibi melius esse malunt, quam alteri. V. Cete-
rūm non est quod timeas; prius exarescent omnes
virgæ, quam tu cædere: eò tolerabiliores erunt. S.
Ecquis præstabit me vel unum diem fore tutum?
frequenter vna interrogatiuncula, cui respondere
nequeas, in extremum te periculum adducat. V.
Quam vellem reperiretur aliqua via euadendi istas
percussiones, seu carnificinam potius. S. Alia nulla
est, nisi ut discamus quam diligentissime, quò ab i-
stis plagosis & eiulantibus scholis, ad felices illas,
tranquillas, & quasi beatorum insulas transfera-
mur. V. Hoc intra triennium non erit. S. Eheu. V.
Deterrimo loco sumus. S. Attamen eo quo fuerunt
quondam, qui nunc sunt Iurecos, Philosophi, Ora-
tores,

tores, quo fuit ipse Praeceptor; siquidem in pueris fuerunt omnes. Adhuc non est nobis dedecori multari virginis à doctribus in gymnasio. Populo inspectante per vias oppidorum cædi atrociter à carnicibus, ob edita scelera, hoc est in turpisimum sempernūmque dedecus incurrere. Quod si vociferis elatissimè, minus sentiuntur ictus. V. Tantò ferit ille validius, quanto tu clamas horribilius. S. Ob clamoris magnitudinem cessare interdum cogitur. V. o vafritem. Cae ne os tibi obturet, aut lignum transuersum inferat. S. Hic esset Phalarismus meo quidem animo. Preces & obtestationes item non mediocri emolumento sunt illo tempore. V. Assentior, & nunc redeo in memoriam, te nō ita multos ante dies ideo percussum leuiter, paucisq; ictibus, quod te statim moritum clamares, & per diuina humanaque omnia, pérque extremi iudicij diem, ut temperaret obsecrares. S. Vnde vnde auxilium, Valentine, in tam horrendo discrimine accersendum est. Egomet mihi, sibi quisque est charus.

ANNOTATIONES.

VIRGATVM) Ut aquatum, lignatum, pabulatum, frumentatum, que sunt bonis scriptoribus familiaria. Nouauimus igitur hoc verbum similitudine. Sic virgatores. Plaut. Asin. Caesar lib. 1. de bell. civil. Cuius etiam sunt lignator, aquator; ut Luui pabulator. Rursus Plauti virginemia in Asin. FINGERE ALIA OMNIA) Dicitu, ut ire in alia omnia, quod est epist. 2. lib. 1. & apud Calum lib. 8. ad Ciceronem. Sic prece clamabat boni omnis causa, pro, qui non censetis, vide explanat. Mansutij. OMNES SIBI MELIVS) Terent. And. Plato 5. de leg. Hoc est quod dicunt, unumquemque sibi natura amicum esse, idq;

recte fieri. Aristot. Ethic. lib. 7. Nonnullis videtur quemq;
sibi potissimum amicum esse. PRÆSTARE) Præstare in-
terdum iure of. pro exitum rei in se recipere , vel alienæ
culpæ dispendium velle luere: ut præstare euentum, præstare
promissum alienum. Sic Cicero ad Vatinium epist. 11. libr.
5. de seruo Dionysio. si me amas, confisce: quancunq;
ei fidem dederis, præstabo. Et 1. de Orat. perge verò, Crasse; istam e-
num culpat, quam vereris, ego præstabo. Id est, ego in me
recipio. Graci èylvæð. Budens in Pandect. BEATORVM
INSULAS) Plaut. Trinum.

Sicut fortunatorum memorant insulas,
Quo cunibi qui ætatem egerunt castè suam
Conueniant.

Vbinam sita sint istæ insulæ, & qualis earum natura , Mu-
retus politissima descriptione docebit, cap.1. lib. 5. Horat.
Ode 16. Epop. Homerius Odiss. 4. Strabo lib.1. Plin.lib.6. cap.
32. MINVS SENTIVNTVR ICTVS) Clamore
corpus intenditur: intenta autem quam remissa magis re-
sistunt plagis & pulsibus. Etiam qui armis & ferro con-
currant, hanc caussam habent, cur vociferentur. Nobiscum
faciunt illa Cic. Tuscul. 2. Nec verò unquam ne ingemisit
quidem vir fortis, ac sapiens, nisi forte ut se intendat ad fir-
mitatem, ut in stadio cursores exclamant quam maximè
possunt. Faciunt idem, cum exercentur, athlete. Pugiles ve-
rò, etiam cum seriunt aduersarium, in iactandis castibus in-
gemiscunt: non quod doleant, animōne succumbant, sed
quia in profundenda voce omne corpus intenditur, venit q;
plaga vehementior. PER QVE EXTREMUS IUDI-
CII DIES) Videamus num istud (extremus dies , siue
extremum iudicium) pluribus & ornatis, planeq;
oratoriè dici posse. Dies ille formidolosus, quo die vniuersi mortales
in iudicium vocabuntur, totius vite rationem reddituri.
Dies ille, quo hominum corpora è somno mortis ad lucem
alterius

alterius vite excitabitur. Dies, quo nobis omnibus iterū datur vite lumina, & ad Christi omnes tribunal sistemur. Quando ad vitam reuocatis quotquot vñquam nati sunt, Dei filius ē Cœlo ad iudicium exercendum, sententiamq; pronuntiandam descendet. Vnde vnde) Huius ordinis sunt, ut vt, vbi vbi, qua qua, qualis qualis, quantus quantus, pro vñdecunque, vñcunque, vbi cunque, quacunque, qualiscunque, quantuscunque. Donat. in And.

PROGYMNASMA

VIGESIMVM SECUNDVM.

Colloquium in schola.

GEORGIVS, THOMAS.

GEORGIVS. O ho Thoma, iam vlciscar me. Frequenter abs te accusatus, paria reponam. T. Aliquoties accusauit te, non eo inficias: s̄epius, nego. G. Quare autem vel aliquoties? T. Quod commerueras, & mihi quoque non plus est parsum ab aliis. G. Nunquam te lāsi. T. Imò reum me fecisti. G. Nunquam. T. Quid est porrò quod me cogitas accusare? quid culpæ contraxi? G. Scamnum cultello scriptorio conscindis, quod prohibuit Preceptor; & tuum nomen incidis, quod grauius prohibuit, eaque de re flagris alios accepit. T. Oro te, tace; cera complebo fulcos illos, aut radam lignum, ne appareant literæ. G. Vah consilium callidum. Quid dabis in loco mercedis? T. Sūmisse, ne audiat Magister. Pulcherrimum de globulis meis. G. an tulisti tecum? T. H o. non omnes. G. Quot habes? T. Septem. G. Monstra, si placet. T. En. G. Sunt elegantes. Facisne



mihi copiam eligendi quem præcipue probauero? T. Facito. G. Hunc eligo. T. Instum eligeres; meo enim iudicio relinquit alterum præstantia. G. Non tam aptus est ad manum meam propter magnitudinem. T. Ergo istum, paullo minorem. G. Sine tentem, Nimium parvus est. T. Retinebis igitur, quem primum omnium sumperas. G. Ita faciam. Quam venustè nigro alboque distinctus, venulas quasdam ostentat? Emistine, an lucro acquisisti? T. Lucro. G. à quo? T. A Leonardo nostri vicini filio, qui cum perlæpe ludo. G. Si tam scitè factis abundant globulis, prouocabo illum ego similiter ad certamen T. Vix aliquando vincitur: peritissimus enim huius scientiæ puer est. G. Et me lusorum non ultimum esse cognoscet. At at, comprimamus orationem: Præceptor de Cathedra descendit, ne confabulantes inueniat, & ad pœnam vocet. Profectò haud multum abest à nobis infortunium.

ANNOTATIONES.

Natura puerilis & in hoc, & in aliis præterea quamplurimus virtusque veluminis dialogis spero à me adumbratam, si minus expressam & depictam imaginem. Mirum sane, quam illa iniuriarum impatiens, ad parpari referendam, ad delicta celanda, ad ludendum ingeniosa atque prompta sit, que quidem hoc loco à nobis insinuata sunt. Que autem alius, & sparsim, eorum testimoniū aduocare visum est Cic. V. de finib. Eos, inquit, parvi agnoscunt, à quibus educantur: deinde aequalibus delectantur, libenterq; se cùm his congregant, dantq; se ad ludendum, fabellarumq; auditione ducuntur: deq; es quod ipsis superat, alii gratificari volunt: animaduertuntq; ea que domi fiunt, curiosus,

sus, incipiuntq; commentari aliquid, & discere: & eorum quos vident nolunt ignorare nomina, quibusq; rebus cum equalibus decertant, si vincunt efferunt se latitia: vieti debilitantur, animosq; demittunt, & que sequuntur.

PROG YMN ASMA

VICESIMVM TERTIVM.

Arma scholastica.

MICHAEL, AMBROSIUS.



MICHAEL. Scholam potentibus nobis in dies singulos, ac pñè incolentibus, cù instrumenta, vt aliis cuiusvis generis artificibus sua necessaria sint, illorumque appellations quædam mihi exciderint, obsecro, quod sine molestia tua fiat, redige illas in memoriam meam, & velut sub vnum alpeçtum subiice vniuersa. A. Forfitan non subibunt animo omnia; quanquam adeo multa nō suat. Verum si quid nesciero, ait Plautinus Pseudotyndarus, id nescium tradam tibi. M. Non vertam vitio, aut non recordari, aut nescire te, quod ipsemer vel nesciam, vel non meminerim in præsentia. A. Interroges licet, quod commodiū accipias, quæ cupis. M. Sic agam, & ad duo capita, quò distinctiū res agatur, argumētum totum reuocabo. A. Ad quæ? M. Scholastici aut legunt aut scribunt; quocirca duorum generum instrumentis indigent; vnis quæ ad lectionem ipsiis inserviant; alteris quæ ad scriptionem. Videorne opportunè distribuisse? A. Et valde quidem. M. Enumera iam quæ referuntur ad primum genus. A.

Liber, libellus, quod spectant pagina, pagella, margo seu ora libri, inuolucrum seu operculum, quo vestiuntur libri, ut ab iniuria vetustatis & puluerum conseruentur. Huc filum, acum, ceram, quorum apud nos non infrequens est usus, referre potes. Eodem pertinet pluteus. M. Quid est pluteus? A. Pluteorum alius dicitur armarium siue repositorium librorum, qui etiam in forulis reponuntur. Alius est tabula seu scrinium, quod sibi scribentes subiiciunt; barbaris pulpitum. M. Habeo ista: procede ad certa. A. Restant nomina secundi ordinis. M. Quænam illa? A. Charta siue papyrus. Iam chartarum alia vocatur Augusta, tenuis nempe & candida, ad epistles accommodata; appellata sic est ab Augusto. Alia dentata, alia bibula, quæ transmittit literas: alia Claudiæ, regia, imperialis, amplio folio & crassa: alia emporica, mercibus inuoluendis idonea, vnde cuculli fiunt: alia charta virgo, ex qua nullum est descriptum exemplar: alia pura, in qua nihil est literarum: alia pergamenta, quoniam apud Pergamum Asia urbem inuenta sit, etiam membrana dicitur. Hæc de chartarum generibus. Atramentum scriptorium siue librarium. M. Cur addidisti scriptorium siue librarium? A. Quod aliud est atramentum fuligineum, quo utuntur Typographi, aliud suitorum; quamquam consuetudo, quæ est verborum domina, nihil solet adiicere. Atramentarium, calamus absolute seu calamus scriptorius. Cultellum, graphiarium seu scalpellum, scalprum librariū vocat in Vitellio Suetonius, ut docti annotarunt. Theca calamaria seu graphiaria, theca siue pixis pulueraria, siue arenaria. M. Annon putas aliis quibusdam armis nos indigere? A. Immò: sed præcipua recensui.

recensui. Sunt ergo insuper forcices, cleplydra, regula, circinus æneus, & nonnunquam, præsertim in æstate, cum Sirius ardor findit agros, & vermiculi componuntur, moderatus vini haultus.

Ingenium potis irritat Musa Poëtis.

Bache soles Phœbo fertilis esse tuo,

inquit propert. M. Optatissimum vero instrumentum: nominasses hoc primo loco. A. Nam quia carmina lætum sunt opus, ut cecinit Ouid. vinum exhilarat animum. Et sepe audisti illud Ecclesiasticus: *Vinum lætitiat cor hominis.* M. Probabilius dixisses, pecunia quoque ut instrumento opus esse scholasticis, idque non interdum, sed continenter; qua suppeditante, multo hilarior sit mens, quam vini potu: & pecunia vinum emi potest, vino pecunia non emitur, emi certè quidem non dicitur. Nunc de hoc in me collato beneficio multum te amo, tibiisque gratias ago.

ANNOTATIONES.

ARMA SCHOLASTICA) Armorum nomine non bellica modo, verum etiam quarumvis artium atq[ue] rerum instrumenta intelliguntur. Agricolarum arma sunt ligones, sarcula, planstra, vomeres, &c. Nautarum rudentes, vela, antennæ. Virgil. Georg. i. Dicendum & que sint duris agrestibus arma. Æneid. 5. Colligere arma iubet, validisq[ue] incumbere remis. Et sua item pistorum. Æneid. i. Tum Cererem corruptam vndis, cerealiaq[ue] arma, Expediunt fessi rerum. Cocorum olla, sartagines, cochlearia. Studiosorum libri, calami, &c. Sacerdotum Breuiaria que vocant, missalia, calices, &c. Cic. in Bruto, ingenij, auctoritatis, in Oratore, prudetiae, in Catone, arma aptissima sene-
cuntis

clutis artes & exercitationes, Quiniti, arma facundie di-
xit. IN FORVLIS REPOVNTVR) Meminit for-
tulorū in Oſtauio Tranquillū, cap. 31. in hac verba. Quid
quid fatidicorū l. brorum Græct, Latinq; generis, nullis
vel parum idoneis auctoribus, vulgo ferebatur, supra duo
mili a conrracta vndiq; cremauit: ac solos recipiuit Sybilli-
nos. Hos quoque delectu habito: condiditq; duobus forulis
auratis sub Palatini apollinis basi. ALIA VOCATVR
AVGVSTA) De hoc, vt item de aliis chartarum generi-
bus Hieratica, Litaia, Saitica, Teneotica, Corneliana, Fan-
niana, legendus Plinius lib. 13. cap. 12 & Turneb. lib. 7. cap.
2. ALIA DENTATA) Apri, auretiam equi dente le-
uata. Quod nem nunc, vbi quid scribitur accuratius, face-
re solemus, ad inæqualitatem quartæ complanandam: quo
calamus quasi currat expeditius. Hec. Manut. in epist. 14.
lib. 2 ad Q.F. Reprehēdit deinde Erasmus. qui charta den-
tata, pro acerbe, & iracunde scripta interpretatus sit. ALIA EMPOERICA) Hac mercatores viuntur pro inno-
lucris & integumentis mercium, tanquam ad scripturam
inutili, & crassanum. ALIVD SVTORIVM) Xanth-
us & Græci, à quibusdam virolium. G. lenus inter ma-
xime novia pharmaca numerat; nec tūd iis medicamentis
ad miseri putat, qua per os assumuntur. Significat item
colorē, quo corium futores ad calceos faciendo imbuant.
Cu. epist. 21. lib. 9. Hoc vero qui Lylibei à Pompeio nostro
interfectus est improbor nento, meo iudicio fuit. Iam pater
eius accusatus à M. Antonio, futorio atramento absolutus
putatur. quem locum aliter explanat Manut. aliter Tur-
neb. lib. 6. cap. 18. IRIVS ARDOR FINDIT) Ca-
nicule exorsa accendi soli vapores quis ignorat? cuius sy-
deris effectus amplissimi in terra sentiuntur. Plin. lib. 2. cap.
40. MODERATVS VINI HAVSTVS) Vinum
parcē ac moderatē sumptum, ingenium acuit, vt alia multa
bona

bona que affert omittam. Immodice inmoderateq; hau-
sum rationem perturbat, intellectum hebetat, memoriam
imminuit, omnem animi vigorem quodammodo enervat
atque interficit. De hilari autem animo ad versus pangens
dos necessario, & de enthusiasmo in hunc modum Cic. ad
Q.F. epist. 4.lib 3. De versibus quos tibi à me scribi vis, deest
mihi quidem opera, que non modo tempus, sed etiam ap-
pum vacuum ab omni cura desiderat: sed abest etiam ò-
gostia opus. Non enim sumus omnino sine cura venientis
anni. Epist. 5. Opus est ad poema quadam animi alacritate,
quam plane mihi tempora eripiunt.

PROGYMNASMA VICESIMVM QVARTVM.

Innitatio Magistri.

DISCIPVLVS, MAGISTER,

DISCIPVLVS. Pater mih pro imperio
dixit, amissime doctor, vt simul ac do-
cendi finis esset factus, & dimissus audi-
torum cœtus, nec latum pedem abs te
discederem, nisi mecum ires domum nostram ad
prandium. M. Præter opinionem ista vocatio, peni-
tusque insperata accidit. Egone ad prandium? Re-
nuntia salutem à me patri tuo: tum isti eius huma-
nitati verbis meis gratias age, & narra; Præceptorē
tuum de veteribus amicis in hunc ipsum diem ex-
pectare quandam inuitatum ad prandium, timere-
que, ne ille postea in se illusum arbitretur, si inuita-
torem suum non inuenerit. D. Legitimam excusa-
tionem tuam haud cōtēnnet pater, vt reor. Verum
tamen ut vna esse velis hodie in cena, te impensi,

mi Præceptor, rogamus. M. Alienum est moribus
meis cœnare fortis, nisi quam rarissimè, & si quis
precibus me forte expugnauerit. D. Qua de cau-
sa? M. Rogas? Quoniam cum non plus ferè quam
acetarium cum minutis pisciculis, cum frustulo ag-
ninæ aut vitulinæ cœnitare consueverim vereri so-
leo, ne conuiuis hilarioribus ob istam, ut appareat,
Xenocrateam vixius moderationem aliquid mo-
lestiarum apergam: sèpius item stomachi auersio-
nibus labore. D. Ut ita sit, & te sine arte mensa de-
lectet tamen (quod ex ore tuo audiui centies) ser-
mo festinus, qui in conuiuis adhibetur, etiam qui-
dam cibus est, quo velut condimento epularis illa
amicorum accubatio commendatur. Proinde si
comedere de patinis omnibus minus libuerit, at
patrem, & qui vna discubuerint tuorum leporum
suavitatibus, illiusque rerum gestarum quibus mul-
tum dedisti studiū, ut ilissimis iuxta atque desidera-
tissimis commemorationibus recreare etiam at-
que etiam, & hilares opera aduentuque tuo hila-
riores reddere poteris. M. Gaudetne parens tuus re-
rum antiquarum notitia? D. ut qui maximè. Quid-
quid ipsi vacui, ac liberi temporis conceditur, pe-
rire non sinit, historis legendis consumit. M. Plu-
rēne affuturi sunt in cœna, & qui? D. Cūr istud que-
ris? M. Imitor Chilonem, quem narrat Plutarch.
cum vocaretur, non ante foras promisisse, quā eo-
rum qui eodem inuitarentur nomina singulatim
cognouisset. D. Quam ob caussam? M. Dicebat qui-
busdam necesse esse viā nauigare aut militare, eo-
rum etiam molesto comitatu atque contubernio
vtendum esse. Vlro autem qualibuscunque se ad-
miscere conuiuis, non esse sani hominis. P. Præter
patruum

patruum, autemque maternum, qui crebrius adsunt, nemo mortalium. M. Qui utrumque nōrit, ambos nouerit: viri sunt honesti & graues. Referes ergo patri, me hominem esse non multi cibi, sumptuosissimq; cœnis non amicissimum: atque ad eum, quando ita vult, colloquendi potius, quād edendi causa sub vesperam esse venturum. D. Quacunque gratia ad domicilium nostrum accesseris, tuo aduentu omnibus nobis magnam es lætitiam oblaturus.

ANNOTATIONES.

VOCATIO) Vocare dicebant veteres, nihil adiicienes, cum ad cœnam, seu prandium subintelligerent. Plaut. Asin. Vocet coniuam neminem, illam tu voces. Menac. Qui negat, vocantur neque vocat. Cic. ep. 20. lib. 9. Nos iam tantum habemus, ut Verrium tuum & Camillum qua mundicia homines? qua elegantia? vocare sapius audemus. Catull. ad Fund. Qui tunc vocat me, cum malum legit librum. Vocatores quoque seruos nominabant, quorum opera in vocandis coniuuiis vterentur. Ipsam præterea invitacionem vocationem. Catull. ad Porcium, & Socrat.

Vos coniuia lauta sumptuosè
De die facitis, mei sodales
Quærunt in triuis vocationes.

Sic Græci κληθῆτε, subintelligentes τὴν διάτοπην, & κλήσις ipsas vocationes seu invitationes huiusmodi. Victor. lib. 5. cap. 17. Vocati verbo è regione respondet, reuocare: id est, eum apud quem coniuio acceptus hilare fueris. vice sibi ad te inuitare. Cetera Ianus Guilelmus Quest. in Amphit. Plaut. cap. 8. VT VNA ESSE VELIS) Donat illud Terent. And forte (ita ut sit) filium perduxere illic secum, ut vna esset, meum, exponit, ut simul cibum caperet.

caperet, priore natura producta, à verbo edo. Sic in Eunuc.
 vt de symbolis essemus, id est, vt commessaremur. Apud a-
 liquem autem cœnare, non est cum illo cœnare, sed in eius
 adibus. Et potest aliquis cum aliquo, nec tamen apud eum
 cœnare. Plura Manut. in epi. 13. lib. 4. ad Att. CVM F R V-
 STVLO AGNINÆ) Imbecillo stomacho omnes pene
 cupidi literarum. Cels lib. 1. cap. 1. Illis itaque cibi ad con-
 coquendum difficiles dandi non sunt. Arnob. lib. 7. Ne sto-
 machum fatiget inualidum, hic bubulam duriciem vitat,
 & lactentium lenitatem, quo digerat expeditius, sumit.
 Neganit Cleanthes yllum cibum esse tam grauem, quin is
 die & nocte concoquatur: cuius etiam in reliquo inest ca-
 tor is, quia natura respuerit. Cic. 2 de Natur. Deor. X E-
 NOCRATEAM VICTVS) Singularis fuit Philosophi
 huius frugalitas, qui sèpius obsonia iam rancida facta
 abiecit: nec raro cum cadum aliquem vellet retinere, vi-
 num acidum factum inuenit. Proverbium, Xenocratis ca-
 sculus, quod non ad cibum duntaxat, sed ad vestem, libros,
 aliasq; res, quibus ita parce cauteq; vivimur, ut quam diu-
 tissime durent, accommodabitur. Laudatur & moderatio
 Platonis. Qui cum in Academiam inuitasset Timotheum
 Cononis filium, Principem in Atheniensium Republ. frugali
 eum cœna accepit. Itaque videns sequenti luce philosophum
 Timotheus, vestre cœna, inquit, non in præsens modò, verū
 in posterum quoque diem sunt iucunde. Elian. lib. 2. cap.
 18. reuersum à cena suis dixisse tradit: Qui cum Platone
 cœnant, etiam postero die bene habent. Ipsi autem Platoni
 postera luce: Vos à Plato melius cœnatis sequenti die, quām
 presenti. Meminit etiam Cic. Tuscul. 5. Plutarch. de tuend.
 paletud. Victor. lib. 18. cap. 3. SINE ARTE MENSA)
 Hoc unum ex illis est, quæ pulcherrimo carmine vitam bea-
 tiorem facere canit Martial. lib. 10.

P R O G Y M N A S M A
V I C E S I M V M Q Y I N T V M .

Ludimagiſter defensus.

KILIANVS, IOACHIMVS.

KILIANVS. Etiamnum, Ioachime, coriū dolco, ita me blandis modis permulſit Magister. I. Mihi verò vola toties impa-cta ferula adhuc feruet. K. Quantum da-tur perspicere, morosus est homo ifte, & infestus tardioris ingenij pueris. I. Non, sed tardioris dili-gentiæ pueris. Et certum ſcio, ſancteque adiurare poſſim, ſuapte natura ad manſuetudinem eſſe pro-penſiſſimum, ac perſonam tetram vultuofamque induere noſſe, viſiſſimq; deponere, cum uſu vene-rit. Non ſolū multa doctrina, ſed plurimo etiam rerum uſu, ſummaque prudentia eſt. K. ſe-piſſimè cholera incenſum ac frementem notaui. I. Quia nimirum ſe-piſſime exſtiterunt, qui iſpi bilem cierent: parcè ac molliter, cæteroqui iralcitur. K. Mihi Deum ſatis uififfe iratum ſcio, qui hunc virum nauctus ſim, à quo acciperem disciplinam. Qualis qualis ſit, ut iam meus Praeceptor non ſit. I. Gar-ris, cur iſtuc precaris tibi? K. Quia præstat verbis, quām verberibus puniri. I. Præstat: atqui utrūm-que uſurpandum eſt, cum alterutro nihil efficitur. K. Quo tandem modo Ioachime? I. Eſt apud quē verbis, eſt apud quem plagis vti, eſt quem acriū obiurgatum nihilominus virgis pulsare neceſſe ſit. K. In illis primis profiteor nomen meum. I. Exiſtimo totam rem doctoris iudicio reſeruādam eſſe:

qua

qua scilicet ratione nos erudiat, & merentibus pœnam irroget. In sua cœussa nemo incorruptus arbitratur. Ac Senecæ quidem nulla videtur dura curatio cuius effectus est salutaris. K. vereor ne aliqua ad familiam hoc permanet, me percutsum in gymnasio, & ita insuper irridear, ut malum malo geminetur. I. Quod tu times, propulsabo facile. Nullus mortalium indicium faciet, nisi fortè insaniat. K. Valde abhorret à me volūtas hominis, acerbe odit me, inquam, Præceptor: nunquam tamen sciens cōmerui, ut illum meritò caperet odium mei. I. Quo argumento id affirmas? K. Toties ingerit verbera. I. O Chrysippeum accumen: perinde quasi nō etiam parentes filios dicto minus audientes pulsent frequētissimè, quos nihilominus amant, charōsq; habent. Nunquā pater pugnos tergo incussit? K. Etiā in capillos inuolauit frequens, meūmque caput impleuit fustibus. Postulas ergo ut cùm pœnas à me repetit Magister, ego hoc signum amoris interpreter? I. Certè. K. Si uadæ medulla sis, non persuadebis. I. At saltem signum sollicitudinis. Nam si neque amaret, neque nostri cura tangeretur, haud aliquando interrogaret nos, haud vñquam errantes corrigeret. K. Tu quantus quantus, nihil nisi sapientia es. Age, iam credo non sine caussa ipsum virgas tam crebro in meam pellem expedire. De cetero studebo, ut ne tanto in me amori occasiōne sanguiniendi offerā. I. Si plusculum sedulitatis in discēdo suscep̄eris, tute tibi consules, alioqui nugas magnas egeris. K. Vel ad mortem discam, dum istis execrabilibus virgis corpus meum eripiam. I. Fac sis verba ad rem conferas, ne audias, Promissis diues.

ANNQ-

ANNOTATIONES.

TOIES INGERIT VERBERA) Lege historiam planè grauem & iucundam quam de Plutarcho & seruo Philosopho verberari iusso Taurus eiusdem Plutarchi discipulus Gellio auditori suo narravit. lib. i. cap. 26. & disce quo pacto similiter conquerentibus respondeas.

CHRYSIPP EVM ACVM EN) Ingeniosissimus & acutissimus fuit Chrysippus, atque in dialepticis adeo excellens & insignis, tantaq; apud omnes opinione, ut plerique dicerent; si apud Deos esset usus Dialecticæ non aliis quam Chrysippe futurū. Laert. S I S V A D Æ M E D U L L A S I S) Eunius M. Cornelij Cethegi eloquentiam prædicans, post cetera de eodem ita scripsit: Elos delibatus populi, Suadæq; medulla. Vocat medullam; qua voce res reconditas & suaves solemus appellare, quod quæ talia sunt, natura intime recondat, vt i medullas. Suadam porro Graci wēθω, Quintilianus persuadendi Deam, Horat. suadelam, Cicer. leporem. Simile est illud Aristophanis. § 2d wēθōs, § 3d ἀπὸ wēθōs. Non persuaderis, ne si persuaderis quidem. V T NE TANTO IN M E) Ut ne, eandem vim habet, quam, ne. Cic. Fides tua patietur, vt socrus adolescetis rea ne fiat. Plaut. Mercat. At ego expurgationem habebo, vt ne succurrat. Terent. And. Si poterit fieri, vt ne pater per me stetisse credat. EunUCHO. Ut ne impune in nos illuseris. P R O M I S S I S D I V E S) Versiculus est Ouid. Promisiis diues quilibet esse potest. Mos est Ciceroni, quos ex auctoribus adducit locos, primis duntaxat verbis indicare, quem licet imitemur, vbi tamen legentibus nostra loci illi noti fuerint. Observauit hoc Manut.

in epist. 18. que est ad Lep-

tam. libr. 6.

* *

G

2

PRO-

PROGYNASMA.

VICESIMVM SEXTVM.

*Dies remissionis.*POLYCARPV^S, IGNATIV^S.

POLYCARPV^S. O dies Mercurialis, credibile non est, quām optatus & charus illexeris, vt aliás in hebdomadas singulas, Celebritatis, venustratisque plenus es. I. Pernoui cogitationes tuas. Quia lusurus es, idcirco tam amicē salutas præsentem diem. P. Vellem alternis reuerterere; nam continens bidū naufragiūtus tracto literas. I. Votum asinorum; qui, si loquerentur, optare se dicerent cū Polycarpo meo, vt alternis tantum dorsa onerati incederent. P. Nō ego hoc solus, Ignati, complures mecum desiderant. I. Nempe sic est profectō vt dicam tibi: multi tecum magis amant catellos suos, quām studia bonarum artium, creduntque sibi dormientibus omnia confectionum Deum. P. Dum latinē loqui sciā modō, Aristotelem & Euclidem tibi & aliis relinquant. I. At tu ne Latinē quidem aliquando disces, si audiendi, legendi, loquendi, scribendi quandam perseverantiam non adhibeas. P. Quorsus hæc te-trica & iucunditatis omnis expertia, vt Catones aliqui fabulamur? Hodie insigniter ludendum esse aio, instaurandasque vires, quas labor tam longus delassauit. I. Nec Ignatius ludum quietēmque necessariā recusauerit: quin paratus sum hac ipsa hora tibi colludere; nulla tibi hoc quidem in negotio à me difficultas erit. Remissionis crebras & extraordinarias

ordinarias odi , siquidē honestis moribus, optimarūmq; artiū studiis detrimenſoſe ſunt. P. Tu fac, & ſenti quod collibuerit, mihi indulgentia vacationū nihil potest contingere gratius. Magiſtri viderint quid, quibus, quando indulgeant: noſtrarū partium eſſe ſtatuo , quod conceditur non inuitos accipere, quotiescumque conceditur. I. Olim cognofces te nimium luſiſſe. P. Ettu perſpicies olim, te nimiuſtuduiſſe; quando , inquam , oculi caligabunt, ventriculus cibum malē concoquet, corpus totum pallor & mācies obſidebunt. Nimia omnia nimium exhibent negotium hominibus. I. O falfidum vatem. Haud ita me intemperanter ingurgito literis, vt iſtas prædictiones formidare oporteat. Audiui etiam eruditos plurimos, ad decrepitam ætatem æuum extendiſſe, cum aſſidue in libris literisque eſſent volutati. P. Ipſe Thales ad ſapientiam tuam merus nugator eſt. Desine philosophari: hæc lux hilariter consumenda eſt. I. Qua tandem ratione consumenda? P. Viſne in prata virentia concedamus, ibique pila experiamur palmaria? I. Volo ſanè: vtile & iucundum eſt hoc ludendi genus. Aſcen de ē vettigio in conclave, & defer amborum pallia cum pila. P. Vbi eſt pila? I. In pluteo , aut certè in capſa ductili ſub mensa. P. Eo ut afferam. I. Aetum redi, hic te expectauero. P. Illic ſum , atque hic ſum.

ANNOTATIONES.

SI BI DORMIENTIBVS OMNIA) Alluſio ad pictaram, qua pingebat inuidi dormientē Timotheum Cononis filium fortunatissimum Atheniensium ducem, &

vrbes vltro in ipsius nassam se induentes. Quam rem iniquo animo tulisse fertur, cum sua egregia facinora victoriasq; non fortuna, sed virtuti adscribenda putaret. Refert Plutarch. in apophthegmat. Regum & Imp. additq; hoc dictum illius. Si tantas ego vrbes per somnum capio, quid me vigilantem putatis facturum? Item ad Poëtarum commentum, qui se ex somniis Hesiodi & Enni fabulantur in monte Parnasso dormientes vna nocte Poëtas fieri. Nihil hoc somno celebratus. AVDIENDI, LEGENDI,
 LOQVENDI SCRIBENDI) Alit lectio ingenium,
 & studio fatigatum non sine studio tamen reficit. Nec scribere tantum, nec tantum legere debemus. Altera res contristabit & vires exhaustiet: de stylo dico: altera soluet ac diluet. Inuicem hoc illo commutandum est, & alterum altero temperandum, ut quidquid ratione collectum est, stylus redigat in corpus. Seneca, epist. 84. VT CATONES ALIQV I) Vtriusq; Catonis, Censorij, inquam, & Uticensis grauitas, sapientia, & virtus nota est. Posterior in Stoicis numeratur, & à Cicerone pro Murana in eum se etiamq; suam multa iocose dicuntur, soletq; hoc nomen pro seuero & rigido usurpari; quemadmodum illa Philosophica disciplina tetrica ac morosa fuit. VENTRICULVS CIBVM) Medicorum sententia, qui in studiis acres & assidui sunt, stomachos habent debiliores parumq; calidos, quod illa cogitationum & animi contentio calorem dissipat & labefactat. PLVRIMI AD DECREPITAM ETATEM) De Platone, Isocrate, Gorgia, Cic. de senect. in hunc modum: Est etiam quiete, & pure, & eleganter acta etatis placida ac lenis senectus: qualem accepimus Platoni, qui uno & octogesimo anno scribens mortuus est: quam Isocratis, qui eum librum qui Panathenaicus inscribitur, quarto & nonagesimo anno scripsisse dicitur, vixitq; quinquennium postea: cuius Magister Leontinus Gorgias centum

centum & septem compleuit annos, neque vñquam in suo studio atque opere cessauit. Democritus centum & quatuor annos vixisse traditur. Hippocrates quartum vlera centesimum superasse. Galenum accepimus ad centesimum quadragesimum peruenisse. Denique longeuous, eosdemq; eruditos in Catone iterum adducit non paucos his verbis. M. Tullius. Num igitur hūc (Sophocle) num Homerū, num Hesiódum, num Simonidem, num Stesichorum, num quos ante dixi, Isocratem, Gorgiam, num Philosophorum principes Pythagoram, Democritum, num Platonem, num Socratem, num poslea Zenonem, Cleanthem, aut eum, quem vos etiā Roma vidistis, Diogenem Stoicum in suis studiis obmutescere senectus coegerit? an non in omnibus iis studiorum agitatio virtutē equalis fuit? IPSE THALES AD (SAPIENTIAM) Septem sapientes fuerunt, Solon Atheniensis, Thales Milesius, Chilo Lacedemonius, Pittacus Mitylenaeus, Cleobulus Lindius, Bias Prienensis, Periander Corinthius. Eorum vitam memoria tradidit Laert. Dicta singulorum versibus inclusit Ausonius. Est autem locus, ad quem fit allusio, in Captiuis hic. T.

Euge pol, Thalem talento non emam Milesium.

Nam ad sapientiam huius ille nimius nugator fuit.

Vt facet orationem ad seruitutem contulit?

PROGYMNASMA

VICESIMVM SEPTIMVM.

Emendatio scriptio[n]is.

DISCIPVLVS, MAGISTER,



Discipvlus. Perbreuem epistolam, Præceptor, ad parentem effeci, eam si tibi est otium, corrigere, quæso, ne abnueris. M. Quod est argumentum? Quod

G 4 est

est argumentum? Qua de re scribis? D. Explicationem valetudinis meæ: hinc argentum partim ad nomina dissoluenda, partim ad libros coemendos peto. M. lege initium. D. *Andreas Praetorius Nicolao Praetorio amantissimo parenti S. P. D. M.* rectissimè, iam progrederé. D. *Quamquam haud ita pridem literas ad te dedi, mi pater.* M. Vox (quamquam) indicandi ne modo, æquè ut coniunctio iungitur? Nónne dicendum erat: quamquam dederim? D. Probè indicatio iugatur. M. Profer idonei scriptoris testimonium, si recordare. D. Etiam plurium. M. Tullius ad Curionem. Quanquam me nomine negligentiae suspectum tibi esse doleo. Et pro leg. Manil. Quanquam mihi semper frequens conspectus vester multò iucundissimus, hic autem locus ad agendum amplissimus, ad dicendum ornatussum est visus. Virg. 2. *Aeneid.* Quanquam animus meminisse horret. Teren. Eunuch. Quanquam illam cupio abducere. M. Sic enitere semper, ut quod loqueris aut scribis, bene Latinum esse confidere possis. Quid sequitur? D. *quibus te certiorem reddidi.* M. Emenda, certiorem feci. D. Atqui ego saepius memini me legere, certiorem reddere, & doctos ita loquentes non semel audiui. M. Si pro Latinis ea ducamus, quæ vbi cunque legimus, & à quibus suis audimus, nihil erit inquinatum, nihil parum proprium, nihil barbarum, omnia nitida, propria, & quasi ex hortulis Gratiarum delibata. Videndum diligenter, quæ verba quibus copulent Cicero, Sallustius, Lilius, Cæsar, Virgilius, Terentius, Plautus, & reliqui auctores, qui Latinitatis lautum copiosumque patrimonium nobis reliquerunt: horum sermoni assuefacti qui erunt, etiam volentes non poter-

poterunt nisi Latinè & ornatè loqui. Quare ipsorum pulcherrima simulachra cœu pectoribus ante oculos nostros in omne tempus versabuntur. Hoc primum. Deinde obseruandum studiosè, quid homines nostri, non tantum eruditî (non enim est satis) sed etiam casti illius, incorrupti, minimè infuscati, & natui sermonis periti, aut amplectantur, aut aspernentur. Quare Paulus Manutius in explanatio-ne epist. 4. lib. 2. negat latinè dici, certiorem red-dere cuius viri non leuis est apud me auctoritas. Lege cetera. D. *Quibus te certiorem feci de omnibus, quæ te scire velle non dubitabam : tamen cum mihi præceperis.* M. Varia illud (præceperis*). D. Iusseris, in mandatis dederis, imperaueris, iniunxeris, impo-sueris. M. Perge D. *Cum mihi imposueris, vt quām frequentissimas ad te literas darem.* M. Duo pecca-ta. Primum, quamuis, præceperis, iusseris, & reliqua duo cum particula, vt, & Optatiuo & Sub-iunctiuo non vitiosè coagmententur, tamen voces iniungere, imponere, nisi cum accusandi casu non significant quod tu sentis: dicendum quippe, iniungere aut imponere alicui manus, onus, necessita-tem prouinciam, seruitutem & similia. Itaque lo-quitur barbare vulgus, cum ait, Philippus iniunxit mihi vt se exspectarem. Pater imposuit filio ne no-stu eat ambulatum. Alterum, cum supra dixisses ad te literas darem, mutanda erat locutio, vt dice-res ; quām frequentissimas, seu creberrimas ad te epistolas mitterem. Oportet enim te non solum purè, non sordidè, propriè, non impropriè, verum etiam copiosè loqui, scriptaque tua verborum varietate, ac modis seu formis loquendi distingue-re. Similitudo namque tedium legentibus generat

& sensus aurium est fastidiosissimus. D. Et cum haberem certum tabellarium, omnino scriendum putauis. Quod ad valetudinem meam attinet, quam tibi & suauissima matri magnae sollicitudini esse non me clam est, valeo recte, Christo Saluatori. M. Confiste. Offendit ple-rosque omnes Ciceronianos ista vox, Saluator, pro ea vtuntur Seruator. Verum accuratissimus ille Manutius comment. in lib. 2. Act. 2. in Verrē, seu Verrinam quartam, docet non idem declarari hoc nomine, quod illo altero Christiani declarant, & Saluatoris voce Græcum σωτηρ exprimi. Eum leges cum tempus venerit. Apud Arnob. lib. 2. est Solspitator quæ etiam in Christum conuenit. D. Christo Saluatori grates ago, qui me viuum ac sospitem hucusque clementissime conseruauit. M. Commodè, suauiter, religiosè. D. De victu vestituq; meo nihil est quod cogites, Pater, non egeo. Pecunia non suppeditat, qua libros studiis meis, in qua mense Octobri me ingressurum spero, oratoria videlicet, viles ac necessarios parare queam. Adde quodd ob eam cauissam as alienum conflavi. Id etsi pauxillum est, nihilominus eo quamprimum exire cupio: atque id te quoque velle mihi persuasissimum est. Quapropter 12. aureos in praesens terogo pater mi charissime. Quos si miseris (mittes autem) filium me habebis ex sententia. M. Mirificæ lætus sum ista industria, quam te in discendo adhibuisse claret. Fac ne abs te ipso desciscas. D. Vale. M. Aliter. D. Valebis, cura vt valeas, valetudinē tuam cura diligenter, da operam vt valeas. M. Quo pacto adscripsisti locum & tempus? D. Augustæ, Idi. Februario Anno M. D. LXXXIX. M. Macte. Ecquid legendō obseruāsti, quemadmodum à nostratisibus scriptoribus hoc idem variè efferatur? D. Maximè. Anao post Christum natum. Christi nati, anno à Deipara

Deipara virgine, à puerpera virgine, à partu virginis, a salute humana, hominum generi data, restituta, recuperata, salutis per Christum restitutæ. M. Dignus es qui lauderis laudibus, & ad cuius exéplum ceteri omnes sese componere studio sibi habeant.

ANNOTATIONES.

MA C T E) Vox est, inquit Manut. in epist. 7. lib. 7. ad Att. qua recte facientes laudamus simul, & hortamur: vt exempla declarant. Veteres ea & absolute, & cum nominibus vsi sunt. Hæc ille & plura. Est autem mactus Pontificale verbum, quo in sacris & libationibus vtebantur, yalètque magis auctus. Vide Ifid. lib. 10. Turneb. lib. 11. cap. 5. NEMO nos iure accuset, opinor, si, cùm in hoc pro gymnasiate, & deinceps sequenti Præceptorem breuiter doceamus, quo pacto is suorum scripta emendet, aliquot super hoc officio leges, à nobis è doctissimorum commentariis de ratione docendi studiosè collectas, hoc loco, vbi id quām cōmodissimè videtur posse fieri, in mediū proferamus.

- 1 Inter emendandum vacet omni acerbitate & contumelius Magistri oratio.

- 2 Si quis emendatus irascetur, ipse nibilo secius emendet: ceterorum enim ducenda est ratio, qui recta censemunt esse, quæ Magister non emendata reliquerit.

- 3 Condonandum aliquid etati, & ad vitia quædam conniuendum, quo ad ingenium iudiciumq; confirmetur: ne videlicet ob emendationis severitatem desperent, doleant, & exercitationem cum Magistro oderint; dumq; omnia timent, nihil conentur. Non adhibent teneris frondibus falcem agricole.

- 4 Sit hilaris & iucunda emendatio, vt remedia aliqui insuauia parumque grata leniantur. Quædam commendet,

mendet, alia mutet, alia ferat, alia illuminet, nonnunquam sua interponat, rationem etiam facti aliquando reddat. Sed quæ bene posita fuerint, ea interdum laudet palam; quo & ipsi adolescentes hac gloriola deliniti in cursu acriores fiant, & reliqui eiusdem honoris expectatione exemplaque ad diligentiam incitentur.

5 Consueverunt medici nonnulla in agrotis laudare, non quia talia sunt, sed quo facilius talia esse possint. Ita conuenit Magistrum tardiores negligentioresque nonnunquam hyperbolicis laudationibus ad acrius bene scribendi studium inflammare.

6 Dum vnius epistolam seu scriptionem corrigit aliquando de improviso alios de iis que in manu sunt interroget: quo & iudicium ipsorum cognoscat, & attentos faciat, eademque opera consequatur, ut interim in suis ipsi scriptionibus aliquid emendent.

7 Qui tam segniter vitiosèque & ineptè ineleganterque scripserit, ut emendari scripta non possint, eum eadem de re de integro scribere iubeat: data significatione spei, illum, si diligentiam modò adhibuerit, melius scripturum.

8 Sunt quedam vitia, que in adolescentibus disPLICERE Magistris non debent, ut sublimior spiritus, verborum luxurie, nimis exquisita vocula, subiecta hemistichia, aut integræ versus, apertior imitatio, parua quedam furtæ, compositione curiosè numerosa & similia. Dicendum, laudare nos ista adhuc, venturum tempus, quo ea non concederemus. Sic & ingenio gaudebunt, & iudicio non errabunt.

9 Seu quid laudes, seu quid reprehendas, vtrumque modè & varie. Lauda in hoc sermonis puritatem, in illo perspicuitatem, in alio leporem, in quibusdam inuentionem, in aliis dispositionem, in his grauitatem, in illis ornatum. Contraria in virtuperatione seruabis.

10 Quorundam illiberalibus ingeniosis ac rusticis pudori blanda

blanda & priuata monitione succurrendum.

ii Ne celeritatem compositionis requirat Magister, Danda opera, ut quam optime scribamus, celeriter deinde ut scribamus, consuetudo dabit. Et citò scribendo non sit ut bene, bene scribendo sit ut citò.

PROGYMNASMA

VICESIMVM OCTAVVM.

Diuersarum scriptionum emendatio.

MAGISTER, DALMATIVS, GERARDVS,
RODOLPHVS discipulis.

AGISTER. Quæ præterito die Lunæ super varietate exercitationis in vtraque oratione, soluta nimirum ac libera, & pedibus deuincta siue ligata à me disputata fuerunt, ea si minus vniuersa, at complura meminisse vnumquémque vestrum existimo. Pedetentim ad singula genera aggrediemur, & modò in hoc, modò in illo consuetudinem capiemus, ut facultatem nobis quam expeditissimam ad scribendum comparare possimus. Et quoniam triduum effluxit, cum dictaui quibusdam, quam breuiter & planè explicarent, seu complecterentur apogorum; aliis versiculos aliquot de Ouidio; aliis Gallicam epistolam, quam in linguam Latinam transferrent; volo nunc tandem experiri, & reipsa cognoscere, qui vestri conatus fuerint, quiq; datum sibi pensum felicius confecerint. De primo igitur ordine ad me accedat Dalmatius. Recita scriptionem tuam. D. Olim, cùm animalia loquerentur, quis dixit domino suo: Miror quod nihil vñquam prabes nobis. M. Miror quod, puto

puto quòd , & similia non esse barbaros & illatos loquendi modos, vt plerique ex inscientia Latinitatis putant, prolatis è Cicerone , Varrone, Liuio, Suetonio, Plauto, Catone, testimoniis docuit Paulus Manutius explanans epistolam 28. lib. 7. ad familiar. & vltimam lib. 9. item 4. lib. 10. ad Atticum. Latinus fortasse dicitur cum infinito modo , aut participio: Miror nihil vñquam nobis abs te præberi , puto hoc ita esse, credo te facturum. Tu, heus, qui extremus sedes scamno tertio . & cum vicino confabularis, attende, ac si quid tale peccasti , corrige, antequam ad me adeas corrigendus. D. Nihil vñquam nobis abs te præberi , compellig , miseris è terra viatum petere , herbas scilicet & gramina. M. Politum hoc, viatum è terra petere, olet rosas. Terent. E flama cibum petere te posse arbitror. D. Cum tamen nos lanam tibi, caseos & ouiculas suppeditemus. M. Scribe, agnos, pro ouiculis. Quæ est differentia , Petre, ecquid audis? tibi dico. Petre , q̄ est discriimen inter ista duo? P. Ouicula, parua ouis, vne petite brebis, agnus, recentior partus ouis , vn agneau , Virgil. Dēpulsos à lacte domi quæ clauderet agnos. M. Aptè respondisti. Procede vltra Dalmati. D. Canibus autem, vnde horum fructuum nihil percipis , de mensa tua panem porrigis. Tum canis qui astabat , & hæc auribus acceperat. M. Venustum & hoc. Nota etiam illud Ciceronis , qui ex Odyssea quosdā versiculos conuertens, quod in Græco est, ἵνα νωιτέρης, οὐ τὸν ἀνθρώπον, ad verbum , vt nostram vocem audias , sic extulit. Auribus vt nostros possis agnoscere cantus. D. sic locutus fertur. Non iniuria id sit: nam ego & domum , & dominum, & vos etiam ipsas, vestrumq; gregem custodio, ne vel in sylua à grassatoribus suremini. M. Ne pecces,

mi Dalmati, Furor, furaris, deponens est, & agendi non patiendi notione effertur: verum obrepit hoc tibi imprudenti. Fac ut sit; à grassatoribus insidiis excipiamini, quomodo Virgil. eclog. 3.

Non ego te vidi Damonis pessime captum
Excipere insidiis, multum latrante Lycisca?

D. Ne vel in sylva à grassatoribus insidiis excipiamini, vel à raptoribus lupis auertamini. Quod si vestri curam non gererem, præ metu mortis ad pascua exire non auderetis. His dictis oues postmodum aequo animo passæ sunt canes apud herum potiores partes obtinere. M. Non videtur contemnedus labor tuus, & auguror te magnorum oratorum in numerum aliquando venturum. Lege adhuc quod addere iussi ~~Emperio~~, de usu scilicet fabellæ huius. D. Sic populum, seu multitudinem, atque ignobile vulgus. M. Copia. D. irasci non oportet. si magistratus & Principes, à quibus regitur & custoditur, in honoribus rerumq; affluentia, impositis per domos & oppida vestigalibus vitam agere cernat, cum rectores subiectis omnium commoditatum sint auctores. M. Acquiesco in hac diligentia. Ades Gerarde cum paraphrasi tua. G. Principium elegiæ 2. lib. 1. Ouid. Nasonis de Triplib. ~~τριπλασίως~~ solutis verbis expressum. Dij maris & cœli. &c. ~~O~~ij, quiq; Cœlo, quiq; mari imperitatis, vos simul omnes (quando aliud quod agam, tanto in periculo salutis meæ constitutus, præter vota nihil relictum est mihi) vos ego obtestor per numen maiestatemq; vestram, ne finite quam concendi nauim terribili procella ita conquasfatam ac fatigentem disoluti, ac me, vectoresq; omnes miserandum in modum hauriri fluctibus. M. Euge, dimidiū facti, Gerarde. Quām graniter? quām numerosè? quā Latinè? G. Nolite, nolite Augusti Cesaris in me concitatum furorem ista grauissima tempestatis indulgentia

vno consensu approbare, cum etiam vos ipsi sape non omnes eosdem oppugnaueritis, sed alius aduersus alium alios iuratus sit. M. Quod hoc genus schematis Antoni? A. Traductio. G. Vulcanus & Pallas Troianis erant inimici atque infesti, Apollo contra & Venus amicissimi. Æneam persequebatur Iuno, pro quo Venus propugnabat. Quoties Vlyssem Neptunus conatus est perdere? atque hunc sepius patrui insidiis liberatum Minerua conseruauit. Quantquam autem nos cum Ænea & Vlysse viris laudatissimis comparandi non sumus, tamen cur aduersus Cesarem veluti quendam in terris Deum ab aliquo saltet minorum gentium Deo non defendamur? O me perditum, nihil precibus efficio. En ut mihi iteratis asperginibus caput totum permaduit? Eheu, discerpunt verba mea venti, & quas fundo proces, ad Deorum aures allabi non permittunt. Ita cum nauim iactitent pro sua libidine, & precatiore meam dissipent, dupliciter me affligunt. M. Non video quid hic emendandum sit. G. Ah, ah, nunc fluctibus instar montium ingentibus ad sydera extollimur: quis non exhorrescat? nunc discedente mari prope ad ipsos infernos descendimus: quis mente consistat? Quocunq; oculos conuerto. Cælum vndique & vndiq; pontus. M. Quomodo habet Ouidius? G. Nihil est nisi pontus & ether. M. Fortassis illud Virgilianum, quod de 3. Æneidos mutuatus es, Nasoni occurrebat. Appositè sanè hoc hemistichium inseruisti. G. Et hic quidem vastis fluctibus, illud tonitribus & fragore horrendo præsentem nobis mortem intentat. Medio autem venti fremitu horrisono terrificant animos: ipsum aquor cui parendum sit nescit. M. Propemodum sine cortice nare, & tuo succo vivere iam poteris Gerarde. Attulisti hac tua ornatissima paraphraſi tibi magnum fructum, mihi lætitiam, istis exemplum. Rodolphe. R. Quid est,

Præceptor? M. Quid est? aduola cum epistola, quam
 Latinè de Gallico reddidisti. R. Adsum. M. Legē
 prius Gallicam. R. En quel est. at sont mes affaires, le te
 l'eusse volontiers faict a seantoir. Mais d'autant que jusques
 à present i'ay esté empesché en ce mien de ssein; l'ay proposé
 le mettre en effect par lettres. Des ma ieunesse i'ay vñé tres
 grande affection aux Estudes, & ay racqué a iceux plus de
 sept ans comme le pense, & ce vriyement non sans prouf-
 fit. Mais d'autant que mon pere, (lequel n'est pas des plus
 riches de biens. Et que avec moy il a beaucoupl' enfaçs)
 considere, que mes estudes réquierent plus grande despen-
 ce, qu'il ne me pourroit tendre & fournir. Et aussi plus long
 temps: Il a delibéré & conclu de m'en distraire, & de faire
 de moy vn homme de mestier, Chose qui me fait grand
 mal, & est fort desplaisante en mon cœur, qui n'ay rien
 en ce monde de plus aggrable, que lesdits Estudes. Or
 scay-je que es amateur de ceux qui esludent; C'est pour-
 quoy i'ay mon recours à toy; & te prie grandement, que tu
 deslornes mon pere de ceste opinion, alendrois duquel tu es
 en grande reputation & autorité, & avec lequel tu as
 grande familiarité. L'essere entierement que tu entendras
 à ma priere, comme il conuient bien, & est bien seant à un
 amitable, & grand Mectenas. Cela à tout iamais ie recog-
 noiistray de tout mon pquoir. M. Consideremus tuam
 interpretationem. R. Quo pacto se res mee habeant; li-
 benter tibi iam pridem præsens exposuisse, sed quia huo-
 risque in tali proposito meo impeditus fui, proposui mihi id-
 ipsum scriptus efficere. M. ô Michel le Françop, cur ita in-
 hæres verborum ordini? sententiam tententia, non
 verbum verbo oportet reddere: id munus est fidi
 interpretis, & voces appendere lectoti, non annu-
 merare, vt inquit Cicero. Perge. R. A puero erga stu-
 dia literarum valde semper assedius fui; illisq; supra septi-

num annum vacaui, ni fallor, cum utilitate non sphenenda:
 quia vero pater meus, qui parum diues est, & prater me
 multos habet filios, animaduertit non exiguos sumptus, o-
 mninoq[ue] maiores, quam ipse tolerare possit, & plurimum
 temporis requiri ad doctrinam acquirendam, decreuit auo-
 catum me à literis ad opificium aliquod discendum mitte-
 re: quæres cordi meo dolet quam maximè, & magnoperè
 me excruciat, quem hactenus in rebus nihil aquæ ac studia
 delectarunt. M. Hui tam citò expolitus? R. Quæ cùm i-
 ra sint, & sciam te eorum, qui studia diligunt, non vul-
 garem esse fautorem, ad te confugio, tēq[ue] imprimis roga-
 tum volo, vt patrem à sententia detorqueas, pre auctorita-
 te, qua apud illum vales magna & amicitia. Spero planè, te
 hanc petitionem mēam non rejecturum, sed pro eo ac tam
 humanum, & tam magnum Mæcenatem decet, admissu-
 rum. Hoc quibus potero officiis compensabo. Vale. M. Po-
 sterior pars priorem bonitate superauit. Nostis me
 solere nonnunquam de iisdem argumentis, quæ vo-
 bis præscribo, epistolam contexere, eamque ad vos
 cumulatiū instruendos (ne tantum scilicet verba
 singula aut phrases emendentur, sed totum filum
 orationis qualénam esse beat videatis, & ideas
 animo concipiatis) in tabula ista omnibus legen-
 dam, & cùm suis conferendam describere, quod
 nunc quóque faciam. Non obseruit tamen antè eam
 legi. Ascende suggestum Gerarde, & recita distin-
 gitissimè, articulatissimè, clarissimè, en chartā meam.

Exemplum Praeceptoris.

Quò minus coram tibi statū rerum mea-
 rum iam pridem, vt cupiebam exponerem,
 ad hoc usque tempus impeditus sum. Quo-
 circa

circa id nunc per literas agam. Iam inde ab
adolescētulo ingenti Musarum amore per-
cussus, cum iisdem toto septennio rationem
habui, profeciique non mediocriter. Cete-
rū pater meus, qui copiis familiaribus exi-
guis est, ac præter me complures suscepit li-
beros, cum sentiat mihi ad eruditionē con-
sequendam & sumptu opus esse maiore,
quām tenuitas eius patiatur, & tempore
longinquiore, quām vt exspectare possit, de-
liberauit auulsum me à complexu litera-
rum, sordido atque illiberali artificio alliga-
re. Quæ res, quia in vita nullas delicias stu-
diorum suavitatibus anteposui, summum
mihi acerbissimumque dolorē inuissit. Qua-
propter cum te studia colentium nobilem
esse patronum haud ignorem, tuum implo-
ro auxilium, te oratum volo, vt pro coniun-
ctissima necessitudine, quæ tibi cum patre
meo est, & pro auctoritate, qua apud ipsum
potes plurimum, cauſsam hanc meam reci-
pias, hominem à suscepto consilio deducas.
Spe firma sum, te huic petitioni meæ locum
relietur; te, inquam, Mæcenatem huma-
nissimum atque illustrissimum. Me vicissim
gratum, beneficiique memorem cognos-
ces. Vale.

ANNOTATIONES.

OVIS DIXIT DOMINO) Hæc fabella è Xe-
nophontis lib. 2. ànoīnūvōl pētōp petita est , ad
quam illustrandam valde opportuna erunt , quæ scribuntur
à Seneca lib. 1. de Clement. cap. 3. & 4. Docet enim ibi quo
pacto Magistratus, Principes & Rectores populo utiles sint
ac necessary. MIROR QVOD) Quotusquisque de Ci-
ceroniana gente , aut eorum saltē , qui purioris Latinitatis
alumnos se propositentur , hoc pro barbaro nō dicit , ac pro-
inde non exibilat ? Atqui Manut. nosler plurimorum sti-
pendiorum , veteraniusq. miles ysque ad satietatem è primæ
clasis auctoribus exempla congesit , quibus rem certissi-
mam apud tam multos , dubiam , vel potius in partem con-
trariam certissimam ficeret . Cautè igitur & cunctabundi
aliquando barbaros reprehendamus : persuadentes nobis , in
ipso Cicerene inveniri nonnunquam , quæ si ego aut tu di-
ceremus , Gallicismos loqui putaremur . Et sunt in hoc ser-
mone nostro quotidiano (quo tamen nihil incultius atque
vitiosius) quadam è medio Plauto , Terentio , Cicerone &
aliis , quod non raro notauimus . CVM PARAPHRASI
TV A) Ecphrasis est pura & dilucida enarratio . Paraphra-
sis vberior explicatio , vt cum auctore quasi contendere vi-
dearis . Metaphrasis plerique mutant , & nunc grandiora ,
nunc humiliora , nunc longiora , nunc breuiora efficit . AD
OPIFICIVM ALIQVOD) Lucianus in somnio suo
narrat se quoque coactum à paire fieri statuarium è stu-
dio literarum . Sed tamen Pedia ingeniosum & discendi
cupidum adolescentem recuperavit , ac non solum rebus ne-
cessariis egere passa nunquam est , verum etiam immortali
hominum memoria illum commendauit .

PRO-

P R O G Y M N A S M A,
V I C E S I M V M N O N V M.

L e g e s .

D I O M E D E S , P H I L O P O N U S Magistri.

DIOMEDES Iubeo Philoponum necessarium & collegam meū. P. Et ego te charissime Diomedes. D. Quò te agebas? P. Ad te rectā. D. Vide, & ego me capessebam ad te. Pro monstro est, quod vterque ad alterum abire statuerat. P. De nostra quam gerimus Repub. volebam, & volo commentari tecum, siquidem modò à scholis est otium: nisi est, ut aliter tua sit sententia. D. A tuo nihil quidquam discrepat consilium meum, eadem mihi sententia, in commune consulamus P. Ventum gaudeo, speroque, & opto nobis hanc commentationem faustum, felicem ac fortunatum fore. D. Erit οὐρανός. Tui discipuli ut valent? P. Bellè omnes diuino beneficio. Suntne tui frequentes? suntne assidui in ludo? D. De frequentia tibi hoc responsum habeas, esse frequentissimos. De assiduitate hoc affirmo: viciissim absunt multi, ob causas tamen commentitias & fallas, quām veras ac sinceras. Nam quid facias huic hominum generi? Abhorrent à schola pueri, & orationi vanitatem aspergunt: nec tamen, ubi resciui, impunitas à me peccantibus conceditur. P. Mei vtrumque scinus peraequè consescunt. D. Ut porro discunt? F. Quidam fatis studiosè, quod mihi voluptati ac solatio est; quidam somniculosius: pauciores verò Theopópos, quā Ephoros numero, & cogor equis

H 3 ascellos

ascellos iūgere. D. Non inscitè dictum. Intelligo te
in gymnaſio tuo Isocratem & Platонem factum.
Non eos cohortaris? non minas intentas? non ver-
beribus insurgis? P. Horum nihil egregiè præter
cetera, & tamen omnia hæc mediocriter. D. Re-
ctam instas viam: modus tenendus est in omnibus.
Maior pars meorum, est literarū cupidissima, meo-
que imperio audiens. Deo sint gratiæ. P. Nondum
me quidem tanta est amplexa felicitas; sed confido
me quoque beatum aliquando futurum, quamuis
Ausonius néget Grammaticos felices vñquam aut
esse, aut fuisse. D. Sit fas iocari Poétis, quibus, vt pi-
ctoribus, quidlibet audendi semper fuit æqua po-
testas. P. Et nunc id operam do, vt esse queam fe-
lix quamprimum. Cogitaui autem leges ipsiſ non
nullas ferre ad eruditionem comparandam ido-
neas, quas partim in schola dum versantur, partim
domi obſeruent, non hoc anno tantum, verūm quā-
diu in disciplinis ætatem habere voluerint. Ea in re
quæſo te etiam atque etiam consilio atque opera
me adiuues. D. A me omnia in te ſtudia & officia
exſpectes velim: neque enim quisquam apud Dio-
medem Philopono plus valere potest vel auctoritate
vel voluntate. Ac me vt hoc tantò præstem libe-
bentiūs, incredibilis amor in istas māfuetiores Mu-
ſas, & in fidem noſtrām traditæ iuuentutis rationes,
& iſtiuſ noſtræ ciuitatis gloria exſtimulant. P. Te-
nes iam quid velim. Cūm euolueris autem plurium
de docendi ratione commentarios, nō dubito quin
præclara quædam iſtiuſ generis in aduersaria tua
congesseris. D. Sæpe ac multum legi quos dixti li-
bros, & Germanis noſtris haud vulgarem laudem
impertiendam duco, qui ad amplificanda, ornan-
da,

da, & propaganda disciplinarum studia, istiusmodi volumina conscriperunt. Inueni quas desideras leges, bonas, mirificęq; frugiferas. P. Res igitur mihi iam in vado, & animo esse otioso licet. D. Licet verò, mi Philopone. P. Si me tantum amas, quantum profectō amas, aut ubi eas legam indica; aut exscriptas, abs te mihi describendas da; aut si memorię mandauisti recita. D. Hoc malo; recitabo, & nihilominus postea per amanuensem meum scriptas tibi transmittam. Ego verò quemadmodum ad Lucilium scribens de se profitetur Seneca, omnia cupio in te transfundere, & in hoc gaudeo aliquid discere, ut doceam: nec me illa res delectabit, licet eximia sit, quam mihi vni sciturus sim. Si cum hac exceptione detur sapientia, ut inclusam teneam, nec enunciem, reiiciam. Nullius boni sine socio iucunda possessio est. P. Quid ad istam humanitatem addi potest? Sed de modo ut placet, ego ad audiendum sum paratissimus.

D. Sapientiam à numine assiduissimè efflagitanto: interim ita laboriosè discunto, ut si à sedibus æthereis nihil expectent.

Doctorem non secus quam parentem colunto.

In ludum quoad fieri poterit serius ne ingrediuntur: ante tempus si possint adfunto.

In gymnasio modestè considento, idque tantum agunto & cogitanto, cuius caussa locum petessunt.

Ne dormiunto, ne fabulantor, ne nugantor, ne contendunto, ne vlla ratione Doctorem perturbant̄.

Quotidianam Magistri auscultationem priuato studio anteponunto; ac nisi summa necessitate, ne semel absunto.

Verbis ac sermone cum Magistrum, tum scriptores optimos qui explenantur effingere student̄.

Si quid haud probē perceperint, aut si de quo dubitauerint, Magistrum adeundo, interroganto, consulento, pudorem rusticum eruunto.

Quæ retinere memoria cùm audiunt, ne-
quiuerint, chartis mandato.

Quæ commodē calamo annotare nō po-
tuerint, cùm primū domos repetiuerint,
suis locis scribunto.

A schola digressi, nē statim omnem re-
rum auditarū curam & cogitationē abiiciun-
to: tempus aliquod iis tacitè renouēndis,
aut cum alio conferendis consumunto.

Nisi cùm liber inspiciendus, aut scriben-
dum est, aures atque oculos in Preceptorē
dirigunto.

P. Mihi gaudeo, qui tē ad istas a deo iustas leges
mecum communicandas elicere potuerim. Nunc
illās audire aueo, quæ magis domi usum habere vi-
deantur.

D. Quod hodierna luce disci potest, in
craſtinum ne differunto.

Néue eruditos se existimanto antequam
ſint, néue plus quām ſint.

P. Aureum præceptum, & in templo Delphico
ſcribendum. Venit in mentem illius; Senecæ au-
Plinij? (neque enim ſatis recordor auctoris, immo
ia recordor, Senecæ lib. de Tranquil. animi.) Multi
ad ſapiētiā peruenire potuiffent, niſi ſe perue-
niſſe putauiffent. Sed nolo curſum iſtum impediſſe.

D. Tempore nihil pretiosius, proinde ne
qua pars illius ſine fructu effluat prouidet.

Diem in certas horas partiuntor, & quid
quaque hora faciendum ſit, certum ac defi-
nitum habento.

Antelucana opifcum industria vinci ſe
ne patiuntor.

P. Demofthenis hoc eſt, cuius vigiliæ cui non
ſunt auditæ?

D. Et illius dicti itidem recordantor: Au-
rora Muſis amica.

Longioribus implicatiōribusque ſtudiis
honestam ac liberalem recreationem inter-
miſcento.

A mensa ad libros post interuallum re-
deunto, nocturno studio temperanto, vale-
tudinem ne offendunto.

Prater labores à Magistro imperatos, a-
lios ſibi imperanto,

Multa & multum scribundo, chartis & a-
tramento neu parcunto.

Quos libros Ecclesia Catholica impieta-
tis leuitatisq; damnauerit, aut Magister im-
probarit, eorum lectionem ceu pestilentiam
fugiunto: ista enim occidit corpus, at illi
animos.

Harum Philopone legum memoria suppeditabat.
Si quas præterea requires, ante vesperam faxo op-
tata consequare ex iis schedis, quas per seruum à
manu ad te missurum promisi. P. Quibus verbis ti-
bi gratias agam non reperio. Fecit hic dies & con-
gressio ista me non paullò doctiorem. D. Nunquid
aliud à me vis in præsentia? P. Nihil sanè: aliás in-
ter nos agemus, de quibus agendum censemus.
Vale, & infirmitatem istam valetudinis intentiore
studio vexare noli. D. Egomet sum proximus mihi,
non me discendo ad mortem dabo, ne frustra sis.

ANNOTATIONES.

VBI RESCIVI) Qui factum aliquod occultius au-
tinopinatum insperatumq; cognoscit, is dicitur pro-
priè rescire. legas censeo totum c.19.lib. 2. apud Gellium.
PAUCIORES VERO THEOPOMPOS
QVAM EPHOROS) E discipulis Isocratis (cuius domus
habita est officina eloquentia) quibus nemini vñquam plu-
res fuisse sibi gloriatur in Orat. τερπὶ ἀντιδότεως, cùm ta-
men 10. minis, id est centum aureis diceret, ceteris insig-
niores extiterunt, Hyperides, Timotheus Cononis filius, As-
clepiades, Theodectes, Leodamus, Lacritus, Iseus, Theopom-

pus, Ephorus. In hoc postremo calcaribus, in Theopompo fre-
nis, se uti solere aiebat Isocrates. Cic. 3. de Orat. Eorundem
& in Bruto meminit & in 2. de Orat. quo loco de historiis
scriptoribus differit. Cur autem Ephorum etiam οφορος
idem magister nominauerit, caussam vide apud Victor.
lib. 4. cap. 29. Proditum est etiam hoc literis Ephorum ut
tardiorem, sic probiorem, & Theopompum ut celeriorem,
sic improbiorem condiscipulo suo extitisse. Quod etiam ho-
die in discipulorum turbis appetet. E Q V I S A S E L-
L O S I V N G E R E) Plato conferens Xenocratem cum A-
ristotele, quorum ille ingenio tardior, hic celerrimus, cum
idem dicebat quod Isocrates, quodq; postmodum etiam de
Theophrasto & Callisthene auditoribus suis Aristoteles,
tum illud præterea: Hui, quali equo qualem asinum coniun-
xi? Sed quod Plutarchus lib. de Auditione prodidit memo-
ria de Xenocrate & Cleanthe, non tacebimus, Patiebantur
se rideri ab ingeniosis, cum ipsi tardiores condiscipulis non
profugerent à discendo, nec animos desponderent, sed vltro
in seipso dicteria iaciebant: se vasis angusti orificiū, &
tabulis aneis similes dicentes, ut qui agrè doctrinam percipe-
rent, perceptā firmiter constanterq; retinerent. Q Y A M-
V I S A V S O N I V S N E G E T) Epigramma est hoc.

Felix Grammaticus non est, sed nec fuit vñquam,
Nec quisquam est felix nomine Grammaticus.
Quod si quis felix præter fatum exitit vñquam,
Is demum excessit Grammaticos canonas.

Vide epigrammat. Gracorum lib. 2. tit. eis γραμματινές.
M A N S V E T I O R E S M V S A S.) Cic. epistol. 9. lib. 1.
scripsi etiam (nam etiam ab orationibus disiungo me ferè,
referoq; me ad mansuetiores Musas, quæ me maximè, si-
cūt iam à prima adolescentia delectarunt) scripsi igitur,
&c. Sic vocat ibidem studia, quæ domi celebrata & cul-
ta, ad mansuetudinem humanitatemq; traducunt animos:

cum

cum orationes in foro dicte contentione & literis ha-
beant. epist. 12. lib. 16. Tu musis nostris para ut operas red-
das. Pro literis absolute ad Att. epist. 5. lib. 2. Nunc vero
quoniam quæputavi esse præclara, expertus sum quam es-
sent inania, cum omnibus Musis rationem habere cogito.
RES MIHI IAM IN VADO) Vadum aquæ fundans
in quo qui constitit periculum non est, ne submergatur. I-
taque in vado esse erit securum, & in tuto esse, & quod
eodem sensu dicitur, in portu nauigare. Plaut. Anul. Haec
propemodū iam esse in vado salutis res videtur. IN TEM-
PLE DELPHICÓ) Huius templi toto orbe fama in-
elyta fuit, at quod omnium gentium concursus siebant. Iso-
crat. in Archidamo. τὸ τοινῦ μαρτυρὸν τάρτες ἡγο-
δούστερην αἰχμήτερην εἶναι, κοινότατον καὶ τιμότατον.
Oraculum quod omnes & vetustissimum, & communissi-
mum, & sive dignissimum fatebuntur. Scribebantur in so-
ribus à sapientibus viris sententiae graues, & præcepta sa-
lutaria, quorum auctores cùm deinde ignorarentur, tri-
buta sunt Apollini, tanquam eo haud indigna. Talis fit for-
tasse. Nosce te ipsum, quod de cœlo cecidisse sit Iuuenalis.
Quid dico fortasse? Platō certè hoc, & illud: Ne quid nimis,
septem sapientibus adscribit, quasi enim primitas quas-
dam Deo dedicasse, & in eius templo scribi curauisse affir-
mat. Plin. & Hier. Chilonem auctorem prioris nominant.
Cic. 1. Tuscul. Hor ipsum adducens & explanans. Hunc igitur
(animum) noſſe, niſi diuinum eſſer, non eſſet hoc acro-
ris cuiusdam animi præceptum, ſic ut tributum Deo fit. A-
cromem quendam animum, virum hēmpe sapientem,
non Apollinem eius auctorem facit. NE F.R.V.
STRASIS) Linius. Ne te falsa opinio te-
neat fruſtra eſſe apud Plaut. Amphit.
Bacchid. Mercat. eſt falli,
errare, decipi.

P R O G Y M N A S M A
T R I C E S I M V M .

Ascensus.

VINCENTIVS, TIMOTHEVS.

XINCENTIVS. Iamne erumpere hoc licet mihi gaudium? nunc pulchre, nunc bene est Vincentio, circumfluo lætitiis profecto. Quis me vno viuit hodie felicior? quis fortunatior? T. Quid est quod sic gestis? quænam hæc noua insolitaque voluptas? V. O Timothee, optima opportunitate aduenisti. Hic me amœnitate amœna amœnus onerauit dies, maximas opimicates opiparasque obtulit mihi; laudem lucrum, ludum, iocum, festinatatem, ferias. T. Qui tandem Vincenti? aut qualis est ista fortuna, qua re fortunatissimū hodie euasisse gloriari? mihi enim consecutus quippiam videre, quod & diu expetie-
ris, & semper admiratus sis. V. Rem acu. Publicum à Magistro, & iis qui statim definitisque temporibus scholasticorum progressus tentant (Examinatores vocamus) sedulitatis & doctrinæ auferre testimonium, quæro, numerare num debeam in bonis? T. Ac summis quidem atque amplissimis. Quantum coniicio, gradum studiorum altiorem ascendisti. V. Ascendi vero, quod mihi, parentibus, familiæq; nostræ felix faustumque enehiat. T. Gratulor tibi honorem istū ex ~~animō~~, & tua causa ego quoque incedo lætitiis. Quotus eras? V. Non aulim dicere, ne tu arrogatiū quā verius id à me dici interpretere. T. Audacter enuntia; nam mihi suspiciorē mēdacijs,

aut

aut ambitionis mouere non potes. V. Tertius fui.
 T. Quot tecum ascenderunt? V. Unde quadraginta.
 T. Non leue argumentum eruditionis, inter tot tam
 prope ad primam palmam accessisse. Quis vester si-
 gnifer & coryphaeus erat? V. Longinulus ille noster
 T. Secundus? V. Frustrà nominem, quandoquidem
 non nosti. T. Præstans ingenium sortitus est ille
 adolescentulus. V. Præstantissimum. Stupore com-
 plebat præfectos examini, ita promptè & rectè re-
 spondebat ad quæsita singula, afficiebaturque ab
 iisdem diuinis laudibus. Quoties me illius loco esse
 optabam? Quod si quid veritatis haberet, quam su-
 perioribus diebus Magister narrabat inuexisse Py-
 thagoram μετε μηνιχωσιη, illius pueri animam cum
 ingenio suo & probitate in meum corpus vellem
 immigrare. Ceterùm anno vertente primas nulli
 cesserò. Et quoniam amat victoria curam, non est
 mihi consilium pati per socordiam vires, tempus,
 & ingenium defluere: legendo, scriptitando, ediscen-
 do etiam aliquid noctis assumam. Aliquando vide-
 licet multūm ingeniosos à studiosis superatos & vi-
 dimus & accepimus. Quid multa? enītā summa o-
 pe me præstare ceteris omnibus. T. At illud sectato-
 ribus literarum apprimè cauendum duco: ne quid
 nimis. V. Si periculum impendere sensero, mode-
 rabor cupiditati. T. Arbitror parentes tuos exspe-
 ctare huius facilitatis tuæ felicem nütium. V. Hinc
 domum recta propero: à me primūm faxo audiant,
 quod gestum est; mihi ipsi persoluant σαρσελια. T.
 Ex gratulationibus vix eminebis. V. Domesticos
 omnes mea gloria lætitiam ingentem agitaturos
 diuinat animus. Vale. T. Vale. sed quid ais? V.
 Quid vis? T. Nempe otium à literis est hodie. V.

Fugit

Fugit te ratio. Madidusne an siccus es, qui istuc me interroges? T. Tamen nihil obest.

A N N O T A T I O N E S.

QUOD SIC GESTIS) Festus. Gestit qui subita felicitate exhilaratus, nimio corporis motu præter consuetudinem exultat. Lætitia, voluptate gestire Cic. quorum sensus idem est cum illo, quod ex veteri poëta adducitur. 2. de finib. Tanta lætitia auctus sum, ut mihi non constem. A MOENITATE AMOENA) Plautus & Lucretius delectantur hoc loquendi genere, in quo nomen adiectiuum eiusdem originis est, atque substantiuum cui copulatur. ΜΕΤΕΜΦΥΞΩΣΙΝ) μετεμφυχόω animā ex uno corpore in aliud transfero, traduco: ipsa translatio, & traductio huiusmodi, seu animarum in alia corpora immigratio μετεμφύξοις, quasi dicas, transanimatio. Hoc dogma Pythagoreorum fuit, asserentium animas hominum in corpora bestiarum, atque etiam aliorum hominum se recipere. Plato in Phædone. Crinit. lib. 11. cap. 3. Quorum placitum secutus Ennius, scripsit somniasse se mortuum esse, & Homeri animam in corpus suum migrasse; ex quo se optimum poëtam exitisse, & versus Homericis similes scribere. Horat. epist. 1. lib. 2. Atque hac causa fuit, cur σαρκοφαγίας, siue ἐμφυχοφαγίας prohiberent illi Philosophi; ne forte bubulam quis de proquo suo comederet. Plutarchus super ea re duos libellos edidit. Ad hanc mutationem allusit Horat. lib. 4. Ode 2. cum de Pindaro cecinit: Multa Dircaū leuat aura cygnū, & cum se in album alitem, id est, in cygnū mutari dixit, li. 2. Ode 20. Credebant enim eos, qui numerū poëticis delectati essent, alterius exordio vita in olores mutari, & aves canoras in cantores, & poëtas renasci, & cantores atque poetas in aves musicas verti.

Turneb.

Turneb.lib.10.cap.22.E ΥΑΙΤΕΛΙΑ) Non modo fausti
ac leti nuncij, verum etiam præmia, quæ dantur leta nuncianti, hoc vocabulo indicantur; idq; vtrog; numero. Singulari quidem r̄sus est Homerus in Odyss. semel & iterum, multitudinis Cic.ad Att.lib. 2. O suaves ep̄istolas tuas uno tempore mibi datas duas: quibus & cœsædia quæ reddam nescio, deberi quidē planè fateor. SED QVID ALIS?) Ita veteres, cum aliquid aliud prater ante dicta aut quesita dicturi, aut quesituri erant. Plaut.Bacchid.Sed quid alis? B. Quid est? Item in Asin & Amphit. FUGIT TE RATIO) Fugit me ratio, sermo est eius, qui errauit, id est, qui aliud dixit, aliud dicere voluit. Plaut. Amphit.

S. O. peccaueram

Nam Amphitruonis sociorum me esse volui dicere.

M E Sciebam equidem nullum esse nobis, nisi me, seruum
Sosiam.

Fugit te ratio,

Catull. similiter.

Istud quod modò dixeram me habere.

Fugit me ratio, meus fidelis

Cinaquest. Caius, is sibi parauit.

Sumpcum credibile est à ratiocinatorib; qui interdum in deducendis & subducendis rationibus errant. In Bacchid. Plaut.dixit. Vbi me fugiet memoria. Muret. & Lamb. M A D I D V S. A N S I C C O V S) Siccos. Latini nominant soberios ab ebriositate alienos. Cic.in Rultum. Utrum esse vobis consilia scicorum, an vinolentorum somnia videntur? Idem in Academ.Dormientium, & vinolentorum, & furiosorum visa imbecilliora esse dicebas, quam vigilantium, scicorum & sanorum. Hora.Ode 18.lib.1.Sicci omnia nam Deus lura proposuit. Et,Ode 5.lib.4. dicimus integro. sicci mane die. Plaut. Persa. Iam dia factum est cum bibimus, nimis scici sumus. Opponitur autem huic voci contraria notione

E V. Non potem ego quidem hercle. M E. At ego iussero
Caudum vini veteris ad me afficer.

E V. Nolo hercle, nam mihi bibere decretum est aquam.
M E. Ego te hodie reddam madidum, si viuo, probè.

Locus alius est in Asin. perelegans, in quo vitramq; vocem
habes.

A R T. At scelestas, ego præter alios meum virum fui rata-
Siccum, frugi continentem, amantem vxoris ma-
ximè.

P A. At nunc dehinc scito illum ante omnes minimi
mortales pretij.

Madicum, nihil, incontinentem, atque osorem ux-
ris suæ.

PROGYNASMA
TRICESIMVM PRIMVM.

Præmia.

P AVLVS, GREGORIVS, FAVSTINV S.

PAVLVS. Iubemus te saluere Gregori no-
ster. G. Saluete suauissimi sodales mei:
quid agitur? F. Mirabamur paulò ante ego
& Paulus vbina[m] delitesceres: etenim cir-
cumferentes oculos in omnem partem, cernere te
non poteramus eo in loco, quo loco, nisi me fallit
opinio, nunquam fuisses quam hodie libentiūs. P.
Aliqua de improuiso commotiūcula te ædibus ex-
ire, vt suspicor, prohibuit. G. Nulla Paule F. Quid
ergo, amabo te, creavit hanc absentiam? G. Dum
per tabulata in summis ædibus curro incautiūs,
clavi cuspide è vetusto assere prominentे me in-

I dui:

duit id vulnus me ut claudum suorem residere domi solum adegit, & iucundissimi spectaculi fructum priuauit. Sed vnde vos ad me? P. Celeri passu ex ipso theatro huc nos contulimus. G. Frons laeta, & oculi ludibri indicio sunt rem cecidisse ut voluitis. P. Et ideo addito gradu ad te approperaui mus ut voluptatis te nostrae participationem faceremus. F. Haud aliquando æquè beati fuimus ut hodie. G. Audire expeto: præmia nempe, & secundant populi admurmurationem consecuti estis. P. Qui bene coniiciet, hunc votum perhibeto optimū. Ita sanè obtinuimus præmia. G. Vterq; : P. Vterq; atq; ut nihil omnino dubites, rem ipsam tibi auctore profereamus. Ecce libellum. F. Ecce meum. G. O venustos, ò verè aureolos libellos: nam auro radiant ac fulgent vndique. F. Considera paulisper emblemata & parerga frontium, quām oculis blandiuntur? G. Iste est tuus Paule? P. Meus est. G. Ut bene, ut festiuè impressus est multiplicitem Lernæ belluam contundens Hercules? P. Verte. G. O imaginem palchram. Æneas patrem suum Anchisen' humeris impositum ex incendio Troiano efferens, quem passibus etiam non æquis partus Iulus sequitur. F. Et meus, aspice, quām elegantibus signis insignitus est? G. Sic est. Aperi, ut videam quis auctor, & qua de re scriptus. PVB. VIRGILIUS MARO. P. Ego Festum cum Scaligeri castigationibus, vindesis. G. Anno proximo superiore huiusmodi ego quoque consecutus sum, quem librum, ut gryphes in Riphæis montibus aurum, custodio. Summope re parentes recreabitis hisce mumusculis tam politis & micantibus. F. Spero equidein. P. Fecit ne medicinam pedi tuo chirurgus? G. Accuratissimè

Qua

Qua demum ratione? G. Principiò expressit concretum sanguinem; pōst lauit vulnus, & subtili lincteolo exterhit: tum emplastrum applicuit, & pedem ut videtis circumligavit. F. Optimè. G. Intra dies paucos, Deo annuente, in scholam me redditurum, & vobiscum in campo ad Danubium cursura certaturum autumo. F. Ante noctem Præceptorì nuntiabo de istoc aduerso casu tuo: nec me animi faliit, magno ei dolori futurum; amat enim te merito tuo, quod s̄epe cognoui. P. Condiscipuli ad unum dolebunt, cūm intellexerint. G. Permodicū & p̄nē nihil est. Quorsum tragedias in nugis? F. Nunc vale Gregori, nos discedimus. G. Et vos bene valete. P. Craftino te reuiseimus. G. Quod vestra voluntas tulerit.

ANNOTATIONES.

CLAVI CVSPIDE M E I ND VI) Sic locutus
est Cæsar lib. 7. de bello Gall. Se ipsi acutissimis vallis
induebant. Virgil. 10. Aeneid.

-animo nunc huc nunc fluctuat illuc,
An se se mucrone ob tantum dedecus amens
Induat, & crudum per costas exigat ensem.

QVI BENE CONIICIE T) Cic. 2. de Diuinat. Est
quidem Gracis vulgaris in hanc sententiam versus. Bene
qui coniiciet, yatēm hunc perhibeto optimum. Versus Euripi
dis hic est: μάντις δὲ ἀγίστη ὅπις ἐμέλει σοφῶς. Cuius
principium citat idem Cicero more suo ad Att. epist. 13. lib.
7. O VBNVSTOS) Venustus esse aliquando idem quod
fortunatus ac fœlix, & contrā, invenustus eandem ha
bere subiectam vim, quam infortunatus & infœlix, probat
Nonius libro primo. Que quidem non ita vulgaris nota, ac

132 PRO GYM. LATINIT.
publicæ moneta significatio videri merito potest. PAR E R-
GA FRON TIV M) Quibus de frontibus loquatur, aut
que sint libri frontes, perspicuum est ex illo Ouidij eleg. 1.
Tristib. lib. 1. ad librum suū, exteriores videlicet eius partes.

Nec fragili gemine poliantur pumice frontes,
Hirsutus passis ut videare comis.

De iisdem epigram. 1. Catull.

Quoī dōō lepidum nouum libellum,
Arida modo pumice expolitum.

Martialis quoque libr. 1. pumicatam libri frontem dixit.
Nam quomodo nunc, ita antiquitus libri pellibus tegebantur, quas levigare ac perpolire pumicibus solebant. De volumine, cornibus, umbilicis, frontibus librorum, vide Manut. in epi. 7. lib. 3. ET G R Y P H E S I N R I P H E I S)
Riphei montes sunt in Scythia, in qua & gryphes animalia capite & rostro Aquilis (nisi quid auribus equinis) reliquo corpore leonibus similia, alata tamē, & equis vehermenter infesta, ut indicat etiam Virgilius noto carmine eclog. 8. Iungentur iam Gryphes equis, &c. ibidemq. Servius. Plinius lib. 7. cap. 2. Sed & iuxta eos, qui sunt ad Septentrionem versi, haud procul ab ipso aquilonis exortu, specuq. eius dicto, quem locum Gesclitron appellant, produntur Arimaspi quos diximus, uno oculo in fronte media insignes: quibus assidue bellum esse circa metalla cum Gryphis ferarum volucri genere quale vulgo traditur, eruente ex cuniculis aurum, mira cupiditate & feris custodientibus, & Arimaspis rapientibus, multi, sed maximē illustres Herodotus & Aristaeas Proconesus scribunt. Idem. lib. 10. cap. 49. Pegasos equino capite volucres, & Gryphas aurita aduncitate rostri, fabulosos reor: illos in Scythia, hos in Aethiopia.

* *

PRO-

PROGYMNASMA

TRICESIMVM SECUNDVM.

*Repulsa m p a s i .*MARTINVS, JOSEPHVS, LUGAS,
GYMNASIARCHA.

MARTINVS. En vnquam hoc durissimo & intolerando seruitio exibo? in orbe terrarum nihil est me vno ærumnosius, nihil perditius. Prò Deum atque hominum fidem: iam sextum annum in pistrino Grammatico miserabiliter molo. Timæum Platonis, quo non esse quidquam tenebricosius fama tenet, celestius credo faciliusque caperem. Heus heus, cohibe te gradum: quo ambulatis vos? I. Ad gymnasij Perfectum tendimus. M. Quas ob res? I. Depulsi sumus de spe, ego Humanitatis, iste Rhetoricæ: vterque præteritus est à Nomenclatore. M. Non igitur ego solus miser cum grege commilitonum meorum: me quoque(indignum facinus) excluserunt schola Syntaxeos. Ibo simul, & enitar exorare virum, & misereatur mei, consiliaque meliora capessat. E quidem si centum annis federo in ludo Grammatico, non plus addiscam quam hoc sexennio: omnes bonæ felicitates aduersantur & inuident mihi. I. Me verò Mobile cum fixo (quod illud Dij perdant) fecerunt immobilem, & tanquam in cruce suffixerunt. Curtu, bone Luca, non ascendisti? L. Dic quibus in terris: nam cur vos non ascendistis? M. Perperam respondimus in examine, malè scripsimus. L. Eodem me crimine alligavi, ut isti Triumviri assuerant, qui doctrinam nostram periclitati

I 3 sunt.

sunt. Tam dignus ascensu fuisse, quam alius quis.
I. Neque nos tam sumus rudes & inepti, ut non
si minus ex iustitia, certè quidem ex liberalitate &
gratia potuerint nos illi Critici in scholas superio-
res asciscere: id quod antehac factum. L. Non secus
atque si quæstionem inter sicarios aut sacrilegos
exercerent, & crurifragium nobis perpeti edū esset,
asperos se præbebant & rigidos. Æcum, Minoa,
Rhadamantum de capitibus nostris iudicio decer-
nere putares. Sed ipse Præfectus contrà tendit. G.
Saluete adolescentes: quorsum hic adeatis? L. Reue-
rende Domine, prohibitus sum aditu scholæ Rhe-
toricæ. G. Quid narrat Iosephus? I. Ab humanitate
reiectus sum. G. Et Martinus? M. à Syntaxi. G. Bene
habet, sic merebamini. L. A Domine, tuam fidem
obsecro. Liceat ascendere. G. Non perpendis quid
contendas. M. Sextus labitur annus, cum sedeo in
schola Grammaticæ: pertenduit. G. Nisi tu doctior
Grammaticæ sis, adhærebis ad scannum tuum us-
que ad annum sexagesimum. Tu similiter Iosephe,
nec sequente Autumno Humanitate donaberis, si
ad sedulitatem non addideris vel plurimum. I. At-
qui perpetuò disco, continenter in libris versor, us-
que ad supremam lassitudinem donec defessus sim
medullis omnibus. G. Scriptio & responsa hoc quā
verum dicas demonstrarunt. Mitto barbarismos:
referta & scatens erat solœcismis epistola tua: quod
genus figuræ apud Lucam quoque elucebat; apud
te, Luca, qui in Græcis Alphabetum nescis, & neq;
soluta, neque pedibus deuincta oratione cum ullo
eorum qui ascenderunt comparandus es: Præcepta
insuper non tenebas adeò, ut vix semel aptè respō-
deris. L. Timor verba præpediebat, quo pñè ex-
animabar.

himabar. G. Scitum, & ignauis istis vſitatum, ignorantiæ culpam timori assignare. Victores illi profectò non timebant: quia quæ tu ignoras, ipsi ſciebant, & ad pugnam ſuis tecti instruētique armis procedebant. M. Tuam clementiam precibus omnibus oro & obteſtor, absoluat me tandem aliquando ab iſta ſchola: ſatis diu iam hōc faxum voluo: pollicor incredibilem diligentiam in Syn-taxi. G. O te inconsultum, o insipientem. Hoc laboras, vt domum ædificare tibi fas fit, nullūque fundamentum ponere. Sic faciunt omnes, qui ad gratiora reconditioraque ſtudia adiungunt animum, cum leuiora vix primoribus labris attigerint: quodque in priore conſequi ſcientia debuifent, id ſe in ſuperiore ludo promittunt velle diſcre-re, nec ſtāt promiſſis. Adhuc vidi nullū, qui Grammaticæ indoctus, eam in Humanitatis, Rhetoricae, Philosophia, Theologiae aliarūq; diſciplinarum officinis didicerit. Quare, Luca, ne imponas tibi: non conſequeris quod cupis. L. Heu. At enim niſi audis, parentibus dare me in conſpectum non ſuſtineo: efferuent ira, & ſtomachum in me erumpent. G. vt ita ſit, tute hoc intruifti, tibi exedendū eſt. Commentare, quo pacto illis propitiis & bene-uolis utare. Meā nihil intereſt, nec ob tuum incom-modum abrogandæ videntur cōmodæ leges gym-nafij, & aperienda fenēſtra diſcipulis ad ſocordjani. I. Ego, Domine, non audiui omnia à Magistro, in quibus interrogabar. G. Quid te impediuit? I. Occupationes variæ non ſuērunt me tam frequentem eſſe in ludo. G. An tū ſubducere me iſtis dictis poſtulas? Credibile eſt temetipſum tua voluntate coactum, tibi interdum mandatſe ne-

gotia non necessaria. Vt cunque sit, danda fuit opera, vt etiam illa cognosceres. I. A mi domine Praefecte, sum pauper, viuo alienis sumptibus, & ni ascendero, amissio Mæcenate, literis & scholæ cogar multam salutem dicere. G. Contra torrentem niteris. Dedecebas Mæcenatem, si, quod petis impetrabis. Non enim ille te alendū suscepit, vt nunc in hac, paulò pōst in illa schola trūcus super lignum sessitares; verū vt eruditior semper teipso effectus, eius postmodum vtilitatibus cū tempus venisset, commodares. Quod si istas ratiunculas probauerimus: hæc aut illa non audiui cū explicarētur: Mæcenas non me posthac de suo alet; parentes ē conspectu suo fugabunt, ex hoc ero diligens, iam multos annos hanc scholam frequentauī: si inquam has similesque ineptias pro aptè conclusis epichirematis receperimus, iisque permoti, scholam eruditiorēm aliquibus patefecerimus; nullum vtique in inferioribus relinquemus. Quisnam status erit nostrę prouinciæ? quæ facies? in me postea culpa omnis transferatur, in me redundet ista calamitas. M. Patiare te flecti. L. Noli propter Deum, respuere rationes. G. Immò si fiant, quæ vos futura afferitis, ad exemplum proderunt multis, felicitérque sapient, qui malis alienis sapient: & dum similia formidabunt, acriū se studijs inuoluent. Cur Praeceptorum vestrorum pāne assidue cohortationes, obiurgationes, istorūmque malorum, in quæ incidiſtis nunc, prædicationes nihil apud animos vestros vñquam valuerunt? Ecce iam pretium fertis ob stultitiam. Æquè autem vtile censeo scholis nostris, vos & similem vestri turbam multari hac ignominia, quām alios vestrūm dissimiles, hoc est, industrios & doctos

etos adolescentes cumulari gloria: utraque nimirū
 re, ut aliqua Respub. continentur. Quocirca defini-
 te, iam conclamatum est: frustra operam conte-
 ritis. Auferte vos domum, abscedite hinc, molesti
 vltre ne sitis, nihil noui de yobis nouo aliquo edi-
 cto sancietur. L.M.I. Dignare misericordia mis-
 ros. G. Cur vos ante vestri ipsorum non miserebat?
 quem modò amicum inuenietis, cum vobis meti si
 hostes extiteritis? Serò sapiunt Phryges. L. Si post
 mensem idoneus fuero, nunquid non permitte me
 ascendere? G. Si. L. Conabor manibus & pedibus,
 nocte & dies obnixè. M. Ego etiam laborem
 ac studiū adhibeo. G. Nimirum miris modis mira
 prodigia, si tu actum reddas vno mense, quod sexé-
 nio non redditisti. Magis istuc lingua percipio di-
 ci, quam factis credo fore. Nihilominus, ut ne atro-
 citatem meam accusare possitis, indulgeo spatium.
 I. Quoniam ea conditio istis offertur, volo cā quo-
 que accipere. G. Tui est arbitrij. Sed hoc antē vo-
 bis denuncio, non plus gratiæ inuenturos, quam
 nunc inuenistis. Præcipiam insuper Magistris, ut
 deinceps austrius vobiscum agant, & verberibus
 ad discendum compellant magis quam haec tenus: si
 fortè hæc ratio ceu à brutis ani mantibus non nihil
 possit extorquere. Trahunt aratrum fortius boues,
 si fodiantur stimulis: & sub onere ambulant cele-
 riū asini, si ipsorum latera identidem percurrentur
 fustibus. Abite vnde huc pedem attulisti, & rebus
 vestris prospicite. Quin adhuc pauca attendite. Ci-
 cadae æstatis tempore cantilenis assiduò sese oble-
 etabant, cum formicæ, ut sunt prudentes, ac non in-
 cautæ futuri bestiolæ, ingenteim farris aceruum po-
 pulantes, magnis operibus in cœuernas cibaria con-

ueherent, quibus per hyemen victitarent. Forte accidit, ut tritici grana terra humoribus putrescentia cubilibus exportarent, & ad Solis radios deficarent. Prætetiens cicada orat, vti alimoniam sibi dignentur esuriensi impertiri. Tum formicæ: Quid tu, inquiunt, per æstatem agebas? cur tibi quod ederes non colligebas? Ego verò, subiecit cicada, non eram otiosa: canebam musicè: Hic arridentes formicæ responderunt: Si æstate cecinisti, hyeme salta. Atque ita vacuam, ut venerat, inanemque discedere coegerunt. Nunc ætas est dum adolescitis: quando senescetis, hyems erit. Ibi tum iucundè & suauiter fruemini, si quid modò vobis scientiæ pereritis. Quod quia hucusque omisisti, otio autem, ambulationibus, ludis potius tempus transmisiisti, cum condiscipuli vestri studiose elaborarint in literis, an non idem illi quod formicæ cicadis, poterunt vobis exprobrare? O Luca, o Iosephe, o Martine, qui hac proxima æstate cecinisti, nunc choros dicitote. Hæc in pectora vestra demittite, & ad frugem vos recipite. Verbum non addam: quin vos hinc amolimini. M. Occisissimus sum omnium qui viuunt hodie usquam gentium. I. Quare nunc ego spem, quam opem, quod consilium capessam? Nullus sum. L. Ærumnas Herculis supero ærumnis meis; nec quid me nunc faciam scio. Parum abest, quin me relinquat animus.

ANNOTATIONES.

EN VNQVAM) id est, unquamne, hoc est, aliud quondam? ut Seruius interpretatur ad illos versus eclog. I.

En

En vnquam patios longo post tempore fines,
Pauperis & rugi congestum cespite culmen
Post aliquot mea regna videns mirabor aristas?

Idem Poëta per interpositionem diuisit, eclog. 8.

-en erit vnquam.

Ille dies, mihi cum liceat tua dicere facta.

Plaut. etiam Rud. Quæso, en vnquam hodie licebit mihi loqui? & Trinum. o pater, En vnquam aspiciam te? Terent. Phorm. En vnquam cuiquam contumeliosius Audistis fatam iniuriam? IN PISTRINO MOLERES) Apud maiores nostros (inquit Seruius in 1. Aeneid.) molarum non erat vsus, frumenta torrebant, & ea in pilas missa pinsebant, & hoc erat genus molendi: unde & pinsores dicti sunt, qui nunc pistores vocatur. Hinc Virg. frugesq; receperat. Et torrere parant flammis & frangere saxo. Inuentæ sunt deinde mole asinariæ, quas circumagerent asini: alie trusatiles, quæ hominum manibus versabantur maximo cum labore & lassitudine. Inde cæptum usurpari pistrinum, pro loco molestiarum laborumq; pleno, & pro negotio nimium operoso. Terent. And.

Verberibus cæsum te in pistrinum Duae dedam usque ad necem,
Ea lege atque omne, ut si te inde exemerim, ego pro te molam.

Plaut. Mostell.

Rus mihi tu obiectas? sanè credo Tranio.
Quod te in pistrinum scis actutum tradier.

TIMÆVM PLATONI S) Adagium, Platoniceis numeris obscurius, quo vsus est Cic. lib. 7 ad Att. epist. 13. Plato quippe numeris Pythagoricis suam philosophiam inuoluit & obscurat, lectoriq; nebulas seu tenebras ingentes offundit, in dialogo præcipue, qui Timæus, siue de natura inscribitur, quo nihil obscurius, de quo 2. de finib. Rerū obscuritas,

non

non verborum facit, ut non intelligatur oratio, qualis est in Timaeo Platonis. Idem Academ. I. In libris Platonis nihil affirmatur, & in utramque parte multa differuntur, de omnibus queritur, nihil certi dicitur. D I C Q V I B V S
I N T E R R I S) eclog. 3. Damætas pastor ex Menalca querit in hunc modum.

Dic quibus in terris & eris mihi magnus Apollo,
Tres pateat cœli spatiū non amplius vlnas.

Hanc questionem cum Menalcas dissoluere non posset, eque difficultem obiecit.

Dic quibus in terris inscripti nomina Regum
Nascuntur flores.

Quem morem & hodie vulgus imitatur in congressibus.
TRIVMVTRI) Triumviri, seu ut Plaut. sape vocat, Tresviri, quidam capitales creabantur, quorum munus in facinorosos & seruos ius dicere. Idem custodiae carceris prefecti erant, ipsorumq; interuentu de maleficiis supplicium sumebatur. Amphit. Quid faciam nunc, si tresviri me in carcerem compegerint? Afin. Nam iam ex hoc loco ibo ego ad tresviros, vestraq; ibi nomina, faxo, erunt. Capitis te perdam ego & filiam. ILLI CRITICI) Grammatici qui descriptoribus & scriptis aliorum, imprimisq; poëtarum ferrent sententiam, sic appellati sunt. Qualis apud Horatium Melius Tarpa, Quintilius, apud Græcos celebratissimus ille Aristarchus. Horat. epist. I. lib. 2. Ennius & sapies, & fortis, & alter Homerus, ut Critici dicunt. Tamen si vocem ipsam spectes, officium Critici male Grammaticis finibus includitur, non recte, inquam, ipsa iudicandi facultas atque peritia, qua vis huius vocis est, cum actione confunditur. & negitios pro ueritatis ponitur. Hoc non magis decet fieri, quam pro eodem habere ποιητὴν, & τραγῳδην, οὐ πειρηφ & οὐρετηφ, στρατηγῳδηφ, & στρατηβῃφ. AEACVM, MINOA, RHADAMANTHVM) De his tribus inferorum iudicibus in 6. Aeneid. Legendi mythologi,

gi, & maximè Natalis Comes. Propter iustitiam, qua in terris claruerunt, hoc honore donati à loue singuntur. A DOMINE) & aduerbium quiritantis, aut commiserantis est, & per aliquam harum interiectionū redditur, ah, hei, hem. Est cùm terrorē & perturbationē declarat, tum valet hem, & eho. Catul. qui eo gaudet, prima notione dixit. A te tum miseri, malig₃ fati. Hac idcirco breuiter, ne quis insolentia huius particula deceptus, in Ab, commutandam, putaret. HOC SAXVM VOLVO) Sisyphum quod Iouem prodidisset, fabulantur Poëtae hac pœna apud Orcum in perpetuum cruciari, vt ingens saxum manibus & pedibus connexus & sudans in aduersum montem prouoluat. Cùm autem non longè abest à montis vertice, tum vi quadam valida saxum repellitur, & in planitatem reuoluitur, ipseq₃ iterare labore cogitur. Sisypho ambitiosos comparat Lucretius in 3. his versibus.

Nam petere imperium quod inane est, nec datur vñquam,
Atque in q̄ semper durum sufferre laborem:
Hoc est aduerso nixantem trudere monte
Saxum, quod tamen à summo iam vertice rursum
Voluitur, & plani raptim perit æquora campi.

Hinc saxum voluere eos dicimus, qui inexhausto, nec tam
men p̄tili labore conficiuntur. Terent. Eunuch. Satis diu
iam hoc saxum voluo. MVL T A M S A L V T E M D I
C E R E) Dicendi ratio è Græco fonte profluens, τολλαχίδη λέγειν. Cic. epist. 33. lib. 7. Ego verò multam salutem &
foro dicam & curiae, viuamq₃ tecum multū, & cum
communibus nostris amatoribus. VT ALI QVA R E
P V B.) Solonis est, de quo ita Cic. ad Brut. epist. 15. Neque
solum vt Solonis dictum usurpem, qui & sapiens unus fuit
ex septem, & legum scriptor solus ex septem. Is Rempub.
duabus rebus contineri dixit, præmio & pœna. G. S1) Bre
uiloquentia delectatos fuisse Lacones constat. Inde λαονούλ
ζειν &

Ἐντὸς τοῦ λακωνικοῦ. Paucissimis igitur verbis, sepe uno, plurimum sententiae complectebantur. Exempla sunt ἀνά, scilicet Qua voce tantum ad longam Legatorum Philippi orationem responderunt. Præterea cum illis scripsisset Philippus; Si exercitum duxero in Laconicos fines, deuastabo vos, etiam rescriperunt, scilicet Plutarch. de garrulitate. Item δέ, cum quæsuisisset an ipsum in ciuitatem essent recepturi. Plutarch. eod. lib. Cum ipsorum agrum ingressus, per litteras quæsuisisset, vellentne se ut hostem, an ut amicum venire, responderunt, δέ τε πρ., neutrum. Contrarium est βαττολογία, & βαττολογία, hec enim loquacitatem & sermonem nimis effusum & prodigum significant. ΕΡΥΜΝΑΣ ΗΕΡΚΥΛΙΣ) Propter tam graues, & omnibus iam, etiam tonsoribus notos labores, eosque non paucos, qui à diuersis Poëtis sunt descripti. Plaut. Persa.

Qui amans egens ingressus est princeps in amoris vias,
Superauit ærumnis is suis ærumnas Herculis:
Nam cum Leone, & cum excerra, cum Ceruo, cum Apro
Ætolico.
Cum auibus Stymphalicis, cù Antæo deluctari muelim,
Quam cum amore.

PROGYMNASMA.

TRICESIM V M TERTIV M.

Vacationes.

PETRVS, HILARIUS,

PETRVS. Cùm duodecim mensibus volvatur annus Hilari, & is in quatuor tempora digeratur, in ver, Æstatem, Autumnū, Hyemem; unumquādque autem trimestri

trimestri spatio terminetur: non sum animi dubius,
quin tu, sicut in gradibus ætatis humanae adolescentiam pueritiae, constanti seu media ætati, & se-
nectæ præfers; ita in differentiis temporum æstatem
cæteris anteponas; ac proinde æstiis menses amplius delectere, quando pacatum nitet diffuso lu-
mine cœlum, rami baccarum vbertate incurvescunt,
segetes largiuntur, fruges, pellucidulis aquis manat
fontes, quando staves dædala tellus sumnit flores,
& rident æqua ponti. H. Esto sanè: quorsum tu
istuc? P. Quorsum? nosse velim, ex Iunio, Iulio, Au-
gusto; siue, ut veteres nominabant, Quintili & Sex-
tili; ex his tribus, inquam, mensibus, ecquis tibi ex-
spectatissimus venire consueuerit. H. An etiam id
dubitatem habere potest? Idem, Petre, qui tibi.
P. Quem ergo mihi amabilem acceptumque pro-
cedere autumas? H. Quid credis? Iulium. P. Qui
bus de causis? H. Quia Alcedonia sunt inscholis
plus triginta, nedum quatuordecim diebus. Vacan-
tionum agitantur solennes feriae: licet deambulare,
& sese dare lusibus. In patriam quoq; abeundi po-
testas conceditur ad viendos parentes, fratres, so-
rores, propinquos & affines: ubi tam blandæ saluta-
tiones, tam benevolæ ac festiuæ congressiones, tam
multæ vocaciones ad honesta & delicata conuiua.
Quid verbis opus est? incunditates sexcentæ. P. De
ista re nunquam tibi aduersari certum est. Laudò,
laudo maiorum nostrorum prudentiam, qui adoles-
centum valetudini ista relaxatione consulendum
putaverunt, quam continentibus atque diuturnis
literarum contentionibus offendì exploratum est,
cœlo æstuante potissimum, quali affligimur exor-
ta canicula. Et mihi multò verissimum videtur
illud

illud epigrammatographi: Pueri si æstate bene va-
lent, satis discunt. H. Iam istuc vagandi & vacandi
tempus propinquat. P. Scio, fastos seu kalendarium
identidem adij. H. Qui traduces? P. Non omnino
vsum librorum dimittam, nec me à nostris Musis
proinde, vt si bellum ipsis indixisse, disiungam. H.
Optime vero, Petre, & fieri sic decet. Quid leges? P.
Ea imprimis quæ liberalem & frugiferam delecta-
tionem pariant: vt sunt Græcorum Romanorum
que historiæ, & excellentium carmina Poëtarum.
Exercitationem styli haud intermittam, dictata re-
censebo, audita mecum pertractabo. Denique ita
has hebdomadas vacationum transigere constitui,
vt etiam otij mei rationem afferre possim. H. Ego
natale solum, quod me sui immemorem esse nō si-
nit, post quartum denique annum quam discessi, vi-
dere destinaui. P. Et recte. H. Addunt non mediocre
calcar quas ab hinc triduum accepi literas; ex sunt
paterna manu. Ante diem tertium Nonas Quinti-
les iter in patriam ingredi iubent. P. Quando huc te
reuersurum augurare? H. Si erit, vt illi me citò di-
mittant, citò: mater imprimis, que extra me stirpem
virilem, aut muliebrem patri meo nullam genera-
uit. Et nosti quanta sit matrum, in vnicos præser-
tim, φιλοσοφία. P. Multas persæpe opportunitates
corruperunt istæ matres, quæ sic effictim amant
liberos. H. Tamen per patrem impetrabo, vt ne vi-
timus omnium huc reuertar. P. Planè ita facien-
dum sentio.

ANNOTATIONES.

VNVM QVOD QVE AVTEM TRIMESTRI)
Adscribamus super hac re versiculos Ausonij.

Æternos

Aeternos menses, & tempora quattuor anni.
 Quattuor ista tibi subiecta monosticha dicent.
 Martius, Aprilis, Maius sunt tempora veris.
 Iulius, Augustus, nec non & Iunius, aestas.
 Septembri, Octobri, Autumnus, totoque Nouembri.
 Brumales, Ianus, Februarius, atque December.

IN GRADIEBUS AETATIS HUMANÆ) Quadrupliciter temporum commutationi Pythagoras hominum aetatem comparavit, & in quatuor eam partes distinxit, in pueritiam, adolescentiam, iuuentutem, senectutem. Prima veri, alteram aetati, tertiam Autumno, ultimam Hyemem similem esse confirmans: singulis autem 20. annos attribuit. Laërt. 15. Metam. Eandem distributionem secutus est Horatius ad Pisones, ubi etiam cuiusque aetatis mores naturamque depingit. Varro à die Natali facit quinque partes, siue gradus. In primo collocat pueros, qui sic dicantur, quod sunt puri, sine pube, impubes, ad annum decimumquintum. In secundo adolescentes, ab adolescendo appellatos, ad annum trigesimum. In tertio iuvenes, quod domi forisque Rem pub. iuare possint, ad annum quadragesimum quintum. In quarto seniores, tum enim senescere corpus incipit, ad annum sexagesimum. In quinto, qui ad finem vita exten-ditur, senes, qua aetate corpus senio conficitur & laborat. Singulis ergo, præter extremum, annos quindecim Varro decernit. Hippocrates septem gradus constituit, infantiam, pueritiam, adolescentiam, iuuentutem, virilem aetatem, senectutem, senium. Primi finem esse vult annum septimum: secundi decimum quartum: tertij duodetricesimum: quarti tricesimum quintum: quinti quadragesimum secundum: sexti quinquagesimum sextum: septimi nouisixū annum vita humana. Vide insuper Gellium lib. 10. cap. 28. Nam quasdam loquendi rationes in aetatis & anni temporibus & mensibus quoque accipient adolescentes. In eunte, prima, extrema, exeunte adolescentia, iuuentute. Prouenient, princi-

146 PROGYM. LATINIT.
pit, adulta etate, præcipiti, extrema senectute, &c. Sic in-
eunte, primo vere, exeunte, adulto, præcipiti. Virg. Vere no-
uo i. Georg. Medio. adulto, prono vere. Isdem de aestate uti-
mum (quam itidem nouam in 4 dixit Virgilus, Cæsar ini-
tam & exactam) & de reliquis partibus. Quas etiam se-
nescentes, vt Cic. hyemè pro lege Manil. & 2. de Nat. Deor.
Item prouectas. vt Tacitus noctem, appellabimus. Que om-
nia fas erit ad menses accommodare. QUINTILI ET
SEXTILI) Romulus annum digestum in menses decem,
fecitq; Martium primum, Aprilem secundum, proprius Mar-
tem & Venerem auctores romanae gentis, tertium à maio-
ribus cognominavit, quartum à iunioribz: illum Maium,
hunc Iunum, Reliquos à numero Quintilem quod esset
quintus, sextilem quod sextus, & sic deinceps. Ouid. i. Fasto.

Martis erat primus mensis. Venerisque secundus,
Hæ generis princeps, iphus ille pater.
Tertius à senibus: iuuenum de nomine quartus,
Quæ sequitur, numero turba notata fuit.

Postea de nomine Iulij Cæsaris, quod eo natus esset, vt Fe-
stus inquit, seu M. Antonio legem ferente, vt scripsit Ma-
crobius. Quintilis appellari cœptus est Iulius. Sextilem è suo
suo cognomine Augustus nuncupauit, magis quam Septem-
brem, quo erat natus: quod eo sibi & primus consulatus, &
insignes victoriae obtigissent. Sueton. in Octaui cap. 31.
Hanc licentiam sibi permitti voluerunt Tiberius, qui Sep-
tembrem à se Tiberium, & Octobrem Liuium: Nero, qui
Aprilem Neronem, Maium Claudium, Iunium Germani-
cum nominari iussit. Domitianus autem vt refert Suet. cap.
13. Septembrem mensevi, & Octobrem ex appellationibus
suis Germanicum, Domitanumq; transnominauit: quod
altero suscepisset imperium, altero natus esset. Lilius de an-
nis & mensibus. Argutum est, quod de Tiberio scripsit Dio.
Cum ei instaret senatus, statueretq; Nouembrem (eo men-
se natus

se natus erat XVI Kalend. Decemb.) Tiberium appellandum esse, ita respondit. Si vobis Casares erunt XII. quid faciet? ALCEDONIA SVNT IN SCHOLIS) Halcedones, seu Halcyones sunt aves paullò maiores passeribus, media hyeme in littore maris nidos faciunt, oua pariunt, pullos excludunt. Quibus diebus silentibus planè vetus summa est cœli serenitas, summam aris tranquillitas. Vnde dies illi Haleyony vocantur. Vide Aristotelem de histor. animalium lib. 5. cap. 8. Plinii lib. 2. cap. 47 & lib. 10. cap. 32. Aelianum lib. 1. cap. 36. Varrorem de lingua Latina lib. 6. Seruum in 1. Georg. Plaut. Casina, ad quietem & tranquillitatem à turbis & litibus in foro transferens parœmiam fecit. Tranquillum est, Alcedonia sunt in foro. Nos ad scholarum ferias, quæ in mensem Iulium incidunt, festiue significandas adhiberi posse censuimus.

IVCVN DITATES SEXCENTÆ) Ingente in infinitumq; numerum hoc verbo Latini declarant. Cic. ad Attic. Venio ad epistolas tuas, quas ego sexcentas vno tempore accepi. Ad eundem. Belli periculum, militum improbitas, sexcenta præterea alia. Plaut. Trinum. Sexcentæ ad eam rem caussæ possunt colligi. Idem alibi. Sexcenta sunt que memorem. si sit otium. Terent. Phorm. Sexcentas perinde prius scribito dicas. Licet etiam uti verbo mille, eadem ratione. Plaut. Amor mille modis ignorandus est.

OTII MEI RATIONEM AFFERRE) Praclarus est locus in oratione pro Cn. Plancio, quem ad verba nostra illustranda totum adscribere non pigebit. Sed quid ego dicam de occupatis meis temporibus, cui fuerit ne otium quidem vñquam otiosum? Nam quas tu commemoras, Casbi, legere te solere orationes, cum otiosus sis, has ego scripsi ludi & scripsi, ne omnia ne vñquam essem otiosus. Etenim M. Catonis illud, quod in principio scriptis Originū suarum, semper magnificum & præclarū putauit: Clarorum virorum atque magnorum, non minus etij,

quām negotij rationem exstare oportere. Iustinus p̄afatio-
ne, eiusdem dicti à Catone meminit. Columella lib. 2. cap.
22. Sed cūm tam otij, quām negotij rationem reddere ma-
iores nostri censuerint. Qy O D M E S V I I M M E-
M O R E M) Cic. i. de Orat. Patria nos omnium maxime de-
lectat, cuius rei tanta est vis, ac tanta natura, vt Ithacam
illam asperrissimā saxulu tanquam nīdulum affixam sapien-
tissimus vir immortalitati anteposuerit. De Ulysse loquitur,
de quo & Homerus hoc ipsum Odyssea 5. Ouid. de Pont. lib.
1. eleg. 4.)

Non dubia est Ithaci prudentia, sed tamen optat
Fūnum de patriis posse videre locis.
Nescio quā natale solum dulcedine cunctos
Ducit, & immemores non sinit esse sui.
Quid melius Roma? Scythico quid frigore peius?
Huc tamen ex illa barbatus vrbe fugit.
Cum bene sint clausæ cauea Pandione natæ,
Nititur in sylvas quæque redire suas.
Assuetos Tauri saltus, assueta Leones,
Ne feritas illos impedit, antra petunt.

Scripsit encomium patriæ Lucianus, in quo sic inter cate-
ra. Si de vrbium electione optioneq; ageretur, nemo profe-
cto contempta patria, altiarum splendorem diuitiasque se-
queretur: non quod illas non cuperet, sed quod ius patriam
suam ornatam vellet: quam nihilominus qualiscunque es-
set, ceteris anteponeret, A N T E D I E M T E R T I V M
N O N A S) Dicerem aliquid de hoc loquendi genere, ostend-
deremq; quo pacto eum ipsum diem, qui exprimitur, non
præcedentem significaret. item de illi, in ante diem, ex an-
te diem tertium Nonas, post diem tertium Kalendas, nisi
me id iampridem in Rochum Perusinum præstitisse memi-
nissim, cui præter cholia, etiam multa capita inferui. Vide
editionis tertiae cap. 50. Consulendus & Manut. in epist. 8.
lib. 2. & 7. lib. 3. ad Attic.

PROGYMNASMA
TRICESIMVM QVARTVM.

Studium in sylvis ac nemoribus.

MINVTIVS, POLYDORVS Magistri.

MINVTIVS. Non ita pridem, cùm essem forte extititia perturbation, quærebam ubi illam miseriā ex animo velut expuerem. Dedi me itaque ad legendas epistles Plinij, quas abs te vt breues, argutulas, disertas, suaves, eruditas & facetas magnoperè probari sèpius animaduerteram. Incidi autem in sextam libri primi, qua ille memorat Cornelio Tacito, qui cum ei familiaritas mutua intercedebat, se in sylva dum venaretur, & ad retia federet, iaceretque in proximo venabulum, quo scilicet feras in plagas se induëtes transuerberaret, meditatum esse; cogitationesque suas stylo pugillaribus indidisse. *Non est quod contemnas, inquit, hoc studendi genus: mirum est, vt animus hac agitatione motuq; corporis excitetur. Iam vnde sylue & solvendo, ipsumq; illud silentium quod ventioni datur, magna cogitationis incitamenta sunt. Proinde cum venabere, licebit auctore me, vt panarium & lagunculam, sic etiam pugillares feras.* Experieris non Dianam magis montibus, quam Mineruam inerrare. His ita perleatis, egomet continuò tecum, cōueniam Polydorum, ex eo sciscitabor, quid de hoc Pliniano iudicio ipse iudicet: arbitreturne perinde Mineruam ut Dianam vagari per montes & nemora. P. Non ergo hoc de nihilo est, quod me conuentum esse expertisti. M. Non est Polydore, sed ausculta dū. Musis

quidem certe, & μεταξει Phœbo montes, nemora, sylvas in quibus habitent, & chōros agitent, non arces & vrbes dedicatas nouimus. Capiuntur item eiusmodi locis poëtæ, & in ea secedere carmina cōposituri cōsueuerunt. De Orpheo quoties legimus, ipsum canētem bestias & querus insecuras? Quod si hoc antiquissimum ē doctis genus, Poëtarum inquam, illic in suo negotio percommode versari potest, cur alij non poslunt? quid eos prohibet? Si solitudo ac silentium studiis conducunt, ibi neutrum desideratur. Si liber cœli aspectus, si lenes viridissimarum árborum susurri, si dulces auicularum concentus, si placido cum murmure de rupibus desiliētes lymphæ cogitationem minimè confundunt ac remorantur, quin potius spiritum exsuscitant, animum hilaritate complent, atque ad propositam actionem attemperant, cur non stamus à Plinio, & aliquando cum lylo & palimpsesto, aut cum libro in nemus ambulatum imus, ibique summa iucunditate diem conterimus? Virgilium Poëtarum excellentissimum in Campaniam frequenter, regionis amoenitate illectum secessisse, ibique bonam partem suorum carminum condidisse proditum est memoriaz. P. Quia sententiæ meæ particeps, ut es- ses, idcirco istuc ἄντεμα in medium attulisti, respondebo tibi. si spounderis prius, non emanatrum quod audieris; sum enim homunculus unus è multis, nondum oracula cano. M. Quod mihi credideris, ait Plautus, sumes ubi posueris: alium putes licet rimarum plenum esse, non me. P. Locos solos, ac silentium quam altissimum legentibus, scribentibus, commentantibus vehementer commodare satendum est, nec inter arbitros, clamores,

mores, strepitus, quantumcunque mediocres animum pro eo ac vellet debérētque suum posse agere negotium. Hinc videmus literarum candidatos amare secessus, & locos interiores ac penitus silentes captare, ne per idola & imagines rerum sensibus perceptarum mēs sese diuidere ac pluribus impertiri cogitationem, & veluti pugnam quandam tolerarē cogatur. Demosthenes ille, cuius eloquētia obstuپuit vniuersa Græcia, studendi causa latibrosē ab hominum conspectu, loco subterraneo se occultabat, ex quo nulla vox audiaretur, nihil videbatur. quare? ne oculi & aures alio mentem auocarent. Si Philosophorum, si Oratorum, aliorūq; literis præcellentium vitam legas, non multos in turba magis quām in solitudine, isolis libris prætentibus, respondentibūque suas rēs egisse inuen es. M. Prorsus tecum sentio. P. At verò quod quis ad hoc idem aliquid valere nemora & sylvas contendat, propter ratiunculas quas tu afferebas, hoc aliquid nihil est. Iucundi sunt eiusmodi secessus, verū ad ea quæ nos quærimus non sunt accommodati. Siquidem illa eadem quæ sensibus blandiuntur, & animum delectant, eūm ipsum ab opere destinato quasi retrorsum raptant: qui, quō pluribus est intentus, (vt vulgatus inquit versiculus) eō minor est, eō minus valet ad singula: valet vbi totus intenditur. Ac miror equidem Plinium hūc à Magistro suo Quintiliano dissentire voluisse, quem lib. 10. cap. 3 hanc opinionem euellisse ē mentibus hominum non ignorabat nisi forsitan, (quod video fieri potuisse) hic illo posterius Institutiones suas in lucem emisit. Sylvae porrò, nemora, montes, vt etiā flumina, fontes, citharæ cantus, non ideo Musis

tribuuntur, qnod Poëtas vel necessarium, vel vtile sit in illis locis, aut circum illa loca versari; sed vt studij ipsorum quod tractant suavitates, & visitata materia isto modo, istisque fictionibus indicentur. Bene igitur Flaccus.

*Me doctarum ederae præmia frontium
Diū miscent superis: me gelidum nemus,
Nympharumq; leues cum Satyris chorus
Secernunt populo, si neque tibias
Euterpe cohibet, nec Polyhymnia
Lesboum refugit tendere barbiton.*

M. Tibi profectò, & clarissimo doctori Quintilia-
no suffragabor, amœnitatéque illa locorū, vt hor-
tis, non nisi ad meram & solam animi oblectatio-
nem cùm vtar ipse, tūm vtendum, si fuerit occasio,
suadebo.

ANNOTATIONES.

BESTIAS ET QVERCVS INSECVTAS)
Horat. Ode 12. lib. 1.

*Aut in umbrosis Heliconis oris,
Aut super Pindo, gelidœ in Hæmo,
Vnde vocalem temerè insecuræ.
Orpheus syluæ.
Arte materna rapidos morante
Fluminum lapsus celeresque ventos,
Blandum & auritas fidibus canoris
Ducere quercus.*

Propert. lib. 3. eleg. 1.

*Orpheus te tenuisse feras, & concita dicunt
Flumina Threicia detenuisse lyra.*

*Fabulam hanc, vt item alteram de cantu & lyra Amphio-
nis*

nis explicat Horat. epist. ad Pisones. LOCOS SOLOS.) Sola loca, seu locos solos (nam vtrumq; in vsu est) vocant scriptores antiqui deserta, infrequentia loca, & in quibus nemo habitet. Plaut. Rud. Neque magis sole terræ sole sunt quam hæc loca, atque haec regiones. Lucret. lib. 6. Cur etiam loca sola perunt, frustraq; laborant. Cic. de Diuinat. Cum in locis solis mæstus errares. Probus in Eumene. Si per loca sola contenderet, sperabat se impudentem hostem oppressurum. Terent. Pharm. Solas terras. Virg. in eclog. Solos montes. Catull. Solam rupem, solam arenam. Sallust. Solas vias dixit. A MAGISTRO SVO QUINTIL.) Inter cetera, mihi, inquit, incundus hic magis, quam studiorum hortator videtur esse secessus. Namque illa ipsa qua delectant, necesse est auocent ab intentione operis destinati. Neque enim se bona fide in multa simul intendere animus rotum potest: & quocunque respexerit, definit intueri quod propositum erat. Quintilianum magistrum suum nominat Plin. Epist. 14. lib. 2.

PROG YMN ASMA

TRICESIM V M Q VINT V M.

Mutuatio calami.

CONRADINVS, PIGMENIVS,

ONRADINVS. Da mihi, oro, vt edum calatum. P. Nullos habeo calamatos hodie, quos tibi dem mutuos. C. Thecam plenam apud te vidi. P. Per somnium fortassis. Sed dicam uno verbo rem totam: nullos habeo, quos tu commodatos retineas. C. Quæ tam mala mens in hanc te suspicionem impellit? tam

154 PRO GYM. LATINIT.
peruersè de me existimas? echo, nōndum nōsti mo-
res meos? verūm, ne sis in mora, da mutuum cala-
num. P. Vbi tui? C. Meliusculos reliqui domi, de-
teriores portauit mecum per imprudentiam. P. At
tu meum quoque disperderes, aut nimium premen-
do, aut in ipso intinctu, ad fundum atramentarij al-
lidendo videlicet. C. Leuiter ducam per chartam,
sensim intingam, salua cuspide. P. Multāne descrip-
turus? C. Tantummodò versus aliquot à Præcepto-
re post horam explanandos: ut nimirum glossulas
interferere queam, nam retinere eas nō possum ob-
tenuitatem memoriæ. Si quid mutuaberis à me seu
calamos, seu papyrum, seu librum, seu quid aliud,
dabitur mutuum haud grauatè. P. Ecce tibi pro-
batum calatum, quem dono, tuus esto. C. Multūm
te, mi Pigmeni, de isthac liberalitate amo. Expe-
riar. Profectò idoneus est, si quis alias, ad decorè
formandas literas.

ANNOTATIONES.

DA VTENDVM CALAMVM) Concedere,
accommodare, pro mutuari concessum pro mutuum,
concessio pro mutuatione, Latina esse non puto. Nec dare,
accipere commodatd, accommodatd. Dicamus ergo, commo-
dare, mutuum, vtendum dare aliquid. Cicero mutuum su-
mere, non accipere, & mutuum, nō mutuo. Nos etiam com-
modatum, reddendum sumere. Plautus vtendum & mu-
tuum coniunxit in Persa.

Tecumque oraui, vt nummos sexcentos mihi
Dares vtendos mutuos.

QVÆ TAM MALA MENS) bona mens, mala
mens Latinus sapius est recta, peruersa voluntas. Exemplum
in tanta copia ynicum proferam. Catull.

Quænam

Quænam te mala mens, miselle Rauide
Agit præcipitem in meos iambos?

Interdum ipsa ratio & ingenium seu natura. Vnde consilia,
& voluntates bona aut prava existunt. Terent. And. mala
mens, malus animus.

P R O G Y M N A S M A

T R I C E S I M U M - S E X T U M .

Frustratio petiti atramenti.

S I M P L I C I V S , Z E P H E R I N V S .

SIMPLICIVS. Magnum apud me beneficium poneret, qui pauxillum atramenti in vasculum hoc meum, cuius linteolum pñè exaruit, infundere de suo dignaretur. Si gossypium, aut tomentum imposuisssem, & calamos intingendo corrupissem, & iam pridem atramento caruissem. Tu Zepherine, quoniam circumfers atramentarium instar lampadis, aut mortarij vastum amplum, ne deneges mihi ad incitas redacto quam summisse peto stipem, seu eleemosynam. Z. Vix quarta pars horæ præteriit, cum alius idem quoque me poposcit: & dedi. Nunc si tibi similiter dederò, veniet tertius, deinde quartus, deinde quintus, & ita me exarmabis omnino, & mendicitatem mihi offeretis. S. Non venient, interpono fidem meam. Z. Qui scis? S. Vidi cum intingerent calamos, referre eos ex atramentariolis madidissimos. Z. Quin aquam infundis? S. Exeundum esset è schola currēdumq; ad fontem in forū properter sex septē aquæ guttulas. Z. Inspue. S. Linguā nimis siccām gero. Da si quid das, & si vis dare bis, da

citò

citò semel. Z. I, aliam quercum excute, aliunde exora quo indiges: atramentum hoc mihi coxi, non tibi. S. Saltem da mutuum, si non vis gratuitò, rem tantillam. Z. Pergin' aures tundere? abi hinc. S. Ali quando tu etiam egebis aliquo, tum accedito ad Simplicium, par pari referet. Spectate huius Zephyrini inhumanitarem & auaritiam. Ego te pro istis factis mactabo infortunio.

ANNOTATIONES.

GOSSYPIVM AVT TOMENTVM) Gossypium exponitur, Bourre. Tomentum appellatum, quod aut in filo, aut in tela tumeat. Isid.lib.19.cap.27. Lana brevis forficibus defecta, aut in poliendo à fullone de pannis rudibus, aut interpolatis deducta, qua infarcuntur culcita qualescunque. Nomenclat Sueton.in Tiberio, cap. 54. Druso autem alimenta adeò subducta, vt tomērum è cultitra tentauerit mandere. A Τέμυρῳ deducitur, incido. AD INCITAS REDACTO) Plaut. Trinum. Hem hic cuius est (ager) vt ad incitas redactus? Idem Pœnul. Tace modo, profectò ad incitas lenonem rediget. De his dici solitum, quos extrema premit egestas, incita enim pro egestate ponitur. Nonius. SI VIS DARE BIS) Proverbum: bis dat, qui citò dat. Quomodo? quia altero tanto gratius est. Extat hac de re epigramma Gracum Luciani, quod Ausonius in hunc modum reddidit Latinum.

Gratia quæ tarda est, ingrata est: gratia namque
Cum fieri properat, gratia grata magis.

Aliter.

Si bene quid facias, facias citò, nam citò factum
Gratum erit. Ingratum gratia tarda facit.

Et

Et nostrum.

Dulcior est multò cito gratia:tardior autem
Intervit,& dici gratia non poterit.

P R O G Y M N A S M A ,

T R I C E S I M V M S E P T I M V M .

Ludendi potestas recusata.

F L A V I V S , A U R E L I V S , I V L I A N V S .

FLAVIVS. Magister iussit nos dare operam lusiunculae:veni Aureli , veni Iuliane, venite sultis ambo. A. Quid hic narrat? F. Quod certissimum est , quodque iam ipse ludentium clamor nunciabit tibi. I. Siue ita est ut dicis, siue comminisceris aliquid , non ludo. F. Quare? I. Praeterea me prelecta repetere,quam lusu bonum tempus perdere. A. Ego inchoavi epistolam:si intermisero,multò postea difficultius , animo iam distracto , & aptis ad rem propositam cogitationibus tum dissipatis,cœpta pertexam. F. O he,quam parcos temporis habeo cōdiscipulos?non alij quoque exhibituri sunt Magistro epistolas?non debent alij quoque prelecta repetere? non facere quæ vos facitis omnia? A. Apage lusor, ne molestia nobis exhibeas,fœtetur tuus sermo nobis. I. Quisque sibi serit , sibi metit. F. At Magister iussit ludere. I. Falsum est:volentibus permisit,nolentes nunquam cogit , & scio illum studentes quam lusitantes habere chariores. Ac tu si recte facias , Iudum studiis posthabeas. F. Si ægrotabitis? A. Te Æsculapium inuocabimus. F. Interdiccerem vobis libris. I. Quādiu?

diu? F. Ad sex menses. A. Tum tibi porcus sacrificandus esset. F. Qui dum? A. Quia insanires. F. Valete, ego ludo. I. Siccine ludum diligis? F. Ha, quid ni? At vos immodele literas.

ANNOTATIONES.

SVLTIS) Particula frequens Comicis. Plaut. Asin. Hoc agere spectatores sultus nunc iam, pro, si vultu. ita sis, pro, si vis. Adduatur imperandi modo ad eum mollendum. ut alias praeseppe addimus, si placet. Fac, si placet. dics, si placet. **T E ÆSCULAPIVM**) Hunc Poetae Apollinis & Coronidis filium, medicina præficiunt, eumq; mortuos etiam in vitam reuocasse committuntur, ob quam causam a loue percussus sit & exanimatus fulmine. Lege Lilium, & Natalem. Arnob lib. 1. Medicaminum repertor. cūstos & præses sanitatis, valetudinis & salutis. Idem lib. 7. Æsculapius salutis dator, valetudinum pessimarum propulsator, prohibitor, & extinxitor. De eius metamorphosi vide Ouid. lib. 15. **T I B I P O R C V S S A C R I F I C A N D V S**) Laribus immolabant porcum insani, quiq; piaculum aliquod admiserant, & quibus liberorum prole aucta erat familia. Plaut. Menach.

-responde mihi
Adolescens, quibus hic precius veneunt porci
Sacres, sinceri, nummos hos à me accipe.
Iube te piazi de mea pecunia.
Nam ego quidem insanum esse te certò scio,
Et infra. Iube, si sapu, porculum afferrit tibi, &c. Iunius lib.
4. cap. 7.

PRO-

PROGYMNASMA

TRICESIMVM OCTAVVM.

Comparatio nominum, verborumque coniugatio.

ELIAS. ARNOLDVS.

ELIAS. Demus finem huic collocutioni temporius, exemplò coram aderit Præceptor, exacturus quę heri reddenda imposuit. A. Quid ergo factō opus est? E. Meditemur adiectuum per accidentia, perq; tres gradus & tria genera. A. Hoc agamus. Quod erat illud? E. Benignus. A. Declinemus in casus, E. Quoti ordinis? A. Virile & neutrum sunt secundi, muliebre est primi. E. Cuius speciei? A. Primitiæ. E. Figurę? A. Simplicis. E. Quotuplex est figura? A. Triplex, simplex, composita, decóposita. E. Dic nominādi casum. A. Benignus, benigna, benignū. E. Comparatiuum. A. Benignior, benignius. E. Cur non sunt h̄ic tres voces ut in positivo? A. Benignior est generis communis E. Da superlatiuum. A. Benignissimus, benignissima, benignissimum. E. Ut habet in genitivo? A. Benigni, benignæ, benigni, benignioris, benignissimi, benignissimæ benignissimi. E. Cur est vnicā vox in comparatiuo? A. Quia neutra in us habent oris. Dativo, benigno, benignæ, &c. E. Iam tu interroga me de verbo quod coniugandum erat. A. Commendo erat. E. Istuc ipsum. A. Si quis didicit Amo, non poterit errare in Commendo. E. Nihilominus interroga. A. Indicatio præfenti? E. Commendo, commendas, commendat. Plurali numero, commendamus, commendatis,

com-

commendant. A. Pro certo credo te nunquam lapsurum. Verum hæc facilia sunt: si anomala inflectere & coniugare iussit, tum sudabimus. E. id forsitan hodie futurum est. Profectò cùm coniugarem nudius tertius Odi, multùm id verbi oderam; quia cùm sit defectuum, faciebat ut deficerem. A. Recordaris, opinor, quemadmodum me vexabant infelia heteroclita, & comparationes anomalæ. E. St, auditur horologium: tussit, screat ante ianuam Præceptor; parcamus voci.

ANNOTATIONES.

TEMPORIVS) Ouid. & Columella usurparunt hoc aduerbium, deductum à tempus temporis. Temperius autem antiquius est, à tempus temperit: quemadmodum dixerunt veteres pignus pigneris, unde pignero verbum: posteriores autem, pignus pignoris. Manut. in epist. 16. li. 9. Apud. Plaut. in Aulul. & in Persa est temperi, in Capt. temporis.
MEDITEMVR ADIECTIVVM) De verbo, meditor, in eclog. Vigil. sic scribit Sennius. Quod Græci μελετῶ dicunt, per antistechon (id est, mutationem literæ, seu elementi) meditor dixerunt Latini. L. enim & D. interdum sibi inuicem cedunt: unde & sella pro seda dicitur, à sedendo, μελετῶ porrò est exercito, non solum, commentator, ergo meditari exercere. Virgilius. Sylvestrem tenuit Musum meditaris auena. ST) Comicis nota est silentij, seu particula silentium indicans. Apud Plaut. Curcul. St, tace, tace. Mercat. St, tace atque abi. Epid. St, tace-
te, habete bonum
animum.

**

PROGYMNASMA.

TRICESIMVMNONVM.

Explicationum repetendarum ratio.

VRBANVS, THEOPHILVS,

VRBANVS. Repetistine hesternam explicationem epistolæ Ciceronis? T. Non dum. V. Quid egisti? T. Occupatus fui in aliis. V. In quibus? T. In præceptis Grammaticæ ediscendis. V. Vtrumque faciendum fuit. T. Si socio non caruissem, hoc quoque forsitan præstissem. V. Vis tecum repetam? T. Nihil malo. V. Principiò reuocabo tibi in mentem ipsum argumentum epistolæ, verbis Gallicis: tu si diffidis memoriæ, poteris in chartaceum libellum referre. T. Nullo negotio retinebo, si iterum audiero: nam enim est ita longum. V. Postea Ciceronem exponam, verbum verbo, sequens constructionis ordinem; mox sententiam sententia, ut Præceptor sollet. T. Et ut nos vult sese imitantes facere in repetendo. V. Postremò themata indicabo cum accidentibus, & syntaxes quasdam faciliores. T. Obstringes me non vulgari beneficio. Secedamus in locum solitarium, ne quis h̄ic nostra dicta arbitretur.

ANNOTATIONES.

PRINCIPIO REVOCABO) In repetendo explicationis ordo tenendus est, & quo quidq; loco audi-
tum, eodem poste à iterandum. Quoniam verò hic ordo re-
petitionis, & iste modus non videtur contemnendus, intel-

L ligant

ligant magistri euadem in exponendis auctoribus sibi opportunum fore. Seruent autem maxime illud (sequens pōstruct. onis ordinem) alioqui sensum euadere obscurum necesse est, rame si verbum verbo explananterint. **S E S E I M I T A N T E S**) Discipulis non quidem in tollenda, summittenda, inflectenda voce, sed in ratione expositionis, quantum memoria potest consequi, imitari debet. Quod non sit: nuda enim verborum Gallica aut Latina explanatione. **Q**uoniamque cum pueri ipsi, tum Praeceptores contenti sunt, & quamvis plura dixerint, plura ramus non reposcunt.

PROGYNASMA QUADRAGESIMUM.

Dicta alterna.

CORNELIUS. RVFVS.

CORNELIUS. Quid tam improviso ante meridiem ē schola euocabare? R. Ut negotium quoddam patri meo cōfectum darem C. Cur eo curato non es reuersus? R. Perparum de hora supererat. C. Habes perfectam epistolam? R. Non. C. Haud igitur mecum in portu nauigas. R. Chirographum paternum affero, hoc me pœna eximet. Tu verò qua de causa hesterno die toto absfuisti? C. Deterius valebam. R. Pedibūsne? C. Ita, pedibus. R. Sic opinabar. C. Sic tu opinabar, scilicet: noui iocationes tuas. Verum audi. Tua mater est impensè litigiosa mulier. R. Quo teste id probas? C. Interueni aliquoties dum velitaretur cum vicina vestra, in eāque om-

ne

ne quod illi ægrè esset euomet; quæ suo vicissim gladio, quām acriter oppugnabatur, tam se strenuè, intra dentes tamen, defendebat. R. Et tua noctis exhaustio calices: nec hesterno mero fœret, quia in lucem semp̄ bibit. C. Tūne semel vidisti? R. Semel? quoties ipsam vidi, toties hoc vidi: est etenim facie ebriosā, rubentibus verruculis ornata, longè ante alias specie, ac pulchritudine insignis matrona. C. In toto oppido non est mulier matre mea frugalior, magisq; sicca & frugi. R. Ain' tu? unde ergo tam potoria facies? C. Perfacilis est, & perexpedita responsio. Medicos i percunctatum, quos illa consulit, & à contumeliis linguam coerces: alioqui futurum est, vt te maledicentiæ huius pœnitudo subeat. R. Quod habuij sumnum pretium persolui tibi. C. Ab alio exspectes alteri quod feceris.

A N N O T A T I O N E S.

DI CTA ALTERNA) Cic. 2. de Orat. dicere enim auunt Ennium flammam à sapienti facilius ore in ardente opprimi, quām bona dicta teneat, que falsa sint. Nam ea dicta appellantur proprio iam nomine. Plaut. Capt. & Sticho dicta meliora vocat, quæ sunt magis faceta magisq; falsa. N E C HESTERNO MERO FOETET) Martial. lib. 1.

Hesterno fœtere mero qui credit Aceram,
Fallitur in lucem semper Acera bibit.

Fœminis olim Roma non licuit vinum bibere, ne in aliquod dedecus prolaberentur, nec cura ipsarum cella vinaria commitebatur. Egnatius hac de causa uxore occidit, & à Romulo absolvitus est. Valerius lib. 2. cap. 1. Gell. lib. 10. cap. 24. &ilian. lib. 2. cap. 38. Victor. lib. 24. cap. 7.

P R O G Y M N A S M A
Q V A D R A G E S I M V M P R I M V M.

Interrogationes variae.

L A Z A R V S , C E L S V S .

LAZARVS. Quandocunque ad flagrātū
citaris, Celse, (id quod propter tuam o-
nnibus testatam segnitiem, qua ingeniū
finis te pescere, nō raro fit) quid est quod
tam difficiliter te moues, tamq; inuitus cum tantis
vociferationibus & v lulatibus pœnam suffers? C.
Velim tibi vel semel contingeret, quod mihi s̄epius
ais vsuuenire; statim scires cauſam. L. Reuera
(quod h̄ic dicendum sit) detimentoſus tibi meti-
ſi es: nam si absque tergiuersatione te subiiceres,
clamoribꝫque abstineres, clementiorem ſentires
vtique Magistrum. C. Id equidem cogito mecum,
& apud animum propono: sed cūm iam res eſt in
acie nouaculæ, excidit repente propositum. Sic eſt
ingenium meum: ſuus cuique mos. Quantuſ tu hunc
librum emiſisti? L. Dimidio floreni. C. Duc me ad
tabernam huius bibliopolæ, vt mihi quoq; emam
auctorem iſtum L. Maximè, dimiſſa ſchola. C. Vbi
venduntur, quæſo, pulueres ſcripturarij? L. Neſcio:
ego aut arena vtor, aut arefactis, & in puluerem re-
dactis ouorum putaminibus. C. Non placet: offei
ſunt meliores ac puriores. Non nulli ſcobem apud
fabros ærarios lima abrasam colligunt, eaque ad
ſiccandas in charta literas utuntur. L. Quò iſtis he-
ri ambulatum? C. In hortos noſtros. L. Quid cerasa
veſtra, ſuntne matura? C. Matura. Proxiſe futuſo
die

die remissionis eodem me euntem comitaberis, ut
ipso gustatu experiare. L. Ago gratias, maiores a-
eturus, si promissa patraueris.

ANNOTATIONES.

CLEMENTIOREM SENTIRES VTIQUE)
*Quid clementia quid crudelitas sit. Seneca lib. 2. cap.
 3. & 4. de Clementia nos ita docuit. Clementia est tempe-
 rantia animi, in potestate vlciscendi, vel lenitas superioris
 aduersus inferiorem in constituendis pœnis: Dici eriam po-
 test, inclinatio animi ad lenitatem in pœna exigenda. Hanc
 autem certissimum definitionem existimat. Est moderatio
 aliquid ex merita ac debita pœna remittens. Huic contra-
 riam imperiti putant severitatem: sed nulla virtus virtuti
 contraria est. Opponitur autem clementia crudelitas: que
 nihil aliud est, quam atrocitas animi in exigendis pœnis.
 SED CVM IAM RES EST) Hoc in vita huma-
 na quotidie, & in nobis, & in aliis fieri experimur, cum
 iam inibi est, ut re ipsa & facto præstandum sit illud vel ad
 fortitudinem, vel ad iustitiam, vel ad temperantiam, vel ad
 patientiam, vel ad religionem, vel ad continentiam, vel ad
 alias quamcunq[ue] virtutem pertinens, quod tamen præsta-
 te omnino decreueramus apud animum. Tam enim omnia
 dura & grauia videntur, dum habemus, cunctamur,
 & in omnem partem nos vertimus: tanta est volun-
 tatum nostrarum in bonis sanctisq[ue] rebus im-
 becillitas, inconstantia atque timidi-
 tas, tanta earundem in malis
 rebus firmitudo &
 audacia.*

**

**

L 3

PRO-

PROGYMNASMA

QUADRAGESIMVM SECUNDVM.

Amisſus & promisſus liber.

V DALRICVS, OTHO.

VDALRICVS. Quid vult hic fletus? O
Amisi librum, V. Quem? O. Emmanuelis Grammaticam. V. In scholāne? O.
In schola, mi Vdalrice. V. Quo tempore. O. Hoc ipso die, ante prandium. Cūm enim dato
signo discedendum esse domum, egóque libellos
meos colligerem, hunc non inueni. V. Quæsiuitine
apud vicinos? O. Ac diligentissimè. Respondent omnes se esse extra noxiā, nec habere, nec scire quis
habeat. V. Non tu illico ad Præceptorem? O. Im-
mó, sed iussit ut se appellarem denuo post meridiē.
V. Appella. O. Deipero me recuperatūrum. V. Aliás
alij suos amiserunt. O. Sic est. V. Nonne recupera-
runt? O. Quidam, non omnes. Et hi, quod rem suam
male custodissent, aut in ludo à doctore, aut domi à
parentibus vapularunt liberaliter. Quod si hodie
librum meum non recepero, certiores faciam. ipsos
oportet, ut pro hoc malo mihi dent malum. V. Iuuabo te in quæritando Emmanuele tuo. Si non in-
ueneris, est mihi aliquanto tritus ipso hoc exem-
plar eiusdem, id dabo tibi proprium. O. Si nō simu-
latè promittis, porrige dexteram. V. En. O. Affudi-
sti aquam, rediit animus, & cura omnis ex corde ex-
cessit. V. Lætus sum, quod te tranquillaui. Væ illi,
qui se huius furti astrinxit: nam & librum minimè
retinebit, & vberius quam tu plorabit. O. Furem
hunc

VOLVMEN PRIMVM. 267
hunc mihi dari in conspectum gestio: coram in os
laudarem ipsum, & capillo conicinderem.

ANNOTATIONES.

ESSE EXTRA NOXIAM) Cornel. Fronto. Noxa
Pœna est, noxia culpa. Festus. Noxa ponitur pro pecca-
to, aut pro peccati pœna, cum lex iubet noxa dedere pro
peccato. Noxia apud antiquos damnum significat, sed apud
Poetas & Oratores ponitur pro culpa. REM SVAM MA-
LE CVSTODISSENT) Inter brevia illa præcepta.
Maiori cede, minori parce, &c. quæ cum distichis Catonis
circumferuntur, est etiam hoc. Rem tuam custodi. Quod si
cui suarum rerum cura est difficilis, quam laboriosa erit
alienarum? Dignissimi vel plagi sunt, qui quod sine magna
cura & sollicitudine retineri poterat. id per summam fo-
cordiam negligentiamq; perire, aut sibi subduci patientur.
EST MIHI ALI QVANTO TRITIVS) Hu-
manitatis officium, ut qui habet duas tunicas, det alteram
non habenti, & cui supereft, succurrat fratri suo, cui nibil
est, cum id sine damno ac malo posse;

PROGYMNASMA

QVADRAGESIMVM TERTIVM.

Auxilium, & consilium.

EDMVNDVS, GALLVS.

D M V N D V S. Tantum sudoris & laboris
indipiscor in hac epistola componenda;
quantum ad hunc diem in alia nulla. G.
Qui sit? E. Iliade longior est: hoc primum:
Secundo loco plurimæ infunt voces, quas in Gal-

L 4 lico

lico Latino Calepino cogor quærere, vt Gauckler,
 vn Basteleur, Ferberstangen, vne perche de Tincteu-
 rier, Muscatblue. Præterea scatet modis loquendi &
 prouerbiis difficultimis, nisi velim Germanismos
 inferere: vt, die Leuth zur Banck hauuen, decoupper
 les hommes à la Boucherie, Et: Man soll die Leufz
 nicht an Beltz setzen: à vn poul ne faut point de four-
 reur. Item: Ich bin nicht dein Narr, Je ne suis point
 ton bouffon: ac similibus. Quis me non exsibilet si
 dixerō, non oportet pediculos ponere in peliceo:
 nō sum tuus stultus? Primum illud ne Germanismo
 quidem exprimi potest. G. Coniicio significari eo
 genere loquēdi, detrahere de fama aliorum: sumpta
 videlicet metaphora, seu ducta allegoria à laniis,
 qui carnes quas fecerunt iugulatis excoriatisq; a-
 nimalibus, in frusta secant bipennibus, & in offici-
 nis (*aux bancs de la boucherie:*) venales proponunt.
 Sic obtrectatores, & alienæ famæ carnifices occi-
 dent quodammodo homines, eōsque ut carnes au-
 dientibus vendunt; apud quos nempe eos in sum-
 mum contemptum adducunt, & planè despicabiles
 reddunt. Hoc ergo si ita est, ut equidem esse puto,
 ecquid animaduertis quanta energia, quanta signifi-
 catio sit in hac formula loquendi Germanica? E.
 Animaduerto, tuāmq; interpretationē amplector,
 Verūm quid das consilij? G. Quando in locos im-
 peditos incidis, Magistrum ora, ut te expediatur: sic
 enim iussit nos facere, egóque id non omitto. Nu-
 per cùm nescirem quid esset Latinè, *creme de lait,*
 item quibus verbis dicerem: *il s'agit bien ce que le me-*
chant a dedans le cœur: vtrumque ex eo cognoui. E.
 Imitabor te posita verecundia, quæ me hucusque
 absterruit.

ANNO-

ANNOTATIONES.

IN GALLI COLATINO CALEPINO) Calopinis, Thesauris, Dictionariis, phrasium libru, Nizolius ne sint nimium dediti adolescentes, & sciant eo fine hosce libros esse conscriptos, vt iis quantum usus, & quando postulat ut amur. Stulte peccant qui illis ex instituto legendis, aut epitomis ex iis conficiendis delectantur. Ars magna est, scire quo libro quomodo cum fructu utar. Est insue huius progymnasmatis quiddam, quod optarem seruari a Preceptoribus. Nepe ut se interrogari iuberent a discipulis, quo pacto efferrent quod in componendo aut covertendo difficile occurrit. Ita animos ipsis adderent, parrem de emendandi onere sibi demerent, discipulos religiosos in verbis ac locutionibus efficerent, eosq; sibi multum ista ad eos adiuuandos lubentia conciliarent. Me puer hoc apud nostrates seruatum memini, & meminisse iuuat.

PROGYMNASMA
QVADRAGESIMVM QVARTVM.

Chartæ in membranam consutæ.

CHRISTOPHORVS, HUGO.

 **H**RISTOPHORVS. Mi Hugo, est quod abs te petam. H. Pete audacter. C. Tribue mihi paullum operæ. Insue in membranam hasce chartas puras. H. Ipsemet insueres. C. Expers sum huius artificij, atq; vt id credas, inspice hunc librum, quam sit incocin-
nè distortéque consutus. H. Nec me bibliopegus

L 5 erudi-

erudituit. C. Attamen quasi eruditus, concinnè id facis. H. Si cui optimè placet, ei optimè facio. Cōpliastine iam chartas tuas? C. Maximè: istæ sunt. H. Da filum, acuin, membranam. C. Capè omnia. H. Filum ortet ceratum esse, ut opus euadat diuturnius. C. Heus pueri, quis secum affert ceram? H. In meo sacculo quæram. Aliquid certè reperio, ceram albam, commodissima est huic rei: nuper mihi hoc frustillum donauit æditius ad tales vius. Tu porrò attentus aspice me suentem, & artem disce, quo potthac aliena opera ne indiges. C. Aspicio intentis oculis. H. Ecce quemadmodum chartam chartæ arctius coniugo, ut spatiū inter illas nullum intercedat. C. video. H. Item quemadmodum suprà & infra sunt æquales inter se, nulla prominet. C. Aptè, artificiosè. H. Nec foris in tergo fila superiora inferioribus longiora visuntur: nec primum à secundo maiore intervallo distat, quam secundum à tertio, tertium a quarto. C. Peritè. H. Nodi parui, & intus omnes. C. Sanè. H. Nunc tū cultellum accipē sis, partiq̄ue chartarum superiores caute scindendo aperi. C. Pro ista opera referetur gratia tibi, mi Hugo. H. Satis gratiarum retuleris, si me amaveris, in studiis abs te so cordiam omnem recipieris, segniterque amoueris. C. Vtrumque præstaturum tibi recipio.

ANNOTATIONES.

BIBLIOPEGVS) πύρυμ est ardō, compingo, Bl̄-
b̄l̄-Ḡ-liber. Quem nunc vulgò Compactorem, Relieur
des Liures, car non Graco nomine tam commodo potius,
quam barbaro & nouitio nominemus? præsertim cum id

in milie aliis artificum artificiorumq; vocabulis soleamus,
& in lingua Latina nimis multa usurpemus. que à Græciis
manarunt, quorum copia longè maior. SI C VI O P-
T I M E P L A C E T) Quæ minime sunt pulchra ea pul-
chra videntur amanti. Sententia est Theocriti. Ita homines
ut plurimum & frequentissime non res tales iudicant,
quales sunt, sed quales ipsi iudicant, tales esse credunt, &
ab aliis credi volunt, in omni rerum, negotiorum caussa-
rumq; varietate: quodque ab Horatio de una quadam per-
turbatione dictum est, id patet latius, & ad omnes alios
Concitatos ac turbidos animorum motus accommodari po-
test. Impedi ira animum ne posit cernere verum.

PROGYMNASMA

QUADRAGESIMVM QVINTVM.

Nomenclatura.

MAGISTER, CLEMENS, LIBERTVS,
DONATVS pueruli.

MAGISTER. Vixdum exactis sideribus
dies se mundo reddidit, cum vos puer-
rum flosculi ante alios omnes huc in-
tro pedem infertis. Quinam cum prima
luce potuisti expergisci? C. Mandatu matris famu-
la nostra in dies me expergefascit, quanquam hodie
maturius prætermorem. L. Ast ego nunquam non
sponte mea, & inuocatus, ac foretemper bene ma-
nè confueui surgere. D. Ego etiam, Præceptor. M.
Res difficilis ad credendū: pueri quippe, quibus so-
pore nihil est amicius, nihil dulcius, pro more non
habet ultro ac per se de strato surgere. D. Certè sur-
go, expergefactus à nemine. M. Ecquid ienastis? C.
Ita. L. Dū offa coquitur, yisum est nimis longū; qua-
propter

propter relicto ientaculo hoc approperauit quām
maturrimē. M. Pulchrum in hac ætatula facinus.
Quid si ego darem nunc tibi ientaculum? L. Cum
nihil sit tibi, quid dares? M. Quo nihil edis liben-
tiūs. M. Mihi etiam, Præceptor. C. Et mihi, obse-
cro. M. Nimirum satur fieres altero ientaculo. C.
Eia, quæso. M. Liberi, si promptè & nunquam inter-
sistendo recitaueris, quæ heri nomina tibi ediscen-
da præscripsoram, ecce, istas septem ficus, cum his
ce amygdalis præmium tolles. D. Ego quidem no-
mina mea teneo, ut qui perfectissimē. C. Ego, ego
mea referam memoriter. M. Liberius esto primus:
eum si memoria fefellerit, tum vos duo de isto ho-
norario in certamē venietis. Sed cuius ordinis sunt
tuæ voces? L. Rerum Cœlestium. M. Tuæ Clemens?
C. Dignitatum & munerum Ecclesiasticorum. M.
Tuæ autem Donatē? D. Dignitatum functionum-
que ciuilium. M. Incipe. L. Deus Pater, Deus Filius,
Deus Spiritus sanctus. Sacrosancta Trinitas sive
Trias, Numen, Diuinitas, Creator, Saluator, Serua-
tor, Dei mater, Deipara virgo, Dei genitrix, Cœli-
tes, Cœlicolæ, Diui, Sancti, Beati, Angeli, Archangeli,
Patriarchæ, Prophetæ, Apostoli, Martyres, Cō-
fessores, Virgines, Vidiæ, Innocentes, Cœlum, Sol,
Luna, Stella, Astrum. M. Num intelligis quæ singu-
lis subiecta sit notio? L. Optimē, imò. M. Qui sunt
Cœlites? L. Les Anges, M. Archangeli? L. Les Archang-
ges. M. Dei mater? L. La mere de Dieu? M. En accipe
munusculum, & comedere. Tu Clemens, edic tua. C.
Quid erit præmij? M. Si omnia, & ea serie qua se
consequuntur reddas, erit quod dem tibi: non om-
nes ficus absument Liberius. Si perperam, neque tūc
indonatus abibis. C. Pontifex Maximus, Patriar-
cha,

cha, Cardinalis, Archiepiscopus, Episcopus, Præsul. M. Quid? hæres? Antistes, Abbas. C. Antistes, Abbas, Cœnobiarcha, Monachus, Concionator, Ecclesiastes. M. Quæ est vis Ecclesiastæ? C. Eadem quæ concionatoris. M. Quid ergo est Concionator? C. Un precheur. M. Perge. C. Parochus, parochus. M. Parochus, parochus: tene bis labi? Sacerdos. C. Sacerdos, Diaconus, ædituus, sacra Virgo. M. Cetera vbi sunt? C. Non iussisti plura. M. Haud recitasti ut cupiebam. Tu melius Donate. D. Imperator, Imperatrix, Rex, Regina, Monarcha, Princeps, Dux, Comes, Baro, Dynasta, Heros, Heroina, siue Herois, Præfectus, à cubiculis, à pedibus, à poculis, apparitor. M. Qui sunt isti? D. Un varlet de châbre, un Lacqueys, un Sommeillier, un Huissier. M. Capellas quatuor fucus, & confestim in ventrem absconde. D. Ut præcipis. M. Sedete suo quisque loco, & quæ adhuc præscripsero, celeriter ac nauiter nomina ediscite. L. Etiam. Ut sapuerunt tibi fucus Clemens? C. Præceptor, Liberius me irridet. L. Commouui. C. Non impunè feres.

ANNOTATIONES.

EXACTIS SIDERIBVS) Exiguntue cælo expellunturq; quodammodo stelle, cum Solis luce paulatim per Cælum se diffundente apparere desinunt. *Virgil. 3.* Aeneid, Iamq; rubescébat stellis aurora fugatis. Dicitur etiam ab Ouid. 2. Metamorph. Lucifer agmina stellarum cogere, & Cæli statione nouissimus exire. Propriè fidus est quod Græcis ἀγέρη, stella, qnod iisdem ἀγέρη. Vide Macrob. in Som. Scip. lib. 1. cap. 14. PVERORVM FLOSCVLI) Sic appellant Latini, floris nomine videlicet, quod in re quaque,

quaque, purissimum, pulcherrimum, præcipuum est. Cic. pro Flacco flos legatorum. Pro Plancio flos equitum Romanorum. Philipp. 2. flos nobilitatis & iuuentutis. Ennius Cethegum oratorem nominavit florem illibatum populi. In Curcul. a. us bibula, flos, inquit, veteris vini mels naribus obiectus est. in Cistell. Quia adeo compleui me flore Liberi. Cæsin. N si haec meracula se vespianam percussit flore Libyco. Quidbus locus videtur Plautus vinum significare, cuius non modò sapor palato, sed etiam odor naribus gratissimus sit. Idem Cæsin. Flos Poëtarum. Catull. flos iuuenium, flos Gymnasi & decus olei, id est, luctatorum, seu palestritarum. Sic flos eni, flos etatis, flos filiginis, flos lactis, flos cœne, flos flammæ & alia infinita. Apud Catonem autem de re rustica ca. 88. flos selenis, est nitidus, candidus, optimus sal: popularis autem sal, sordidus, vulgaris, niger. M A T V R R I M E) Quid differat super vocabulo, mature Gellius, vide lib. 10. cap. 11. A C V B I C U L I S, A P E D I B U S) Latinè variarum rerum ministros atque seruos sic appellabimus. A commentariis, ab epistolis, à manu, à rationibus, à secretis, à libellis supplicibus, à studiis, quales sunt hodie pædagogi, & quibus utuntur principes pueri ad ingenij cultum domi ab ipsis capiendum. Utuntur etiam præpositione, ad, idem volentes exprimere. Seruus ad pedes, canes ad venandum, Leones ad frena, custos ad limina, ad cyathos, ad baculum. De quibus Turneb. lib. 3. cap. 23. Seruus autem ad manum non est amanuensis, vt idem semetipsum corrigens scribit lib.

5. capite vn-
decima.

PROGYMNASMA

QUADRAGESIMVM SEXTVM.

Iterum nomenclatura.

AD ALBERTVS. IODOCVS.

AD ALBERTVS. Visne Iodoce, quemadmodum tu me consuesti alicuius rerum generis interrogare nomina, sic ego vicissim aliquando te interrogem? I. Volo. A. Quānam ergo rectissimē complexus es animo? I. Musica. A. Recense primo loco instrumentorum musicorum appellations. Sed maius industriae tuae documentum dabis, si ego Gallicē & permixtē ea nomina iero, tu inde Latinē nomines. I. Vtroque versum haud imparatum offendes. A. *vn Bedon ou tabourin.* I. Tympanum. A. *Vne Harpe.* I. Cithara, A. *Vne Gusterne.* I. Chelys. A. Haikbret. I. Sambuca. A. Imō sambuca, si ritē audita recordor, significat *de Schu.* I. Nequaquam: sambuci est illa notio, non sambuce. A. L'archet. I. Plectrum. A. *Vn cornet à bouequin, des Orgues, vn Luc.* I. Cornu, organa, testudo. A. *vne Lyre,* I. Lyra. A. *Vne fleute.* I. Fistula. A. *vne Trôpette, vn hauboys, Sacquebouette.* I. Buccina, tibia, tuba. A. Enumera nunc, seruato quem ego secutus sum ordine, artificium seu musicorum nomina. I. Faciam in quibus potero, quorum meminero. A. Quod dederis, eo contentus ero. I. Tympanista, citharœdus, Chelys, seu *χελιωδος*: dixit enim Magister, subiicienda Græca, cum Latina desunt, quando innumerata sint Græca, quæ Latina iam, velut *visu* capione putentur. A. Verum prædicas. I. Cornicen, organista

sta vulgò , Latiniūs , qui organis canit , sicut dicimus aliquem canere fidibus , Lyricen , fistulator buccinator , aulœdus , seu tibicen , tubicē . A. Restārne alia quædam vocabula ad musicen spectantia , nec ita abstrusa , vt diapente , & huic similia ? I. Restant . A. Dic . I. Ligula tibiæ , l'attache de la flute , Fides , vnde fidicen , an ioüeur de Harpe . Verticuli , Les cheuilles d'une Harpe : Cantor , Vn chantre . Psaltria , Vne chanteresse , Choraules , Qui meine des danses , propriété , Auec des fluttes . Harmonia , Vne harmonie , Pausa , vne pause . Cetera tute , si voles , à Magistris disciplinæ huius petas . A. Polles memoria Iodoce . Obsoneimus famem parum inambulando , & de rebus ludicris sermones cædamus usque ad cœnam : tātum quippe spatij cessationis Magister indulxit .

ANNOTATIONES.

IN VENTREM ABS CONDE) Res peximus ad illud Ciceronis 2. de Orat. in tractatione facetiærum , Er ras , inquit , Scaure ; Ego enim Magium non conseruasse dico , sed tanquam nudus nuces legeret , in ventrem abstulisse .
OBSONEMVS FAMEM) Socratem ferunt , cum usque ad vesperam contentius ambularet , quæ situmq; esset ex eo quare id ficeret : respondisse , se quo melius cœnaret , obsonare ambulando famem . Cic . Tuscul . 5 . Plaut . Amphit . S. vide sis , herus salutator oppessulatus ante fores graditur .
E. Nihil est , famem exspectat obambulans . Laudatur etiam à Medicis ambulatiuncula ante cibum . Thorius Balbus Lanuuinus vtebatur iis exercitationibus , vt ad cœnam & esuriens & sitiens veniret : eo cibo , qui & suauissimus esset , idem facillimus ad concoquendum . Cic . 2. de Finib .
S E R M O N E S CÆDAMVS) Terent . Heaut . Verūm interea dūm

dum sermones cedimus, illae sunt relicte. More Gracorum,
qui κώτειρ λόγος, aut κώτειρ φηματα dicunt. Priscianus
lib.18.

P R O G Y M N A S M A
QVADRAGESIMYM SEPTIMVM.

Exercitationes.

A B R A M I V S. T R A N Q V I L L V S.

ABRAMIVS. Quidnam esse in causa pudentem, mi Tranquille, quod ab exercitatio-
nibus haud secus, quam boni viri ab im-
puris facinoribus refugis; & quasi multa-
rentur capite, qui se ad eas deditent? cum a docto-
re tantum non quotidie exercitationem dilaudari
audias, que possit omnia, & sine qua cum nihil quid-
quam egregium praestari queat vlo in artificio, tu
claritudinem in literis nemo sit aliquando adeptus.
T. Qui tandem? A. Perraro disputas, neque solum
non vltro, sed nec prouocatus, & iussus etiam caus-
faris. Frequenter cares epistola: saepius Gallicè lo-
queris: dum recitas memoriter Ciceronem aut O-
uidium, hæsitas in singulis pñne versibus. Hæc ferè
sunt genera, in quibus nos exerceri peropus est. T.
Non dicam dolo, difficultas me absterrret. A. Non
plus tamen alienare te difficultas debet, quam inuita-
re atque allectare multiplex que inde efflorescit
& proimanat vtilitas. Et quid præclarum atque sin-
gulare sine sudore partum est? T. Propono apud a-
nimum persæpe, ad quæ tu me cohortaris, volo ar-
dorem quandam amoris assumere; sed nescio quo-
modo, cum ad rem quasi dato iam signo aggre-

M diendum

diendum est, voluntas illa omnis elabitur atque euaneſcitur. A. Principia perrumpenda sunt, capiendaq; consuetudo quædam, quæ ſenſum laboris imminuit. T. At nimis diuersæ & innumerabiles ſunt exercitationes. Si vnum aliquod genus proponeretur; exempli cauſa, ſi dūtataxat ſcribendum, aut loquendum, aut disputandum, aut ediscendum eſſet, non lamentarer. Nunc ita vnumquodque horū frequentandum eſt, ut nullum ceterorum omittatur: hoc angit, hoc dolet, hoc cruciat. A. Poſſunt hęc fieri, cum diuersa, nec eadē hora, quin nec eadē ſemper die facienda ſunt, & ſibi mutuò non aduersantur; nec ſunt multa, nec tam (ut tu iocabare) innumerā. Proinde iſtum qui te ſubegit veterum excute. T. Ad finem inclinat annus, pollicor ſedulitatem in ſequentem. A. Maneas promiſſis, quæſo, ut cum literas ad ytriusque noſtrūm cognatos dederō (dabo autem non raras) te de meliore nota commendare queam: quod illis ſummo gaudio futurū tam non ambigo, quam eos tuorum proceſſuum cupidissimos eſſe penitus perſpectum, planeq; cognitum habeo. T. Imitabor in morbum delapſos; medicinam, ſectionem, viſionem volens nolens adliberi mihi ſuſtinebo, ut recte valeam. A. Si hoc egeris, erit cum maiorem in modum lætaberis.

A N N O T A T I O N E S.

MANEAS PROMIſſIS) Virgil. 2. Aeneid. Tu modò promiſſis manea, ſeruatq; ſerues Troia ſidem. Idem ſunt, Promiſſis ſtare, promiſſa ſeruare, promiſſis ſatisfacere, promiſſa ſoluere, exſoluere, efficere, etc. DE MELIORE NOTA) Veteres illi vini cados, testas, Amphoras

Amphoras in cellis condere solebant notatas, id est, insignibus quibusdam, literis aut aliis notis, sed maxime consulum nominibus distinctas, ad tempus ac præstantiam vini significandam. Pendebat è vasis vinariis tabella, inquit Brodaeus lib. 1. cap. 3. in qua vini etas scripta erat: id est, quo tempore, quibusue consulibus conditum esset. Quo ex more natum est illud loquendi genus: De meliore nota. Curius ad Cic. lib. 7. Quare Cicero mi perseuera constanter nos conservare, & Sulpitij successori nos de meliore nota commenda. Catull. ad Manlium.

Quare quod scribis Veronæ turpe Catullo
Esse, quod hic quisquam de meliore nota.

Lamb. in Oden. 3. lib. 2. & Turneb. lib. 1. cap. 1.

PROGYMNASMA

QUADRAGESIMVM OCTAVVM.

Temeraria suspicio.

BVRKARDVS, ALIPIVS.

BVRKARDVS. Me infortunatissimum. Nullus dies abit, quin amittam aliquis; nunc atramentariolum, nunc papyrus, nunc libellum aliquem, nunc calamum, ut in præfens. Schola ista est plena furū, nec pœnarū ullus iā hic est metus. A. Ne tu nos tam inconsultō in crimen vocaueris. B. Aliquem vestrum mihi surripuisse calamū oportet. A. Qui scis te attulisse? B. Qui sciam? nonne hoc literarum paullō ante exaravi? A. Vttere alio interim, dum priorem recuperes. B. Nec vnum præterea mecum attuli. A. Suadeo ut in posterum feras semper tres, aut quatuor. B. Scilicet ut sit, quos tu semper possis auertere. A. Libētius

ne tu cum malo quiescis, an sine malo, si copia est? B. Quis potuit clephisse, nisi qui mihi sedet proximus? A. Quid ergo? Ioannes tibi à dextris non affidet, sicuti ego à sinistris? cur nō potius illum quām me arcessis furti huius? B. Ioannem novi, maller spoliari suis, quām minimum quippiam sublegere de meis: dissimilis tui est. A. Certè dignus es virgis. B. Tace de virgis: quare me his dignum deputas? A. Quia de me falsum audacissimè, sine teste, sine argumento pronuncias. B. Hei, utinam haberem calamum meum: quem eo molestiùs amitto, quòd tertium iam mensem usus sum adeò bonus & firmus est. A. Quid si reddidero tibi calamum tuum? B. Qui reddit, abstulit: atque hoc est, quod mihi dum videbatur. A. Non est hoc semper consequēs, inepte. Tu tibi abstulisti. B. Quomodo? quis post hominum genus natum sibi quidquam abstulit? A. Quia super auricula, ut mos obtinet, reposuisti, postea es oblitus; quodque nō amiseras, quæsuisti, & alios furatos putauisti. En tibituum optatissimum calamum: deinceps quoties amiseris, auriculam dexteram interroga prius, an viderit calatum, quām de innocentibus mentiare. B. Mi Alipi, mi Alipi. Gratias ago tibi: ignosce, obsecro, quod tecum egi suspiciosius, atque immodestius.

ANNOTATIONES.

VT IN PRÆSENS) In præsens, in præsenti, in præsentia, hec tria Latinè dicuntur ut Græcè εἰς τὸ παρόν, ἡ τὸ παρόντι. In præsentiarum vix Latinum est, & solœcismum olet. Utuntur tamen eo Probus in Hannibale & Cornel. Tacitus: si scriptura est sincera. Immo & Gellius

Gellius & Cornificius, sed eos nihil moramur. QVIS POTUIT CLEPISSE?) Kλέψιος est furor. Utitur aliquando verbis Graecis ad Latinam formam detortis Planus, iocci caussa. Ut hoc ipso, & ἀρτάζω. Psend.

Qui haec habent consilia, vbi data occasio est, rape, clepe, tene, harpaga,
Bibe, es, fuge, hoc est eorum opus.

Et in Truculento. Dum illi agunt quod agunt, ceteri clepta farantur, vel harpagant. Bacchid.

Nullus frugi esse potest homo, nisi qui & bene & male facerentur.

Improbis cum improbus sit, harpaget: furibus furetur quid queat.

Et in Aulul. Aurum mihi intus harpagarum est.

P R O G Y M N A S M A

QVADRAGESIMVMNONVM.

Astutia puerilis.

M A G I S T E R , P V E R .

MAGISTER. Quò tandem res euadet? quamobrem non desinis tu nouissimè huc te conferre? P. Non audiui cāpanæ pulsū. M. Ego tibi nolam ad aurem alligandam, cāmque pulsandam curabo sub horā septimam ante meridiem, & sub primam post meridiem, si quidem ita obsurdiisti. Quid autem est, quòd istum quadrimū fraterculum tuum nunquā adducis tecum, nisi cùm reddere præscripta nescis, aut tardius venis? P. Mater illum sāpius non dimittit. M. Mater non dimittit? quare tunc dimittit, cū, vt dixi, yltimus & imparatus ades? P. Nescio. M. O

M 3 pue-

puerum versutum: at ego haud nescio. Eho dic mihi, mandatne tibi mater, ut trahas tecum pusionem istum? P. Aliquando. M. Mandauitne hodie? Non. M. Cur ergo hodie ducis? P. Ipse met duci voluit. M. Postquam tu scilicet voluisti. Responde amplius. Numquid ego te vñquam percussi, quando fratre isto patuilo comitatus venisti, & sero intrasti? P. Nunquam. M. Quare? P. Fortassis propter vociferationes, & ciuilatus quibus penè dirumpitur, cum me flentem, soluentemque ligulas ad plagas accipiendo intuetur. M. Itane? Hæc, hæc, non alia ratio est cur ducas tecum; nempe ut pro tuo capite clamet ipse insolentissime, ex sympathia videlicet, & ego eius, si minus tui, miseratione commotus, cruciatum tibi remittam. Nōnne etiam id ipsum ut faceret tu docuisti? P. Non docui. M. Habes piū & utilem fraterculum, qui te toties perditum clamatumq; seruauit. O calliditatem. Iam edico tibi, si in posterum non adfueris in Gymnasio citius, pœnas dependes, seu adduxeris fratrem, seu non adduxeris. Quod si ille clamitare non cessauerit, cuī vñā tecum flagris seruere faciam. P. Ad horæ ipsum articulum adero.

ANNOTATIONES.

EX SYMPATHIA VIDELICET) συμπάθεια.
E simul patior, simul afficiar, compatior, coiffior, consentio, id est, simul sentio aliquid. Hinc συμπάθεια consensus in affectu seu affectibus, conuenientia affectuum. Cie. 2. de Diuina. sic expressit hoc abstractum. Quia ex cognatione naturæ, & quasi contentu atque consensu. Item, conuenientia & coniunctio naturæ. Compatrior tibi, Latine, miseret
me

me tui, vicem tuam doleo tua caussa doleo, moueor, capior
misericordia cum tuum infortunium considero, dolorem è
rebus tuis capio, moleste fero casum tuum, excruciat me
paletudo tua.

P R O G Y M N A S M A Q V I N Q U A G E S I M V M.

Somnus in Gymnasio.

P A B I O L V S, E R A S T V S.



A B I O L V S. Rabiosus! im te autumno. E.
Quam ob caussam? F. Quod me modò
trahis, modò pugnum in latus meum
incutis. E. In laneum latusculum tuum.
Cur dormitas? non decet hoc in schola. F. Mihi sic
vñs est: tu vt tibi opus est factò, ita facito. Tua quid
refert? E. Mea quidem aliquantum, tua verò per-
multum. Nam si te dormire sruero, doctor me quo-
que vt infidelem custodem supplicio prosecuturus
est. F. Itane est? E. Itane est. Etiam dormitator, ita
est. F. Permitte vt dormiam. Quomodo nunc est,
aliter fieri non potest. E. Istam a magistro veniam
pete. F. Irrides? quasi tu dicas; pete ab atroci cane
vt te mordeat: sua sponte mordebit. E. Ego profe-
ctò non feram, non patiar, non sinam vt dormias:
vñque & vñque molestus ero, etiam acicula, en te
compungam, vt clames, téq; ipsum vt forex tuo in-
dicio prodas. F. Heu, mitte me: vicissim indulgebo,
si te somniculus corripuerit. E. Hanc abs te gratiani
nolo. F. Tamen. E. Iam reddeda erit è mémoria he-
sterna prælectio: excute somnū, frica paulū oculos,
& relege quæ edidicisti. Nisi faxis; à tergo, supra
caput, ante oculos vindicta est. F. Quid relege? nihil

M 4 edidici.

edidici. E. Tum tu ipsa es miseria. F. Non exiget à me quidquam hac luce : non enim omnes id quod scis, quotidie recitare possumus , præ multitudine. E. Ponamus exigere : quid dices ? F. Doce tu me quid dicendum. E. Pulchrè dictum. Egóne doceam te mendacem fieri ? nihil attraxit funis tuus. F. Atētum est, verberabor , recitare non potero. Quid ergo proderit mihi si vigilem? uno dolore duo peccata expiabo: dormiam rursus. E. Dormi dormi, nihil moror. Si Magister me obiurgauerit , narrabo quid fecerim, quid dixerim tibi, quid tu contrā responderis. F. Tantū ne me exercefasias. Si etiā hodie vapulauero, non moriar. E. Quæ tibi verberatio faulte, ac fœliciter eueniat, mi Fabiole.

ANNOTATIONES.

PONAMVS EXIGERE.) *Vsus verbi huius est in rebus controversis, cum videlicet dicimus, ponamus ita esse, faciamus esse, fac posuisse, sit ita, esto, vt tu dicis, pro quibus Barbari, præsupponamus quod ita sit. Ponamus casum, ponamus quod sit, concessu, dato, posito, quod acciderit.*
NIHIL ATTRAXIT EVNIS) *Ab iis ductum prouerbiu, qui hamato funiculo pisces captant, & nullos tamen capiunt.*

PROGYMNASTICA
QVINQVAGESIMVM PRIMVM.

Spes & metus ob certamen scholasticum.

PA SCHASINVS, STEPHANICVS.

PA SCHASINVS. O quale, quām venustrum, modisq; omnibus elegans brauium in crastinum disputatoribus nobis à Magistro

gistro est propositum? Apelles ipse nihil pinxit nec lepidius. Et idcirco ostendit ante, credo, ut disputationi alacritatem summam nobis iniiceret, & tam electorum præmiorum ardentiore nos cupiditate inflammaret. S. Cogor ipse fateri, nihil vidisse me pulchrius istis imaginibus. P. At nos victoria potituros, istaque ~~κερδητικα~~ adepturos vix est ut sperare ausim. S. Non? hem. quid est quod tibi desperationem istam obiciat? P. Iustinus & Anselmus disputatione sunt feruidissimi, rerumque Grammaticarum ut qui maximè gnari, & in certaminibus vincere soliti: ego autem pro more habeo vinci. Si auctor es, abeo, & Praceptoris conditionem renuntio: aut ut prodat dies aliquot disputationibus istis ab eo postulo. S. Tamne demisso atque humili te esse animo? audacia hic pro virtute ut licet: exue metu. Sunt mihi aliquot reconditæ quæstiones, quas cum antagonistis obiectauero, tanquam hamo pisces, visco volucres capientur. P. Si superati ceciderimus, & virgis quæ morientur in corpore non tuo, sed meo: vehementer enim doctor noster irasci solet succumbentibus, nec ignominia illorum contentus est, addit etiam acerbitatem supplicij. Tibi parcer quoniam plerumque vincis, & vincēris ideo, quia solus duobus esse par nequueris, cum ego te nihil adiuuerim. S. Contra est ac dicis. Ne sic te abiecteris: non desunt tibi ad hanc pugnam vires, modo animus non desit. P. Quid tu statuisti propone-re? S. De heteroclitis. Quid tu? P. De præteritis & supinis. S. Multa sunt ibi difficultia, bene elegisti. P. At hoc perquam incommodum, quod nunquam fas est librum inspicere. S. Si illis fas esset, nobis iniuria fieret; iam neutrīs sit. P. Si victoriæ compotes

M . 5 redierimus,

redierimus, dona, quæso, mihi tuam partem. S. Insane, quid petis? talentum mallem donare. Non abundo istis opibus; tu ditissimus es. P. Errat qui hoc de me credit, mentitur q̄ai dicit. S. Egōne tibi mendax? P. Verbo lapsus sum; fallitur, volebam dicere. S. Intendamus ingenia, & ad certamen nos accingamus, quod illi colluctatores nostri sine dubio iam faciunt. P. Hac nocte somno parum apud me loci erit. S. Apud me permultum vigiliis.

ANNOTATIONES.

ISTA Q̄UE κειμήλια) Hoc nomine vocatur propriè & usitate, quod in nostra suppellectile ceteris pretiosius, & tale, quod magna cum cura reponi solet, idam quod θυσαρός, qui & ipse ob eam caussam à tribuui dicitur. Galli, vir Cabinet, CONDITIONEM RENUNTIO) Renuntiare prout nuntium remittere, & salutem ultimam dicere, Cicero nunquam dixit. Quintil. in 10. Alia quidem sententia ciuilibus officiis renuntiabit. Budaeus in Pandect. Conditionem latam renuntiare, est quod dicunt, resilire, vel digredi ab oblatione facta: quod si voluntate eius fiat, qui conditionem accepit, dicitur acceptam facere conditio nem, hoc est, remittere oblationem. Idem in Forensib.

PROGYMNASMA,

QVINQUAGESIMVM SECUNDVM.

Litigium.

PÆDAGOGVS, BLÆSVLVS, CVR TIOLVS alunni.

PÆDAGOGVS. Germanus tuus Blæsule, in discendo est impiger, citoque atripit omnia, tu autem lentè admodum, & ambulas gradu testudineo. B. Quid ergo tā crebro

crebrò obmutescit, cùm te interrogante respondendum est? P. Audin' Curtiole? C. Stimulat fratre meum inuidia, ferre neutiquam potest cùm abs te laudor. B. Egóne tibi gloriolas tuas inuidio? scilicet laudatissimus homulus es, præsertim cùm mane surgendum. Ibi apparet generosum pectus tuum; nam ad lectulum quasi clavis affixus adhærescis. C. Tibi, obtrectator, hoc vitium est: nam ego vocatus soleo me cubili proripere. P. Amorum vna culpa. Mea hoc facit indulgentia: sed aliquando malis mala euenient. B. Nihilo sum te inferior. C. Quid erit impudenter loqui, si hoc non est? nondum declinationes deuorasti. B. Pridem concoxi. C. Hebdomade antegressa exarabatur tibi corium, quòd vocabulum iusiurādum, in casus male inflectebas. B. Et tu ex vno errato colligis inflexiones me nescire? C. Si examinareris, vtique peccares in plurimis. P. Ne superbi, Blaspheme; dabo enim potestate Curtiolo te excutiendi, & introspicendi penitissimè. B. Habet nihilominus in schola cōplusculos, quibus palmam cedit. C. At tu interea manes indoctior, quamvis me alij doctiores sint, vt sunt: ceterū vix tres quatuorue ex omni copia. B. Si tam crebris donarer munusculis vt tu, forsitan alacrius discerem. C. Imò tum acciperes, si alacrius disceres. Non ante, sed post laborem veniunt præmia, si iuste veniunt. B. Abi argutule, consequar te, tametsi nolis. C. Si ego te cursuram incipiēte confisterem, tum me non exæquares modò, sed etiam anteuerteres. Hoc tu si speras, despera. P. Satis verborum. Vterque contendat neruos: sic parentibus, mihi, cognatis futuri quam charissimi.

ANNO-

ANNOTATIONES.

GRADU TESTUDINEO) Iouem fabulatur **Æ-**
sopas conutium struxisse in uitatis omnibus animan-
 tibus. Cum autem testudo postrema omnium finitisq; epi-
 lis venisset, interrogata caussam, respondit **σικτηλητη**,
σικτηλητη, **domus chara**, **domus optima**. Inde eam dam-
 nauit hac pœna Iupiter, ut domum semper circumferat.
 Vide præterea Proverbum. Testudineus gradus. **HOMI-**
LVS **E S**) ab ærþewætæ deminuta Græcis sunt ærþewæ-
 tæ op, ærþewætæ dæi op, ærþewætæ lœnæ, Latinis, homuncio, ho-
 munculus, homulus. Hoc extreum est apud Lucret. lib. 3.

Hoc etiam faciunt vbi discubuere, tenentque
 Pocula sape homines, & in umbrant ora coronis,
 Ex animo ut dicant, breuis est hic fructus homullis,
 Iam fuerit, neque post unquam reuocare licebit.

Versus caussa geminavit consonam. L.

PROGYMNASMA
QVINQUAGESIMVM TERTIVM.

Simplicitas, & lentitudo Magistri.

TORANNIVS, EGESIPPVS.

TORANNIVS. Térque quatérque beatiss
 fuit hodie hic sodalis tuus. E. Qua in re?
 T. Quòd euidentissimo periculo, imò pe-
 riculis, diuinq; adiutus numine defunctus
 est. E. Quæ ista pericula? T. Quæ fibi creant, qui
 nec scriptiōnem reddendam habent, nec memo-
 riæ quidquam mandarunt, nec quæ respondenda
 sciunt, & ad extreum tardissimè ludū intrant. His
 virtutibus ornatus incessi hoc die. Carebam episto-
 la,

ta, inquam, nihil edidiceram (quoniam in conuiuio apparitissimo domi nostræ accubantibus ad intempestam noctem ministraui, & saltatorium orhem versaui) nihil relegi, in lucem stertere perrexi: iam tu rationem subducito, quoties pulsationem promeruerim. Abi, excessi, euasi, erupi. E. Albo calculo hic dies notandus est tibi. An verò cras epistolam ostendes? T. Evidē. E. Qui tam breui cōpones? T. Particulam ab hinc biduum composueram, eam emendabit noster Cosmas, & reliquum addet de suo, iam enim promisit. Videbor Præceptor vna nocte expolitus, laudabit me palam. E. Nōnne sentiet præstigias? T. Oh, non. Satis modicè literatus est: æra quid lupinis dīstent haud bene nouit; & est homo antiquus, cui persuaderi possit, oūum exstitisse ante gallinam. E. Itaque illi fucum sāpe fieri à discipulis credibile est. T. Sic opinor. E. Si resciscat, num maleficia vestra non vindicat? T. Etiam, sed molli brachio. Languidulus Præceptor est. E. Oleum flammæ. T. Vide quid mali faciant verbera: subigunt nos palpum Magistris obtrudere, & commenta proloqui; nam certò scio, nō hæc committeremus, nisi plagas timeremus. E. Quin potius illius ingenium simplicius, & vitiosæ lenitas hæc mala creant. Si enim vafriciem vestram odoraretur atque perspiceret, & in reos acrius sāuifet, vos istis technis abstineretis. T. Vt cunque sit, ego secundissima fortuna me usum gaudeo. E. Ego autem te volentem ac scientem Præceptorem cogitasse circumducere, non gaudeo. Evidē viri huius iram nullo in metu ponendam iudico.

ANNO-

ANNOTATIONES.

ALBO CALCULO) Plin. lib. 7. scribit Thraces cōsueisse dies lertos ac felices albo lapillo notare, infelices autem, inauspicatos, infaustos atro. Catull. O. lucem dignam candidiore nota. Horat. Cressa ne careat pulchra dies nota. Ode 36. lib. 1. Quo loco non est quod quidam Thres a reponant. Valet enim idem quod alba seu candida. Nam Creta non insule nomen est, sed etiam lutum illud album significat, quo vtebantur cera loco Graci Asiatici, ad obsignandas literas & priuatas & publicas, propterea, quod in Creta magna esset huius luti copia. HOMO ANTIQVS.) Antiqui homines sunt boni, cādidi, probō ac simplici ingenio viri: tales enim fuerūt antiqui, & anni veteres meliores anni. Ouid. Fast. 1. Laudamus veteres, sed nostris viimur annis. Sic antiqui mores sunt boni probatig₃ mores. Cic. pro Sext. Roscio. Homines antiqui, qui ex sua natura ceteros fingerent. Et infra. In qua muliere, Iudices, etiam nunc, id quod omnes semper existimauerunt, quasi exempli causa vestigia antiqui officij remanent. Pro Quint. antiquam officij rationē dilexit, cuius splendor omnis his moribus absolleuit. Ad Att. lib. 9. epist. 18. Quod scribis asperius me, quam mei patientur mores, de Dionysis scriptissime: vide quam sim antiquorum hominum Te medius fidius hanc rem: grauius putavi latrūm esse, quam me.

Plaut. Capt. Ille demum antiquis est adolescens moribus. Et Trinum. Meo modo & moribus viuito antiquis. Terent. Adelph. Homo antiqua virtute ac fide. OVVM EXTITISSIME) Lepidam disputationem habes hac de re apud Macrob. Saturnal. lib.

7. cap. 16.

PRO

PROGYNASMA

QVINQVAGESIMVM QVARTVM.

Hora producta.

PATROPHILVS. ZACHÆVS.

PATROPHILVS. Hæc hora tam longa est, ut si dimidiatus sit dies. Z. Mihi pñne annus videtur. P. Retraxit à cursu is, qui horologium moderatur. Z. Non abest suspicio. Egisset hoc bonus vir antequam scholas ingrederemur. At ille perpetuò post meridiem errorem horologij sui, vel suam potius incuriam ista hora corrigit, ponderaq; sursum reuocat: quo in dies singulos ferme ad dimidium horæ tempus nobis prorogetur, cum alioquin totas quinque hic sessitemus. P. Vbínam igitur hæc iniustitiam deplorabimus? apud quem de ista iniuria querimoniam habebimus? Z. Censeo apud Præceptorem. Verum cum ipsemet non ignoret tempus extendi, & tam leni animo id patiatur, videtur velle nos ultra definitum spatium hic inter scamilia hæsitare: quod tamen sine magna eius quoque molestia fieri non potest. P. Confilium dabo. Z. Da. P. Conueniamus præfectum horologio, cumq; totius scholæ verbis rogemus, & honorarium pollicemur, ne nos cruciet amplius; quin post hac non solum non productiores, sed angustiores etiam horas reddat: quippe cum hic sedemus tam diu, & immerito, tempus quod domi ad studia, ad cœnam lufumq; relinquitur, necesse est fieri contractius. Z. Nostra ætas, pro dolor, valde exposita est iniuriis: pueri enim contemnimur facile, quia pueri sumus.

ANNO.

ANNOTATIONES.

IS QVI HOROLOGIVM) De inuentione horologij apud Romanos, vide quid scripsit Plinius lib. 7. cap. 60. **INTER SCAMILLA)** Imminutum est à scamino, ut à mamma diminuitur mamilla. Priscian. lib. 3. Vitruvius genere virili dixit, per scamellos impares. Turneb. lib. 11. cap. 2. **HONORARIUM POLICEAM V.R.)** Quod permulti parum Latinè scientes, & egregie Germanizantes, ex Trinckgelt solent dicere, bibale, & dare alt cui bonum bibale, nos hanc ipsis elegantiam relinquamus, dicamusq; honorarium. Honoris enim causa datur ea pecunia, etiam si à quibusdam ad pocula conseratur.

PROGYMNASMA
QVINQUAGESIMVM QVINTVM.

Pecunia utiliter collocata.

WOLFGANGVS, SEBALDV S

WVOLFGANGVS. In amoribus es parentibustuis Sebalde, & oculissimus filius. S. Quo signo, quoé indicio istuc? VV. Isto recētissimo tuo, & tam splendido amictu: quamquam & aliás non me latet, quām te in sinu & complexu semper habeant. S. Visque adeóne te in admirationem traducit iste ornatus meus? VV. Sanè quidem: potest hoc domus vestra: diuitiis affluit. Hem zonulam puleherimam ex holoserico, bullis nitentem argenteis, è qua vt bella bellè dependet crumena? siquid pecuniarum custodit, optem illam mihi:

mihi: si non, haud cupiam. S. Est intus pecunia , & tanta, quantam tu vix credas. VV. Quanta ergo ? S. Coronati duo. VV. Supra fidem est. S. At ego faxo ut aliter prædices , nam res loquetur ipsa. En. VV. Quis dedit? S. D. Nicolaus more patrio in meam patellam cum cingulo , & pufillo istoc marsupio imposuit. VV. Ita in me liberalis haud fuit. Quid aeturus? in quo consumpturus tam grandem pecuniam ? S. Empturus quod animo meo collibuerit. VV. Quid collibebit? S. Quod erit meo iudicio vi-sendum. VV. Quid autem illud? S. Quid tibi arride-ret imprimis? VV. Plumulas elegantiusculas eme-rem primo loco, quas pileolo assuerem; deinde pu-giunculum; deinde enficum, atque etiam specu-lum. S. Quas tu mihi ineptias ? mercabor libellos inauratos, & strenam præterea insignem, quam an-no hoc unde nonagesimo ineunte Præceptoris of-feram. Nihil possum parare melius , nec quod pru-dentes magis approbent.

A N N O T A T I O N E S.

IN AMORIBVS) Qua ex re magnam voluptatem
Iac delectationem percipimus, eam & amorem & amo-res Latini appellant, etiam plurali numero, inquam, in ho-nestis rebus vtuntur, quod rudiores nesciunt, & eadem no-tione delitias vocant. Cic. 1. de Diuinat. Quid amores & de-litiae tua Roscius? in epist. ad famil. in amoribus mihi est: Et,
Delicia vero tua E. sopus. ad Att. lib. 2. epist. 19. Pompeius nostri amores, quod mihi summo dolori est, ipse se afflixit.
& lib. 6. Dionysius(Ciceronum puerorum magister) mihi quidem in amoribus est. **O C V L I S S I M V S**) Sensum o-cularum supra omnes diligimus: surdus certè quam cecus

esse mallet unusquisque nostrum. Itaque Plaut. Curcul. Hominem oculissimum dixit pro aequè charo, ut sunt oculi, seu pro charissimo. Ibidem oculissimum ostium hyperbole quadam. Catul. Ni te plus oculis meis amarem. Idem.

Eripere ei noli multò quod charius illi

Est oculis, seu quid charius est oculis.

ORNATVS M EVS) Cultum corporis, ipsumq; vestitum hac voce frequenter auctores indicant. Cic. 1. Off. Statuas videmus, ornatu ferè militari. Plaut. Amphit. Nunc ne hanc ornatum vos meum admiremini. **S**TRENAM PRÆTEREA INSIGNEM) Strenarum origo, quibus felicem ominamur annum, ipsius auspicio & initio, à Tatio rege manasse dicitur, qui primum Romuli hostis, deinde collega in regno Romano fuit. Fide Turneb. lib. 10, cap. 26.

PROGYMNASTICA

QVINQUAGESIMVM SEXTVM.

Virtus in teneris.

PARENTS, LV DIMAGISTER

PARENTS. Operæ pretium factutum me credidi, si aliquando interrogarem te vix se darent initia, quantumque proficeret meus Laurentiolus. L. Est cur Deo gratias agas: mirandum in modum procedit in literis. P. Iam huc accessum, & hoc abs te auditū gaudeo, tibique secundum Deum ago gratias singulares propter tuam diligentiam. L. Similes illus utinam essent omnes. Verum alios plerosque minis, & ictibus ægrè promoueo ad discendum quomodo cunque: iste tantum laudibus alitur, nihilque peius timet quam dedecus. Quod si quando in concertationib

nibus

nibus frangitur (quod perquam rarò contingit) plorat tanquam si parentem amisisset. Excellenti in primis est memoria: nam cùm facile percipit quæ audit & legit, tūm fideliter continet. Quid multis? dicit classem suam ; & cùm tempus aderit ad scholam superiorem ascendendi, aut primus , aut à primo proximus est ascensurus. P. De moribus quid sperem? L. Non minora. Pius omnino puerulus est; Catechismum memoria tenet ut nomen suum; Rosarium secum assidue , & in sinu semper libellum precationum gestat, cùm in templū venimus, quietissimus est, Deumq; precibus colit quām religiosissimè, quin & in ludo nemo ipso tranquillior, nemo ad parendum promptior. Aureum genuisti filium. Preicare numen cœlestē , vti sospitem annos iuueniles confidere patiatur : magnam vtique & claram Reipub. lampadem accenderis. P. Vix sum apud me præ gaudio. Infiste mihi puerum erudire, sicut facis , & scito te ob hoc vt fratrem fore mihi in medullis. Malo enim prorsus carere liberis , quā eos non habere, quām præstantissimos : quales tua fidi opera me visurum spero. L. Deus votis tuis optatisq; quām commulatissimè respondeat.

A N N O T A T I O N E S.

Reprehendit Plutarchus parentes , qui postquam filios suos pædagogis magistrisq; commendarunt , ipsi quid discatur, nec inspiciunt unquam, neque audire curant. Non enim oportebat in mercenarij voluntate spem omnem collocare, qui & ipse maiorem diligentiam pueris instituendis erat impensurus si identidem sui sibi muneric rationem reddendam fore sentiret. Affert deinde illud equisonis:nihil esse quod perinde saginaret equū, atq; oculus, regis. De lib.

educād. CVM FACILE PERCIPIT) Quintil.lib.1.
 c.3. Ingenij signum in paruis præcipuum memoria est. Eius
 duplex virtus: facile percipere, & fideliter continere. D V-
 C I T C L A S S E M) Quintilianus est. Idem prorsus quod,
 sui ordinis primus est: nam classem hic pro vna quadam
 puerorum sedentium serie usurpauit. Simile, dicit fami-
 liam, quod in dial. secundum explicauimus. PLORAT
 TANQVAM S I) Mihi ille detur puer, quem laus exci-
 tet, quem gloria iuuet, qui virtus fleat. Hic erit alendus am-
 bitu, hunc mordebit obiurgatio, hunc honor excitabit, in
 hoc desidiam nunquam verebor. Quintil.lib.1. cap. 3. C A-
 RERE LIBERIS) Liberos voce multitudinis pro vni-
 co filio filiae dixisse antiquos Oratores, hist. Poëtas, con-
 firmat Gell. lib. 2. cap. 13. Cicero quidem 1. Philippic. Pax
 denique per eum (Antonium) & per liberos eius cum præ-
 stantissimis ciuibus confirmata est. Habebat Antonius duos
 filios, ex Q Fadij, cognomento Bambalionis, libertini homi-
 nis filia susceptos, Sed de uno hic sermo est, quem Orat. 2.
 puerum nobilem, Bambalionis nepotem nominat. Ipse met
 Cice. infra declarat aperte, se de uno duntaxat locutum.
 Reipub. tuus parvus filius in Capitolium à te missus, pacis
 obses fuit. Pre lege Manil. Cum de filia M. Antonij, qui fuit
 aviis huic Antonii, loqueretur, etiam liberos dixit. vt
 Terent. Hecyra. Qui illum decreuerunt dignum, suos cui li-
 beros committerent, cum loquatur de unica filia. Et He-
 aut. Chremes Menedemo, cui unicus filius Clinia: Ingenio
 te esse in liberos leni puto. Et Virgil. 10. Æneid. similiter vñus
 est voce, natis, pro uno tantum. Argenti atque auri memo-
 ras qua multa talenta, Gnatus parce tuis. Vide Seruium. A-
 pud Iurecos. Liberorum appellatione nepotes, pronepotes,
 abnepotes, trinepotes quoque continentur. Crinit. lib. 15.
 cap. 8.

PROGYMNASMA.

QVINQVAGESIMVM SEPTIMVM,

Præceptor honesta imperat.

DISCIPVLVS, MAGISTER.

DISCIPIVLVS. Summoperè, maiorémque in modum oro, vt hanc prouinciam reos peragendi absentes, & alioqui tum in schola, tum extrā scholam turbulentos, alteri velis imponere, qui eam explicit melius ac libentius. M. Quid te mouet, Paule mi, vt hoc tam flebili voce à me deposcas? D. Plena est dedecoris. M. Ne sic erumpas. Egóne, aut vllus cui cum virtute est commercium, te facere iussérit quod sit plenum dedecoris? D. Nō quidem re; sed opinione. M. Quorum opinione? D. Condiscipulorum meorum. M. Tui condiscipuli nondum sapiunt, fugit eos vbi laus, vbi turpitudo sita sit. Quid igitur de hoc munere loquuntur & sentiunt? D. Dicere nihil quidquam verētur istos Corycæos numerandos in proditoribus; non aquam aquæ similiorem esse. M. Nomina mihi de ista puerorum nequam colluuie aliquot. D. Non recordor figillatim. M. Vnum saltem. D. Toties hoc auditui de multis. M. E schola non exhibis, nisi vnum mihi nominaueris, è quo ceteros extorqueam. D. Magis me odiosum, & inuisum reddam. M. Sic agam, vt quidpiam super hoc abs te ad me perlatum non intelligent. Tantis per fac sedulò quod tibi imperavi. Tu assiduus in gymnasio, tu discendi studiosus, tu

N 3 probus

probuses adolescens, & animo meo charus egredi, ideo te ante alios delegi, cui hoc mandarem. Agitaui hanc rem in corde meo, & nolle hætrere in te peccatum: hærebit si auctoritati meæ non parueris. D. Quando constanter id mihi præcipis, oratione & auctoritate tua victus petitione desistam. te rogo tamen, ut honori & rationibus meis consulas. M. Sollicitudinem istam abs te remoue.

ANNOTATIONES.

ISTOS (CORYCAEOS) Qui sunt Corycae, & unde hoc illis nomine, docebit copiosè Paræmiographus, prouerb. Corycaeus auscultauit, ne frustra paginas impleamus. Quod autem plerique eosdem appellant syndicos, parum propriè loquuntur. Sunt enim Syndici aduocati, qui ut patroni ad communem caussam defendandam mittuntur, & ovv̄dix̄p̄ verbum idem quod ovv̄ȳoq̄p̄: ac si syndicari verbum singas pro defendere, & patrocinium præstare. Sunt etiam syndici ciuitatum, & aduocati & defensores iuris publici: quasi in caussam publicam communiter incumbentes. Budens in Pandect.

PROGYMNASIA
QVINQVAGESIMVM OCTAVVM.

Pueri multandi verberibus.

PATER, indulgentior MAGISTER Rfensorior,

SANCTUS PATER. Queritur Augustinulus meus, se in ludo sæpiissimè abs te vapulare: quem quidem non mihi narrare somnia, è fletu rubentes oculi testantur. M. Si filius tuus iuste

justè vapulat, noli quærere , raro ne an sæpe. P. At-
qui nec iustè videtur cædi , nec moderate , sed ini-
què & inhumaniter, si tam frequenter. Nam cui to-
ties imponendæ sunt plagæ , ei posteriores semper
grauiores imponuntur: quæ autem flagitia tam cre-
bra filius iste meus , probus vtique & diligens puer
admittere possit , non intelligo. M. Amor cæcus
est, is facit, vt puerum meliorem , & in discendo a-
lacriorem exultimes, quām ego experior quotidiæ,
Ingenium sanè non deest illi, voluntas deest. Quod
ad verberum atrocitatē attinet, hoc tantum res-
pondebo tibi, me adhuc intra limitem sanguis; pe-
tōque à prudentia tua, vt mihi potius fidem habeas
quām pueris, qui leuissima de caussa mentiuntur fa-
cillimè, & cùm virgas ac verbera impensè oderint;
nunquam iusta animaduersione punitos se confi-
teri solent. P. Quæso, Magister, sine me paucis op-
pugnare hunc morem vestrum cædendi pueros , &
si possim, sceptrum istuc tuum, virgam, inquam, ex-
torquere tibi de manibus. M. Patiar equidē te dis-
serere aduersum nos quæ lubet, si tu etiam pativis
me consuetudinem nostram tam antiquam , vīta-
tam, & necessariam defendere, quæque mihi in mē-
tem venerint contrà respondere. P. Optimum &
æquissimum est, audire vicissim quem accuses. M.
Clauam Herculi hodie nunquam extorferis , futu-
rūmque est, vt tu magis posthac flagellum ad mul-
tādos liberos in manus sumas, quām mihi, vt id ab-
iiciam persuadere contendas. P. Tu fortasse elo-
quentia tua confidis, qua me supplantes: ego veri-
tate sola nitor , illam mihi comitein & adiutricem
aduersus te duco. M. Ausculto, dic virorum opti-
me. P. Pulsare pueros , siue id à Magistro , siue à

pædagogo, siue à parēte fiat, deforme est; quoniam
mancipia & bestiæ, quæ aliter ad officium facien-
dum adduci non possunt, non ingenui, & filij, tene-
ræq; ætatis alumni, & discipuli verberibus sunt vr-
gendi. Animum liberalem plagæ seruilem infra-
etiumque efficiunt, qui dum omnia timet, nihil au-
det eximium, sequiturque desidia & inertia, quibus
corpus quoque elanguescit atque conficitur. Simi-
liter pueris immoderata seueritas, vt nouellis stir-
pibus nimia siccitas nocet. In equulos, & vitulos
calcaribus, stimulis, verberibus non vtimur: cur in
pueros vtimur? quin & adulti boues, si acrius stimu-
lis subigantur, iuga persæpe detrectant, & frænorū
iam patientes equi, si crebrius verberentur, percō-
rumaces, pauidique, blanda autem manu attrectati,
generosi & audaces redduntur. Inter canes item ij
nobiliores, quos blanditiis, & licentia quadam ex-
currendi potius, quam minis & verberibus venato-
res educarunt. Simile quiddam in hominibus acci-
dere credendum est. Contrà verò in Asinos, quo-
niam abiectissimæ naturæ, pigerrimæq; animantes
sunt, si ex iis vtilitatem capere studemus; fustes &
flagella solemus expedire. Sic prorsus agrestibus &
seruilibus ingeniis faciendum, quorum vitia non vt
frondes teneræ stringenda, sed vt spinæ & rubi pe-
nitus succidenda sunt. Quid, quod multa vapulanti-
bus dictu deformia, ac maximæ verecundiæ futura
vel dolore, vel metu solent accidere? Hæc porrò nō
ideò dixerim, quod existimem solutam ac liberam
pueritiæ ad omnia voluntatem esse oportere, neque
vllam ipsi poenam irrogandam, quam ad delicta ni-
mio plus propensam & lubricam esse non me fu-
git: sed vt mitis quædam & moderata poena, cum
iudicio

iudicio prudentiāque, tanquam lene medicamentū ad ipsius curanda vulnera morbosque sanandos adhibeatur; quo fiet, ut longè melius, longéque facilius à suis vitiis ad studiū amorēmque virtutis traducatur, neque Magistros odio prosequatur ut carnaſices, ſed amet ut parentes. Possit igitur non ſtultus ludimagiſter, ſi quid bene fecerint pueri, aliquando commendare, ſi quid errauerint, diſſimulare: nonnunquam blandè emendare, & cum laudationibus caſtigationes permifcere, muñiſculis etiā & crufculis interdum eos ad diligentiam alliceres celebrare eos qui probitate & ſcientia claruerunt, detefſari autem, qui veluti muta pecora vitam filētio tranſierunt. Condiciplulos item peccantes coram iſpīs reprehendere, & recte facientes prædicare, mirum in modum proderit. His ego ſimilibusq; modis plus profectum iri apud adolescentulos putarem, quām atrocibus minis affiduisque verberibus. Non nescis quid Terentius tuus quodam loco ſentiat: Pudore & liberalitate, inquit, ſatius eſſe credo retinere liberos quām metu. Nec Plutarchi au-
toritatem contemniſ, cuius verba memini ē libello de iñſtituendis liberis. Non verberibus aut con-
tumeliosa traſtatione, ſed verbis & adhortationi-
bus ad liberalia ſtudia pueri adducendi ſunt. Tor-
pent enim & abhorrent à laboribus, partim ob do-
lores plagarum, partim ob contumelias. Apud in-
genuos laudationes vituperationēſque plus valent;
illæ ad pulchra incitantes, hæ à turpibus arcentes.
M. Plurāne tenes memoria? P. Etiam, hæc enim ſe-
quuntur ibidem. Alternis porrò increpationes &
collaudationes ſunt adhibendæ, ut & cūm exultant
animi, reprehenſionibus etiam ad pudorem redi-

gantur, & cùm deiecti sunt, rursus laudibus erigantur. Imitandæque in hoc genere nutrices, quæ infantes cuim ad flentem prouocarunt, rursus ut consolentur mammam præbent. M. Miror te patrem non paternè, sed maternè filij caussam agere, & esse animo tam indulgenti in puerum, nec illud etiam ex eodem auctore adducere voluisse, quod iis quæ recitasti proximum est: Vidisse se ait, parentes, quibus nimius auctor in caussa fuerit, ne verè amarent. Sententiæ tuæ in speciem graui & prudenti communis omnium gentium consuetudo reclamat, & sapientes hunc modum cædendi pueros planè suadent, & sacrosanctæ literæ, quarum apud me non paulò maior quam omnium poëtarum, Oratorum, Philosophorum est ad persuadendum vis atque auctoritas, non uno loco virgarum flagellorumque meminerunt. Qui diligit filium suum, assiduat illi flagella, ut latetur in nouissimo suo. Curua ceruicem eius in iuuentute, & tunde latera illius dum infans est, ne forte induret, & non credat tibi, & erit tibi dolor anime. Qui parcat virga, odit filium. Stultitia colligata est in corde pueri, & virga disciplina eradibit eam. Noli subtrahere à puero disciplinam: si enim percussis eum virga, non morietur. P. Obruis me testimoniis. M. Quid si nullum omittiterem? magis id dices. Itaque D. Augustinus in libris Confessionum, quod socratior eset in discendo, se vapulasse, idque sibi profuisse narrat. Apud Lacedæmonias vituperationem subibat pater, si filium à Magistro percussum & conquerentem non iterum percussisset. Quod si hoc sæculo valeret, melius forsitan ageretur cum Repub. tam perditam ac rebellem iuuentutem nō haberemus, nec tot facinorosi atque

atque pestiferi ciues existerent. Persuadere sibi omnino & parentes, & præceptores debent, nisi principiis anteuerterint puerosque flexerint, dum flecti possunt, fore, ut aliquando ex iis dolorem ingētem capiant, à quibus gaudium voluptatē inque expetabant: & id est quod sanctæ Scripturæ oracula vaticinantur. Cæterum ista verberatione vtendum est moderatè, nec quauis, etiam lenitissima de caussa, nisi si frequenter committant, quāuis in re leui: vitiosa enim consuetudo contrahitur, & à paruis delictis non punitis ad maiora fit progressio. Submo- uendi meo quoque iudicio à scholis, qui verberando voluptatem sentiunt, omnēmque culpam capitalem faciunt, nec magis parcendum pueris quam canibus existimant. Cauendum etiam ne irati quenquam plagis multemus, ira quippe medocritatem seruare non potest: & ne caput, cætetasque principes ac vitales humani corporis partes lēdamus, vnde valetudini incommodum generetur. Si quis erit tam liberali ingenio, vt literas & virtutem vltro diligit, verecundus, maioribus obediens, labores non recusans, aliquando tamen peccans (quis enim vel sapientissimus nunquam vlla in re offendit?) hic blandè, & dulci quodam modo, corrigendus erit, ne ad iracundiam prouocetur, & pusillo animo fiat. Si qui vel reprehensionibus, vel verberationibus, magis tanquam saxa indurescant, iis pulsandis superseedendum est. Quamobrem non est interdicendum Magistris hoc pœnæ sumendæ genus; sed si per semetiplos non vident, admonendi sunt, ut modum seruent, sciāntque & quibus, & quando, & quantum pœnarum infligendum. P. Obstruxisti
mihi

mihi os, serua institutum tuum. Si in posterum puer
meus de te questus fuerit, Lacedæmonius illi fiam,
iterum verberabo, ut conqueri desinat; & cum me
approbare sciat quidquid tu feceris, si effugere ver-
bera concupiscat, cupidius ad studia sua incumbat.
M. Tali patre nihil laudabilius.

ANNOTATIONES.

QUAE AVTEM FLAGITIA) Flagitium pecca-
tum est ab aliqua animi mollitia, aut ignavia profe-
ctu, quod dedecus & turpitudinem assert: si etsi autem vel
cum aliqua crudelitate & cæde, vel cum impierate coniun-
ctum est. Itaque libidines flagitiosas dicimus: & flagitiosam
vitam: & militem flagitium admisisse, qui locum non te-
nuit, qui hostem extimuit, qui fugit, &c. Lambin. in Oden.
5. libr. 3. Non esse cædendos pueros vult Quintil. extremo
cap. 3. libr. 1. cuius ratiuncula haud magnum pondus ha-
bent. Cur autem ibi potissimum receptum sit virgis affice-
re pucros, ubi afficiuntur, in ea scilicet parte corporis, vide
Rhodigin. libr. 4. capit. 8. SCEPTRVM ISTVM
TVVM) Martialis ad Magistrum ludi epigramma hoc est
lib. 10.

Ludimagister parce simplici turbæ:
Sic te frequentes audiant capillati,
Et diligat chorus musæ:
Nec calculator, nec notarius velox
Maiore quisquam circulo coronetur.
Alba leone flammeo calent luces,
Tostamque seruens Iulius coquit messim:
Scuricaque loris horridis Scithæ pellis,
Qua vapulauit Marsyas Celænæus,
Ferulæque tristes sceptra pædagogorum,
Cessent, & Idus dormiant in Octobris:
Æstate pueri si valent, satis discunt.

IN EQVVLOS ET VITVLOS) Nunquid nam
equum est, grauius homini & durius imperari, quam impe-
ratur animalibus mutis? Atqui equum non crebris verberi-
bus exterret domandi peritus magister: Fit enim formido-
losus & contumax, nisi eum tactu blandiente permulseris.
Idem facit venator, qui instituit catulos vestigia sequi,
quique iam exercitatis visitur ad excitandas vel persequen-
das feras. Nec crebro illis minatur, contunditur enim ani-
mus, & quidquid est indolis comminuitur trepidatione de-
generi: nec licentiam errandi vagandiq[ue] pa[re]sim concedit.
Seneca de Clement.lib.1.cap.16.

PROGYMNASMA QVINQVAGESIMVMNONVM.

Literæ Bellerophontis.

MAGISTER, DISCIPVLVS.

MAGISTER. Tantum non alternis diebus
nusquam in schola cerneris: cum deinde
causam volo noscere, nunquam te defi-
cit aliqua huius tam frequentis absentiae
purgatio; aut enim paternum, aut maternum imper-
rium aliquo te negotio irretitum tenuit. Miror si
ita res habet. D. Non secus profecto; & vt minus
dubites in posterum, ecce schedam patris ipsius
manu, eiusque signatam, qua mihi cauet.
M. Legamus hanc schedam. O rem nec opinatam.
Volebam tacitus quod hic exaratum reperio lege-
re, verum rectius fecero, si clarè toto audiente cœ-
tu legero. Spe ista lapsus es. Infelices, & in caput
atque perniciem tuam scriptas attulisti literas. At-
tendite,

tendite, ut si qui huius pueri virtutem factaque; imitamini, eiusdem exitum & exitium perhorrescatis.

SIMEON RHODOPHILVS
CASSANDRO Ludimoderatori. s. d.

FLIVM meum non nego alias à me, alias à coniuge mea negotiis occupari necessariis, quando famulos, & ancillas non semper sub manum habemus. Ceterum ille, quo tempore scholæ habentur, nimis saepe in ædibus visitur, aut, quod narratum est mihi, in platearum angulis cum aquilibus certat globulus, ac nucibus. Cùm percundor, quare in ludo non sit respondet, aut non doceri, aut abs te sibi datam domi manendi potestate. Ego te in functione tua adeò segnem, ut tam frequenter non doceas, vel pueri tam securum, ut sine iusta eum ratione abesse sinas, credere nequeo. Itaque tametsi ipse hoc epistolum à me flagitauit, quo se iuretur, tu nihilominus pro officio tuo in eum quam severissime animaduerte: id erit mihi vehementer gratum. Bene vale.

Hem Carole, quid ais? pallor omnia meinbra tenet, obmutuit, contremuit. Teneo calibus meis implicitam & impeditam vulpeculam. Nuda pelle, ut debitam artibus tuis mercedulam capias. En ut me ductauit dolis. Qui mendacio confidit, in caducum parietem inclinat.

ANNOTATIONES.

LITERÆ BELLEROPHONTIS) Cum quispiam literas affert commendatarias, ut ipse quidem putat, re autem vera accusatorias: aut cum aliquis nunciatur, facitue quo se prodit, sibique nocet. Quales ad Iobaten Lycia regem attulit Bellerophon, & in sacra historia etiam

Vrias Hertæus ad Ioabum. Vide Homer. Iliad. 6. Lambin. in Oden. 6. lib. 3. apud Horat. & adagium. Plaut. Bacchid.

Nullus homo dicit. hæ tabellæ te arguunt,
Quas tu attulisti. hæ te vinciri iubent /aha,
Bellorophontem iam tuus me fecit filius.
Egomet tabellas detuli, vt vincirer.

Historiam pericundam de puerō commemorat Louianus Pontanus, qui artificio quodam conciliato pallore & languore adduxit eō patrem, ut ipsum in ludum ire vetaret,
De sermone lib. 2. pag. 207. edition. Aldin.

PROGYMNASMA SEXAGESIMUM.

Mine.

PRAECEPTOR, PVE R praefratè indiligens.

PRÆCEPTOR. Asinum citius saltationem Pyrrhichicā docuisse, quā stipitem istum literas. Age puer, capē quod capiendum est: plus æquo tentasti patientiam meam. Rogauī, iussī, obiurgauī, verberauī, tu manes idem, idest, ignorās, & à literis, vt videris, abhorrens. Si perstas in ista mente, patrem menebo, vt te ad molitorem, carbonarium, aut carnificem adducat, vnius horum futurū discipulum. Pv. Ut incumbam in eas toto pectori, nihil retineo literarum. P. Ipsa inscitia tua reclamat affirmatiōnī tuā. Qui enim possit fieri, vt tanta longinquitate temporis, si conatus fuisses, nihil profecisses? Pv. Nescio qui fiat, fieri tamē planū est: nec sufficiens otium domi relinquitur. P. Nunc

primum

primùm ista excusatione vteris? appetet conflcta,
Pv. Vfus essem pridem, nisi intellexisse nihil a-
pud te valituram. P. Veritas apud me valuit & va-
lebit semper. Conueniam parentes tuos, cognoscā
ipsorum mentem. Si ab ipsis tibi nihil erit impedi-
menti, tu aut Grammaticam disces, aut opificium
fordidum. Pv. Non commorabor diutius in patria.
P. Quando discedes? Pv. Secundum Pascha. P. Tum
ego non laborabo amplius tua caufa; restat enim
vnus tantum mēnsis ad Pascha: beāsti me hoc di-
cto. Quò discedes? Pv. In militiam, vt reor: com-
mendauit enim me pater cuidam vexillifero. P. Sa-
nè gladius, aut ænēa fistula tuis dīgitis aptior est,
quam calamus.

ANNOTATIONES.

SALTATIONEM PYRRICHICAM) De
bac salvatione, similibusq; exercitationibus corporum
lege eruditissimos libros Hieronymi Mercurialis de arte
Gymnastica. Germanum huic est illud Plaut. in Persa. Ca-
nis si in ludum iret, posset iam fieri, vt probè literas sciret.
AENEA FISTULA) Quidam sclopos vocant, & mili-
tes sclopetarios. Globulos autem qui inde emittuntur,
glandes & pilas plumbeas. De inuentione bombardæ
Magius libro primo capite primo. Inuenta est
ab homine Germano circiter annum à
Christo nato 1370. nec ante id
tempus ab ullo cognita.

Brod.lib. secun-
do, cap. 26.

* *

PRO-

PROGYMNASMA

SEXAGESIMVM PRIMVM.

Recitatio.

MAGISTER, DISCIPVLVS.

MA GISTER. Heus Andrea, comprehen-
distin' memoria, quam hesterno vespe-
re explanaui epistolam? D. Verò, com-
prehendi. M. Quod felix sit, claude li-
brum, & recita distin&tè, clara voce. D. Tullius Teren-
tie sue, & pater Tulliolæ duabus animis suis, & Cicero ma-
tri optimæ ac suauissimæ sorori. S.P.D. Si vos valetis, nos
valemus. Veſtrum iam consilium est, non ſolum meum, quid
ſit vobis faciendum. M. Altiore voce, ut omnes exau-
diant. Date vacuas aures pueri. D. Si ille Romam mo-
deſtè venturus eſt, recte in praesentia domi eſſe poteris, &c.
M. Andrea, Andrea, næ tur malè hanc tam bellam
epistolam memoria ſepſisti atque custodisti. D.
Reuera domi tenebam perfectissimè. M. Oh, tibi
ego ut credam? Identidem inspiciebas librum, &
verba furabar. Antiquum obtinebas. D. Bis tan-
tummodò, ſummiū ter. M. Et mentiri non vere-
ris? quoties clamaui, claude claude? Quām ſaepē in-
ſuper ordinem verborum commutabas, priora po-
ſteriùs, posteriora priùs pronuntiando? & aliquan-
do tua pro Ciceronis, ſcortea pro aureis videlicet
ſubſtituebas. Frequenter præterea voces iam di-
ctas repetebas, & denuo quaſi deglutiebas: ut inte-
rim posſes aut ipſe librum aperire aliquantūm, aut
vicinorum aliquis ſuggerendo hærētem te in sale-
bris expediret; quod & nunc, & aliás ſollicitè præ-
ſtit Bernardulus. Abs te ne mihi hanc afferri falla-
ciam?

O ciam?

ciam? Noui ego artes puerorum ad vngue omnes; Senex sum, & seni verba dare difficile est. D. Fuit nimium longa epistola, ne quiui totam ediscere. M. Ecce, iam iā assuerabas, domi te perfectè memoriter eam complexum. Itane tandem? tu ex uno ore calidum & frigidum? & aliud stans, aliud sedens? Cur non ingenuè fassus es te nescire? D. Virgæ me terruerunt. M. Infelix puer, hoc magis pro cōmerita noxia te castigabo virgarum verberibus, quia iudicasti me, & ad socordiæ vitium vanitatis culpam addidisti. D. Volebam mihi consulere. M. Non consulit, sed nocet sibi, qui sic recitat. D. Ego alio intellectu hoc verbi dixeram; pœnam paratam effugere studui. M. Ne tuum exemplum & impunitas corrumpat cæteros hodie cædaris necesse est, puerorum verberabilissime. D. Eheu, mi Præceptor modò tantum parce. M. Idem rogasti ante hac, & peperci: nunc luendum est commissum. D. Per tuum te caput, pérque tuam senectutem, pérque vitam tuam obsecro. M. Si per omnia diuina & humana obtuleris, nihilo plus assequare, quam si ab asino lanam petas, aut concioneris mortuo.

A N N O T A T I O N E S.

VERBERABILISSIME) *Quis, obsecro, tam incogitans, atque in iudicando præceps ac temerarius erit, qui cum & hoc, & alia quadam non dissimilia, ex Plauto, aut alio quoquam bono auctore deprompta in hisce meis voluminibus legerit, non magis ioci, aut significatio[n]is & emphrasis caussa, quam serio ita me loqui existimet? Ob quas easdem rationes multa ille idem quem supra nominaui Comicus. Hoc se, mi lector, monitum etiam taque ejus volui.*

PROGYMNASMA.

SEXAGESIMVM SECUNDVM.

Repetitio.

PVBLIVS, GAVDENTIVS.

PUBLIVS. Conferamus inter nos audita
 Gaudenti, antequam Magister huc aditu
 ferat. G. Non ausim. P. Que huic est of-
 fusa religio? qua de causa non audes,
 quod ipse Præceptor si resciscat nos agere, tantum
 abest ut uilla castigatione afficiat, laudatione etiam
 prosequetur? G. Quia fit cum periculo. P. Quo pe-
 riculo? G. Animaduersores isti me hoc alias cum
 alio facientem in gregem fabulantur per summum
 nefas aliquoties coniecerunt, ut ægrè postea, multa
 nimirum diligentique purgatione usus, constitutum
 garrulis supplicium euitauerim. P. Vix adiungere
 dictis tuis fidem queo. G. Putas me somnia nar-
 retibi? ecquando me cuiuspiam rei tibi falsiloquum
 reperisti? P. Nunquam. Sed cur ego non memini
 istuc accidere? G. Non semper es præsens in ludo;
 & te absente potest accidere, quod postmodum vel
 no credas, vel etiam mireris accidisse. P. Onus for-
 tas le declinas, & aliud in pectore, aliud in lingua
 promptum habes. G. Alter est, tutiora eligo. P.
 Quam tu vereris culpam, ego præstabo. Confluesti-
 ne solus tecum domi repetere explications Magi-
 stri? G. Ut si conceptis verbis id me facturu iuraf-
 sem. P. Non mirabor amplius, te nunquam non pa-
 ratum inueniri, cum iuberis auctore exponere. G.
 Parum conducibile est audisse Publi, nisi recolas
 quæ audieris: nec proxima tantu, verum longinqua

O 2 etiam,

etiam, quæque ante hebdomadam, ante mensem explicata fuerunt, repetendo iteranda sunt, quoniā Themistoclis aut Carneadis memoria non atecel-limus, facilēque auditorum obliuiscimur. P. Possé-
ne, non quidem in dies singulos, nam id neutri fo-
ret cōmodum; at festis ac vacationum diebus, cū
seilicet otium est à scholis, pauxillum temporis
mīhi tribuere, mēq; adiuuare, & communicare me-
cum hanc mēā prouinciam? G. Vt vna repetamus,
& vicissim quæ obscuriora sunt declaremus? istuc
vis? P. Nempe istuc. G. Evidem possum, & tua
caussa volo. Ventitabis igitur in ædes nostras. P.
Habes musēum quietum, atque à strepitu remotū?
G. Etiam, vbi nemo nos, ne musca quidem, néue
musculus impedit. Sed satis verborum: iaciunt re-
te pescatores, fileamus.

A N N O T A T I O N E S.

OFFESA RELIGIO) De conscientie scrupulis,
ut vulgus loquitur, quo pacto per vocem religio va-
riis modis loquendum nobis esset, ostendimus annotatione
quadam in dialog. 1. volum. secund. CONCEPTUS
VERBIS IURASSEM) Verbis conceptis iuratur, id
est, verbis certa comprehensis formula. Nam concipere com-
prehendere est. Hoc iuriandum multo religiosius erat, quā
reliqua. Huius generis erat præiuratio, cùm quis ante con-
ceptis verbis iurabat, post quem alter in eadem verba iu-
rans, tantummodo dicebat, idem in me. Plura Turneb. lib.
3. cap. 10. THEMISTOCLES MEMORIA) Themis-
tocles quidem, cùm ei Simonides, aut aliquis alius artem
en memorie polliceretur, obliuionis, inquit, mallem. Nam me-
mini etiam quæ nolo, obliuisci non possum quæ volo. Cic. 2.
de

PROGYMNASMA

SEXAGESIMVM TERTIVM.

Disputatio.

EUCHARIUS, OPTATUS.

EUCHARIUS. Si cuipiam vestrūm tantū
adest fidentiæ, prodeat exemplò in me-
dium, ac certamine mecum congregiatur,
& vel summis mecum copiis contendat.
O. Quid tu garris audacule? E. Ad disputandum
quemcunque de condiscipulis præsentibus prouo-
co, nemine excepto, ne teipso quidem, et si videris
esse quantius pretij. O. Quo fretus tam insolenter
te iactas? E. Diligentia sola: tenes? O. Nos igitur
haec tenus dormiuimus, & tu, si cœlitibus placet, di-
dicisti omnia, ceteris nihil reliquisti? E. Qui se cre-
dit profecisse surgat, veniat, digladiemur. O. Quasi
tu sis præcipuus & inuictus disputator, ita gloriaris
ventosissime atque confidentissime homuncule. E.
Recupio refelli, non meris negationibus & maledi-
ctionibus. O. Delebis intimis sensibus, cum tibi
victo ruborem excussero. E. Tu opinione tua deie-
ctus, & à me pudore affectus recedes. O. Quo de-
vis disputemus? E. Hoc tui est arbitratus. O. Pa-
ratus es in omnibus? E. In omnibus. O. De nomi-
num verborumque inflectionibus agamus. E. Ve-
voles. O. Capiamus arbitrum, seu legamus, qui
amborum errores totidem punctis notet. E. Ad id
iam se Albertus comparat, vti vides. O. Euge Al-
berte,

berite, ne somniculosè hoc agas, & nihil des gratiæ.
 E. Dimitte librum. O. Tu quoque abiice tuum. E.
 Nullum habeo. O. Suggestorem tibi nullum esse
 volo. E. Multò minus ego tibi. Egredere de loco
 tuo, & confide in scamno longo, quod affixum est
 parieti. O. Tu idem facito, sed è regione E. Licer.
 O. Ne obruas me clamoribus, & spatium iustum ad
 respondendum concedas E. Geram me ut par est.
 O. At si te vicero, haud eo contentus ero. E. Quid
 petes? O. Tuum mihi locū cedas oportebit. E. Haud
 recusem. Tuum, cum meo inferior sit, non postulo:
 aliud victoriæ præmium persolues. O. Quale? E.
 Vel rosariolum tuum. O. Etiamne oculum adieci-
 sti? E. Vel pulchram imagunculam, vel globulos a-
 liquot de selectioribus. O. Iniqua conditio. E.
 Quapropter? Locus meus honoratissimus locorum
 est, ista autem quæ abs te exacturus sum, honoris &
 ornamenti quid afferunt? O. Ethi non optima appa-
 ret conditio, nihilominus quia fastum hunc tuum
 retundere discupio, hui, Martem vtrinque inuada-
 mus. Pone tuas quæstiunculas. Mox vel ad terram
 iectus corrues, vel præcipitem te fugæ mandabis. E.
 Res tibi erit in angusto.

ANNOTATIONES.

Hoc dialogo vti poterunt pueri rāquam proæmio quo-
 dam concertationum suarum & his feso verbis ad
 disputandum prouocare. In ipsis autem disputationibus ve-
 bementer velim eos quosdam sordidos loquendi modos vi-
 tare: quos cum norint ipsi Praeceptores, non est cur producā.
 MARTEM VTRINQVE INVADAMVS) Mi-
 litaribus metaphoris sepe cum venustate utimur, sepe etiā
 Poëticè dictum aliquod leporem habet. Ac Martem quidem
 inuadere,

inuadere, nihil est aliud, quam sese mutuo armis inuadere,
noto illo tropo, quem Grammatici Metonymiam, Cornifi-
cius Nominationem dixit lib. 4.

P R O G Y M N A S M A SEXAGESIMVM QVARTVM.

Concertatio scriptioris.

GERARDVS., OCTAVIVS., LAMBERTVS.

GERARDVS. Magister die ab hinc tertia
materiam nobis communem ad scriben-
dum dictauit, cras ante meridiem ostend-
enda est scriptio. Lambertus suam præ-
dicatione effert, meam vilipendit, quam tamen nō
dum vedit: ego me inferiorem illo in animum in-
ducere non possum ut existimem. Restat igitur ve-
te oremus. Octavius, des iudicium, noster arbiter, no-
ster Palæmon sis, & hanc controuersiam ex æquo
& bono disceptes. O. Non audeo me in istam con-
tentioñem interponere. Non nostrum inter vos
tantas componere lites. L. Ludens potes, si libeat:
siquidem vtroque nostrum non paulo es literior.
G. Da hoc mutuae familiaritati, sine impetremus.
O. Quid vultis faciam? G. Ausculta dum legimus
scripta, & quæ videbuntur commodè dicta, ap-
proba, quæ vitiosè, improba. O. Fiat ea lege hoc
audeo, si neque laudatus superbia, neque reprehen-
sione perstrictus bile intumescat. L. Spondeo meā
vicem. G. Et ego meam. O. Recitet ergo Ge-
rardus principem periodum. G. Ex tuo tam diutur-
uo silentio, mi Petre, non levem traho molestiam, cogór-
que suspicari, ne forte res aliqua te mibi immutauerit, vt

iam non sis, qui adhuc fuiſti, hoc est, mei cupidissimus. O.
 Legat tuum initium Lambertus. L. Charifime Lam-
 berte, propter tuum satis longum silentium nō parum per-
 turbor, & cauſam habeo ſufpicandi, quod forſitan muta-
 ueris voluntatem erga me priſinam, nec me, ſicut antea,
 diligas. O. Preſſius Gerardus, & aliquanto nitidius.
 Ad cetera itote. G. Si erro, tu, que proxima inciderit oc-
 caſio, eam noli prætermittere quin ad me ſcribas, & erro-
 rem hunc mihi eripias ſi id non feceris, ne agrè feras, cùm
 te in posterum in meū inimicis numerauero. L. Si me fal-
 sum habet iſthac mea ſuſpicio, tu, cùm primum licebit, te
 mihi per literas aperi, & hanc opinionem ex animo meo
 euello. Quod ſi præſtare detrectaueris, ne ſuccenſeas, ſi dein-
 ceps inimicorum te loco habuero. O. Vterque haud in-
 eptè, & paullò melius Lambertus. G. Simus itaque
 pares haec tenus: ceterum æqua manu ex hoc prælio
 non diſcedemus. L. Planum hoc, & ad victoriā ma-
 ximi id interest. O. Ad reliqua procedamus. G.
 Pro mea parte. L. Barbarum. O. Corrige. L. Quod
 ad me attinet. O. Rectè. G. Quod ad me attinet, idē
 ſum erga te, quem cognouisti à longo tempore. L. Barba-
 rum & hoc. G. Qui dicendum erat? L. Iam pridem.
 G. Qui tam acutum in meis lapsibus; videbo quos
 tu Ciceronianismos allaturus ſis in medium. O.
 Turpe eſt doctori, aiunt, Lambertè; proinde te cir-
 cumſpicias cautè rem geras. L. Haud reprehendif-
 ſem, niſi me iſdem locis Latinè locutum certò nos-
 ſem. O. Absolue circuitum, ſeu comprehenſionem
 iſtam. G. Nec me vlla res ab iſtituta ſemel, & conſir-
 mata inter nos amicitia deſciscere coget. O. Lege quod
 ſequitur in tua Lamberte. L. Quantum meam perſo-
 nam attingit. G. Barbarum. L. Quomodo? an non
 ſic loquimur: hoc negotium me attingit? G. Hoc

&

& similia dicimus quidem, verum non ideo statim proba est loquendi ratio qua tu vteris: olet merum rus, & est Gallicismus. Cur non adhibuisti illud; quod ad me attinet? L. Credebam hoc quoq; Romanè dictum. O. Bene monuit Gerardus. L. Idem permaneo in te, quem expertus es iam pridem: nec me ab amore semel suscepso quidpiam aliquando abstrahebit. G. Ho, ho, ho, abstrahet, abstrahet. Phui, non aduerteram, obstupesco hui obrepierit. O. Etiam non aduertere vitia erratum est quoddā scribentium, quos conuenit quam oculatissimos esse, & non solum scribere, verum etiam scripturam relegere. bis, ter, quater, emendarēque studiosissimè. L. Non tantum est flagitium istuc, quantum si ex infictia pecces. O. Esto. G. Legam clausulam epistolij. O. Age. G. Hac breuiter multis arduisq; districtus negotiis exaraui: cum plus otij nactus fuero, & aliquid abs te literarum accepero, id quod vehementer & cupio & spero, longiores mittam. Vale. L. Ista conscripsi in magnis laboribus: quando plus mihi vacuitatis contigerit, & tu aliquid responderis, sicut multum desidero & spero, proxiliores à me accipies. Valetudinem tam cura diligenter. O. Seruabitis promissa? L. Vtique. O. Tu igitur, Gerarde, ne tibi vt victor placeas: tu Lambertus, ne vt vicitus excandescas. Quamuis semel iterumque minus Latine quædam inseruerit Gerardus, accuratiū tamen epistolam contexuit, & loquitur Latiniū quam Lambertus. Cede tu priores, Cede palmam Gerardo, & iactura huius gloriolæ noli ad desperationem abuti, quod esset pusilli & abiecti animi, sed ad laborem ac nauitatem: quanto plus alias honoris reportes, quando ipsum victorem tuum superaueris. L. Tuis consiliis pare-

ANNO TATIONES.

NOSTER ARBITER) Capere & sumere arbitrum dicunt Latini. Est autem iudex petitoris, & cuius à quo petitur consensu captus, non à Prætore, aut lege datus, aut à Prætore quidem datus, sed non nisi volentibus. Itaque honorarius appellatur, quia honoris caussa totius controversiae arbitrium ei à litigatoribus vitro mandatur & & desertur. Alioquin & pœtrus à Gracis, Sic Lamb. in Amphit. N O S T E R P A L A E M O N) eclog. 3. à pastoribus certaturis inter se cantibus siue carminibus, iudex adhibetur & arbiter Palemon. Fuit item hoc nomine Grammaticus quidam Romæ, Tiberio & Claudio Impp. intolerabiliter arrogantia: quippe qui M. Varronem porcum appellaret, secumq; & natas, & interituras literas gloriaretur. N O N N O S T R U M I N T E R V O S) Versiculus Virgili ex eclog. 3. de cuius distinctione & sensu consulendus est Servius. Nihil tamen impedit, quin totū iungatur, & pro recusatione quadam specie prouerbij adhibeatur, quemadmodū ex auctoribus complura, alia quam nō voluerunt, sententia. P R O M E A P A R T E) Si id hac locutione velis, quod Gallicè, en tant que m'attouche, barbarè loqueris. Sin autem id, quod illi, de tout mon pouuoir, de toute ma force, tum Latinè loqueris cum Cicerone. Est enim perinde ac si dicas, pro mea virili, pro virili parte mea, pro viribus meis. C E D E P A L M A M) Ex Aristotele & Plutarcho tradit Gellius lib. 3. cap. 6. si supra palmæ lignum ingentia pondera imponas, itaq; vrgeas, vt magnitudo oneris sustineri non queat, non deorsum palmam cedere, nec intra flecti: sed aduersus pondus resurgere, sursumq; nisi ac recuruari. Propterea in certaminibus palmam signum esse placuit victoria: quoniam ingenium eiusmodi ligni est, vt vrgentibus opprimentibusq;

opprimētibusq; non cedat. Palmarium facinus apud Terent. Eunuch. est palma, hoc est, victoria dignum. Cic. pro Rosc. Amer. Alter plurimarum palmarum vetus ac nobilis gladiator habetur. Iō TRIVMPHE) Vox militum lauro coronatorum, & imperatorem victorem prosequentium in urbem. Ouid. Trist. 4. eleg. 2.

Tempora Phœbea lauro cingentur, Iōque
Miles, iō magna voce triumphe canet.

Hanc eandem vocem intellexit 1. Metamorph. illis verbis,
de lauro loquens.

Tu ducibus læris aderis, cum læta triumphum
Vox canet, & longas visent Capitolia pompas.

PROGYMNASMA

SEXAGESIMVM QVINTVM.

Examen.

AD AVCTVS, OLYMPIVS

A D A V C T V S. Examen, id quod nosti, pro-pediem instituendum dies noctesque ante oculos mihi obuersatur. penitusque infedit in animo. O. Eadem res versat & coquit mentem meam. Si huic tam graui periculo ereptus essem. A. Quod iterum iterumque ac saepius per annum non idoneas ob caussas declinaui ludum, id nunquam æquè sensi ut nunc sentio, quantum danni fecerim; quo circa non mediocri in dolore sum. O. Me pariter æqualiterque absentiæ meæ, quantumuis non tam frequentis pudet, pœnitet, piget. A. Accedit ad exaggerandam animi ægritudinem, quod diuinare non possum, quænam interrogaturi sint illi Quæstiores. O. Si scires? A. Ad-discerem

discerem ea quām acerrimē. O. Estne aliquis ex omnibus, cui hoc detegere soleant? A. Nullus. O. Moderate igitur feramus commune malum. A. Timor item solet obstare ne promam liberē & intrepidē quæ scio: itaque hæret mihi aqua sæpe. Hinc pro infiditia dicitur, quæ non fuit. O. Ego, ne vt errans aliquantulum sinistrè respondeam, nihil quidquam vereor: sed ne vt illiteratus planè illiteratissimè respondeam, id verò nō mediocriter pertimesco. A. Qui te ad istud tremendum & horribile examen præparas? O. Quidquid audiui totius anni curriculo, sæpius relogo, ac repeto expositiones, quantum me adiuuat memoria: in Cicerone, Grammaticis, Christiana Catechesi. Vbi quid non intelligo, de condiscipulis doctiorem aliquē interrogo. Ad hæc, denuo mando memorię præcepta pro virili. A. Nimirum operosus labor est tam multa discere. O. Operosus, at necessarius omnino. A. Certum est tamen non omnia quæ fituros. O. Propterea instruētum esse in omnibus conuenit, quia quod ipsis luet interrogant de omnibus, prudēter. Si enim ordine interrogare velint vniuersa, idq; de singulis, nimis longū sit, & fastidij plenum. Qui porrò quæstioni cuicunque aptè respondet, is totam videtur scientiam consecutus. A. Non stulte dictum. O si præteriisset hæc turbulentissima tempestas. O. Subeunda & preferenda est, si optes ascendere. A. Tamen si hucusque segregani à me ignauia in ista præparatione, tamen cogor neruos magis contendere, tum ne reiiciar, tum ne de postremis siam vnu, cui rei, præsertim quando est maior ascendentium societas magna adiuncta turpitudo & infamia. At enim, nisi examen istuc impendens me adigeret, nūquam

quam studia forent mihi tanti, ut eorum gratia caput affligereim. O. Non ob examen duntaxat, sed ob futuras quoque prælectiones melius citiusque capiendas audita repetenda & recolenda sunt: ut sic felicius & fructuosius in superiore schola versemur. A. In scriptione haud leue momentum est; ibi barbarismos & solœcismos timeo, malas bestias. O. Non sine cauſa: mordent atrociter. A. Ex tempore, fine vlo libro in schola de argumēto improviso scribendum. O. Omnia denique ad exploratā progressuum nostrorum cognitionem capiendam instituuntur: ideo reprehensioni affinia nequaquam putanda sunt. Et cùm huiuscmodi discrimina in annos recurrat singulos, nec ylla via euitabilia sint, reddamus studiosiores: nunquam vidi diligētes excludi. A. Optulemus alter alteri in ista præparatiōne. O. Operam meā tibi promitto. A. Ego meam promitto vicissim.

ANNOTATIONES.

SI HVIC TAM GRAVI) Si interdum optat
Stis est apud Latinos, quamuis sine particula o. Virgil. 6.
Eneid. si nunc se nobis ille aureus arbore ramus ostendat.
Id est, virinam se ostendat. Pers. Saty. 6. si angulus iste Proxi-
mus accedat, qui inanc deformat agellum. Sic Eurip. Hecu-
ba εἰ μοι γένετο φθένσης ἀβέραχτοι. Si mihi vox esset in
brachio. Vt in am brachia mea possent vocem mittere. S O-
LOEC ISMVM) Barbarismum & solœcismum negat
inueniri apud Gracos idoneos Gellius, qui βάρβαρος & το-
λοῖκος dixerint. Noſtri quoq; antiqui, inquit, solœcum fa-
cile, solœcismum h. uad scio an vñquam dixerint. Quod si ita
est,

224 PROGYM. LATINIT.
est, neque in Graco neque in Latino solacismus probè di-
citur. Vide cap. 20. lib. 5. & lib. 13. cap. 6. Reperitur tamen in
4. Cornificij ad Herennium solacismus.

P R O G Y M N A S M A
SEXAGESIMVM SEXTVM.

Auditiones.

ELEVTHERIVS, MODESTVS, DAMIANVS.

ELEVTHERIVS. Cur vos, Modeste & Damiane, hesterna luce, & nudius tertius non affuisti in gymnasio? M. Nihil dissimulabo. Ob cruditatem minus bellè valui: nunc sum meliusculus. D. Ab amico in hortos suburbanos hoc mense anni amabilissimo & latissimo inuitatus, recusare nec potuisse, si voluisse, nec si maxime potuisse, voluisse: est enim ille de amicis meis veterimus & fidelissimus. Inde autem aliquanto post, quām putabam, in urbem reuerti. E. Undenam discessis, quae nos interea Magister docuit? M. Legi iisdem de rebus, quem anno præterito accepi muneri à patruo meo commentarium. D. Ego ex autographo condiscipuli alicuius ea mihi describam. E. Arbitramini igitur vos isto modo eadem assecuturos, & intellecturos perfectè omnia? M. Quidni? Quin iam assecutus sum: nihil requiro. D. Per paulum aut nihil interēst, ut quidem opinio mea fert, audiuerisne, an postea descripseris. Et hoc est commune eorum solatium, qui vel voluntate, vel casu aliquo abs fuerunt à ludo; posse aliū de describere. Sunt qui nullum idcirco angore capiunt, nec ideo fortunis suis desperant, quamquam mēnſes

menes totos docentem non auscultauerint. E. Magno errore vterque ducimini. M. Si placet, demonstra nobis istum errorem. E. Longe præstat audire quam legere, etiam si multò diligentissimè legas. D. Quid ita verò? Non egemus libris disertis, elegantibus, eruditis, vnde hauriamus scientiam; & quæ legimus, intelligimus: neque enim adhuc nucibus iudimus, vt proinde iactura audiendi, paucorum præsertim dierum, tam grauiter & iniquè ferenda non sit. E. Legendi semper est occasio, non est semper audiendi. M. Non sit: quid tum? E. Lectio solitaria est veluti quidam somnus, auditio veluti vigilia. Viua vox Præceptoris magis nos afficit, plenius quasi pascit & alit; & altius descendunt in animum, in eoque tenaciùs inhærent, quæ pronuntiatio, vultus, habitus, gestus docentis affixerit. Quid, quod illa moderatio & variatio vocis cuiusdā commentarij efficacitatem obtinet, & quædam eorum quæ dicuntur est illustratio? Quid, quod plura ferè dicuntur de vna eadēmque re in schola, quæ non item scribūtur, quia neque possunt commodè scribi, neque vult ea Magister calamo excipi? M. Nihilominus acriora absolutioraque sunt, quæ legimus in auctoribus. E. Ut hoc concesserim, quoniam plus operæ consumunt, qui libros edunt, quam qui, de superiori loco docent, tamen obscuriora & inuolutiora esse quæ scribuntur, tu mihi vicissim concedas oportet. Non enim se liber ipsem et explicit, vt Præceptores facere consueuerunt, qui multis exemplis, sententiis, argumentis vtūt, & nihil quod verentur non intellectum iri prætermittunt quin declarant. Quod autem scriptum est semel, hoc per saecula tale, quale fuit ab initio, sive clarum,

sive

sue obscurum, sue facile & expeditum, sue difficile impeditumque manet. Interroga millies quid hoc, quid illud sibi velit, nunquam respondebit liber tuus quem voluis. Conquerenti Alexandro Regi cum Aristotele, quod libros Physicorum editisset, quos Rex cōpresso teneri cupiebat; ut quomodo imperij, sic scientiae gloria præstaret multis mortalibus: rescripsit Philosophus: sciret illos libros esse editos, & non editos; neque enim posse intelligi nisi ab iis, qui sibi docenti præsentes de-dissent operam. Præterea fieri aliquando potest, ut tam probatus & doctus non sit liber, & ita te paru adiuuet, quin immo multum tibi noceat. Atque ut probatissimus sit, ego certe eximium Præceptorem malo, quem tanquam ex multis libris unum quen-dam, viuumq; librum contempler; qui scilicet multa & multos peruvolarit, & tanquam sedula apis è diuersorum floscularum succo vnius cuiusdam dul-cissimiq; saporis succum expresserit. D. Tam inge-niosi acutique nos haud eramus, ut ista animaduer-teremus, quæ tu nos modò nec opinantes docuisti. M. Ad tuam sententiam meum aggrego iudicium; Prouidebo ut post hunc diem audiam quotidie, ni si morbi alicuius grauitas prohibuerit, aut medicus publico abstinere edixerit. D. Ego in dies festos conuiuia, & hortorum istas in uitationes reiiciam. E. Tantum tribui à vobis orationi meæ, & non displicuisse consilium, magnoperè non mea quidem, qui tantum nec agnosco nec postulo, sed vestra cauf-sa latetus sum.

**

AN.

ANNOTATIONES.

Scopus & consilium meum hoc dialogo est, persuadere studiosis, ne parui ducant, si vel vnam auditionē omiserint, & spem illam non auditā per se suoq; ingenio aſſequendi, spem inconsultam ac temerariam opinentur. *Quod si cauſa honesta inciderit, que à gymnaſio abeſſe nos vnum alterūm ue diem quodammodo cogat, in festum diem, si po- test, res differatur. IN VRBEM REVERTI) Reuerti & redire, reuersio & reditus quid differant, Manut. in 1. Philip. CONVERENTI ALEXANDRO) Vtrūque epistolū Gracē & Latine inuenies apud Gelliū lib. 19. cap. 14. in utroq; breuitatis elegantiſimae tenuiſimum filium admiratur.*

PROGYMNASMA,
SEXAGESIMVM SEPTIMVM.

Industria discendi.

GORDIANVS, ALEXANDER discipulis.
MAGISTER.



ORDIANVS. Ne defugias hoc officiū, da mihi tantillum, mi Alexáder. A. Mitte orare tandem, en paratum habes, accedamus. G. Age sanè. A. Sollicitauit medudum, & instigauit Gordianus, vt quidpiam tibi in percunctando ponerem, venerande præceptor. M. Quid est quod vicarium querit? ipſe per ſe, ſi quid eſt opus interroget. G. Non videtur reſerre yter hoc faciat. M. Ergo ipſem et faciat. A. Im-

P pedit

pedit hominem adolescentiorem verecundia. M. De rebus à me explicatis , aut disputatis num est aliquid? A. Nihil tale. M. Quid dicam fore ? Enunciate paucis. A. Auemus scire nos duo, quinam discipulorum tuorum tibi in præcipuis sint amoribus: & hoc est, quod te conuentum volebamus. M. Etsi quæstionem affertis neque necessariam, neque tantopere vobis utilem , attamen responsum reddam, & sententiæ iudicijque mei rationes cum exposuero, efficiam, ut peritiores abeatis, quam aduenistis, G. Id nobis in optatis est, studemusque sermone tuo etiam nunc doctiores fieri . M. Principiò apud me quidem certè formosus an deformis sit aliquis perparui refert, qui non nesciam, nec in omni pulchro capite inesse cerebrum; & vinum Lesbium in viliora abiectoraque vascula , ut in pateras gemmatas & aureas infundi posse, iuxta mecum æquè intelligitis. A. Quid verò spectare soles in discipulis, propter quod apud te in numero aliquo , atque honore sint? M. Dno. G. Quænam? M. Ingenium & industriam: hæ res duæ commandant & charos mihi reddunt auditores meos. A. Si quis ambabus excelluerit? M. Vnum multorum instar , & ambrosia alendum, à méque amari tanquam oculos meos affirmo. G. Si quis neutra? M. Eum fœnum esse optere, & ad sordidum quæstuosumque opificium aliquod detrudendum. A. Si abs te in hac desperatissima colluicie numerarnur, restim ememus, qui nos suspendamus. M. Meliora ominamini, tenetis apud me locum non infimum. Ingeniosos forsitan præferendos arbitrare diligentibus ? M. Qui possim? G. Potiores partes dantur ingenio. M. A quibus? G. Ab yniuersis. M. Qui verò sunt isti yniuersitati cruditio

eruditione rerūmque vſu & ingenio præstantes,
an illiterati & imprudentes? G. Eruditi ni fal-
lor. MAGIS. Falleris. Ingenium ignavum, ſegne,
pigrum, eruditus nemo celebrauit. Diligentiam
ſive industriam mediocri consociatam ingenio
certatim omnes in magna gloria & laude po-
nunt. Hæc ſola eſt quæ plauſum meretur. De
hac Poëta quidam veriſiſmè cecinit: Omnia co-
nando docilis ſolertia vincit. ALEX. Iam perſpi-
cimus industrios te præ ingeniosis admirari, il-
lōſque tibi eſſe in deliciis. MAGISTER. Fateor
ita eſſe, vt dicis. G. Quamobrem? M. Auscul-
te, tum ſciētis. Primum res mihi videtur amore
digniſſima labor multus & affiduus in honesto &
præſtabili negotio, animuſque infaturabili ſa-
pientiæ cupiditate incenſus, cuius ille (labor in-
quam indefeffus) locupletiſſimus certiſſimuſque
teſtis eſt. Nemo quippe in eo elaborare, operam-
que collocare velit, cuius amore ac dēſiderio nul-
lo flagrat. A. Percepimus iſtam cauſam, & alias ſi
quæ ſunt requiriſimus. M. Quid agit bonus Præ-
ceptor? G. Docet. M. Studiosè an oſcitanter. G.
Studies. M. Bestias an homines? G. Homines
utique. M. Discentes, an animis & cogitatione ali-
bi commorantes, ſoliſque corporibus præſentes?
G. Discentes, & tota mente attentissimos. M. Nunc
tu mihi reſponde Alexander. Quorum censes pro-
prium eſſe diſcere: ingeniosorum quæ ingeniosi, an
potius industriorum, ethi ingeniiſ minoribus prædi-
torum? nam industriam omniſ expertem ingenij
applicare ad literas, eſſet imbrē in cribro portare.
A. Plurimi valentes ingenio non diſcunt, aut diſ-
ſolute & languide diſcunt: quocirca eorum hanc

esse naturam neutiquam sentio; nulli enim ingenio
so deesset. M. Rem fabulare. Benè docentes lgitur
quos amare potissimum & imprimis debent? A Be-
nè discentes, & qui literas vorant, sine vlla contro-
uersia. M. Omnem rem tenes. Quid nunc supereft
quod quæratis? G. Dici non potest, quām tua iſtac
tam subtili diſputatione deleſati ſimus. Tulumus
reſponſum ſapiens, & quod præterea requiramus
reſtat nihil. A. Perspicimus probè quid tu iure à no-
bis poſtules, enitemurque ut amore tuo, & quidem
illo non vulgari ne ſimus indigni: quoniam quos
vehementius diligas, manifeſtò cognouimus. M. Si
verba ad rem contuleritis (quanquam haſtenus nō
omifitſis, & ego magis iſtituti tenendi, quām hor-
tandi cauſa hoc profero) Si hoc, inquam, effectum
deſeritis, nomen veſtrum cum æternitate coniun-
getis.

A N N O T A T I O N E S.

AD hunc dialogum, & ea, qua de industria laudibus
proferuntur illuſtranda, pertinere mihi videtur per-
lepidia hiſtoria, quam de Furio Cresino Plin.lib. 18. cap. 6.
narrat. C. Furius Cresinus, inquit, è feruitute liberatus, cùm
in paruo almodum agello largiores multo fructus percipe-
ret, quām ex ampliſſimuſ, vicinitas in inuidia magna erat,
cēu fruges alienas pelliceret beneficis. Quamobrem à Sp.
Albino Curuli die dicta, metuens damnationem, cum in
ſuffragium tribus oportaret ire, instrumentum ruſticum o-
mne in forum attulit, & adduxit filiam validam, atque (vt
ait Piso) bene curatam ac veſtitam, ferramenta egregie fa-
ſta, graues ligones, vomeres ponderosos, boues faturos. Poſt-
ea dixit: Veneficia mea, Quirites, hæc ſunt, nec poſſim vobis
poſtendere,

ostendere, aut in forum adducere lucubrations meas , vigiliaſq; & sudores. Omnimū ſententiū eſt abſolutus. Addit Plin. Itaq; eſt profecto, opera, non impensa cultura conſtat. Ego verò ſimiliter in re diſimiſi aſſiſmo : non tam ingenio, quam labore & ſudore doctrina inuenitur. De eruditorum tamen aſſiduis contentioñib; atque vigiliis non ſaþe cogitamus. IN OMNI PVLCHRO) Vide Aſſopi apoloḡū de vulpecula in officinam ſtatuarij ingressa. Dialogum 65. legant, qui crebrō à ludo abſunt. & 66, qui ingenio minus valent : vt & illiſiant aſſidui, & iſti animoſi. ET C H A R O S M I H I R E D D V N T) In primis ea habenda cura eſt, vt iis (Præceptor) fiat nobis familiariter amicus, nec officium in docendo ſpectet, ſed affectum. Nec ſanè quifquam literis, ſaltem leuiter, imbutus, eum, in quo ſtudium ingeniumq; perſpexerit, non in ſuam quoque gloriā peculiari ter fouebit. Quintilia.lib.1.cap.2.

PROGYMNASMA SEXAGESIMVM OCTAVVM.

Pensum diurnum.

MAGISTER, DISCIPVLVS.

MAGISTER. Nō tu existimas, Antoni, ad progressus in eruditione liberali haud ita longinquō tempore conſequendos per magni interefle, certosne tibi labores, libros exercitationes proponas, quibus ſtudium dedas in dies ſingulos, an, vt impetus tulerit, & quamdiu tulerit, ita quidque & tā diu agas? D. Sanè quidem maximi interest: hæc mea eſt opinio. M. Nonne præterea intelligis quanti referat, utrum confu-

sè ac perturbatè, an distinctè, & ordine discas atq;
 exerceas, quæ discenda & exercenda sunt? D. Ego
 verò perspicuè intelligo, & re ipsa id experior. M.
 Num tu igitur consueuisti certa quædam tractare,
 & vnumquodque præstituta hora per diei spatum?
 D. Prorsus consueui. M. Commemora mihi qua-
 nam istuc ratione. D. Posteaquam ad primam au-
 roram somno solutus de lectulo surrexi, corpus a-
 mictu contexi, faciem ablui, capillum pexui, quar-
 tam horæ partem diuinis precationibus transigo, à
 cœlesti doctore opem auxiliūmque efflagito, me
 illi cum studiis & actionibus diurnis totum offero,
 & dedico. M. Castissimè: à Deo enim qui est totius
 sapientiæ primus & antiquissimus parens, auspicari
 oportet, ab eo agendi sunt capienda initia. D. Tum
 me ad libros applico. Primòdum omnium, quæ
 ante meridiem in scholis pronuntianda sunt ex
 memoria, edisco. Reliquum tempus in vesperti-
 nis diei præcedentis interpretationibus dictatisq;
 consumo: ut si iusseras, possum auctorem explanare.
Aère campano interea in ludum arcessimur, ibi tu-
 ipse nosti quid agam. M. Et quid tu, & quid alij.
 D. A prandio rursum edisco & repeto, mecumque
 retracto ac reuoluo, quæ te explicantem, & alio-
 qui ad nos expoliendos accommodata, & idonea
 differentem audivi. Si quid supereft temporis, quē-
 admodum manè quoque. Adrianum Cardinalem,
 aut epistolas Ciceronis lectito. M. Rectissimè.
 Quando scribis? Secundum scholas pomeridia-
 nas usque ad cœnam: id est interuallum horæ & se-
 mis. Nunquam autem scriptioni manus admoueo,
 nisi prius Cicetonem versauerim, animūmq; meum
 illius compositissimæ ac splendidissimæ orationis
 illecebra

illecebra delinitum, amore & diligentia similiter
scribendi inflammârim. M. Euge, prudentissimum
consilium. Quâm velle me condiscipuli, & quo-
quot posthac se mihi in disciplinam tradent, imi-
tarentur? Hoc si fiat, publico fiat bono. A cœna
quid inceptas? D. Si non desunt sodales, honestis
facetisque sermonibus, aliquando symphonia, seu
cantu musico cum illis diem comburo. Si solus,
tum aut testudinem pulso, aut fabellas Aesopi, apo-
phthegmata, historiam planam, & disertè ac tersè
conscriptam, quandoque festiu & pudica
poëmata lego, quibus lectiūculis oblecto otiolum
meum, & tum ex ipsa rerum pulcherrimarum cog-
nitione, tum ex sermonis elegantia, quasi aliud a-
gens, utilitatis fructum minimè pœnitendum ex-
cerpo. M. Liberalius, iucundius, conducibilis sua-
dere tibi nihil potuisse, supra ætatem sapis. Die-
bus festis quid rerum agis? D. Ad exercendam
memoriam de Poëtis veteribus, item ex Cicerone,
Liuio, Sallustio, locos insignes edisco, quia te id
in laude pónere nō sum nescius. Præter ista in Græ-
cis non parum temporis colloco. E saeris auctori-
bus ad animum emendandum, etiam sæpe aliquid
lego. M. Probo summopèrè institutum. Quid?
diem vacationis totinne dum cubitum concedas,
in ludo exigis? D. Deus auerruncet: ne tu suspice-
re me vnum de inertium istorum esse sodalitio, qui
ludum & ferias imprimis, studia in postremis nu-
merant. M. Quid ergo facis? D. Vbi horas aliquot
corpus animumq; iucundè recreavi, & ad omne in
me hilaritatem effudi, mihi net recepui cano, ad
libellos regredior. Nam me quemcunque diem,
quo non didicerim, perdidisse statuo. M. Quâm

non invito ad aures sermo hic tuus accessit? O te
solertissimum, ô summa industrium adolescentem.
Tu non amandus? tu non gestandus in sinu? Mane
in hac ratione semper, tēque ex ea lucrum emolu-
mentumque vberimum, & immortalis gloriæ
splendorem acquisitum spera.

A N N O T A T I O N E S.

CA S T I S S I M P. sic.ad Terent.Epist. 4. Quādo ne-
que dī, quos tu castissimē coluisti, neque homines,
quos ego seruauī semper, nobis gratiam retulerūt. Hic qui-
dem quid valeat, castissimē, nemo non videt, idem quod in-
tegerrimē, sanctissimē, religiosissimē. Lege qua assert Tur-
neb.de verbis.caste,castitas lib.30.cap.36.Æ R E C A M-
PANO) Vsus campanarum quām antiquus sit & varius,
& quomodo sacris & profanis in rebus adhuc beatur, deque
illarum pulsu ad studiosos in Academiam scholasq, conuo-
candos, lege Iunium lib.3.cap.11.& Midendorp.lib. 1. cap.
11.D I E M C O M B V R O) Plaut.Menach.

M. Hoc mihi abs te caueo cautius,

Clam vxore vbi sepulchrum habeamus, & hunc
comburamus diem.

P. Age sanc̄ igitur, quando a. cum oras: quām mox in-
cendo rogum?

Dies quidem iam ad vmbilicum est dimidiatus
mortuus.

Cuius loci hec est, quamuis allegorica explanatio. Græci &
Romani mortuos in rogum imponebant, & comburebant.
Menæchmus optat sepulchrum, id est, locum, vbi nesciente
vxore diem iam ad occasum præcipitatem, & veluti ani-
mani agenem absumere possit, hilariter nimirum & iu-
cunde viuendo, epulando, & perpotando. Virg.eclo.9. dixit:
Cantando puerum memini me condere soles. Horat.Ode.5.
lib.

lib. 4. condere diem. Parasitus autem, quām mox, inquit, incendo rogam: id est, quām citō prouideo, seu coquo obsonium, vt hunc diem comburamus, vt oppiparē epulemur? Nunc enim dies in pomeridianum tempus inclinatus est, & ita quasi dimidiatus mortuus. Cōburendus igitur. A COENA QVID INC OEP T A S?) Aut nullum sit studium nobis post cœnam, aut iucundum sit, non spinosum atque serium. Vult etiam Plutarchus lib. de tuenda valetudinum non vexari à cœna, neque curis, neque sophisticis contentionibus. Historicarum, poëticarumq; quæstiuncularum exercitationes, quas aliqui studiosorum hominum secundas mensas nominauerunt, non prohibet. DEVS AVERRVNCET) Rusticum verbum est auerrunco, amputo, succido, refeco, à runca instrumento, quo ritium luxuries coercentur. Inde per metaphoram pro depellere, auertere, remouere. Liguu lib. 8. Placuit auerruncande Deum iræ viclimas cedi. Cic. ad Att. lib. 4. Dij, inquit, auerruncent. Lucilius apud Nonium, Dij amenitiam auerruncassint tuā. Hinc Auerruncus Deus, à quo precari solebant, vt pericula auerteret. Varro lib. 6. RECEPTV CANO) Militaris locutio, crebra Liuio. Veget. lib. 2. cap. 22, Tubicines ad bellum vocant milites, & rursum receptui canūt. Graci & exēkātēp. Receptus autem dicitur, quo se exercitus recipit.

PROGYMNASMA

SEXAGESIMVMNONVM.

Obseruator.

OBSERVATOR, ATHANASIVS,
MATTHÆVS, BONIFACIVS.



BSE R V A T O R. Vos tres, linguis geritis
impensè liberas & expeditas, loquacitas
vobis dominatur, meam admonitionem

contemnitis ac pro nihilo putatis. Ecce in fabula
torum indicem vos refiero. Si Pegaso velociores si-
tis, nunquam hodie effugietis infortunium. A. Cō-
niuisti alias, connue nunc etiam, & muta istam
mentem rogo; tacebo deinceps ut pescis. M. Si no-
mina nostra in catalogum retuleris, erit mihi, quod
præceptori de te narrem. O. Quid dices? M. Cog-
nosces. O. Minas iactare cuius obuium est. M. Ex-
perieris. O. Nullius in me maleficij crimen admi-
si, cuius me stimulet conscientia. M. Senties. O.
Nullum, inquam, crimen incurri, quo tu me acce-
sas; & non ignoror technas tuas. M. Videbis. B. Ne
scribe nomen meum in tabula, donabo tibi quid-
piam. O. Egóne ut patiar me abs te corrumphi mu-
neribus? B. Lepidissimum est. O. Non euro. B. Si-
mul aspèxeris, appetes. O. Mitte nugari, nihil ha-
bes quod dones. A. Habet certè. O. Quin osten-
dis? B. Ecce imago longè venustissima: augustinissi-
ma Dei mater puerum I E S V M vlnis sustinens. Vi-
detis ut amabiliter arridet nobis diuinissimus atq;
bellissimus infans? O. Hancine datus es? B. Da-
turus, si pollicere silentium. O. Pollicor, da. B. Que-
res fæliciter ambobus eueniat, accipe. M. O fa-
ctum bene, iam tu incorruptissime obseruator nec
me, nec Athanasium audebis accusare. O. Quapropter
non auderem? A. Quia nos te accusaremus, &
tu penderes pœnas non leues, quod Præceptoris in-
fidelis ac perfidus extitif'es. O. Ignosco vobis simi-
liter, ut Bonifacio. M. Per placet. Discede iam hinc,
obserua alios. A. Pro, quantum boni adepti sumus
hac luce, qui ab isto quidem Obseruatore quoad
voluerimus tuti simus. B. Quinam? A. Si de fracta
lege silentij postulare quenquam è nobis medita-
bitur,

bitur, obiiciemus illi, quam abs te accipere non re-
cusauit elegantem picturam ut fileret: mutire non
audebit. Nam tribus, tibi qui donasti, mihi & Mat-
thæo testibus oculatis plus vtique quam illi soli vel
jurato credet: periurissimum dicet, si deierauerit.
M. Via reperta est commodissima ad euadenda ver-
bera, propter istam congesionem nostram vide-
licet imminentia. Vah.

ANNOTATIONES.

PEGASO VELOCIORES) De equo alato, qui
capite Meduse amputato à Perseo, ex eius sanguine na-
tus repente profiluerit, quomodo eo usus sit Bellerophon,
Natalis Comes Mytholog. lib. 7. cap. 11. & lib. 9. cap. 4. fabu-
lantur hunc eundem equum, cum terram vngula percus-
sisset, fontem elicuisse, vnde ipsi nomen inditum Pegasus.
τάγη enim fons, qui quoniam Musis consecratus est, dicun-
tur illæ Pegasides. Idem fons ἡπανθόνη, & Musæ Hippo-
crenides.

PROGYMNASMA
SETVAGESIMVM.

Formula petendarum facultatum.

LUDIMAGISTER, NICOLAVS,
CRISPINVS, discipuli.

VDIMAGISTER. Quas ob res, Nico-
lae, consueverunt à Magistris potestatem
petere pueri? N. Ob duas potissimum. L.
Scilicet. N. Ob exitum è schola, & ab-
sentiam à schola ad tempus. L. Quapropter solent
exire

exire è ludo? N. Vel vt corpus leuent, vel vt emant aliquid necessarium. Item ob caussam aliquam omnino fortuitam. L. Estne more Cynicorum Stoicorumue simplicibus, propriis, apertissimis vtendum verbis, sine vlla præfatione honoris, cùm loquimur de illis naturæ humanae necessitatibus, quas iam cogitatione præcipis: an potius tectis, ac prætextatis; vt quod re dishonestum non est, modò occulte fiat, id verbo ne turpe obscenumque sit. N. Ita tu quidem nuper ex Cicerone nos erudiuiti. L. Velix petitiones alias iis verbis iteres, quibus à me acceptistis. Agite pueri, auscultate atque operam date, & quæ dicentur percipite.

N. Caput, venter, dentes mihi condolent, Præceptor: quo circa precor, fac mihi copiam eundi domum.

Febriculam, tentatiunculam sentio: tua cum venia domum me recipere concupisco.

Necesse habeo exire, Præceptor, ad hoc illudue emendum: si permittis exibo, & post paulò reuertar.

Vocor domum à seruo, ab ancilla: possum abire? L. Quomodo, Crispine, absentiæ facultas roganda est?

C. Hoc illudue negotium mihi curandum, trāfactum, reddendum, transigendum, perficiendum est, lauandum, hospitibus seruiendum, agrotanti forori, fratri ministrandum.

Parentes mei hanc, illam rem ut peragerem mihi præceperūt, huc, illuc me mittunt: quamobrem hodie, cras, biduo, triduo in ludo adesse non potero.

Hac

Hac de re certiore te facere volui, amantissime
P^receptor, quo id te conscientia non repugnare fieret.

A scholis absui heri, nudius tertius, quatuor,
quinque dies, &c. ob hanc, ob illam caussam, quam
excusationem ne repudies, te vehementer oro.

L. Hisce phrasibus edico a me potestatem petant
omnes. & usitatam sibi, lutulentamque barbariem
valere iubent. Qui contra venerit, is & quod pe-
tet non impetrabit, & modis accipietur tam mis-
eris, ut posthac omnes barbarismos odio Vatiniano
oderit.

ANNOTATIONES.

MORE CYNICORVM) Cynici non tantum,
quod subiios allatrarent, ut canes faciunt, sed etiam
ob vitam illiberalem, ab humanitate & munditia remo-
tam, appellationem hanc sunt consecuti in Graecia. Turneb.
lib.7.cup.9.Testatur & Laert. ob ignominiam sic nomina-
zos. O DIO VATINIANO) Vatinium hominem na-
tum & ad risum, & ad odium, seurram fuisse venustum ac
dicacem memoria proditum est. In pedes suos ipse plu-
rima dicebat, & in fauces concisas: sic inimi-
corum, quos plures habebat quam morbos, &
in primis Ciceronis urbanitatem ef-
fugit. Seneca lib. Quod in sa-
pientem non cadat
inuria. c. 17.

**

PRO-

PROGYMNASMA
SEPTVAGESIMVM PRIMVM.

Certamen copiae.

EPAVLINVS, MAVRITIVS, EVGENIVS.

AVLINVS. Vter vestrūm paratus est
necum conferere manus , conferre pe-
dem, suscipere bellum, certamen inire,
prælio contendere, pugnam capessere, in
arenam descendere, Martem laceſſere, armis expe-
riri, dimicare, pugnare, certare, decertare, præliari,
configere? M. O he, quorsum tu inconsideratè tot
synonyma tot loquendi genera idem valentia con-
globas? dices semel vno verbo quid velles. Ec-
quid tibi vis tandem? E. Quod istuc prælium nobis
quam dimicationem offers? glorioſe miles. P. De-
miror equidem non sentire, non videre, non ani-
maduertere, non intelligere, nō percipere vos quid
cupiam , qua de pugna loquar. E. Nempe tibi ad-
modum plaudis de varietate sermonis atque copia
& tanquam Crœsus aliquis in tua affluentia nos vt
Codro pauperiores auersaris, nostram paupertatē
despicatui ducis. M. Legistin' mi Thraso (mi Pauli-
ne volebam dicere) quid Archidamus Lacedæmo-
niorum Imperator, cùm in Arcadiam irrupisset,
cognouissérq; hostibus Eleos ferre auxilium, quid,
inquam, ad eos scripserit? P. Quid scripsit? M. Hoc
tantum: quies bona. Ne igitur te commoueas cum
tuis copiolis, vt ne incidas in permagnos & valen-
tes exercitus, à quibus re ad extremum perducta
casum , fœdissima strage concilius cùm fueris, tum
denique

denique discas quid moneat illud vetus adagium:
Satius est recurrere quam male currere ; palma in
medio est posita.P. Quod tuo capiti sit.Rem istam
mecum recta reputaui via, subduxo rationes , dcle-
ctus egi:absit verbo inuidia, est vnde vobis bellum
faciam,copias magnas, valentes,virum à viro lectū
visuri estis. Quare si vos viri estis , non mulieres , si
audetis, si vos vlla accendit tantarum gloria rerum,
mouete , aciem intruite , & à iugulis vestris vim
meam prohibite.M. Vt sepe summa virtus in occul-
to latet? Hic Imperator quantis est ceruicibus ? in-
numerabiles & munitissimas videtur vrbes expug-
nasse.E. In nobis mora non erit vlla , quoniam tibi
insanire libet.Pone in quo nos copia tecum decer-
tare desideras.P. Ponam verò.M o r 1,quot modis
aliter effterri potest Mauriti?M. Multis,quod nemini-
nam fugit,nisi qui literas fugit. P. Quot ergo ? M.
Tu numerato,ego proferam. P. Numerabo. At ca-
ue quidpiam inquinatum ac lutulentum ; tanquam
bonis mercibus adulterinas , & argenteis numinis
plumbeos admisceas.E. Quorūnnam formas illas
loquendi esse postulas ? P. Ridiculus es. Interro-
gas qualem cocum, quales epulas stomachus meus
appetat ? examissim optimum, & coquisitissimas;
architectorum nimirum & principum Latinitatis,
M. Tullij, Cæsaris, Sallustij. T. Liuij , Plauti , Te-
rentij, Virgilij, Horatij, &c. nec enim Poëtas exclu-
serim : aliorum denique probatissimorum scripto-
rum, etiam nostri sœculi , qui imitatione ad sanita-
tem & mundiciem antiquorum accedere studue-
runt. M. Facient ad stomachum tuum,vti spero. P.
Ordire , Eugenius te excipiet , ego postremo loco
occidā vos: trecētos enim modos ad hanc vnā rem
explican-

explicandam recensebo. E. Basilicas editiones
hic habet. Mira confidentia. P. Mira diligentia.
Iam pro castris militem producito, quem sub pelli-
bus tutius contineas, ut ego sentio. Fuga salutem
petet, si non oppetet. M. *Mortem cum vita com-
mutare*, non, ut aliqui, phrasim non intelligentes,
inuerso verborum ordine dicunt, vitam cum
morte commutare: hoc enim est ex mortuo viuum
fieri; vitam scilicet pro morte recipere. P. Quis ita
locutus est? M. Seruius Sulpitius disciplina Iuris
ciuilis eruditissimus, & oratione maximè limatus
ac perpolitus, epistola qua Ciceronem de obitu
Tulliae consolatur: *Posteaquam mihi renunciatum est,*
&c.lib.4. epistolarū ad Familiares. P. Reperitūne
ibidem aliis dicendi modus? M. Ita: *diem suū obire,*
P. Sic est, perge. E. Mauritius didicit literas Pauli-
ne, & personam adhuc bene gerit. P. Nondum per-
culit. M. E. voce, vita, frequentes nascuntur formulæ.
Vitam reddere: interdum adiungitur, natura, dan-
di casus videlicet. Vitam deserere, vitam dimit-
ttere, amittere, relinquere, edere, vita cedere. E vita
cedere, discedere, decedere, recedere, exceedere, à vi-
desciscere. Vita concedere, est apud Cornelium Tacitum,
E vita seu de vita exire, migrare, demigra-
re. Extremum vita diem conficere, seu, morte con-
ficere, vita carere. Restant modi quidam conflati
ex vocabulis, anima, lux, spiritus, corpus, & alijs,
quos relinquam Eugenio repræsentādos. P. Quo-
modo? tu repræsenta, tu promus esto, si quid habes
conditum præterea. M. Satis fore arbitror, si forma-
rum numero ambo te quasi coniunctis castris, du-
plicatisque

plicatisque viribus superemus. Quod si tu vni potes resistere, duobus profecto non resistes: nam neque Hercules contra duos. P. Attulisti circiter quatuor & viginti: atqui plures exspectabam. M. Mox addetur cumulus, ut sint amplius quadraginta. Sudabis & algebis Pauline, si his nostris omnibus prætermis (quod necessariò tibi faciendum est) plus quinquaginta in medium adducere volueris: quot nisi adduxeris, palnam nequaquam obtinebis. Et veremur magnoperè, ne leonem pollicitus cùm sis, murē ostendas. P. Ego contrà vereor, ne vos falsa teneat opinio. Mecum erit iste labor. E. Animam efflare, edere, exhalare, agere, exspirare, amittere. Lucis usuram reddere, amittere, ex hac luce discedere, migrare. Extremum spiritū seu vita & spiritum exhalare, spiritum, supremum vita & spiritum edere, spiritum finire. Ab hominibus, seu ab hominum vita demigrare, inter viuos esse desinere. In viuis, inter viuos numerari, vitam & spiritumducere, vita & communis spiritu frui, vitam propagare desit, vita defecit, casu ablatiuo. Interclusa anima creditus est mortalitatem expleuisse. Cornel. Tacitus agens de Tiberio, annal. lib. 5. in extremis.

Poëtarum illa sunt; vitale lumen, lumen relinquere, lumina linquere, occubare ymbrais, linquere dulces animas, que duo sunt Virgil. in 3. Aeneid. in quo & illud ad Aeneam Andromachę: Viuisne? aut si lux alma recepsit? Ide n in 11. pereleganter, capi letho, cùm de Camilla loquitur. Ibidem de eadem moriente: Vitaq; cum gemitu fugit indignata sub ymbrais. Extremum efflare halitum, quo usus

Q est

est in secunda Tuscul. disputatione Sophoclis aliquot versus
in Latinum conuertes M.T. & in primo leto potiri : Euthy-
nous potitur fatorum munere leto. Vocant etiam mortuos
carentes luce, cassos lumine. M. Non pœnitet virium,
vtrique nostrum magnum dedisti decus. Desine
plura, non vincet nos hodie. P. vincam, ita sim felix:
quando totus in hoc bellum, & animo & mente in-
fistam. Ac primum simplices voces, quibus uti con-
sueuerunt auctores Latini, cum de morte verba fa-
ciunt, producam : quas tamen veluti calones & li-
xas, non veros, auctoratosq; milites æstimari, nec,
quod ad victoriam attinet, vlo ipsos numero esse
postulo. M. Fiat sanè, dum fateare, nos quoque fun-
gi potuisse hac opera. Quin etiam illas elocutiones
commemores licebit, quibus præter naturam in-
uecta mors declaratur. P. Ita facere sedet animo,
Demum ad eas aggrediar, quæ sunt vestræ classis,
exque partim oratoriæ partim Poëticæ: hoc modo
numerus aduersus numerum pugnabit; meus nem-
pe maior contra vestrum minorem. E. Placet : iam
proposita exequere : arrestis astamus auribus. M.
Sed expediet fortassis tuos milites in procinctu te-
stamētum facere, quoniam satis est credibile, apud
inferos hodie cœnaturos. P. Quod facillimum est
facis. M. Quid istuc? Homines ut irrideas: verū
noli, quæso, istum urbanitatis tuæ salem totum in
me irridendo consumere. Itaque pro, mori, etiam
dicimus interire, perire, occidere, extinguiri, obire, de-
cedere, excedere, absundi, decidere. Plautus Trin.
Nemo extat, qui ibi sex menses vixerit : ita cuncti
solstitiali morbo decidunt. Ibidem : Quin prius ad
plures me penetravi? Et in Casina. Qui nunc abie-

runt hinc in communem locum. Terent. Phormione:
E medio abiit: Horatius quoque.

Nos vbi decidimus,
Quo plus Aeneas, quo Tullus diues & Ancus,
Paluis & vmbra sumus.

Vixisse etiam dicuntur, & fuisse, quos mortuos
significare volumus, ἐν οὐρανοῖς χρήσαντες. Tibull. libro
tertio. Siue erimus, seu nos fati fuisse velint. Vete-
res quippe θυτούματα in mortis mentione admo-
dum fugiebant. Quocirca etiam abiit dicebant,
pro interiit, & abitionem vocabant mortem, ut
auctor est Festus. Greci διχεῖδι, Plura legetis
apud Scaligerum in Festum & Varronem, si col-
libitum erit. Qui seu volentes, seu nolentes occi-
duntur, iij dicuntur vitam ponere, profundere. Virg.
animas proiicere, in sexto. Vita priuari, exui, eiuci,
spoliari, expelli, extremum spiritum effundere, mor-
tem capere, è viuorum numero exturbari, à vita
eximi, morte affici, multari, mortem oppetere,
morte seu mortem occumbere, quod Virg. extulit
in secundo, cum dandi casu: Seu versare do-
los, seu certe occumbere morti. Cicero prima
Tuscul. è Poeta vetusto: Priamo vi vitam euitari,
idest, extorqueri, mitti ad mortem, vbi Socrates
de se cicutam bibituro differit, & nono Philipp.
Occidi, interfici, interimi, necari, mactari, obtrun-
eari, iugulari. Iis item dicitur vita eripi, adimi,
extorqueri. Linius lib. 1. dare manibus dixit, pro in-
terficere. Et Plaut. Asin. morti dedere. Virg. 4. Geor.

dedere neci. E. Vellem in rem præsentem venire, si liber Liuij adesset. P. Nihil est opus: memini verba & locum. De Duobus Curiatiis tum à se peremptis, ac de tertio iam iamque perimendo sic ait viator Horatius: *Duos fratum manibus dedi: tertium caussam belli huiusce, ut Romanus Albano imperet, dabo.* Malè sustinenti arma, gladium supernè iugulo defigit, iacentem spoliat. *Plaut.* *Menech,* *Quem ego hominem si viuo, vita deuoluam sua.* *Ibidem:* *Anima priuabo virum. In Milite dixit, adimere animam.* *Bachid.* autem facetè.

Nam neque Bellona mihi vñquam, neque Mars creduat,
Ni illum exanimalem faxo, si conuenero,
Niue exhæredem fecero vitæ suæ.

Ecquid plura expetitis? M. Non his contenti sumus. Ad illa delabere, quæ sunt institutæ concertationis propria; & memento quanta sit à nobis coaceruata locutionum multitudo: simul in mentem reuoca, quid promiseris. Et cùm nos in summam exspectationem adduxeris, vide ne falsos turpiter deferas. P. Non excidere animo promissa. Accipite. *E corporum vinculis euolare, ex his tenebris in lucem illam excedere, à Deo euocari, ad Deum abire, in cælum migrare, de vita statione decedere. Ad illud diuinum animorum concilium cœtumque proficisci, ex hac turba & colluione discedere.* Quæ quidem non de quibusuis morientibus usurpanda esse, ipsimet intelligitis, quando hæc Romuli nepotum disertissimus Cicero de Romanis illis, Paolo Aemilio, Catone, aliisque sapientibus atque optimis viris, qui cum virtute scilicet æuum agitassen, in

in somnio Scipionis, in Catone, & in Tusculanis usurpauit: quos præterea dicit corpore laxari, & eorum animas in custodia corporis detineri, ut proinde talibus decedentibus dicere integrum, sit ipsos è custodia corporis euolare, elabi, emitti. Item vinculis corporum leuari. Si iam vocer ad exitum vita, ait de se epistola quadam ad Torquatum, lib. 6.

E. Eleganter animaduertisti hasce elegantias. P. Vitam finire, destituere, vita fungi, defungi, vite modum finem imponere, supremum, ultimum vite diem agere, explere, rebus humanis eximi. Nodis corporeis eximi, apud Arnobium lib. 2. In eodem: animæ corporibus exutæ humanis. Inter homines agere desit, legi apud Tacitum. Et Salust. in Iugurth. Quoniam mihi natura finem vitae facit. Et Sueton. in Claudio. Ad finem mortalitatis accedere. Non præteribo illud, si quid ei acciderit, seu humanitus acciderit. Cic. 1. Philip. & 1. Tuscul. cui simile est, si quid eo factum erit, si quid eo fuerit, pro, si mortuus fuerit: quo abstinebant, ne male ominari viderentur. Fato cedere, fato fungi, in fata concedere. E. Cuiusnam hoc est? P. Opinor. Liuij. Nature satisfacere, naturæ cedere, concedere. M. Et hoc extrellum? P. Salustij in Iugurthino. Naturam satietate viuendi expluisse dicuntur à Cicerone, qui decrepita senectute de vita exierunt. Mors continuo istam occupat. Terentius. Mortem obire, vitam finire, claudere, alicui vitam deficere.

Item accusandi casu, Petrum vita defecit, Finem
 viuendi facere, inuenire. Transeo nunc ad formulas
 Poëtarum, quarum tu, Eugeni, bonas quidem illas,
 at paucas protulisti. E. Si libuisset, protulisset plu-
 res. P. Quin tu dicis idem quod in eclogis ille pa-
 stor: Nunc oblita mihi tot carmina. M. Pauline, hic
 Rhodus, hic salta. P. Audite. Fata subire, finiri leto,
 morte sopiri, animas, vitam ponere, deponere, linquere, con-
 sumi morte, supremam horam alicui venisse. Tibull. At mi-
 hi Persephone nigram denuntiat horam. Idem: Quod si fa-
 tales iam nunc expleuimus annos. Agere spiritum, tenuem
 mutari in umbram, mitti ad campos Elysios, nigram tra-
 nare paludem, mors venit. Propert. Quandocunque igitur
 nostros mors claudet ocellos. Martial. Cum mihi supremos
 Lachesis peruererit annos. Subire mortem, mortis iter adi-
 re. Est etiam in vsu apud eos rapi, pro emori. Virg. in Epi-
 taph. suo: Mantua me genuit, Calabri rapuere: nam in Ca-
 labria deceffit. Idem in 6. Aeneid. de infantibus mortuis:

Quos dulcis vita exortes, & ab ubere raptos
 Abstulit atra dies, & funere mersit acerbo.

Propertius: Viuam si viuet, si cadat illa, cadam. Animam
 ponere primis cunis. Fata repellunt vitam, fata properant
 quietem, venire ad fata, petere aquas Stygias, intrare do-
 mos migrantes animarum silentum, immites Parcas ha-
 buisse, sensisse. Lucretius vita pausam vocavit mortem: Fri-
 gida quem semel est vitai pausa secuta. Cuius item illud
 elegantissimum est, vitai lampada tradere: in 2. Vultis
 adducam versus ipsos? E. Volumus, si commemori-
 nisti. P.

Sic rerum summa nouatur
 Semper: & inter se mortales mutua viuunt.
 Augescunt aliæ gentes, aliæ minuantur,
 Inque breui spatio murantur saecula animantium,
 Et quasi cursores vita lampada tradunt.

Rursum

¶ rursum lib. 3. de Xerxe. Lumine adempto animam moribundo corpore fudit. De Epicuro ibid. Ipse Epicurus obit decurso lumine vita. & in 5. illi quos à vita natura remouit: In eod. quem vita reliquit. In 6. autem libro , cùm pestilentiam describit, quæ urbem Athenensem ciuibus exhausit , Deus bone quam venustis circuitionibus mortem seu obitum effert. Prorsus ut illud musæum mel, illúmq; musæum leporem, quem toties nominat, agnoscas.

O&tauóque ferè carente lumine solis;
Aut etiam nona reddebat lampade vitam.

Horatius pro mori dixit, Ire Numa quo deuenit & Ancus.
epist. ad Numicium lib. 1. Quem penes iam est victoria? equidem operā haud parcus fui. M. Nunquam credidisse tam pænè infinitis rationibus vnam hanc rem explicari posse: multis posse haud ignorabam , & non paucas ipse annumerāui. Videntur Romani scriptores in effingenda hac tam multiplici varietate mortem honorare voluisse, quam fugitus quidem omnes, non etiam effugimus. E. Tollamus digitum Mauritii, sepulti sumus. Vicisti Pauline, fuitique ambobus laboriosior in obseruandis tot loquendi generibus sub vnum velut significationis iugum deuinctis, & memoria es meliore. P. Nullum acroama, nullius vocem libentius audiebat Themistocles, quam eius, à quo sua virtus optimè prædicaretur. M. Hoc Themistocleum habes: illud assume, vt te Miltiadis trophæa è somno suscitent. P.
Teneo;

ANNOTATIONES.

QUOD CAPITI TVO SIT) De hac locutione Turneb.lib.11.cap.12. VIRVM A VIRO LECTVM) Faciebant Romani aliquando potestatem militibus, ut singuli notos sibi, quorumq; virtuti confiderent, legerent, atque id potissimum. cum periculum aliquod maius instaret, aut aliquis grauior casus vngeret. Reliqua Victor. lib.18.cap.19. & Turneb.lib.25.cap.7. MORTEM CVM VITA COMMUTARE) Sic Horat.ode 17. lib. 1. Velox amenum sepe Lucretilem mutat Lyceo Faunus. Id est, ex Lyceo qui mons est Arcadiæ frequenter in Lucretilem montem in Sabinis commigrat. In Capt.apud Plantum Hego senex de permutatione Philocratis captiui quem habebat emptum, & Philopolemi filij sui, qui seruitebat ipse quoque captiuius, in Alide. Hoc illum me mutare confido fore, Hoc. (nempe Philocrate) mutabo illum (Philopolemū) EXTINGVI) Antiqui quod calore fouerti ac vegetari omnia, & frigere cadavera cernerent, animum igneæ naturæ putauerunt esse. Ex qua opinione verbum extingendi, quod in igne proprium est, in animalibus quoque cæptum est usurpari, & verbum viuere ad ignem transferri. Hæc & plura Muret.lib.7.cap.6. AD PLVRES ME PENETRAVI) Cum Tarentinis editum esset oraculum, res eorum meliores futuras, si vna cum pluribus habitarent, ita sunt illud interpretati: si illos, qui migrassent è vita intra urbem reciperent (nam ad id usque tempus mortuos, & alijs quoque Greci intra opidum non condebant) Rempub. suam bonam fortunatamq; fore. Verba oraculi hæc erant: ἀμενοφ ηαὶ λέωιος ἐσεδδ σφισὶ τειςμένης τὴν ὄικησιν μέτα τῷ φωλιάρωφ. Victor.lib.2. cap.7. QUYI SEV VOLENTES, SEV NOLENTES) De generibus mortis

ris eruditè, eleganterq; disputat Manut. in epist. 12. lib. 4. apud Ciceronem. ANIMAM AMITTERE) De hac locutione, & simul de varia notione huius vocis, anima, lege caput 12. lib. 1. Miscell. Hieronymi Magi, qua vñi sunt Plaut. in Amphit. Cicero ad Terentiam, Salustius in Catil. Probus in Epaminonda. MORTEM OBIRE) Festus. Mortem obiisse ea consuetudine dicitur, qua dixerunt antiqui, ob Roman legiones ductas, & ob Troiam duxit exercitum, pro, ad. Similiterq; vadimonium obiisse, id est, ad vadimonium iisse, & obuiam, ad viam. ECORPORVM VINCULIS EVOLARE) Animal, ut constet, necesse est in corpore anima vinciatur. Ideo corpus ñemus, hoc est, vinculum nuncupatur, & σῶμα quasi quoddam σῆμα, id est, anima sepulchrum. Vnde Cicero pariter vtrumq; significans, corpus esse vinculum, corpus esse sepulchrum, quod carcer est sepulchrum, ait: Qui è corporum vinculis tanquam è carcere euolauerunt. Macrobi. in som. Scip. lib. 1. cap. 11. NON ETIAM EFFUGIMVS) Propert. eleg. 17. lib. 3.

Sed tamen hue omnes, hue primus & ultimus ordo:

Est mala, sed cunctis ista terenda via est.

Exoranda canis tria sunt latrantia colla,

Scandenda est torui publica cymba senis.

Ille licet ferro caurus se condat & ære,

Mors tamen inclusum protrahet inde caput.

Nerea non facies, non vis exemit Achillem,

Crœsum aut Pactoli quas parit humor opes.

Martialis lib. 4.

Nullo fata loco possis excludere: cum mors

Venerit, in medio Tibure Sardinia est.

Eodem.

Lanificas nulli tres exorare puellas.

Contigit: obseruant quem statuere diem.

Lucret. lib. 3.

Vitæque mancipio nulli datur, omnibus vñi.

Ibidem.

Certè equidem finis vitæ mortalibus astat.

Nec deuitari letum potè quin obeamus.

TOLLAMVS DIGITVM) Qui succubuerat in conflictu, hoc indicio viatum se fatebatur. Similia sunt: tollere, dare manum, dare seu porrigere herbam, fasces summittere. Hoc extreñum à Coss. sumptum est, qui in concionem ascensuri, Publicolam imitati, de quo lib. 2. Liuus, fasces populo summittebat. Quod mirè gratum ipsi fuit, cum ita confessio fieret, populi quam consulis maiestatem vimq; maiorem esse. **ACROAMA**) Cicero hac pro Archia. Est autem acroama, festiva & iucunda narratio, tralatione à symphonia musica, quæ olim in theatro histrionum actionem commendabat, & auribus percipiebatur, ut illa oculis. Cic. pro Sextio Clodium acroama appellauit, quod & histrionis & musici partes gereret. Ipse ille maximus Ludius non solum spectator, sed etiam actor & acroama. **MILIADIS TROPHÆA**) Cicero Tuscul. 4. Noctu ambulabat in publico Themistocles, quod somnum capere non posset: quarentibusq; respondebat, Miliadis trophyis se è somno suscitari. Plutarch. in Themistocle idem narrans, addit. Reliqui enim cladem barbarorum Marathoniam bellum finem esse censebant, at Themistocles eā initium majorum certaminum putabat, ad quæ se protota Gracia assiduò preparabat.

PROGYMNASM A SEPTVAGESIMVM SECUNDVM.

Cantus Musicus.

SABINV S, CRESCENTIV S.

SABINV S. Auditione accepi, te in ludū i-tare musicum Crescenti. C. Méne? audisti vera. S. Quoties per hebdomadem? C. In dies

dies singulos. S. Qua hora? C. Duodecima. S. Vltronē pater voluit, an tu ab eo precibus id extorsisti? C. Exoraui patrem: nec m^o tuo factum. S. Cur quæso? C. Quæ hunc intemperiæ tenent? Haben' tu aures, an auriculas tantū? S. Enim uero habeo aures, nisi eas hoc temporis articulo perdididerim. C. Quid ergo interrogas, cur discam canere? S. Non absurdè id quæro. C. At ego dico, absurdissimè. Quid enim musica dulcior? quid illa sonorum temperatione auribus gratius, aut iucundius? S. Scire fidibus (quod ingrauescente iam ætate Socratem Philosophum didicisse fama vulgauit) & canere cithara, testudine, barbito, multò esse suauius quo quis pignore contendam: quæ de vocibus, libentiū audierim Sirenas, aut luscinolam, aut cynum in morte canentem.

Dulcia defecta modulatur carmina lingua

Cantator cygnus funeris ipse sui.

C. Ista reprehensio inficitiam tuam coarguit: nam si musicam scires, nunquam facultatem nobilissimam in vituperationem adduceres. SAB. Non diffitebor me artem hominum feritorum, languentium, & nihil agentium ignorare. Aures permulcit illa quidem; in animo voluptatis nihil relinquit, ut literæ. C. Necesse non est, si literæ sunt bonum, musicam esse malum: nec si illæ plus profundunt, ideo hanc nihil prodesse. SABINVS. Acumen Dialecticorum. Patet tamen in musica nimium detitos, esse idiotas fere. tria verba Latinè loqui necire. C. Haud me dedam immoderatè, non dico amplius. S. Nolim ego tempus disperdere in repetendis, & vsque ad vomitum penè audientium recantandis per dies integros hisce 6. syllabis, ut re,

re, mi, fa, sol, la, Præterea in ligaturis, fugis, cantibus
naturalibus, consonantiis perfectis, imperfectis, re-
solutionibus, diminutionibus, diapete, diatessaron,
& similibus tricis. C. Mihi relinque istas tricas, &
perpende in quos hoc maledicti conferas. S. In ne-
minem. C. In multos præstantissima dignitate, &
in excelsa ætatem agentes viros, qui animos pon-
dere curarum lassos, cantiunculis remittunt ac rele-
uant. Sanctarum literarum summa est auctoritas,
qua commendatur musica. S. Noui tamen clarissi-
mos grauiissimosq; viros, qui, ne ponantur in suspi-
cione leuitatis, canere cum sciant, cantu consulto
abstinent. C. Facesse hinc Mome: tempus est in lu-
dum eundi. Vale. S. Ito, ito, & bonas horas malè
perde. Canta ab usque manè ad vesperam, canta in
somnis quoque. C. Ettu quoad iubet in Cœlum
iaculare.

ANNOTATIONES.

NEC M VTO FACTVM) Si pœniteret facti, muto
factum, nolo factum: contra si probarent, factum vo-
lo, factum cupio, factum gaudio dicebant. AVRES A N
AVRICVLAS) A vocibus hauriendis dictæ sunt aures.
Virgil. 4. Æneid. Vocemq; his auribus hauſi. Auricula est
cartilago, aurium cauitatem circundans, cuius ima parte
nihil mollius, tenerius, aut flexibilis in toto humano cor-
pore. Hinc prouerb. Auricula infirma mollior, in hominem
lenem, lentum, minimè asperum & iracundum. Utitur eo
Cicero. ad Q. F. SIRENAS, LVSCINIO LAM,
CYGNVM) De cantu Sirenum vide Odysseam. Et par-
miam, Sirenum scopuli. Isocrates ob dicebat suavitatem At-
tica Siren cognominatus est: Eadem de causa Xenophon
Attica

Attica Musa, & apis Attica Sophocles. Luscinia de qua multa Plin.lib.10.cap.29.inde dicta, quod cantu suo significare solet diei surgentis exortum, quasi lucinia. Eadem & acre-dula. Cicero Prognost. Et maturinos exercet acre-dula can-tus. Isid.lib.12.Dicitur Gracis nominibus philomela & aë-don, propter amorem perpetuum cantandi. Plaut.Bacchid. Pol ego quoque metuo, lusciniole ne desuat cantio. Cygnorum cantu apud vulgus & poetas nihil notius, quos Plato in Phædone non solum cum cantu & voluptate mori, sed in vita reliqua musicos & canoros esse cribit. Lucianus tamen libello de cygnis, Aelianus lib.1.cap.14. Plin.cap.23. lib. 10. negant cygnos canere. P O N D E R E C V R A R V M L A S S O S) Quomodo cantus animum abducat à curis, à mœroribus, quomodo sensum malorum minuat, quantumq; delectationem habeat, lege Quid. eleg. 1. lib. 4. Trist. F A C E S S E H I N C M O M E) Fingitur quidam Deus hoc nomine, qui cum ipse nullum opus edidisset, aliorum deorum opera curiosius contemplaretur, & carperet quam liberrime, si quid aut omissum, aut perperam factum putaret. In venere quidem cum aliud reprehendere nihil posset, reprehendi strepitum & stridorem eius sandaly. Hinc licebit sandalium Veneris usurpare, ut parœmiam, de re quoquomodo, & iniuste etiam reprehensa.

PROGYMNASMA.

SEPTVAGESIMVM TERTIVM.

Græcæ literæ.

DOROTHEVS. MATTHIAS.

DOROTHeVs. Quid libri manu geris? M. Nicolai Clonardi Institutiones lin-guæ Græcæ: quæ lamentariæ mihi sunt, neque cas ferè intueor, quin propemodū illachry-

illachrymer; certè quidem suspiro. D. Hui egregiū virum, & immortali virtute præditum. Num spicula vibrant quibus te conuulnerent? M. Telis non a-spectabilibus sauciant pectus meum: quin cerebrum mihi excutiunt. D. Qui istuc fieri potest? M. Fieri sentio, & excrucior. D. Quæso, quid tu hominis es? abhorres nimio opere à lingua Græca: hoc illud est, hæc illa sunt suspiria. M. Non Pythium magis verum est responsum, quām quod dixisti. Etiam, abhorreo. D. Et quibus tandem superatus rationibus? ne occultaueris. M. Ob inexplicabiles, immensas, infinitasq; difficultates, quæ me potissimum impediunt, & deterrent ab hoc studio. Myriae contractionum in nominibus & verbis, in totidem partes distrahunt animum meum. Tot sunt declinationes, tot coniugationes, tot anomala, quot Athenis noctuæ. Quis vel abundantissimus otio ista penitus memoria comprehenderit? D. Præclarè Terentius, opinor: Nulla est tam facilis res, quin difficilis fiet, quam inuitus facias. Contrà Mantuanus Homerus: Labor improbus omnia vincit. Et aliis. Amanti nihil difficile. Tuum ingenium, quod appetet, non capit, non oblectatur hac principe, & regina linguarum: ea re inuitus, & quod proximum est, minore cum diligentia, nulla cum nauitate ad hasce præceptiones descendas incumbis. Hæc vna res difficultatem exaggerat; vbi est aliqua difficultas; vbi autem nulla est, ibi eam progignit; sicuti ex altera parte, amor & desiderium rei alicuius adipiscendæ efficiunt, ut quamuis onerosus magnusq; labor aut perparum, aut minimè sentiatur. M. Tu si hic sis, aliter sentias. Scienti ac perito non videatur laboriosa scientia. Iam tu hæc liguriuisti & co[n]coxisti,

cohisti, in quibus ego tam fudo, quam si molares
 effoderem. D. Fatebor candidè, per somnum &
 iocum hæc disci non posse: veruntamen minui, vel
 potius minus sentiri aio labore, si generosa dis-
 cendi cupiditas affuerit, quæ frigidam suffundat.
 M. Tam fatuum & delirum non inuenies, qui nolit
 Græcè nosse. D. Cùm de voluntate loquor, non
 illam omnino desidem, & operum solutam intelli-
 gi postulo, qua cupiunt quidam pecuniam facere,
 & amplificari patrimonia, cùm vacui negotiis do-
 mi sedeant; qua honoribus augeri, cùm honore
 nihil dignum moliantur; qua eruditione præstare,
 cùm se erudiendos nulli magistro dedant. Perquam
 insipienter vult, qui sic vult. Atque ut hoc tibi lar-
 giar, magnam inesse in præceptionibus difficulta-
 tem, tamen istuc ipsum cum multis præcellentibus
 rebus iis commune est, de quibus diötare illud
 solemus: difficilia quæ pulchra. M. Haud dicam
 dolo; labore & studio me tantum non eneco, nec
 tantillo magis inhærescunt in mente mea illi cano-
 nes. D. Non pauci affirmant se hoc facere, nec
 faciunt. M. Quomodo? D. Quia cùm studium à
 M. Tullio breui ac circumscripta definitione ex-
 plicitur his verbis: Est vehemens & assidua ad
 aliquam rem applicata magna cum voluntate oc-
 cupatio; ipsi aut non vehementer, aut non assi-
 duè, aut si vtrumque, non adeò magna cum volun-
 tate occupationem ad Græcas literas applicant.
 Tu tacitus temet interroga, te excute, tecum consi-
 dera, num ita te geras. Si geris; nisi bardus & trun-
 cus, stipes, caudex sis, præterque figuram homi-
 nis nihil habeas, vtique addisces Græcam Gram-
 maticen. M. A tempore subsecare nihil possum,
 quod

quod dem Græcis quotidie. D. An tu non potes minimum semihorā tribuere? M. Latina hoc quid-
quid est temporis sibi quoque vendicant. D. Atten-
de paulisper animum. M. Do tibi operam, loquere,
D. Si nostrorum studiorum præfides ac moderato-
res vidissent non sufficere nobis ordinarium tem-
pus ad Græca cum Latinis coniungenda, nunquam
in catalogis librorum explicandorum, qui quo-
quot annis describuntur formis æneis, & luci com-
mittuntur, ullum auctorem libellūmue Græcum
nominassent: nec Magistri, homines considerati &
prudentes, hoc pensū à nobis exigerent. M. Sophis-
ma & caprio ista tua nil me conturbat: tu si quid es
facturus, firmiora argumēta conquiras necesse est.
Ambo curare non possum. D. Tu verò potes, & po-
teris si voles. Aliorum exempla, quos audisti & vi-
disti utrumque studium persequi, tibi persuadeant.
M. Abundant in geniis. D. Do hoc de aliquibus: vo-
luntate quidem pollut ac diligentia, nec adeò sunt
imbelles ut tu. M. Postquam equis remisque con-
tendero, non consequar tamen consummatā Gram-
maticæ notitiam. Sic ego operam, parentes sumptū
perdiderint. D. Desperatio quoque est mater igna-
uiæ, ac plurimos peflunderit. Extermina hanc pe-
stem literariam ex animo tuo, speraque te adeptu-
rum omnia.

Spes alit agricultas, spes sulcis credit aratis.

Semina, que magna fænore reddat ager.

Ferrum assiduitate usus atteritur; & quid ferro du-
rius? aquæ guttæ cauant marmor; & quid aqua
mollius? marmore solidius? qui ergo assiduo im-
pensa cura, perpetuatumque studium doctiorem te
non reddat, minùs licet valentum ingenio, quo an-
testas

testas compluribus? M. Quæ, per Deum, est tanta & tam fatalis huius transmarinæ linguæ necessitas? D. Multiplex & præcipua. Ea, (ne longum faciam) ut sine eius cognitione manca & mutila sit omnis doctrina; & qui eius expertes sunt, ij nec Latinè quidem scripta penitus percipient. M. Paradoxa mihi narras. Doctissimο viros habeo nominare, & te nouisse multos arbitror, qui alphabetum non tenent, & Græcam legere vocem, cùm occurrit aliqua, nesciant funditus. Sunt qui in commentariis à se editis ita loquantur: Græcum est, non legitur. Item: Græcum hoc totum omitte. Isti profectò existimationis suæ non ideo iacturam faciunt, quia τιμὴ & ἀνθεώση quid velint, aut qua ratione per casus inflectantur, nesciant, & suarum artium alumnos citra daminū istiusmodi otiosorum delectamenta negligere posse pro certo credunt. D. Bona verba. Commemini hac ipsa de re audire à Præceptore meo: ceterū ego tantus adhuc non sum, ut fuissem hoc de argumento mihi agendum putem. Cùm legimus quæ ab eruditis de huius linguæ laudibus prodita sunt ad posteritatem, tum rationibus firmissimis, & bene multis demonstrari cernimus, quām sit ad omnem disciplinam vtilis & necessaria Græcarum litterarum cognitio; id nos credere oportet tantisper, dum reipsa experiamur: quemadmodum morbis impediti credunt medicis, ad sanitatem bonitatēmque valetudinis profuturam sibi potionem, & alia quæ ab iisdem dantur pharma-ta atque antidota. M. Sed Clenardus iste perturbatus atque confusus est, & meo quidem animo docendi viam ac methodum nullam videtur custodiuisse. D. Hoc ipsum consensu iudicauerunt quidā

R

docti

docti homines: quocirca, quod in rem communem
esset adolescentum, in ordinem certum ac facilem
eius præcepta redegerunt. Eum librum in Galliis
editum commercare: de tuis condiscipulis sunt qui
parauerunt. M. Ante vesperam adibo ad tabernam
librariam, cimpturus librum, quantumquis precio ste-
terit. Abs te autem maximoperè pro nostra summa
coniunctione, tuaque humanitate peto & quæso, si
quando te interrogauero, ne deneges mihi operam,
& hoc addas ad tua in me officia: statui enim ferui-
cius discere. D. De me sic tibi promitto atque con-
firmo; nihil cum malim, quam te Græcè vel optimè
nosse, non detrectaturum tua caussa pusillum hunc
laborem. Tu modò fac animo erecto constantique
sis, & caue vñquam in consilium desperationem ad-
hibeas. M. Ero, ita me amabit fides: & hoc tuo fa-
cto ad eam quam erga te habui voluntatem mag-
nus cumulus accedet, contraque omnia me quæ
potero in te studia & officia collaturum pollicor.

ANNOTATIONES.

MANTUANVS HOMERVS) Aliquot epitheta
Virgilij ab optimis auctoriis ipsi tributa affera-
mus, quod in promptu sint studiosis. Alex. Seuerus Imper.
Platonem poëtarum vocabat. Plin. celeberrimum auctore.
Velleius, principem carminum. Marcellinus, eminentissimū
vatem. Seneca, vatem maximum. Macrobius, Homerice
perfectionis per omnia imitatorem. Idem Mantuanum Ho-
merum. Fabius, auctorem eminentissimum. Augustinus, Po-
etam maximum, omniumque, præclarissimum. Quidā Iouem
poëtarum Latinorum. N O N V I D E T V R LABO-
R I O S A) Plures sunt verbi huius notiones. Homo laborio-
sus

sus est, quem Graci dicunt φιλότονον, nos industrium. Itē
ū, qui molestia aliqua impeditus est, ex qua se se explicare
nequit. Res etiam laboriosa dicitur, in quam multus im-
pendendus est labor. Catull. Chartas doctas & laboriosas
vocauit, magna diligentia studioq; elaboratas. Secundam
notionem confirmat illud ex Miloniana. Quid enim nobis
duobus, iudices, laboriosius? quid magis exercitum dici po-
test? qui spe amplissimorum præriorum ad Rempub. addu-
cti, metu crudelissimorum exitiorum carere non possumus.
Prima tam est manifesta, vt confirmationis ac testimonij
nullius egeat. Est ergo hoc verbum de illorum ordine, quæ
agendi patientiæ vim habent, seu in vtramq; partem sig-
nificatione reciproca & aduersa dicuntur: vt formidolosus,
inuidiosus, suspiciosus, ambitiosus, gratus, infestus, metus,
iniuria, nescius, ignarus, &c. Gell. lib. 9. cap. 12. Huc etiam
pertinet nobilis: dicimus quippe nobilis poëta, nobilis latro.

D O M I S E D E A N T) Sedere significat interdum negli-
genter se gerere, pigrū, otiosum, ignaro animo esse vt apud
Grecos καθηδι Cic. in Pison. An potest villa esse excusatio,
non dicam male sentienti: sed sedenti, cunctanti, dormienti,
in maximo Reipub. motu consuli? Virgil. 3. Georg. Et melio-
ra deos sedet omnia poscens. Sic desidere pro remisso animo
esse. Sueton. in Iulio. Victor. lib. 16. cap. 20. & Torrent. in
Sueton. Eandem vim habere apud Tullium verbum, iacere,
notauit alicubi Manut. in eiusdem epist. Q u o t Q u o t
A N N I S) M. Varronem sèpius dicere, quotquot annis,
quotquot mensibus, cum singulis annis, singulis mensibus si-
ne intermissione significare vult, animaduertit, & in eo si-
nistrorum correctorum errorem correxit Victor. lib. 9. cap.
23. F E R R U M A S S I D V I T A T E) Plutarch. de lib.
educand. Multarum rerum cōtemplatione addiscere possis,
quantum efficacitatis habeat industria atque labor. Nam
& aqua guttatinis lapsa lapidem cauat: & ferrum atque es-

manuum contrectatione atteritur: & rotas curruum via-
gno labore curuatas nullo posis conatu in pristinam resti-
tuere rectitudinem. Et quæ sequuntur. Seneca item episo-
so. Nihil est quod non expugnet pertinax opera, & inten-
ta ac diligens cura. Robora in rectum quamuis flexa re-
uocabis, curuatas trabes calor explicat, & aliter natæ in
id singuntur, quod vsus noster exigit. Quāto facilius ani-
mus accipit formam, flexibilis, & omni humore obsequen-
tior? Quintil.lib.1.cap.1. Præstat ingenio altius alium. Con-
cedo: sed ut plus efficiat aut minus: Nemo tamen reperitur,
qui sit studio nihil consecutus. A Q V A G V T A E C A-
V A N T M A R M O R) Lucret. lib. 1. Stillicidi casus lapi-
dem cauat. Idem lib. 4.

Nonne vides etiam guttas in saxa cadentes
Humoris longo in spatio pertundere saxa?

Rei parue & humili magna est in hisce duobus versibus
quaestia dignitas. Quos cum illo sane abiecto & plebeio
Nasonis comparat Victorius.

Gutta cauat lapidem, non vi, sed sæpe cadendo.

Propert.

Quid magis est durum ferro, quid mollius vnda?
Dura tamen molli saxa cauantur aqua.

Idem lib. 2.

Sed tamen obscura teritur rubigine mucro
Ferreus, & paruo sæpe liquore silex.

BONA VERRA) Quem sensum contineant ista, bona
verba, & bona dicere, explanat. Nonius lib. 1.

P R O

P R O G Y M N A S M A
SEPTVAGESIMVM QVARTVM.

Bibliotheca.

ANTONIUS, CYRILLVS.

ANTONIUS Vbi tu aut moratus, aut vagatus es tamdiu? C. Apud patruum erat quod transactum redderem negotium. A. Quid narras? quodnam negotium? C. Tua nihil refert: quare desine percunctori. A. Difficillimum creditu; propter negotium, ut dictitas, diuidiatum penè diem illic te hæsisse. C. Propter aliud etiam. A. Parcam exquirere, quid fuerit illud aliud: si vltro aperueris, non inuitè auscultauerim. C. Bibliothecam maxima impensa, librī multis, variis, optimis refertissimam, locupletissimamque confecit. A. Quid hoc autem ad te? C. Quid ad me? & Antoni. A. Etiam, quid ad te attinet, si ille Bibliothecam comparauit? an tu idcirco eam es adeptus? C. Adipiscar si vixero. A. Iam volo mihi pandas hoc mysterium. C. Audacter proloquar. Cum defunctus essem mandato, quod à patre acceperam & rem absoluissim ex sententia, aedes Cyrille misit meus paterius, paucis te volo; manique apprehensum in conclave perducit, bene amplum, lucidum, abundè instructum & ornatum. A. Lubido est porrò audire: iucundum aliquid magnumq; consequetur. C. Magis id dices, si audieris. A. Ergo narras. C. Visiebatur ibi in ordines dispositi libri per conclavis latera: vnumquodq; habebat octuplicē seriē maioribus ascēdēdo minores semper magnitudine

ac mole succedebant, cùm ipsa quidem receptacula seu loculamenta essent libris proportione inter uallorum respondentia. A. Quām multos diuinias fuisse? C. Minimūm tria millia. A. Non aspernandus numerus. C. Plurimi insuper in aceruo soluti & rudes ex officina iacebant. Ceteri diligenter admōdum compacti: alij tegumentis seu inuolucris erant ex albo corio, alij nigro, alij rubro: quidam membrana candida, & arida modò pumice polita tegebantur. Nonnullis, præsertim grādioribus, per quatuor vtriusque frontis angulos ex orichalco bullæ umbilicatae cernebātur affixa. Claudebantur hi vnicis æneis (clausuras vulgò vocant) illi loris sericis, alij coriaceis. A. Quod genus scriptores? C. Omne genus. Nam et si patrius Iuris ciuilis sciētiam profitetur, attamen non in politiores duntaxat literas præterea, verum etiam in Philosophiā, Medicinam, & aliquantum in Theologiam studium tradidit. In Rheticis & Dialecticis excellit. Græcæ linguæ iam inde à prima adolescentia se perstudiosum extitisse affirmare solitus est: quam interdum serio quidem & ex animo, sed suavi cum lepore promittit se mihi spōsam cum lautissima dote relicturum,

Omnes que mecum meritis pro talibus annos

Exigat, & pulchra faciat me prole parentem:

hos enim simul de poëtarum Latinorum Platone versiculos recitat. Non fugit prudentissimum virum, me eandem hanc effictim deperire. Ergo quia omnem dōctrinam liberalem combibit, & opibus præditus est, hinc tanquam cornucopiae librorum possidet. Nec illi confusè locati: verū dispertiti in ordines certos visuntur: hic ad hanc, illic ad aliā disciplinam pertinentes. Ad vnumquemque verò ordinem

ordinem porrectioribus elementis seu literis cubitum longis, ut iocatur Plautus, præscripta pendent lemmata: THEOLOGI. PHILOSOPHI. IVRECONSULTI. ORATORES & HISTORICI. PHONOLOGI. POETÆ. GRAMMATICI. Adhæc quisque nomen suum in tergo gerit: terga enim ostendunt intrantibus & aspiciens tibus, ut nullo negotio quod quæreris intienias. Omnia deinde tam nitida & munda, ut in primis obstupefactus, in paradiſum (ut nostri loquuntur) te iures introgressum. A. Per quem hæc curat? nam ipse credo, hanc molestiam non subierit. C. Puerū mercere conduxit, promptum & impigrum, qui in singulos dies certa ac præstituta hora puluerem de libris deuerrit, cùmque opus est, cœlaue scopis purgat, & turbata ac disiecta quæ sunt, rursum compōnit. A. Quid ibi est extra libros? C. Mensa cooperta tapete viridi laneo, pluteus, clepsydra, ceteraque supellex in litteras fese abdentium. Adde monumenta nonnulla antiquitatis, ut statuas paruas marinoreas, perquam artificiosas, ut veterum Imperatorum numimos argenteos, ut illustrium pictorum tabellas, ut mathematica instrumenta & musica. A. Quid postquam tibi demonstrauit hæc omnia? C. Iuuat meminisse. Complexus me: Tua hæc erunt vi niuersa, Cyrille charissime, si colueris studia literarum, ut instituisti, nauiter; & quam exspectationem tui concitasti, eam sustinueris. Nulla mihi rætor est, ut vides, nullus hæres: te harumi, quantecunque sint, copiarum mearum hæredem ex asse testamēto scribam nominatim. Noli quærere; ita sūm hac rā singulari ac diuina promissione affectus, ut ebrius lætitia nescirem ubi confisterem. A. Tam valde hoc

facto delectatum esse te non miror; nihil enim potuit fieri amantius, nihil dulcior. C. Gratias contrâ agebam immortales, pollicebar montes aureos. A. Hen, cur ego quoque talem patrum sortitus non sum? ut nimium longe meis tuæ fortunæ præcedunt? C. Non cuius homini contingit adire Corinthum.

ANNOTATIONES.

ADuersum eos, qui maximis impensis ingentem librorum multitudinem comparant, quibus non tam vantur quam glorientur, lege quæ sunt apud Senecam cap. 9. de tranquillit. animi. Quo mihi, inquit, innumerabiles libros, & bibliotbecas, quarum dominus vix tota vita sua indices perlegit? onerat discentem turba non instruit: multoq; satius est paucis te auctoribus tradere, quam errare per multos. Quadrageinta millia librorum Alexandria arserunt, pulcherrimum regiae opulentiae monumentum. Alius laudauerit, sicut Liurus, qui elegantiæ regum curæq; egregium id opus ait fuisse. Non fuit elegantia illud aut cura sed studiosa luxuria, &c. RECEPTACVLA SECVLOCVLAMENTA) Posteriore voce appellat Seneca ikos quasi cancellos, per quos libri in bibliothecis disponuntur. Cic. ad Att. lib. 4. epist. 18. pegmata vocat, quanquam & aliud eodem loco significare potest. Vide Manut. Epistola verò 4. lib. 4. cùm inquit, offendes designationem Tirannionis mirificam theorum librorum, intelligit eorum dispositio- nem, collocationem, descriptionem, & distributionem suo cuiusque loco. Argumento locus est epistola 8. non longè à principio Posteaquam verò Tiranno mihi libros disposuit, &c. Lamb. annotat. Sittybas in extremo epistola 5. libr. 4. Manut. interpretatur membranulas, quarum integumento librī

to libri à pulueris temporisq; iniuria diutius integri conseruantur. IN RHETORICIS ET DIALECTICIS) In Musicis, in Dialecticis, Arimeticis, Grammaticis, malebant dicere veteres, quam in Musica, seu, in arte Musica, in arte Dialectica. Cic. 1. de Orat. in musicis numeri, voces, & modi. & lib. 4. ad Att. epist. 16. musicis eruditos. Terent. Eunuch. fac periculum in musicis. Cic. ad Att. li. 12. hominem remotum à Dialecticis, in Arithmeticis exercitatum. Et 1. de Natu. Deor. Tatos progressus habebat in Stoicis. Observauit Manut. M I H I S P O N S A M C V M L A V T I S S I M A) Ciceronem quoque delectauit audacior ista metaphora. Nam ad Atticum lib. 1. epist. 8. sic ait. Bibliothecam tuam caue cuiquam despondeas, quamuis acrem amatorem inuenieris. Nam ego omnes meas vindemiolas eō reseruo, ut illud subsidium senectutē parem. Et epist. sequenti apertius. Libros verò tuos caue cuiquam tradas: nobis eos quemadmodum scribis conserua. lib. 3. Libros tuos conserua, &c. ILLVSTRIVM PICTORVM TABELLAS) Imagines doctorum, clarorumque hominum in bibliothecis collocabant. Cicero ad Att. lib. 4. epist. 9. Maloq; in illa tua sedecula, quam habes sub imagine Aristotelis sedere, quam in istorum sella curuli. HÆREDEM EX ASSE) De diuisione assis in 12. partes lege Alex. ab Alex. lib. 1. cap. 1. As interdum significat nummum æreum, qui sit decima pars denarij: denarius autem est octava pars aurei Rhenensis, seu daleri, significat, inquam, nummum minimi precij. Hinc prouerb. Ne assis quidem. Catull.

Rumorēisque senum seueriorum
Omnes vnius aestimemus assis.

Id est, penitus contemnamus. Ad assem perdere dixit Horat.
vniuersæ pecunie iacturam indicare volens.

P R O G Y M N A S M A
SEPTVAGESIMVM QVINTVM.

Descriptio Gymnasy.

F A B I A N V S , S Y L V E S T E R ,



A B I A N V S . Schola ista nostra, in quam ad ingenij culturam percipiendam in dies cœpimus commeare, pulcherrimè commodissimèque exædificata mihi videtur: idem tibi videri, nunquam in incerto habui. S. Bene: & antepono illam multis aliis, quas vidi, in quibus studiorum gratia versatus sum haçenus. F. Primum (ut inde potissimum laudationem exordiar) excitata est eo ciuitatis loco, qui omni strepitu, clamore, turbis caret. Non hie esculentia, poulenta, non scruta venduntur: nullæ in hac vicinia cauponæ, nulli falsamentarij, salgamarij, myropolæ nulli. Non fabri assidue incudem tudentes, nō doliarij, nō aurifices, nō demum eiusmodi opifices, qui totum diem pulsibus perstrepunt, nulli circuli, non colludentes & concinnetes pueri ac puellæ. Hic summa quies, hie alta silentia: prorsus, sicut illa prætoria, seu magistratum palatia apud Persas, de quibus Xenophon in vita Cýri. Nec enim carmina solum, ut inquit yates Sulmonensis, sed vniuersè & generatim studia omnia bonarum artium secessum quandam & otium, hoc est, tumultus, negotiationumque vacuitatem requirunt, vel potins flagitant. S. Haud quidquam hac veritate verius. F. Tum salubri quoque sub Cœlo condita est; quod in eadem

eadem vrbe non omnibus semper ædificiis contin-
git:quædam enim crassiore,& corporibus humanis
pestilente circumfunduntur aëre. Academiam il-
lam Athenis amœno & nemoroso , at minimè ad
tuendam sanitatem , accommodato solo traditum
est constructam fuisse. S.Vt memoria mea est , hoc
ipsum quod affiras alicubi scriptum legi. Et æ-
quum est,cùm alioqui integra valetudo studiorum
diuturnitate ac vehementia corruptatur , non ibi
constitui gymnasia,vbi procliuius est,eam omnino
perdi,quàm recreari & conseruari.F.Nullæ domus
ita contiguæ , vt officiant luminibus. Iam verò quā
excelsi parietes?quàm sublime & ad pluuiarum de-
fluxus præceps aptatumque tectum ? Ipsa forma
domus non proiecta in longum,non extensa nimis
in latum,non trilatera , sed τετάγωνο^ς siue quadra-
ta:ita tamen, vt sit aliquantò longior quàm latior,
porta ingens , & aspectu augusta ac venerabilis , à
sculptore & pictore emblematis insigniter decora-
ta.S.Illi ordines fenestrarum,infrà quidem latis lu-
minibus, suprà angustiorum, omnium autem inter
se ad perpendiculum æqualium,ecquid ornamentū
addunt?F.Eximum.Vbi ingressus fueris, ad lœuam
auditoria duo, ad dexteram totidem : ambulatiuncu-
lae ante scholas , & inter scholas. Inde gradibus
septemdecim ex albo expolito lapide, quatuor cu-
bitos longis , vnum penè latis ascenditur. Rursus
ibi quatuor gymnasia,cū suis ambulatiunculis. Non
se mutuò possunt impedire discipuli , nec magistri
alter alterum clamoribus obtundere. Suggestus vt
bellè laborati?suprà velut tecta impendent, ne dis-
sipetur vox docentium; adhærentia autem ipsis, nō
vt in facris ædibus, disiuncta à concionatorum ca-
thedrali.

thedris. A terra quatuor gradibus eleuati, quò videri audiri que ab yniuersis doctor facillime queat. Non in dextro aut sinistro latere, sed ex aduersum portæ collocati, vt intrantes primo aspectu in Magistrum incident, & ipse sine circumactu capit is auditores suos, & quemcunque ingredientem possit aspicere. Ut ordinatim disposita sedilia? sic, vt ex omni parte à fronte, è tergo, à dextris, à sinistris inter ipsa & parietem spatia fieri queant. Ut dolatis è tabulis speciosa laquearia? ut circum fenestras decentissimè depictæ vites, rosæ, flores denique? quam mundum, candidum ac subtile teectorium? nihil usquam fractum, nihil ruinosum, aranearum nihil. S. Aulam omittis? F. Nónne hæc scholis incumbens, & in summis ædibus ampla, tabulatisque ornatisima, & picturis egregiis mirabiliter locupletata est? S. Assentior. F. Nónne ad oratorias exercitationes, ad comicas quoque actiones opportunissima? S. Nimirum. F. Nónne templo quam simillima? S. Etiam. F. Quid igitur salubrius, quid splendidius nostra schola? S. Nihil. F. Quam adhæc frequentes discipuli? quam eruditii Magistri? Breuiter; si Musæ cum Apolline suo Heliconem relinquant, luc in primis, & cupidissimè commigrent. S. Me adscribito huic tuæ sententiæ.

A N N O T A T I O N E S.

SECESSVM QVENDAM) Plutarch. de Curieſit.
Siquidem & Musæa quam maximè prœul ab urbibus
collocabant. Cauffam ne queramus, patet enim eo vel ta-
cente. **S**ALVBRI SVB COELO) Cœlum pro aëre
dicunt Latini. Hinc loci & Cœli grauitas, Cœli salubritas,
Cœlum

Cœlum graue, salubre, pestilens. Cic. 1. de Diuinat. Aspiratio cœli grauis & pestilens. Pro quibus barbari, mala aura, malus aër, insalubris aër. Plin. lib. 2. cap. 38. Namque & hoc cœlum appellauere maiores, quod alio nomine aera: omnne quod inani simile, vitalem hunc spiritum fundit.

PROGYMNASMA

SEPTVAGESIMVM SEXTVM.

Pædagogi.

EVTROPIVS, LEOPOLDVS,
TIBERIVS.

EVTROPIVS. Lachrymas effudisti Leopolde, etiamnum quippe in tumore sunt oculi, & rubent. Hem, quæ caufa ploratus? L. Ploras es tu nihilo minùs, pro certo, si pædagogus tuus similem in modum tibi blanditus esset. T. Eia, blanditus? fortasse in te misello virgæ rursum exultauerunt. Factum est hoc Leopold? L. Factum est. E. Quid ais? L. Dubium hac de re nullum est; nimis apertum atque indubitatum est pellem mihi usque ad saturitatem consuiciatam flagris. E. prædurum pædagogum prædicas. L. An vos nunquam à vestris flagellamini? T. Perquām raro, Leopolde. L. Nimis proprios ac lenes habetis ac proinde vereor ut vos sitis boni pueri. E. Quin fæuissimi sunt: quare nos plagas & increpationes illorum suprà quām cuiquā credibile est metuentes, officiū vlrō exequimur. L. Meum, ut arbitror, fæuitia non anteibunt; qui tyrannidem in me quādā exercet. T. Tyrannidē? L. Inprimis omnia dicta, facta mea curiosissimè obseruat: non potest tamen nosse

nosse quæ mente agito (rumpatur licet) nam cogitata sunt cuīque libera. E. Meus æquè, vt scias, non dormit. T. Nec meus profectò. L. Quandocunque non videt assidentem libro, suspicatur, suspicatur autem? imò credit me ludere, vixque ad naturæ requisita concedere patitur. T. Auges rem in maius: non equidem puto tam ab omni humanitate derelictum & agrestem. L. Nescio mentiri. E. Quām sæpè rationem poscit eorum, quæ in schola audieris? L. Fermè in dies singulos. E. Quid facit tibi, si quærenti imperitè respondeas? L. Minatur. L. Si iterum? L. Ferociùs minatur. E. Si tertium? L. Vobis istuc cogitandum relinquo: dolet enim vel dictu, nedum perpeſsu, quod iste plagosissimus homo mihi tertium peccanti consueuit facere. T. At nostri (quod inter nos liceat dicere) tota hebdomade vix semel nos examinant; quia videlicet ponunt, nos esse diligentes, vt reuera sumus. L. Quid igitur istuc est, quod diligentes isti tam crebrò in ludo vapulat? E. Nimium argutaris. Sinitne diutius te dormire? L. Dormire? propemodum ante galli cantum, multa adhuc nocte è somno me Stentorea voce excitat. Diebus festis ad quintam, & hyeme ad sextam ægerrimè finit requiescere. E. Nos, Tiberi, præ Leopoldo beati sumus, quibus conceditur in lucem cubare sæpius. L. Num intelligitis iam verum me dixisse; habere vos pædagogos plus æquo indulgentes? T. Non, non: hanc enim lenitatem & indulgentiam seueritatibus nonnullis affatim compensant. L. Quibus? T. Proferrem, si ex vsu tuo fore iudicarem. L. Cur non erit? nam hinc me non solum miserum esse cognoscā. T. Cogunt in sacris precatiōnibus multum absūdere temporis; insolenter ac raro

raro permittut operam dare lusibus; ob leuissimam
 culpam interdicunt ientaculo: nonnunquam me-
 grediam quoque eripiunt, silentium ut Pythagoreis
 imperant. L. Clementior meus est aliquanto, con-
 fiteor. E. At tu paulo antea quasi quendam carnific
 ipsum describebas. L. Verum enim uero quod vos
 de vestris, idem ego nunc de meo; lenitatem vnam
 tribus seueritatibus compensat. Dies me citius re-
 linquat, quam enumerem quas mihi leges, quam
 multas, quam duras ciuitatis & modestiarum im-
 posuerit, quoties apud parentes coram & per literas
 accusarit. Omnipotens & misericors Deus, da mi-
 hi alium paedagogum. E. Timendum, ne malo pe-
 ior succedat, eueniatur tibi, & nobis, si idem
 quod tu optemus: illa asini calamitas apud Aesopum.
 L. Quae calamitas? E. Seruiebat olitori, & quo-
 niam ille preparc pabulum dabat, multumque la-
 borare cogebat, precatus est Iouem asellus, ut alte-
 si domino venderetur. Iussit figulo vendi. Hic asin-
 us iniquiore animo gestare cœpit oneras nempe
 testas & lutum. Rursus ergo cum rogasset, ut sibi
 dominum liceret mutare, coriario est venditus. Tu
 peiores prioribus herum nactus, vidensque quid
 ille faceret, cum suspirio: Vix misero, prestatabat a-
 pud priores manere dominos. Nam hic, ut video,
 pellem quoque meam conficiet. Consilium meum
 est, ut cuicuimodi sunt paedagogi nostri, eos tolere-
 mus. Et quoniam id quod volumus, fieri nunc haud
 potest, velimus quod potest: donec, ubi ex ephebis
 excesserimus, in tutelam nostram veniamus, tunc
 potestas dabitur viuendi liberius. L. Nunquam vidi
 melius dari consilium. E. Et isti paedagogi, quod
 more iam receptum est, sicut patresfamilias, ducet
 uxores,

vxores, quę nos multis modis vlciscētur, & istis maritis suis magnum dabunt malum, postquam illi argento accepto, imperium dote vendiderint. L. Meus si pro peccatis in me commissis centum ducat uxores, parum est.

ANNOTATIONES.

STENTOREA VOCE) Homer. Iliad. 5. Stentori attribuit vocem ferream, id est, firmissimam, eumque affirmat clamoris magnitudine aquare alios quinquaginta. Hinc vox seu clamor Stentoreus, pro maximo. MERENDAM ERIPIVNT) Festus. Merendam antiqui dicebant pro prædio, quod scilicet medio die caperetur. Nonius. Merenda dicitur cibus, qui post meridiem datur. Isidor. lib. 20. cap. 2. Merenda est cibus, qui declinante die sumitur, quasi post meridiem edenda, & proxima cœna. Vide Hieronym. Mercurial. variar. lect. libr. 4. cap. 17. & Muret. libr. 4. cap. 12. quoties antiqui cibum in die sumpserint. EX EPHEBIS EXCESSI MVS) ἐφεβία est finis pueritia, principium adolescentia, seu extrema pueritia, & prima adolescentia, seu prima pubertas. Terent. And. Nam is postquam excessit ex ephebis, liberius viuendi fuit potestas. Eodem modo Plant. Mercat. Cic. pro Archia. Nam ut primū ex pueris excessit Archias. IN TUTELAM NOSTRAM VENIAMVS) Tutela definitur à Iurecos. vis ac potestas in capite libero ad tuendum eum, qui se per etatem defendere non potest, iure civili data ac permissa. Quam vim ac potestatem qui habent tutores appellantur. In suam tutelam venire aut peruenire, est ad pubertatem peruenire. Cic. 1. de Orat. Negaretq; nisi posthumus & natus, & antequam in suam tutelam peruenisset, mortuus esset, &c. Item 2. de Inuent. Quidam pupillum heredem fecit,

sit, pupillus autem ante mortuus est, quam in suam tutelam
veniret.

P R O G Y M N A S M A
SEPTVAGESIMVM SEPTIMVM.

Præceptores.

RVFINVS, SERENVS, FLORENTIVS.

RVFINVS. Quotus annus voluitur, Serene, cùm limina ludi literarij calefacis? S. Iam octauus instat. Vos, quamdiu frequentastis gymnasium? F. Ego annis septem. R. Nec pluribus, nec paucioribus ego. Quis autem qualisue fuist, quem primum es adeptus in patria tua didascalum? S. Nomen erat viro, illi nomen erat: iam iam versabatur mihi in labris primoribus, ab aspiratione inchoatur. R. Hieronymus. S. Non est R. Hieremias? S. Non est. R. Hilarius? S. Non est. R. Henricus? S. Hem iste est: satis intra labra atque dentes iacuit. Henricus ergo audiebat: cui indigenæ à promissa ad pectus, & rufa barba, ænobarbo postea cognomentum indidere. F. Cuias erat? Germanus, Belga, Italus? S. Germanus: &, quod quasi per nebulam recordor, Misnensis; illa enim dialecto loquebatur, mollissima nimirum ac suauissima, qualem testantur harum rerum periti fuisse linguam Ionum quondam inter Græcos. R. Vbi sita est tua patria? S. Continens est cum terra Misnia. Pergam ut exorsus sum de illo Magistro dicere. F. Si molestum non est. S. Statura eius iusta longior, vultus placidus & mitis. Deduxit domum

S

non

non multò pòst, quām iniuit docendi prouinciam, prædiuitem. Viduam: etenim in nostra regione ludimoderatores sunt fœliciores quam alibi, quando peifacilē bene dotatas vxores inueniunt. Interpretor hoc dari literarum scientiæ à ciuibus nostris, & in parte beatitudinis numerari à fœminis, coniunctam esse cum erudito homine. F. Quemadmodum Henricus ille puerum tē tractabat? S. Næ, primis mensibus amanter, & perhumaniter, postmodum asperius & austeriūs, vt mihi tum videbatur. R. Cur ita? S. Audies. Sodales mihi erāt pueruli coœui tres, ciuium primiorum filij: cum iis me separatim in humili scamno collocabat, eramus siquidem omnes pusilli ac teneri. Quoties autem ingrediebatur scholam, toties ferè nos ipsum propter adeo prolixam barbam nonnihil timentes(vt illa ètas metum in se concipit facillimè) placidissimis oculis aspetare, & capita nostra manu demulcere sœpiculè, insuper singulis aut aridas fucus, aut in cucullis coriandri grana, & amygdala saccharo obducta porrigere, hortarique nos suauiter subridendo, & multa pollicendo vt disceremus alacriter. R. O dignum statua Præceptorem, & cui victus publicè in Prytaneo præbeatur. S. Dissimulabat præterea, si interdum confabulantes cerneret. Scholis finitis, domum suam, quæ in proximo erat, aliquando secum abductos, priuatim docebat, & nunc vuis passulis, nunc scriblitis donatos dimittebat. F. Aureum præceptorem narras. Nunquamne vero te cecidit? S. Usque hodie tangit animum memoria illius nefasti diei. Cùm malè legerem libellum Gallicum, hæstarémque ad tertium aut quartum quodque verbum, ille me obiurgare, ego hærere, pallere,

pallere, tremere. Cùm autem perperam legendi hę-fitandique finem non facerem, afferri virgam iussit. F. Oh, tam sœuiter? S. Tum, vt paruulis fieri mos est, super genua sua ipse sedens me composuit, perinde ac lanius ouiculam iugulaturus, inęq; graphicę profectō tetigit, multūmq; eiulantem à se repulit. R. Ha ha hæ. Non tu ibi cogitare: papæ, quid hoc prodigi? quę ista est mutatio? vbi ficus? vbi saccharum? vbi scribilitæ? vbi tam mellita verba? S. Hæc ipsa voluebam Rufine. F. Sed quid ais? Qualis in reliquum tempus in te extitit? et si suspicione iam præcurro. S. Non amplius blandus, sed rigidus, nō patet, sed tristis quidam patruus. F. Quoties demulxit caput tuum? quoties munuscula? S. Hæc omnia in flagella & verbera conuersa sunt. F. Multa ex quo fuerunt commoda, eius equum est ferre incommoda. S. Rides? Meministine verò tu illius temporis quo rudimenta literarum posuisti? F. Valde. S. Similime modo actum est tecum? F. Ah, longè dissimili. S. Dic, oro. F. Altero statim die cæsus sum, &, si cūtem meam speculere, nihil te vidisse magis lacerum iures. R. Quantum auguror conjectura, eras puer nequam, & parum aut nihil discebas; quandoquidē, vt tute commemoras, tam egregiè concisum est tibi corium. F. Tu scilicet in rosa educabare. R. Summū ter quatérue triennio toto percussum me recordor: nec id tam propter studia, quām puerilem insolentiam atque licentiam. S. At hoc tempore, estisne adepti Magistros pro arbitrio? R. Diligentissimum scio esse meum, venire in ludum tempori, exigere rationem à discipulis quotidie, docere accurate, emendare scriptiones sollicitè, tradere pietatem & virtutem, punire fontes

pro delicti grauitate, amare & laudare industrios, hortari segnes & cogere. F. Meus sanè quidem nec omnia hæc, nec nihil horum. Fœcundos calices amat, & inuenitur non rarissimè vino madidus: hoc, si rectè ratiocinor, parum decet. Quod crebrò facit pueris ludendi copiam, nō reprehendo; mallem tamen aliquando non luderemus. Scitè dictum, ne quid nimis. S. Nos quali Magistro vtamur in præfens, ex discipulorum doctrina moribúsque puto perspici posse. Quod querar, penitus nihil habeo. R. Gratulor tibi tanto bono.

ANNOTATIONES.

LIMINA LVDI CALEFACIS) Calent loca, quæ frequentantur. Sueton. Octa. cap. 71. Lusimus per omnes dies, forumq; aleatorum calefecimus. Verba sunt ipsius Augusti ex quadam epistola. Catull. Galliambo. Mihianus frequentes, mihi limina tepida. **H E N R I C V S A V D I E B A T**) Græci verbum aueq; usurpant interdum pro vocor, dicor, nominor. Sic Latini, ut Horat. epist. 7. lib. 1. ad Mecenatem, rexq; paterq;. Auditisti coram, nec verbo parcias absens. Idem epist. 16. Tu rectè viuis, si curas esse quod audis, id est, quod diceris. **D E D V X I T D O M Y M**) Ducere & deducere domum ad matrimonium & nuptias etiam significandas adhibentur. Plaut. Trinum. Nunquid cauffæ est, quin vxorem cras domum ducat? Terent. Hecyr. Ut ad pauca redeam, uxorem deduxit domum. Tibull. Ut iuueni primum virgo est deducta marito. **C V I V I C T V S P V B L I C E I N P R Y T A N E O**) Athenis erat domus hoc nomine publica, in qua victus prebebatur ex arario iis, qui bene meriti essent de Repub. Cic. I. de Orat. Interrogatus Socrates, quam quasi estimatione commen-

commeruisse se maximè fateretur, respondit, sese meruisse,
vt amplissimis honoribus & premis decoraretur, & vt ei
victus quotidianus in Prytaneo praberetur. TRISTIS
QVIDAM PATRVS) Patrum in filios impoten-
tem amorem ignorat nemo. Patrui verò tametsi fratribus
suorum liberos ament, illo tamen vehementi affectu sunt
liberi, nec quemadmodum patres ad filiorum, sic illi ad ne-
potum suorum peccata connivent, neque ea dissimulant, sed
seuerè ac acriter reprehendunt, incorrupteq; de actionibus
ipsorum indicant. Vnde factum ut nomen patrui pro obiur-
gatore, castigatore, reprehensore seuero & acri poneretur
a Latinis. Cic. pro Caelio. Qui in reliqua vita mitus esset, sicut
in hac causa pertristis quidam patruus, censor, Magister,
Horat. Sat. 3. lib. 2. Siue ego praece, seu recte, ne sis mihi pa-
truu. Et Ode 12. lib. 3. Patrua verbera lingua. vide epistol.
2. lib. 2. ad Att. & in eam Manut. Lambin. in Horat.

P R O G Y M N A S M A
SEPTVAGESIMVM OCTAVVM.

Auctores scholastici.

VENANTIUS, FLORIANVS, EPIPHANIVS.

VENANTIUS. Triennium elapsum est,
nisi quid erro, ex quo in ista Principiorū
Schola lessitas Floriane, prima, inquam,
Grammatices, id est, postrema & infima
omnium. Ecquid studies? F. Quamobrem nō potius
decennium diceis, maior ut esset annorum numerus,
atque ut magis falsum dices, quoniam tibi volu-
ptati est veri aliena effutire? E. Biennium effluxit,
hoc saltem non refutabis. F. Etiam tu delicias fa-
cis? proximo Octobri annus unus cum semestri ab-

S 3 soluetur;

soluetur; diutius non fui in eo gymnasio: & me breui condiscipulum tuum, Venati, visurus es; sic enim augurat animus. V. Meus certe non eris; nam ego me Epiphanij futurum diuino. E. Non es futurus profecto: ego enim in scholam Humanitatis euolabo. V. Si modò qui examinabunt, alas tibi non interuellerint; aut si illas calor solis, ut quondam Icarì, non liquefecerit. E. Tam dignus illa ego, quam mea tu. V. Res ipsa documentum dabit. Tu Floriane, in quibus interrogaberis ab iis, qui eo tempore cognitionem puerorum explorabunt? F. In iis, puto, quæ doceor. E. Et quæ sunt illa? F. Rudimenta. V. Verrepæi, an Valerij, an Emmanuelis? F. Emmanuelis. Deinde epistolæ selectæ, breuissimæ illæ Ciceronis, disticha Catonis, & Institutiones Christianæ fidei. V. Hi sunt auctores tui? F. Hi sunt. E. Quid Venantius hoc anno audiuit? V. Quæ quotannis ferre traduntur. Grammaticam Emmanuelis, quam Præceptor commēdat mirificè; eiusdem syntaxeos epitomen, selectas Ciceronis. E. Pauca sunt hæc. V. Multa satis mihi quidem. De tuis velim cognosce-re, ut libros comparare possim, quomodo arma ante bellum miles. E. Eme Ouidium de Tristibus. V. Mallem de Hilaribus, nam me opte nurutristis esse soleo. E. At nihil illa Nasoniana tristitia lætius, nihil iucundius, quod experieris. Adde epistolas ad famillares, Catonem siue Lælium, & libellum de octo partibus orationis apud Græcos. V. Heu, statui non discere Græca. E. Debebis volens nolens, non erit hoc arbitratum. V. Non possum: semper ab ista carnificina longissimè ratio voluntasque mea abhorruit. E. Et ægri ab amaris ac salutaribus potionibus abhorrent. V. Quid præter hæc explana-tur?

tur? E. Prosodia Emmanuelis. E. Optimè:versus fatur & titare cupio, prosodiam non ingratis discam. F. Si frustra emeris hos libros? F. Minimè frustra:vt tetur quippe anno nonagesimo, si hoc imminentे non variatur. V. Ad nihilum canilli tui recident Floriane scio te id nolle; ascendam tamen ego, si me Superi adiuuant. E. Si doctrina tam incensæ cupiditati responderit, non negauerim futurum de quo tu nec hilum dubitas. V. Mitte curas. Num quem alium mihi mercandum censes? E. Adrianum Cardinalem, Farraginem sordidorum verborū, Scopas Latinitatis, Aduerbiōrum connubia. Epitheta Ciceronis. V. Utiles tibi hos sensisti? E. Ut nihil possit superā. Tu quoque, Floriane, cura ut instructus sis à libris. F. Pædagogi hoc munus est, ipse curabit, ega sine cura sum.

ANNOTATIONES.

AUCTORES SCHOLASTICI) Solent quidam eruditum cum de illis quasi præstantissime ac vetustissima nota scriptoribus loquuntur, eos nominare auctores, & scriptores classicos. Aptè & eleganter virique id quod ex Gellio licebit discas lib.7.cap.13. VT QVONIAM ICARI) Fabula de volatu Dædali & Icari eius filij est in 8. Metamorph. Mare in quod decidit, Icarium nomen obtinuit. Ouid. Trist. lib.1. eleg.1.

Dum petit infirmis nimium sublimia penis.
Icarus, Icarias nomine fecit aquas.

Monendi sunt mihi vno verbo Magistri, vni ne temere quæquam auctorem suis discipulis interpretandum suscipiant, & cogitent, vina recentia dulciora, vetusta autem salubriora esse. Deinde videant etiam quos libros emant pueri,

ne dilapident pecuniam. Ipsi se interrogari super ea re iubant, & quam utilissimos emendos suadeant. Quod quidem difficile non erit iis, qui in multis libris diu voluntatis fuerint.

P R O G Y M N A S M A S E P T V A G E S I M V M N O N V M.

Formulæ salutandi, & valedicendi in congressionibus atque literis.

C L A U D I V S, A L B I N V S.

 **L**AUDIVS. Quandoquidem Latinitatis peritia multis partibus iam diu factū est postquam me vincere cœpisti, rogo atque oro, si commodum est, da mihi paulum operæ. A. Vel multum, si id rationibus cōducat tuis. Nolo tibi ullum cōmodum in me claudier. C. Ut si quidquam aliud: ne dubitaueris. Sed hoc die, quoniam te vacuum offendī, unum quiddā me doceri peropto. A. Quid est illud unum? C. Tritissimum cum sit ita salutare factos obuiam, & in congressu, bonus dies, bonus vesper, bonum mane, bonum serum: & respondeatur salutantibus. Deo gratias. Item in digressu sub noctem, cum his verbis bene precari soleamus; fausta nox, felix nox, redatürque idem responsum, more patrio videlicet, *bon iour, bon soir, graces à Dieu,* iis autem formis loqui necessitas nulla cogat, Latinisq; auribus ingratissum sit: quo pacto tūm salutando tūm valedicendo, siue cum in alicuius colloquium congressumq; veniendum est, siue alicui scribendum, nos grec-

geremus? Non enim me latet, solere te studium accerrimum ponere in notandis huiusmodi latinismis, cùm inter legendum occurrent, aut à Magistro inculcantur. A. Haud equidem me tanto dignor honore. Nihilominus, quia tu hoc à me candidè petis, & posse me tibi commodare iudicas, parebo voluntati tuæ, mi Claudi, neque te quidquam celabo eorum, quæ in præsentia, nihil tale prouidenti memoriam subierint. Hoc tenebis primum, non semper opus esse responſione cùm salutamur: & interdum salutantem non resalutari, verum responderi aliquid aliud, quod ille libens ac volēs audiat. Est quando salutationi quæſtiunculæ quædam adiiciuntur, de valetudine præfertim: nonnunquam resalutantes etiam interrogatiunculam annexunt. Hæc omnia exemplis declarabuntur: tu auritum te facito.

Salve. Respon. Salve.

Salve Ioannes. R. Et tu Paule.

Salve. R. Et tu.

Mysis salve. R. O salve Pamphile.

Salueto.

Salueto: quid agis?

*Mater mea frater mi, salve. Ref. Salve fili,
salve mi frater.*

Antoni salve. Respon. Salve Paule.

Salve oculissime homo.

Iubeo Chremetem: subaudi, saluere.

O Iacobe salve. R. Saluus sis Cornelii.

*O salve bone vir. Rclsp. Hem, Simo. O noster
Chreme.*

Mi patrue salue. R. Salue,

*Curculio exoptate salue. R. Salue. Saluum te
aduenire gaudeo.*

O no ster Chremes. R. Salue Geta.

Salue Andrea. R. O nutrix, ô mea nutrix.

Salue mi germane. R. O soror mea, quid agitur?

Salue exoptate gnate mi.

Saluum te aduenisse gaudeo.

*Venire te saluum volupe est. Resp. Credo quid
agitur?*

*Here salue saluum te aduenisse gaudeo. R. Oh,
bone custos, salue.*

*Plurima salute Parmenone in suū impertit Gna
to: quid agitur?*

O mi exoptate Clinia, salue. R. Ut vales?

*Georgius plurimum iubet saluere Stephanum.
Iubeo te saluere.*

*O pater, pater mi salue. R. Salue multum gnate
mi.*

Charmidem sacerorum suum Lysiteles salutat. R.

Dij dent tibi Lysiteles que velis.

O Thraso. R. Saluete.

*Amphrituo uxorem salutat letus suam. Va
luistin' usque? expectat usne aduenio?*

Saluus atque fortunatus Euclio semper sies. R.

Dij te bene àment Megadore.

*O amice, salue, atque aequalis mihi: ut vales
Ambrosi? R. Et tu.*

Salve Gregori. Valen', valuistin'? R. Valeo, &
valui rectius.

Mi homo, & mea mulier, ego vos saluto. Resp.
Et nos te.

In Andria Crito cùm salutasset ancillam, & ab ea fuisse resalutatus, subiicit secunda interrogatione. Quid vos? quo pacto hic? satisne rectè? M. Nósne? sic, Ut quimus aiunt, quando ut volumus, non licet. Querebant etiam sic. Satisne salua? Exempla sunt apud Liuum.

C. Habeo salutationum rationes; nunc quibus verbis valedicendum sit quero, quocunque diei aut noctis tempore. A. An potest ulli quidquam optari melius integra valetudine? qua nihil maioris aestimandum vita humana complectitur. Itaque has ferè formas inuenio.

Bene vale. R. Et tu.

Vale. R. Et tu bene vale, Martine.

Vale. R. Et tu frater.

*In hoc quatriduum Antoni vale. Resp. Mi
Georgi, & tu: nunquid vis aliud?*

C. In extremis epistolis quoniam modo valedicimus.

A. Vale.

Da operam ut valeas, hoc mihi gratius facere nihil potes.

Tu me diliges & valebis.

Cura si me amas ut valeas.

Vale, & matrē meōsque tibi cōmendatos habe.

Me velim, ut facis, diligas, valetudinique tuae & tranquillitati animi seruias.

Valebis

Valebis, meque ut a pucro fecisti, amabis.

Ama nos & vale.

Cura ut valeas, & me ut amas, ama.

Bene vale & me dilige.

Fat valeas, meq; ames.

Fac valeas, meque mutuo diligas.

C. Vbi tam multa, tam varia legisti? A. In epistolis
M. Tulli: ac miror te interrogare. C. Quid si ad a-
micos & consanguineos scribemus, quibus tum vo-
cibus vtendum censes? Nullus hac in re præstâtor
magister eodem Cicerone, ex cuius epistolis qua-
dam exempla tibi recitabo, quorum similia licebit
excogites, cum ysus venerit.

Ad vxorem & liberos.

Valete mea desideria, valete.

Vale mea Terentia.

Mea Terentia fidissima atque optima vxor, &
mea charissima Tulliola, & spes reliqua no-
stra Cicero, valete.

Vos, mea suauissima & optatissima Terentia,
& Tulliola, si nos amatis, curate ut valeatis.

Etiam atque etiam vale.

Tu velim tuam & Tulliolæ valetudinem cures.

Valetudinem tuam cura diligenter.

Fat ut tuam & Tulliolæ valetudinem cures.

Maxime autem date operam ut valeatis, si
nos vultis valere.

Cura ut valeas, & ita tibi persuadeas, mihi te
charius

charius nihil esse, neque unquam fuisse.

Ad Q. Fratrem.

*Reliquum est ut te orem, ut valetudini tuae, si
me & tuos omnes valere vis, diligentissime
seruias.*

Cura mi frater ut valeas.

Fac mi frater ut valeas.

Vale mi optime & optatissime frater.

Mi frater vale.

Te oro etiam atque etiam mi frater, ut valeas.

*Cura mi suauissime & charissime frater, ut
valeas.*

Vale mi suauissime & optime frater.

Ad T. Pomponium Atticum.

*Cura ut valeas & nos ames, & tibi persuadcas
te à me fraternè amari.*

Cura ut valeas.

Etiam atque etiam vale.

Ad Tironem.

Etiam atque etiam vale.

Cura ut valeas etiam atque etiam Tiro noster.

*Quantum me diligis, tantum fac ut valeas,
vel quantum te à me scis diligi.*

Ama nos & vale.

Curate etiam atque etiam diligenter.

Cura mi Tiro ut valeas.

C. Expone hoc loco, si placet, qua ratione in extre-
mo

literarum, aliorum nomine salutare nos oporteat.

A. Saluebis à Cicerone, salue à Petro, salutat te Cicerō meus. Cicero bellissimus tibi salutem plurimam dicit. Tullia tibi plurimam salutem adscribit. Terentia te saluere iubet. Cicero te salutat. Terentia tibi salutem. Terentia impertit tibi multam salutem. Domus te nostra tota salutat. C. Quonam modo, quibus verbis quosdam salutabimus per eum, ad quem damus literas?

A. Tullio & Ciceroni salutem dico. Multam salutem Pilie. Dionysio plurimam salutem. Atticæ plurimam salutē velim dicas. Dionysium iube saluere. Dionysium velim saluere iubeas. Iubebis meo nomine saluere Paulum. Ex me salutato Praeceptorem tuum. Saluta meis verbis Ioannem. Salutem Marcello. Salutem dic Petro meo nomine, quem ego in oculis fero. Molinio meo multam salutem. Salutem quibus videbitur. Salutatum mihi istic quos videbitur, Contarellum præcipue, & Gerardum. Communibus amicis à me multam salutem.

C. Cumulate omnem desiderij mei exspectationem expleuisti. A. Volui id quidem efficere certè, & gaudeo, si, quod volui, asssecutus sum. C. Arctiore vinculo tibi me astrinxisti. Utinam hoc meritum in me tuum referenda gratia aliquando consequi possim.

ANNOTATIONES.

Quas hic legis salutandi resalutandi formulas, non collegi nunc primū omnes, collegit tamen aliquas, sed annum abhinc plus duodecimum, cùm Rochum Perusinum de epistola componenda augerem, & scholis illustrarem, à me comportatas, hunc in locum hoc tempore transferendas, existimauit. Non poterit autem quissipiam conqueri de

de paucitate, nec elegantiam reprehendere, sunt enim Terentij, Plauti, Ciceronis, & eloquentissimorum hominum.

PROGYMNASMA OCTAGESIMUM.

Cupiditas proficiendi.

PELAGIVS, SISINIVS.

PE L A G I V S. Malè est sodali tuo Sisinni. S. Malè? qui istuc mi Pelagi? Deum oro ut bene sit potius. Verùm enuntia cur secus est quām volumus? Quid tibi malæ rei euenit? P. Quoniam quod natura & voluntate facio libentissimè, id facere quantum velim haud permitto. S. Age, proloquere, quid illud? P. Dilcere. S. Quis mortalium præclaros conatus tuos, & incitatos ad laudem impetus retardat? P. Familia negotiosa, inquieta, turbulentia. S. Non habet pater tuus aliquod vltimis conclave in ædibus, quod tibi attribuat? P. Hyeme vix habet: domus enim nostra nō est tam multis conclauibus & hypocaustis: tum ligna stant magno. S. Experimur nos idem incommodeum. P. Ergo in eodem hypocausto diuersantur servi, ancillæ, infantes, quorum inconditis clamoribus perturbatur animus, & ab eruditis cogitationibus aliò auellitur atq; abstrahitur. S. Tuarum fortunarum me miseret. Non te pater aliquò mittere deliberauit extra solum patrium? P. Anno futuro, quod Deus prosperè euenire iubeat, Dilinguam mittet, ibi in spe sum, me quiete optata potiturum. S. Habsne in manu cetera quæ desideras? P. Nullo modo. S. Cur? P. Quod multo mane vetero surgere: timent enim

enim parentes valetudini meæ. S. Quàm manè cu-
peres? P. Hora quarta æstate, quinta hyeme. S. Ätas
imbecilla non ferret. Et cur tam mature? P. Quòd
duas trésue horas ante scholam possem repetere,
ediscere, scribere, legere: matutinum quippe tem-
pus percommode est hisce rebus; nec mihi non
audita est vigilantia Demosthenis, qui dolere se
ziebat, si quando opificum antelucana victus esset
industria. S. Sufficit horam impendere. P. Tibi qui-
dem, adolescenti ingenioso, & fideli memoria; at
non ei qui hebetior & obliuiosus fit. S. Quin me
anteis vtroque. P. Ingenium ac memoriam creare
mihi non possum, diligentia velim cedere nemini.
S. Tantoperè adamasti studia? P. Vt nihil ardentiùs
in vita. In hisce omnem operam, curam, industriā,
cogitationem, mentem omnem fixi & locauī: sa-
pientia quippe cœlestes immortalésque diuitiæ. S.
Quoties non obiisti ludum toto anno? P. Nec vñā
hebdomadē Sisinni; hebdomadā autem? nec v-
num diem: quid diem? nec vnicam horam abfuisse
me tam certum scio, quàm me tecum modò con-
gredi. S. Rarum decus. Quoties cæsus? P. Cæsus?
numquam. S. Obiurgatus? P. Nunquam. S. Com-
mendatus? P. Quod apud amicum effari liceat, sæ-
piissimè. Hoc ego stimulo non ad stultam arrogan-
tiā, sed ad maiorem industriam excitor: nec con-
siderare soleo, quàm longè à carceribus procelle-
rim, sed quàm procul adhuc à metis absim. S. Lau-
do: hoc virtutis opus. P. Si pedem alterum in sepul-
cho haberem, adhuc discerem, vt ille de se prædi-
cabat. S. Frustra te rogem, quo pacto tempus trans-
mittas, cùm tam inflamatam doctrinæ cupidita-
tem in te videam. P. Vt fatear verum, ludis & otio
parum

parum apud me loci est. S. Illustrabis familiā tuam.
 P. Faxit Deus, quem ego præsidem & auspicem
 mearum literarum in dies singulos piè sancteque
 veneror, & cœleste ipsius auxilium certis preca-
 tionibus flagitare non desisto. S. Accessi ad ignem
 tuum, Pelagi, iam caleo plus satis.

ANNOTATIONES.

QVORVM INCONDITIS CLAMORI-
 BVS) Seneca epist. 62. etiam negotiorum tractatione
 sua studia cogitationesq; affirmat minimè impediri, quod
 paucissimis arbitramur esse concessum. Verba eius subscri-
 bam. Vaco, mi Lucili, vaco: & vbiunque sum, meus sum.
 Rebus enim non me trado, sed commodo: nec conselor per-
 dendi temporis caussas, & quocunque constituti loco, ibi cogi-
 tationes meas trasto, & aliquid in animo salutare verso.
 Cūm me amicis dedi, non tamen mihi abduco: nec cum illis
 moror, cum quibus me tempus aliquod congregauit, aut
 caussa ex officio nata, sed cum optimo quoque sum: ad illos
 in quocunque loco, in quocunque seculo fuerint, animum
 meum mitto. Audiamus etiam Quintilianum lib. 10. cap. 3.
 Silentium & secessus, & vnde liber animus, vt sunt ma-
 xime optanda, ita non semper possunt contingere, ideoq;
 non statim, si quid obstrepet, abiiciendi codices erunt, &
 deplorandus dies, verū in commodis repugnandum, & hic
 faciendum vsus, vt omnia, que impediunt, vincat intentio.

Quam si tota mente in opus ipsum direxeris, nihil
 eorum, que oculis vel auribus incur-
 sant, ad animum perue-
 nient, &c.

* * *

T PRO-

P R O G Y M N A S M A
O C T O G E S I M V M P R I M V M.

Munditia librorum.

A M A N T I V S , M A N S V E T V S .

MANTIVS. Si incūbere in libros, est
cubito supra eos deposito niti, haud me-
mini videre, qui magis incumbat te vno,
qui Emmanuelem & alios Codices tuos
propè jam incumbendo contriuisti. M. Assiduitas
hoc intertrimentum attulit, non cubitus. A. Quid?
ista assiduitas in meo cur non sic appetet? Præterea,
quām sunt commaculati intus & foris tui? quām
habent oras paginarum infimas & summas intror-
sus inflexas? quas auriculas asinorum solemus vo-
care. Itāne est ut loquor? M. Tu aliquod artificium
calles ut videtur, mihi adhuc ignotum: quod vbi
didicero, habebo libros mundiores, minusque tri-
tos. A. Nullum teneo artificium, omitte iocationes:
munditiam librorum perinde ut corporis totius a-
mo & complector. M. Quid tam te miseret libro-
rum meorum? quid tam mirum in modum sollici-
tus es? breui nouos emam. A. Si sanus es mētis, qua-
re mauis prodigere pecuniam, quām deponere ru-
sticitatem & negligētiā? M. Echo, tu ut mihi rusti-
citatem in probri loco obiectes? A. Non enim est
urbana elegantia: hoc quamuis iniquo iudice pro-
bauerim. M. Quid tibi mecum est negotij? cura tuos.
A. Id ego ago; veruntamen odi malē sordes istas in
aliis quoque: Phui, quām habes item digitos atra-
mento fōdatos, & os similiter denigratum; ut non
iniuria

iniuria suspicetur aliquis, te atramentum bibere solitum. Cur non caues? cur non aqua pargas? M. Indicia & vestigia sunt hæc diligentiae magnæ & laboris. A. Pigritiae magnæ & torporis: oportebat alioqui diligentes fieri immundos atque sordidos. M. Desine mihi exhibere molestiam, si sapis, A. Tracta libros humaniūs, aut dicam tibi diem. Scis Magistrum in huiusmodi peccata æquè, ut in discedendi socordiam acrem se præbere vindicem. M. Crimine vacare debet qui in alterum paratus est dicere. A. Quid istuc? M. Non deerit vnde tibi par reponam. A. Minæ istæ nihil sunt nisi minæ. Vale sordide. M. Vale nitiduscule.

ANNOTATIONES.

Non placent, qui nimis diu nimis mundos ac nitentes habent libros suos: id enim argumentum est, parum sœpe ac multum ab eis lectori libros. Quod si fieret, contererentur etiam, ne dum, ut munditiam suam perderent. Nec tamen si egregie intus forisq; & spurcissimè contaminati sunt, statim est colligendum, id ex frequenti usu & euolutione accidisse, & quod est puerorum vitium, id etiam grauibus viris tribuere: nihil posse sine sordibus diu conseruare. Laudandi præterea non sunt quidam, qui quamvis iis non vitantur, aut mense toto vix semel, noctes tamen & dies apertos in scannis, in mensis, in pluteis iacere, & pulueribus inquinari sinunt. Vnusquisque artifex suppellectilis sue curam diligenter gerit, suaq; instrumenta, si possit, recentia semper habere velit: & studiosus literarum tam elegantia & pretiosa instrumenta, vnde non ferreum aliquod lapideum, ligneumue opus, sed eruditio comparatur nihil pendet?

P R O G Y M N A S M A

O C T O G E S I M V M S E C V N D V M .

Academia.

P A N C R A T I V S , T O R Q U A T V S .

PANCRATIVS. Quod precatus sum à Deo, & à parentibus sāpe multumque contendi, ut à triuiali gymnasio remotū me in aliquam Academiam, & in hanc potissimum tanquam ad mercaturam eruditōnum virtutumque clarissimarum amandarent, eius me compotem aliquando factum in sinu gaudeo. Con-fido inanem me neutiquam redditurum, dedecorantem Præceptores meos, & mœstitudine luctuque completem parentes, qui suæ dignitatis spem in me collocauerunt, statuintque ipsorum me vrgenti iam senectuti multa solatia daturū esse. T. Quin præstiturus sis, quæ indolem tuam egregiam cōdecent, & quæ parentes ambo expectant, non mihi datur vlla dubitatio. Argumentum verò gaudendi idoneum & iustum. Etenim etiamsi quia Cicerone eloquentior, Aristotele doctior euaserit, idq; vel domesticis vſus Præceptoribus, vel in istis scholis (quibus quoniam in triuīis, hoc est, passim aperiuntur, triuialibus vulgo nomen est) nunquam gloria circumfluet, nisi eum in alicuius Academiac luce versatum constiterit. Opinantur enim homines, ibi pñē solum (procliviis quidem certè) ad solidæ perfectæque sapientiæ diuitias perueniri, vbi Doctores & multi, & optimarum artium studiis poliſſimi

tissimi ex Regum & Principum ærario stipendiis liberalissimis aluntur, & exercitationes disputacionum, repetitionum, scriptionum, sermonis item Latinī & Græci, diuersarum tractatio disciplinarum, simulatio inter adolescentes eandem scientiam excolentes (quod ad progressum vehementer conduit) maximè vident. P. Sic arbitror: cùm hoc ipsum animaduerterent Principes, & præterea secum attentè reputarent, quantum interesset Reipubl. vel potius viuērsi orbis terrarum, quām plurimos viuere abundanti doctrina homines, in suis provinciis atque regnis Academias, tanquam publicas & communes diuinæ humanæque sapientiæ officinas idcirco instituere voluisse. T. Idē ego sentio prorsus, & sentiam. Quis autem est, in quo aliquod probitatis lumen eluceat, qui tantoper à maiorū curriculo deflexum esse dolenter non ferat? & nunc in istis sacrariis atque templis religionum, virtutum, scientiarūmque tam multos cerni otiosos, tā multos inertes, poculis, impuræ libidini, cæterisq; criminibus, & voluptati immersos? P. Sæpe interfui querelis grauium virorum istam rerum conuersiōnem deplorantium. Quare initio affirmabam, effterri me latitia, quòd huc essem missus: hæc siquidem Academia præclaram sibi famam longè latéq; cōfecit, & à morum pietatisque disciplina celebratur; ad quam proinde, qui filii suis bene cupiunt, eosq; Christianis institutis formari desiderāt, eosdē trāmittere solent. T. Si isti commendādi sunt, vti sunt; malè merentur de liberis, qui eos mittunt, vbi Catholicæ veritati nefarium atque impium bellū indicitur, vbi, vt literas percipient, pietate quidē nulla excoluntur, & quam attulerunt Catholicam reli-

gionem, ægrè tuentur, facillimèque prauissimarum ac lethalium opinionum commètis ad exitum præcipitantur. P. Ipsi viderint quid Deo rationem reposcenti respondeant: præsertim quando Orthodoxæ in Gallia Academiæ non defunt. Porrò me frequenter cupido incessit, eiusmodi librum voluntandi, in quo de Academiis ageretur: si in talem incideris, mone me, quo eum vel emam, vel ad tēpus à te mutuum sumam, & ita diuturnam hanc sitim meam restinguere queam; hoc te vehementer etiā atque etiam rogo. T. Inuenisti quod quæris. P. Euax, inueni? T. Sequere me in bibliothecium meū, ibi monstrabo, & commodabo etiam quod optas. P. O fortunatum hunc diem. Haben' tu illum lib. ū? T. Libros dic: uam duo sunt. P. Cuius auctoris, & quales? T. Iacobi Midendorpij Iureconsulti, nō indocti hominis, multæq; lectionis. P. Quid alter differt ab altero? T. Primus continet celebriores Academias orbis terrarum, institutiones, incrementa, interitus, progressus, & plurima demum, quæ in Academiis fieri obseruarique cōsueuerunt. Alter historiam Academiarum orbis Christiani, & ingenii liberalitèrque educatis adolescētibus dignam sanè eruditionem complectitur. P. Beati. Eamus ad te. T. Eamus. P. Maiore opera ad eosdem legendos me dedam: si stat sententia.

ANNOTATIONES.

Optare debent adolescentes in Academias mitti, sed ad discendum, non ad ludendum, noctuq; obambulandum, ad disciplinam, non ad licentiā eō mitti. Non est laudabile in multis & illustribus Academiis suisse, sed vel in

vna

yna bene profecisse, hoc prædicatione dignum est. At nunc
inueniuntur, qui nulla re meliores, sed tantummodo lenio-
res ibidem sunt. Spero deplorationem nostram in dialogo,
& querelam de Academiarum corruptelis cordatis viris
non improbatum iri. Et quoniam mihi pulchrum est visum,
studiosos cognoscere res Academicas, indicaui auctorem
qui distincte, copiose & eruditè hoc argumentum pertra-
etauit.

PROGYMNASIA OCTOGESIMUM TERTIVM.

Honores Academicci.

MARTYRIVS, SMARAGDV.

MARTYRIVS. Quod aspectauerim te aliquoties circumferentem libellū sen-
tentiarum Ciceronis, forma permodica
(typographi in decimo sexto vocant) &
typis Plantinianis, quorum est in hoc genere præ-
cipua commendatio; eam opinionem imbibi, eius
lectionem pergratam, perque iucundam tibi solere
contingere. S. Et perutilem, Martyri, quod creber-
rimè experiundo probavi. M. Recita dum vnum a-
liquod axioma, seu pronunciatum. S. En Tuscul.¹³
Honos alit artes, omnesq; inciduntur ad studia gloria, ia-
centq; ea semper, que apud quosq; improbantur. M. Vera
effatum quis neget virum sapientissimū, & Roma-
næ eloquentiæ principem? Atque hanc eandem sen-
tētiā millies cantatā audiui in creationibus Bac-
calaureorum, Magistrorum, Doctorū, quas Promo-
tiones nominare nos iam antiquus & vulgaris est:
S. Ibi potissimū locus fuit, & est, meo iudicio, ista

T 4 similiaque

298 PROGYM. LATINIT.
similiaque proferendi. M. Cur tadem? S. Quod eos
honores imprimis sibi proponunt plerique, qui ad
sapientiae studia ingrediuntur: quorum adeptione
velut gradus parant, vitamque sibi muniunt, qua ad
amplissimas dignitates, tum in Ecclesiastica, tum in
ciuili Repub. prouehantur. M. Res isto modo se ha-
bet. Nec mirum tamen, artes ingenuas sine spe sin-
gularium præmiorum non coli à multis, cum vix v-
num alterum inuenire detur, qui virtutem, qua
constat nihil esse honestius, nihil amabilius, prop-
ter seipsam amplectatur. Et surdis canit Poëta ne-
scio quis: Ipsa quidem virtus sibimet pulcherrima
merces. S. Est verò honestissima merces honor, & in
eo omnes nationes concordissimè conspirant atq;
consentient: quo circa qui illam affectant, citius in
laude ponendi sunt, quam qui esuriunt pecuniam.
Diuinè, ut omnia, M. Tullius in Off. Nihil est tam
angusti animi, tamque parui, quam amare diuitias:
nihil honestius magnificientiusque, quam pecuniā
contemnere, si non habeas: si habes, ad beneficen-
tiam liberalitatēque conferre. M. Ex eodem no-
bilissimo scriptore mihi occurrit illud: Insignia vir-
tutis multi sine virtute assequuntur. Quod pro cer-
to in istis quoque scholasticis ornamentis valere
debet: ut existimemus nimirum non omnes Magi-
stros esse Magistros; siquidem non omnes qui ha-
bent citharam sunt citharœdi. S. Hi faciunt, ut inau-
gurationes istæ vilescant, & per summam inscitiam
ac temeritatem suam non mediocria in ciuitates
detrimenta important. M. Probas mihi ista quæ dicis.
Quot sunt autem ordines siue gradus istarum
dignitatū? Præter Baccalaureos, Licentiatos (quos
Promagistros, seu Mellodidascalos mallēt quidam
nominate)

nominare) Magistros & Doctores, mihi quidem nulli videntur. S. Quo pacto nulli? Esne tu Studiosus? M. Studiosus, vt si quisquam alius. S. Estne istuc honoris vocabulum? an mirus? M. Si negem, tu me iure optimo de mentis potestate exiisse dicas. S. Est ergo alius gradus, & quidem primus omnium, sine quo (in Academiis præcipue Germanicis) nulli fas est illos, quos suprà recensebas, ascendere. M. Davenam, non cogitaram. Supereft igitur ut Baccalaureatum mediter, quandoquidem beanismo exutus & absolutus, in numerum Studiosorum iampridem cooptatus sum. S. Meditare, licet: sed caue ne tu quoque vñus de illis reperiare, qui hoc insigne virtutis sine virtute assequuntur. M. Cauebirur. Nūc velim, quod sine magno labore tuo fiat, rationem istorum vocabulorum explices, si poteris, & rem breuiter ac perspicue definias. S. Annitar sanè, ut postulatis tuis faciam satis. Beani nomen vnde proculsum, & quare huc translatum sit, nescire me confiteor, nec me huius inscientiae pudet. Vsurpattur autem de iis, qui quasi profani adhuc, & Musarum sacris initiati nondum sunt, de tyronibus nouitiisq; scholasticis. M. Probè intelligo. Nūc de Baccalaureis age. S. Pedibus eo in sententiam docti cuiusdā viri, qui hanc vocem à militia deductam credit. Gallorum enim veteri lingua batallum prælium, & battalarios tyrones milites, quique castra sequi, & militiæ exerceri cœpissent, ac semel manum cum hoste conseruissent, nominatos: hinc postea in Academia Parisiensi perantiqua vbi hæ promotiones videntur natæ, Battalarios appellari solitos, qui in studiis ingenuarum artium quasi tyrocinium posuissent, & publicè disputando specimen eruditio-

nis suæ præbuissent, atque ita tanquam cum hoste iam conflixissent. Quod ergo de bacca & lauro alij philosophantur, friuolum est ac nugatorium. Laurus, id est, corona è lauri foliis contexta, debetur poëtis tantum (de doctis loquor: nam quis ignorat etiam Imperatorum & militum triumphantium esse lauream?) præterea nullis; idq; ob certas causas, quarum hic non est necessaria commemoratio. Ceterum consuetudo & ignorantia, vt alias innumeras, sic istam vocem deprauavit, ac pro Battalariis, Baccalarios, deinde Baccalaureos in sermonē Latinū induxit. M. Haud displicet opinio tua. Quis igitur erit Baccalaureus (retineamus vocē vñitacā, ne res nouas moliri videamur) quis, inquam, erit inter literatos? S. Qui confecto liberalium scientiarū tyrocinio, publicum progressus sui testimonium, hōcque ipsum nomen in confessu & frequentia Academica est consecutus. M. De Licentiatis sequitur vt differas. S. A licentia defluxum est nomen, quod illis liceat summam dignitatem petere & cōsequi, cū voluerint. Aptius Magistri, sen Doctores designati appellarentur, quæ potest eorum haberι definitio, vt agamus pingui Minerua, & paucis. M. Magistri nomen, aueo nosse vnde extiterit. Quidam volunt à magis & ter, quod nempe Magister emineat super alios eruditos ter. S. Apage cum notatione ista tam ridicula. Magistri Iurecol. sunt quibus præcipua rerum cura incumbit. Hinc dicti magistratus. Festus Magistros appellatos docet, quod cæteris magis possunt: vel quod magis quam cæteri diligentiam, & sollicitudinem rebus quibus præsunt debent. Nec solū in scientiis liberalibus dicuntur aliqui Magistri, id est, præceptores & doctores,

ctores, sed etiam in aliis rebus permultis; nempe Magistri pagorum, societatum, vicorum, collegiorum, conuiuorum, equitum, qui pagis, societatis, vicos, collegiis, conuiuis, equitibus præsunt, & præfecturæ illæ, magisteria. Vnde magisteria municipalia apud Sueton. in Augusto. Et in Catone, cum de conuiuis loquitur Cicer. Me vero magisteria à maiorib. instituta delectant. Et Magistrare Facto est moderari, regere, temperare. Itaque illud, ter, nihil video aliud habendum, quam adiectio- nem syllabicam, ut loquuntur Grammatici: sicut fit in meditullium, quod significat medium; in qua voce, tullium, nihil est: & pari ratione in aliis quibusdam vocibus. Finiemus autem Magistrum: cui decursis Philosophiæ & artium septem spatiis, ritè ac solemini cæremonia hoc nomen est imperitum. De Doctoribus, siue illi Iuris, siue Theologiæ, siue Medicinæ sint, facile ex his quid sentien- dum sit, colligetur. Sed intra carceres reuocanda est aliquando oratio. Si quid vel nunc desideras, vel alias super his rebus desiderabis à doctioribus & Dialecticis petes. M. Impleuisti expectationem meam, erisque in posterum mihi & propter facilitatem tuam charior, & propter doctrinam venera- bilior.

ANNOTATIONES.

DE honoribus istis scholasticis, siue ut more iam recep- tum est loqui, de promotionibus, multa cap. 7. lib. 1. Academiarum Midendrop. Rationem insignium istorum accipiendo rum, & honorem denique cum victoribus apud Olympum coronatis cōparat Iunius lib. 5. c. 21. AXIOMA
S&V PRONVTIATVM) Quam Aristot. ἀπόφασιν
proposi-

propositionem, enuntiationem, Ciceron. Tusc. more Stoicorum, & ḡm̄a vocat, & interpretatur ibidem pronuntiatum, in 4. Academ. effatum. An tu Dialecticis ne imbutus quidem es? In primis enim hoc traditur, Omne pronuntiatum (si enim mihi in presentia occurrit, ut appellarem & ḡm̄a, utar post alio, si inuenero melius) id ergo est pronuntiatum, quod aut verum aut falsum esse dicitur. Aristoteli in posterioribus analyticis axioma est aliud: nempe communis quedam sententia, qua non tantum vera est, sed etiam vera omnibus videtur. Eadem sunt axiomata, qua & noua civicia. Inepte autem faciunt, qui hanc vocem & ḡm̄a hoc significatu dignitates interpretantur. Lege Muret. cap. 2. lib. 6. SIBI MET PVLCHERRIMA MERCES) Seneca de Clement. lib. 1. cap. 1. Recte factorum verus fructus est esse, nec ullum virtutum pretium dignum illis extra ipsas est. DE MENTIS POTESTATE EX IISSE) M. Tull. insanos, furiosos, iracundos exiisse dicit e potestate: hoc loquendi genus ex eo natum suspicor, quod qui furiosi erant, agnitorum & gentilium potestati permittebantur, & domini rerum suarum esse vetabantur. Ita exierunt e potestate sua. Rationem enim loquendi, qua postea manauit latius, hanc originem, hunc fontem habuisse auguror. Nam & filii qui parentum potestati subiecti erant, tamen quibus in rebus sua sponte & arbitrio erant, sua potestatis dicebantur esse. Cic. autem eleganter dicit: furiosos exiisse e potestate dici, quia non sunt in potestate mentis, cui regnum totius animi a natura tributum est.

Turneb. lib. 2. ca. 11. IN SCIENTIA

PUDET) Piget damni, pudet
turpium, tñdet eorum,
quorum facetas
nos cœpit.

* *

PRO-

P R O G Y M N A S M A
O C T O G E S I M V M Q V A R T V M.

Depositio,

N A R C I S S U S, G V L I E L M V S.

NARCISVS. O Kalendæ Kalendæ Aprilis,
nulla vñquam dies delebit memoriā ve-
stri ex animo meo. Quàm libens huic diei
oculos effoderem, tantum gemitus, tan-
tum acerbitatis mihi obtulit. Certum est, notabi-
tur à me atro calculo. G. Cuia vox mihi ad aures
aduolat? quem prope me exclamantem audio? Tu-
ne eras Narcissus. N. Quid hic vult? G. Salueto, quid
agis? N. Ambulo domum. G. Consistamus hic ali-
quantisper. Quam ob caussam huic diei tam es ira-
tus, eiusque in sempiternum memorem te futurum
afferis? N. Quia perpessus sum hac luce horribilia.
G. Ain' tādem? passus es horribilia? quid fuit? ama-
bo: quanquam præcipere mihi suspicione rem ip-
sam videor. N. Num te clam est quisnam libellus
in propylæo Academiæ fuerit propositus? G. Edi-
ctum graue Bedelli significas, quo pro auctoritate
Beanis imperabat ille, vti se ad duodecimā pome-
ridianam, quo loco mos est, sisterent, audituri pa-
surique quæcunque ius æquumq; postulasset. N. I-
stanc ipsam promulgationem aio mihi dolores &
iniurias multas peperisse. G. Enūtiabo liberè quod
sentio: nihil præter ceteros tibi singulare acerbūm-
que contigisse arbitror. N. Prô Deum immortale, &
hoc modo accipiuntur omnes, satius est, me iudice,
mulionem

milionem aut bubulcum, quām Studiosum creari.
Quin cum meis commilitonibus humaniū ageba-
tur. G. Haud credo. N. At ego credo, vt qui oculis
asperxerim & senserim. Me sicut præstantem feram
delegerant, quām aliis propè dimissis persequeren-
tur canibus suis venatores. Erant autem canes illi,
vt in Captiuis ait parasitus, molossici, odioficiique
& multum incommodistici. G. Ofœlicitatem. N.
vt primū ingredior, quidam me Archibeatum
salutare, alij nalo suspenso ludere, nonnulli medium
digitum ostendere, omnes denique me circumio-
lare & vellicare, vt aues noctuam. Ibi tum cor meū
in pectus emicare præ terrore, & animus impleri
curis anxiis. Cogebat humi extensus immotusque
supinus iacere, instar mortui. G. Quid te factum
ibi? N. Instrumentis fabrilibus, serra, securi, dola-
bra, bipenni pulchrè, & ad amussim (nempe ad fu-
nem bene crassum) ceu trabs aliqua ædificio con-
stituendo accommodatus sum. Liberalissimè pulsata
crura, brachia, latera: quid multis moror? totum
corpus. Quamobrem si me graciliorem intueris,
quām heri & nudius tertius, nihil mirum: multum
materiæ in sarmentis de me reselectis perdidii. G. In
eadem officina ab hinc triennium miserrima vidi,
& eoru pars magna fui. N. Raserunt boni tonsores
barbam meam, cum imberbis adhuc sim penitus,
lauerunt caput frigida, quam ego ipse è culina, in
cuprea & sordida trulla efferre cōpellebar. E qua
proteruissimus unus, cùm mihi ad latus iret, semper
faciem meam sua manu aspergebat, & genu impa-
cto me protrudebat. Posthac pectebat tam subtili
pectine, vt rastrum putarem. Recordabar Polyphe-
mi, quem huiuscemodi pectine vsum scribit Oui-
dius.

dius. De linteo quo sum extersus , quid ego memorem? quandoquidē ex lixiuio & pectine coniici potest eiusleuor , & mollitudo. G. Quid vis fieri? patiendum fuit:nam qui ibi se resistendo defendit, nihilo plus agit , quām si aquam tundat in mortario. N. Etiam cubitales pueri me subsannabant, carpebantque manibus mentum meum sine intermissione : quæ vocantur participia. G. An te iratum simulabas ? an rogabas vt miserescerent tui? N. Egōne vt simularem? non simulabam , verū medullitus irascabar, & ex animo obsecrabam , ne putarent me pro cibo haberet sic verberari ; mitiū agerent hominem esse me, non belluam. At illi nequissimi, quo id magis faciebam, eo me insistebant probris vexare cupidius;dicta in me falsa, & scurilla ingerebant, recentioribusque participiis implebant. Quid credis? videbar agnus in gregem loporum dœmenisse. G. Quām vellem affuisse huic comœdiæ. N. Non erat comœdia, erat eluceus, & taurus Phalaridis. Ah, vt dolēt omnia, vsque adeò raptatus , protrusus & contusus sum. Quin etiam (infandū)pro tantis iniuriis & ignominiis, tanquam bene meritis, nescio quantum argenti soluere necesse habui, gratias agere, & sacramentum conceptis verbis dicere, non me vltorem aliquando fore. Quod nisi dixissem, tenere me vix possem, quin aliquibus in me exagitando diligentioribus mutuam pro beneficiis gratiam referrem. Nunquam aliquid animo meo neque est, neque fuit ægrius. G. Quidquid perpetratum est , non malevolentia & odio, sed leuitate & risus commouendi causa perpetratū est. Ignosce; & puta alios æqualia vel paucos hactenus, vel paucuros in posterum. N. Rem perdifficilem suades.

suades. Audi insuper fallaciam admirabilem. Apponebant atramentarium torno factum, cum calamis & charta; iubebant pingere literas. Ego vasculum aperire cum vellem, non poteram: epistomium quippe non erat inditum, quod amoueretur, sed erat totum opus solidum, &, ut dicebam, tornatile. Hic profiliens quidam, digitosque meos bacillo contundens; pro Superi, inquit, beanus iste ne cum atramentarium aperire didicit. Omnes cachinnum tollere. Ut libenter homini caput commitigassem fuste aliquo, aut saltem os pugno percurrissim: valde profectò mihi manus pruriebant. G. Modestissimè tractatus hic fuisti: ha ha ha. Non meream mihi vel talentum, ut in te hodie non incidet. Restatne aliud quidpiam huius notæ? N. Restat, & superiore vel intolerabilius. G. Expone sis, do tibi operam. N. Furcifer quidam me imprudente iniecit in saccum meum, quem vesti interius assutum, & ad femora dependentem gesto, epistolion velut à matre missum, quod coram omnibus extractum recitauit. Deus bone, quam effuso & immodesto cum risu tam suo quam aliorum quotquot aderant? G. Quid eo continebatur? N. Mater lamentabatur absentiam meam, & muliebriter, id est, ineptissimè blandiebatur, commemorans quantis me cum doloribus peperisset, quam studiosè mammam dedisset, quam crebro osculata esset pulcherrimum infantem, quanta me denique cura eduxisset, & quam ardenter me ab ineunte pueritia velut corculum suum dilexisset, qui ipsi fuissim ocellus aureus, hædillus, agnellus, passerculus, & dulci melle dulcior. Tum adiiciebat, se somnum capere non posse, & vim lachrymarum profundere in dies

dies singulos propter cruciamenta, quibus me inaudisset oportere afflictari in depositione ista. Hæc omnia irrisores illi excogitauerant & scripserant. Toto tempore nihil fuit ipsis iucundius. Ut risu pæne corruebant? ut mihi epistolam obtrudebant? ut pugnos impingebant? ut magis magisq; participiis me cumulabant? Quid quæris? propemodum totus effectus sum vnum quoddam participium. Certè, plus satis illusum est mihi. Mori me malim, quām ut hæc patiar denuo. Laruæ, insaniæ, & intemperiæ miseros in me stimulabat. Si scissim hæc futura abiisse vbi sunt Academiæ, in quibus nihil istorum fieri perhibent. G. Do sanè, multis in Academiis non fiunt hæc: tamen cuī introducta sint, & iam inueterauerint, potest afferri ratio verisimilis. Non inficias ierim porrò, quædā omitti, alia modestius committi posse. N. Si aliorum initiationi interfuerō, malo meo doctus sum, quo me pacto erga eos vicissim geram. Vale. G. Et tu bene vale Narcisse: atque audin' N. Quid est? G. Quæ exprompsisti apud me, sile apud alios. N. Memorem mones.

ANNOTATIONES.

AD ingenium cuiusq; naturam, voluntatem explorandam, ad fastum reprimendum, ingenerandamq; modestiam hic mos deponendi excogitatus primū videatur, quod etiam eius ceremonia quædam ritusq; communes omnium Academiarum (in quibus scilicet tenetur) satis indicant, si eos intelligas. Initium forsitan cœperit ab Atheniensis Gymnasijs cōsuetudine, vbi nouitij captiosis interrogationibus vexari, irrideri, miroq; tumultu ac strepitu in balneū per forū deduci solebant. Qua de re multa D. Greg.

NAZIANZENUS in laudatione D. Basiliij Magni, quem cum Bizantio veniret Athenas, propter opinionem probitatis & doctrinæ, quam haberet iam tum apud omnes, hac lege solutum fuisse affirmat. Lege cap. 10. lib. 1. Academiarum Middendorpi. In re igitur ludicra mibi ludendum fuit, & ex precepto Isocrat. μηδὲ τερπτὰ γελοῖα παρθάρει, μηδὲ τερπτὰ γελοῖος χαρέψ. Nec in ridiculis seriis, neque in seriis ridiculè agendum. ERAT ECVLEVS) Eculeus seu equuleus stipes erat, cui velut equo imponebantur, ac varie torquebantur, cruciabantur, & distendebantur: id è Prudentio apparet, cùm enim in D. Romani martyrio scripsisset,

-iussit

Euiscerandum corpus eculeo eminus
Pendere, & vncis vinculisque crescere.

subiicit: Iubet amoueri, noxialemg̃, stipitem. Turneb. lib. 4.
cap. 3. ubi & vngule, catasta, lamina, quid fecerint declarat. Aliud tamen genus tormenti fuisse equuleum tradit Brod. lib. 2. cap. 9. NON MERET MIHI VEL TALENTVM) Nec talentum quidem, ne dum minus aliquod pretium, seu mercedem mibi velim persolui, vt hodie in te non inciderim. Quod tibi occurri hodie, & abs te ista narratione tam recreatus sum, maius est mibi omni p̃to QVAM CREBRO OSCVLATA) De osculan-
di generibus vide Donat. in Eunuch. & Torrent. in Aug.
Suet. cap. 94. Iam vt illa, amatio, infinitio, tactio, debitio,
abitio, & similia, sic basiatio, osculatio, suauitatio leguntur.
OCELLVS AVREVS) Ocellos & oculos vocare con-
sueuerunt antores optimi eas res, quæ tantum eiusdem ge-
nus in rebus, quantum in corpore humano ceteris partibus
oculi antecellunt. Sic Catull. villulam suam peninsularum
oculum: sic Cic. ad Attic. Cur ocellos Italæ villulas meas
non video? & in 3. de Natur. Deor. Corinthum & Carthaginem oculos ora maritima vocat Victor. lib. 9. cap. 9.

P R O-

P R O G Y M N A S M A,
O C T O G E S I M V M Q V A R T V M.

Actio Latinitatis.

L A T I N T A S accusatrix, M. T. C I C E R O,
disceptrator, sine qua noster, M Y X O B A R-
B A R V S reus.

A T I N I T A S. Et si res noua, atque ante
hoc tempus ne fando quidem audit a vi-
detur, filiam ad parentis tribunal citato
reo actionem intendere; quia tamen in
causa Romani sermonis tot sacerdorum memoria
apud vniuersas gentes summam decernendi po-
tentiam tibi concedere, tuum iudicium exquirere &
amplecti tanquam cœlestia responsa omnes con-
sueuerunt, visum est faciendum, charissime pater, ut
ego in hac calamitosa afflictione fortuna mea te
quoque iudicem mihi diligenter, cuius integritate,
prudentia, æquitate istius contumeliis atque iniu-
riis, quibus me onerare in dies singulos non destit,
finem impositum, veritatēmque ab eodem nimium
diu debilitatam & exagitatam, vindicatum iri ma-
gna me spes tenet. M. Contra aduersariam gratio-
fissimam, & facundissimam litem mihi peroran-
scio. Atque ut hoc scio, sic illud minimè nescio,
in hac summa esse quæ in me ne mediocria qui-
dem inueniuntur. Veruntamen te M. Tulli soli-
tudini atque inopie meæ auxilium laturum, vt vi-
rum iustum condecet, qualis tu semper habitus es,
& haberi voluisti, tuamque virtutem & grauitatem
solatio mihi futuram confido. T. Quanquam nihil
V 2 dedit

dedit natura dulcior, quam suos cuique liberos, ini-
hique mei tum propter indulgentiam meam, tum
propter excellens ipsorum ingenium sunt vita mea
cariores, nihilominus fidei & iustitiae, quas saepe in
aliis iudicibus laudaui, nihil anteponam. Habeo in
confilio legem, fidem, religionem, aequitatem: libi-
dinem, inuidiam, metum, cupiditates omnes amo-
uebo: maximi aestimabo conscientiam metis meae,
quam a Diis immortalibus accepi, quae a me diuel-
li non potest. Quod si tua fuerit secundum veritatem
& aequa defensio, item secundum te dabo, te absoluam, haec caussa cadet, hanc condemnabo; sin mi-
nus, tu cades, neque sine tuo magno malo. An ali-
quid desideras praeterea? M. Qui possim? T. Quid
controversia inter vos extitit? L. Myxobarbarus,
pater, congressionibus hominum quo iure quaque
iniuria me prohibet, & a collocutionibus excludit
ac repellit, tantumque domi in Museo, libris circum-
fusam, ut aliquam sellulariam mulierem mansitare
vult, & tum demum disertam atque elegantem, &
accuratam esse, cum ipse mihi calamum in manu
ad epistolam, orationem, seu quidpiam aliud con-
scripedum dedit. T. Ut nihil obscuritatis relinqua-
tur, volo dilucidius & vberius rem explanari. L. Li-
cet. Hoc dico. Semidoctus iste negat & pernegat,
in conuentu, seu in mutuis sermonibus cogitate,
pure ac bene Latinè loquendum esse, idque cum gre-
galibus suis vituperabile dicit: barbarè & inquina-
tè loquendi licentiam & ipse sibi audacissime ven-
dicauit, & aliis etiam proiectissime largitus est. En-
quantos sibi spiritus, quantam arrogatiā sumpsit?
Quod si hodie tersius, limatus, curaque adhibita
apud te differuerit, calliditati eius assignato: nouit
enim

enim fraudulentus iste religiosissimas, & maximè teretes ac delicatas aures tuas orationibus sordidis fluctuantibus, asperis ac salebrosis vehementer inimicas, & infensas. Si quid componat aliquis, nō vetat quin ego consiliaria, magistra & emendatrix accersar, totamque scriptionem pro arbitrio moderer, & vt Lydius lapis explorem. T. Tertium facinus de te prædicat puella. Ehodus bone vir, quid ais? expedi te hoc crimine. M. Negare nolo me istuc facere, quod autumauit. Ast ego huic instituto caput, dux & auctor non sum, in aliorum vestigiis pedem pono. T. Qui sunt illi? M. Docti viri. T. Neces-
sarium fore existimo, vt momenta rationū tuarum antē in medium proferātur, quām vltterius progre-
diatur Latinitas. Id si tuipse per te agere vis, age:
sin autē, ipsa proferet, tēq; refutare insistet. M. Ne-
mo me magis quām egomet intelligo, & sibi quis-
que est fidelissimus. Non abutar autē patientia tua,
M. Tulli: dicam breuiter. T. Censeo. M. Vnum hoc
te rogo, vt me benignè amicēq; audias, & efficias,
vt neque amor, quo filiam tuam, vtpotē sanguinem
& genus tuū prosequeris, mihi nocuisse, neq; eius-
dem eloquentia (cuius & Grachi Corneliam ma-
trem, sic ipsa te patrem suum auctorem atque ma-
gistrum habet) me dicentem impediuisse videatur:
quorum hoc vereor sanè, illud pertimesco. T. De-
pone timorem, & loquere quām liberrimè. Boni
iudicis est semper verum in cauissis sequi; id me, non
aliud facturum hodie certus esto. M. Animaduerti
ab eruditis quibusdam castigari eos, qui, cū liben-
ter Latinum sermonem congregidentes usurpent,
eundem nitidum, politum, floridum ac venustum
adhibere pro deliciis habent: quoniam ferè con-

tingit, ut qui accurationem, & diligentiam ad sermonem colloquiumque conferendam putant, minus literatè scribant, siquidem necesse est, dum illarum rerum, quæ ad splendide loquendum valent, iucunditate rapiuntur, in altero imperfectiores maneant. Quis enim res duas pari sedulitate, similique studio tractauerit? Proinde & illi affirmant, & ego assentior, neminem adhuc se eruditè scribentè cognouisse, cui promptum fuerit perbene Latinè, ornatèque loqui. Haud inficiamus laudi dandum elegantiū loqui, & quasi quasdam orationis ostentare diuitias: aut dum nos huic rei totos impendimus, præclarissimas artes, quas cōlectari oportebat negligimus. Quod si ex bene loquendo oriretur bene scribendi facultas, permittenda sermonis diligentia atque sollicitudo videretur: hoc autem non fit: de aliis enim rebus loquimur, de aliis scribimus. Loquimur de familiaribus, domesticis, nouis, quotidie nascentibus: scribimus de locis communibus, de Deo, de homine, de virtute, de vitio, de Repub. de pace, de bello, aliisque huiuscmodi, ubi de nūgīs antea quantumuis commode, appareatq; locutum esse quas tādem opportunitates habebit? Addere possum exempla Manutiorum, Signiorum, Budæorum, qui, cùm omnis Latinitatis essent sciētissimi, raro tamen, & per paucis, & coacti Latina lingua locuti perhibentur: malebat enim iste Gallicè, illi Italicè cogitationes suas efferre. Qui de scriptoris laude non cogitant, illis omni ope conatur que enitendum censemus, vt quām politissimè res omnes eloquantur. Hæc vr breuissimè & apertissimè potui ad institutum meum ab istius calumnia tuendum, ita differui. T. Vnam aurem hūic dedi filia,

lia, alteram tibi seruau. Hic rationem facti sui redidit pro viribus : tuum est dicta refellere & coar-
guere; meum iustum pronuntiare sententiam. L. Nisi te ipsum ignoras pater , nisi à temetipso longissime
discessisti, non potes huius vlo modo probare ineptias. M. Obuium est maledicere ; nisi temperas,
reponam tibi par. L. Obmutesces : infans enim es,
nisi cùm scribis. M. Fuerimne infans in hac defen-
sione mea, parens tuus iudicabit , & vt sim indifer-
tus, ita faciet disertissimum. T. Tollatur iurgia, cer-
tetur argumētis: dic cauſam tuam filia. L. Rudem,
omnisque animaduetionis expertem orationem in
congressibus adhibendam statuit Myxobarbarus:
ego verò exquisitam atque diligentem. Ille idcirco
hanc tuetur sententiam , quod ita melius & poli-
tiūs scribitur. Ridete quidquid est cachinnorum:
rideret si viueret , & absurditatem opinionis huius
audiret etiam ille, quem semel tantum in vita risisse
scripsit Lucilius. An illud huic erit impedimento?
immò adiumento prēcipuo. Quemadmodum enim
ad prælium capessendum paratores sumus, & arma
tractamus longè scientiūs , si in vmbrai libus pug-
nisi nos priūs exercuerimus: sic prorsus à consuetu-
dine & exercitatione præclaræ locutionis ad scrip-
turæ concinnitatem , & lautitiam instructiores ac-
cedimus. Fuerant item & sunt etiamnum , qui cùm
in vtroque excellant, possintq; cùm optimè loqui,
tum bellissimè scribere; ex illo ad hoc , & vicissimi
ex hoc ad illud se profecisse testificantur. Iam verò
quid virus & alter de numero literatorum aliquan-
do egerit, id quasi ab aliquo Deo factum sit, tantū
habere admirationis , tantum valere ad exemplum
minimè debet: potius quid ab yniuersis Latiñæ lin-

guæ candidatis fieri possit ac deceat considerandū est. Quòd si meditatus nec indiligens sermo nihil ad festiuè scribendum prodest , quæro sitne profuturus inquinatus, omni cura vacuus , insulsus & incomptus; & an ideo quispiam inscriptione nitescat quia sit in quotidiana locutione barbarus ac lutulentus? multò opinor minus. Attende paulisper, mi pater , inconsideratissimam vocē cuiusdam de istorum colluuie: *Nulla prælectio mihi rati est*, inquit, *vt cogitationis illi aliquid velim trbuere*, id namqz me à scopo meo auerteret. Ea solū profero , quæ primū occurunt, que exercitatio longa mihi comparauit. Nónne hoc est disciplinarum professores iubere illotis manibus suggestum concendere ? Pergit: *Et si loquendum esset cum viris summis, etiam in cœtu maximo, ne verbum quidem vnum premeditarer, tam libes inepit, quam apte sententiam exprimerem.* Satis insipienter hæc: sed extrema parum animo valentem , ac delirum videntur arguere. *Quòd si res maiorem curam postularet, talem rem, talem cœtum, veluti pestem fugerem, ac stylis amorem continerem in pectore.* Quis se huic erudiendum tradat, nisi qui æquè desipiat? num hic è squilla rosam, & non potius è malo coruo malum ouum exspectabimus ? Ceterū illud nequaquam negabo, prompta & expedita bene loquendi facultate haud multos præstare : neque vlla aut ingenij bonitate, aut memoriæ excellentiæ , aut studiorum cōtentione, aut vſu fieri posse, vt tam docta, venusta, limataque sit extemporalis oratio, quam quieta, negotiis carens, multaque cum commentatione scripture. Pleniora, maturiora, vberiora, elaboratoria sunt, quæ chartis mandamus , quam quæ profamur. Cogitatio enim quodammodo alit , format , excusat, auget

auget stylum: quem quidem tu , amantissime pater,
 Latinitatis supremus architectus non semel com-
 mendasti. Quamobrem si cui vtraque facultas con-
 tigit, tametsi non æqualiter, gaudeat in sinu: Et ille
 sibi nihilominus plaudat , qui cùm loqui perbene
 ac scitè non possit, scribendi commoditate præstat,
 communèque multorum malum singulari pauco-
 rum bono compensat. Quod asserebas, accidere, vt
 qui accuratè loquerentur, parum eruditè scriberēt,
 causam ego cur ita sentias nullam video; vt neque
 eorum quæ deinceps in tua oratione sequuntur. Nō
 enim necesse est, vt si in hoc sis industrius, in altero
 segnis euadas. Et quisnam, quæso, cùm libenter &
 cum voluptate loquatur purè ac venustè, scriben-
 do velit amplecti barbariem , scabritiem atque
 fordes? aut quis ingenium naçtus cùm sit ad il-
 lud, in hoc ingenio deficietur? Neque sunt istæ
 duæ res diuersæ, Latinè loqui ac scribere, sed vna;
 nisi quòd in scriptiōnem plus operæ curæque con-
 sumitur, quæ etiam est sermone perfectior: quam
 si bene loqui impedit, quod tu inconsultè fabula-
 ris, ergo aut male loqui adiuuabit, quo nihil stu-
 tius; aut certè loqui ad scribendum non condu-
 cet, quod etiam est ridiculum. Præterea artes lau-
 dandæ non negliguntur : quin hoc ipso , dum per
 fectè loquendi scribendique affectatur gloria, quæ
 sine multis rebus & artibus non comparantur, præ-
 clarè discuntur; iidemque doctissimi qui Latinissi-
 mi semper adhuc inuenti sunt. Quod addebas, non
 iisdem de rebus nos loqui & scribere : vt ita sit,
 quanquam ita non est omnino ; saltem nullum
 scriptiōni impedimentum sermo obiiciet : Dein-
 de interrogabo istos; tu imprimis, mi pater, Virgi-

lius, Terentius, Plautus, an iisdem de rebus loquāmini, de quibus nos scribimus. Minimē inquiunt. Et tamen à vobis disertissimē atque politissimē nos loqui ac scribere discimus. Manutium & alios non idcirco tacuisse arbitror, ne fierent in scriben-
do inopes, aridi, exsangues, sed quia suis in ciuitati-
bus vsum Latinē loquendi nullum videbant, & cùm
meram ac puram putam Latinitatem expromere
vellent, timebant né apud semilatinos in arrogan-
tię suspicionē caderent: aut fortè vsu Latinē loquē-
di carebant, nec magis inductione animi, quām ne-
cessitate faciebant, quod fecisse prædicātur. Quòd
si ad scriptionem quidquam prodest obmutescere
& elinguem fieri; tu pater, Quintilianus, aliique di-
cendi doctores hoc in præceptis non omisissent:
nullum autem verbum aliquando inueni. Hæc sunt
quæ aduersus hoc impurum & illotum sodalitum
dicenda habui. Nunc noli, pater, comprehendinare;
da huic tristem, mihi salutarem literam. T. Inuitus
facio ut quemquam daminem: at veritas me cogit
pro Latinitate iudicium dare. Erras Myxobarbare.
Quòd si in hoc tam perniciose errore perseverare,
cum rationibus defendere, sectam tuam inter stu-
diosos literarum propagare perrexeris, & me gra-
uem aduersarium atque inimicum perpetuum es
habiturus, & aut vinculis & carceri mandaberis
quoad viues, aut ad Scythes exultatum proficisci-
re. L. Dignum factis exitium: iam satis est mihi,
fiat quæso. M. Res mihi egere deliberatione vide-
tur post triduum renuntiabo quid decreverim. T.
Concedamus illi triduum. L. Concedamus. Quid
me aspectas stolidē? quid nunc vis tibi?

ANNO.

ANNOTATIONES.

NE FANDO QVIDEM AUDITA) Passiuè posatum gerundium. Plaut. Amphit. Quæ neque fieri possunt, neque fando vñquam accepit quisquam. Cic. pro Quint. Non denique vlla vñquam intercessit postulatio, mirro æqua: verùm ante hoc tempus ne fando quidem audita. Et. 1. de Nat. Deor. Ne fando quidem auditum est, Crocodilum, aut Ibum, aut Felem violatam ab Ægyptio. Virgil. 2. Æneid. Fando aliquid si forte tuas peruenit ad aures. Talia sunt apud eundem, cantando, videndo, eclog. 8. Frigidus in pratis cantando rumpitur anguis, & Georg. 3. Carpit enim vires paulatim vritq; videndo Fœmina. F

ILIAM AD PARENTIS TRIBVNAL) Enumerantur fœmine 3. quæ cauffas egerunt à Valerio lib. 8. cap. 3. In iis Hortensia, Q. Hortensij filia, de qua etiam Quintil. lib. 1. cap. 1. eius orationem apud Triumuiros habita legi non tantum in sexus honorem. S

IN E T V O MAGNO MALO) Veteres cum minarentur, aut significarent, quod quis diceret, aut faceret impune non habiturum, malo id eius futurum aiebant, & ferè hac formula: malo tuo. Vide Iani Guilelmi Quest. in Asin. Plauti. V

TR GRACCHI, CORNELIAM MATREM) Cornelia Scipionis Africani maioris filia matrimonium tenuit Tib. Sempronij Gracchi, cui genuit liberos duodecim, eosq; tanti fecit, ut illorum causa Ptolemai Regis nuptias repudiaret. Cicero in Brut. fuit Gracchus diligentia Corneliae matris à puerō doctus. In eod. lib. infra: Legimus epist. Corneliae matris Gracchorum. Apparet filios non tam in gremio educatos, quam in sermone matris. Quintil. lib. 1. cap. 1. Gracchorum eloquentia multum cōculisse accepimus Corneliam matrem, cuius doctissimus sermo in posteros quoque est epistolis traditus. Et Lelij filia reddidisse in loquendo paternam

paternam eloquentiam dicitur. Eurydice Illyria ut filios docere posset, prouecta iam etate disciplinis animum studiumq; applicuit. Plutarch.de lib.educand. in extremo. Aristippi quoque Socratici filia, Aristippum filium optimis artibus, ac disciplinis, & Philosophia instituit, ut eum se & a no dignum efficeret. Themist.orat.1. V N A M AVREM HVIC DEDI) Traditum est memoriae, Alexandrum magnum cum forte accusatorem audiret, manu admota alteram aurem occlusisse. Interrogatum cur id ficeret, respondisse: Quoniam hanc seruare me defensori oportet. Vtragi pars igitur in controversis & litibus audienda, quantumcunque manifestum & eidens appareat, quod altera dicit. Seneca.

Qui statuit aliquid parte inaudita altera,
Æquum licet statuerit, haud æquus fuit.

C O M P E R E N D I N A R E) Quid sit comperendinatio,
& quid ab ampliatione distet, Turneb.lib.1.cap.3.

P R O G Y M N A S M A O C T O G E S I M U M S E X T U M .

Littera Pythagoræ, seu biuum Herculis.

SOPHIA, PALATINA, ADOLES-
CENS fluctuans.

SOPHIA. Iam dudum te, quisquis es, & vnde vnde veneris, chare iuuenis (certe autem ex hominum vulgo, & alicuius bauli, aut operarij filius non es) in hoc secessu, sub ista queru ad biuum sedentem intuita, vultum mœstitia suffusum, & aliquam animi ægritudinem, ancipitise cogitationis distractione, aut tedium ac satietatem cuiuspiam negotij declarantem obseruau. Vidi quemadmodum modò vngues roderes,

zoderes, modò caput scaberem, modo brachia dissi-
 pares, modò librum abiicerem: quocirca tui conue-
 niendi, consolandi, & instituendi volutas me subiit.
 Ibo aduorsum, inquā, & electabo quidquid est mo-
 leftiæ. Quod est hoc intestinum malū quod te cru-
 ciat? ne clausum tene in pectore. P. Et ego, lectissi-
 me ornatissimèque adolescens, viam ad te flexi, ut
 allocutione mea prodessem tibi: quare idem te in-
 terrogo. At imprimis nosse te interest quę simus. A.
 Deas quispiam vos ambas suspicari posset; adeò &
 augustus est vtriusq; habitus, & plus quam humana
 species ac pulchritudo: vt omnibus vnæ omnes mū-
 dicias, & elegantias surripuisse videamini: vox verò
 ipsa diuinū quiddā ac cœleste sonat. O quænā tan-
 dē? vnde? quo gressus dirigitis? S. Tibi generis mei
 claritatem vno verbo pâdam. Pater mihi est Deus,
 matre careo, quam nunquam habui: Sapiētiam La-
 tini, Græci σοφίας vocitant. A. Papæ, coniectu-
 ram ex re ipsa capio. Tu illa es, quam patrimam, &
 è capite celicolū regis ortam poëtæ canunt. S.
 Nequaquam: nihil mihi cum cōmentitiis antiquo-
 rum numinibus. Mineruam nescio, Iouem non a-
 dorō. Ab vno illo solóque rerum effectore ac prin-
 cipe Deo me procreatam, & cum genere humano,
 quod ipse admodum vehementerque diligit com-
 municatam omni affueratione tibi affirmo. Ille est
 omnis sapientiæ fons & origo. P. Mihi Palatina no-
 men est: sum præses ac domina eorū, qui vitam co-
 lunt aulicā, potentissimisq; Imperatoribus ac Mo-
 narchis, opulētissimis regibus, nobilissimis dynastis
 ad nutū inferuiunt. Ecquid te capit species mea? A.
 Quo magis aspicio, hoc magis vtraq; placetis: sed
 egomet mihi summoperè displico, meiq; me valde
 pœnitet.

pœnitet. S. Quamobrem? A. Quia confusus atque incertus mētis statuere nō possum, quid posthac in cipiendū sit; procederéne debeam in colendis literarū studiis, an ad aliquod plebeium artificium appellere animū. P. Quid istuc verbi ex ore tuo profluxit? iam eximia facie, tam præstanti corpore adolescentem cogitare opificū? Non discedam hinc, nisi te mecum abduxero, fecerōque vnum ē dome sticis potentissimi alicuius Regis, eumque vel à cubiculis, vel à poculis, vel ab epistolis. S. Vel à stabulis, vel à tergendif calceis, vel à canibus. P. Oh, quid tu? S. Nonne hi quoque sunt aulici? Sed tu mihi istum bolum hodie ē faucibus, vt spero, non eripies. Frangam sententiam tuam, frangam impetus. O adolescens optime, tūne fastidio teneris literarum? A. Maximo. P. Nec primum hunc esse scito, nec postremum fore, qui spredo ac deserto ignauissimo clientum tuorum otio in gremium se meum recipiat. S. Non me latet, in aulis excellentia euauisse, & quasi in nihilum occidisse ingenia, quæ à me rebus amplissimis atque honorificentissimis ornari potuissent, quibusque ciuitatum salus, & incolumentas niti debuisset. Quid verò creauit tibi istuc tam delicatum fastidium? A. Quòd neque ullam necessitatē, neque tam admiranda commoda, neque tam incredibiles suavitates inesse in his occupationibus atque laboribus animaduerto: quin contra molestias innumerabiles, & incómoda nec pauca, nec mediocria. P. Facetè, lepidè, lautè, nihil suprà. Si quid verum est, hoc est. S. Deprehendo etiam atque etiam, te non ita longè prouectum à primo littore, nec delatum adhuc fœlicibus Euris in ipsum eruditionis vastissimum altissimumque pelagus:

pelagus: nunquam tu has coram me voces emisisti. Sic autem iudico, magis bonam voluntatem ac diligentiam, quam bonum ingenium hactenus tibi defuisse. A. In tua penetralia nondum me penetrasse confiteor; quod si tamen aures patefacere mihi parumper volueris, non planè fatuum cognosces, nec sine iusta causa rem in deliberationem adducere, & curas animum meum haud immerito diuersè trahere, pergamne hoc vitæ genus agitare, an vel artem aliquam sedentariam addiscam, vel in militiam proficisci, vel etiam aulicas elegantias amplectar, quod me isthac aduersaria tua pellicere videtur. P. Pelliciam profectò, tèque aduersus istam differentem enixè adiuuabo. S. Aquila non captat muscas, & testudo non sentit culices. Dicite quæ fert animus. A. Cum necessarium id definiatur, sine quo res aliqua finem & propositum suum aut nullo modo, aut non satis commodè assequatur, neutrum necessitatis genus in literas cadit. Finis quippe hominis est fœlicitas, quam si quis in artibus istis quas honestas, ingenuas, liberales appellant, quærerendam putat, verèdum est magnoperè, ne pro thesauro carbones effodiatur. De ipsa autem felicitate opiniones trecentæ inter doctos, & adhuc sub iudice lis est. P. Istuc verò bene. S. Multò facilius & commodius auxilio doctrinæ ad beatitudinem peruenitur. P. Erit ergo quisque hoc sanior, formosior, copiosior, quo doctior: sine istis enim non est consummata fœlicitas; tametsi eam in virtute potissimum Peripatetici tui constitutam esse philosophatur. S. Non ego philosophicam potius quam Christianam beatitatem intelligi volo, quam is facilius consequitur, qui Deum ardentius amat: amabit ardentiùs,

322 PROGYM. LATINIT.

dentiūs, qui clariūs cognoscet; cognitio siquidem amorē parit: nemo autem cognoscere potest Deū, nisi qui res ab eo conditas intelligentia percepit. Inuisibilia enim Dei per ea quæ facta sunt intellecta conspiciuntur: sempiterna quoque eius virtus & diuinitas. Et quamuis non ita sentirem, tua tamen argumentatio nihil efficeret: non enim quoniam aliquid ad aliud consequendum vim & momentum affert, idecirco illud dat, tantōque amplius dat, quanto plus ad acquirendum prodest. Sine vehiculo potest quis pedibus suis in locum remotum peruenire, facilius autem atque celerius vehiculo non ideo totum est situm in vehiculo, commoditas tantum illius est, quæ nulla erit, nisi ascendas, nisi equos adiungis, nisi eos flagello increpas, ut procedant alacriter: verumtamen ut à genere summo descendamus, possum dicere quare necessaria fuerit calcearia, quare necessaria sutura, fabrica, ferraria, architectonica, textoria, & similes: quid opus fit Grammatica, Musica, Geometria, cæterisque non video. P. Nec ego. S. Nec ego viderem fane, si vestros haberem oculos, & vos perspicue videretis si meos haberetis. P. Cœci ergo tibi videbimur? S. Cœci, ut ille qui Platonii dicebat, videre se cyathum, videre mensam, at cyathitatem & menseitatem non videre. P. Nisi tu fortasse dicas, disciplinas istas liberales, ut vocas animo esse necessarias, quem ornent atque perficiant. S. Dico. P. Hinc est quod docti isti hominem literatum nihil nisi forma à bestiis, & tanquam equum indomitum à domito differre clamant. S. Haud falso. P. Omnes ergo qui literas nesciunt bestiæ: vos soli homines. Estote Dijs si vultis, S. Non soli homines,

nes, sed excellentiores homines, seu magis homines. Est enim hominum propria veri inquisitio & mentis agitatio, quæ in rudibus permodica est, in doctis multa & assida. Proinde persapienter Aristippus: satius esse fieri mendicum quam indoctum: quod ille tam et pecunia, hic humanitate. Cui deest pecunia, est ille quidem homo: at homo non est (hoc est, hominis nomine dignus non est) cui deest eruditio. Cur igitur qui pecunia caret, a viatoribus petit; qui eget sapientia, neminem eius adipiscendæ causâ sollicitat? P. Qui est animal rationis & consilij compos, is mihi homo perfectus videtur. Omnes tales sunt. S. Stultus etiam perfecti? Si dixeris; tum iudicio tuo inter stultum & sapientem nihil intererit. Hoccine erit purpuram iuxta purpuram dijudicare? Si negaueris; quem, cur? an quia rationis compos non est? imo est: an quia ratione parum vtitur? ita, dices. Perfectio igitur hominis a perfectiore usurrationis est, qua perfectissime vntuntur, qui sunt literarum doctrinis quam maximè imbuti. An non perfectissimi homines qui sapientissimi? P. Esto. S. Nonne eruditissimi sunt sapientissimi? P. Prius ut confitear me cogis istic puctis interrogationis tuæ, quam ut assentiar. Accipe reliqua velut uno cumulo. Aut priuatis aut publicis rebus sunt necessariae litteræ. Si priuatis; paternas vxorem, liberos, seruos male gubernabit, nisi linguam Græcam & Latinam nouerit; nihil vedi, nihil emi, nihil negotij inter vicinos conferri, sine Rhetorica, Dialectica, Astronomia poterit. Quod ad publica attinet, tæpe illud Platonis audiui: Tum demum beatas fore Respub. cum aut Philosophi eas regere incipient, aut qui regunt, philosopha-

sophabuntur. Quare igitur ipse, vt Athenarum gubernacula susciperet, se adduci non est passus? quare scripsit Philosophos non accessuros ad Rempub. nisi coactos? Populi mores ferre non possunt, quietem nimis amant. Non ergo commodo est Philosophia ciuitatibus, si Philosophi se à studiorum contemplatione ad negotiorum tractationem auocari nolunt. Quamdiu literæ à Romanis repudiatæ fuerunt, virtus & disciplina militaris apud eos in honore fuit: cum primū otium vestrum inertissimum illud clarissimum imperij domicilium, illam arcem omnium gentium occupauit, neque tam boni, neque tam fortes & generosi postea ciues extiterunt. Quæ doctrina fuit Romuli? quæ Numæ Pompilij? quæ Tarquinij Prisci? quæ Seruij Tullij? quæ multorum Imperatorum, in quibus etiam Iustinianus ἀνδραφάβητος, qui tam sapienter, moderatè & clementer imperauerunt? Si necessariæ sunt artes; omnes ne, an aliquæ? De Grammatica vanitatis sit affirmare. Mathematicæ otiosam habent delectationem, & obscuritatibus refertæ sunt. Dialecticorum sermones ipsimet Philosophi aranearum telis similes confitentur; ut potè subtilest quidem, sed inutiles. Rhetorica non minimam partem incommodorum urbibus & prouinciis sæpe importauit, estque instrumentum seditionum & tumultuum. Iureconsulti ex æquo & bono iudicant præcipue, quod facere possemus etiam nos, qui Iureconsultorum nomen atque personam non gerimus. Medici non nisi coniecturis ferè nituntur. Philosophia est plena incertis opinionibus. Theologia non ad Remp. tēperandam, sed ad salutem animarū procurandam est utilis, quam apud monachos & Sacerdotes reperiāt,

rias, ab Imperatoribus frustra desideres. Ostendi non esse literas necessarias, putoque simul ostesum parum esse vtiles: tum enim valde commodas iudicare licuisset, si vita humana iis carere minimè potuisset. Quibus autem angoribus implicitus, quibus molestii cinctus, quibus malis obrutus fueris, tu bone adolescens, dum incumberes in literas, rectius ipsem et explicabis. A. Quo pacto iucundum esse queat, à quo nihil utilitatis speres? Lætari & exultare gaudio fortasse potest, qui iam in doctrinorum est possessione collocatus: at cui, quæso, id ante obitum contigit? Cum sapere incipimus, tum à nobis debitum natura exigit, & colligere vasa, ac de vita recedere volentes iubet, nolentes compellit. Atque ut delectarent, non est tamen sapientis, sequi potius quod delectat, quam quod commodat. Ego porrò non alias literarum delectationes cerno, quam frequentem capitis dolorem, qui existit, cum intendere cogitationem velut arcum continenter urgemur, & in altissimo puto Democriti latentem veritatem perscrutando indagare cogimur; crebram tussim, epiphoras, multas cruditates, insomniam, nauseam, phtisim, variosque morbos. Pro miraculo est deditum studiis paulò vehementius, retinere bonam corporis habitudinem. Noctes & dies requirunt libri, societas & colloquia amicorum excludunt, patrimonia exsorbitent. Hæccine possunt esse voluptati? hæccine expeterenda? P. Ito iam Sophia, prædicta te nectar & ambrosiam præbere alumnis tuis. Quin è vestigio tecum vadis? A. Quoniam? P. In regiam. S. Per Deum immortalis noli adolescens huic auscultare, quæ te suæ temeritatis implet & insanias; noli cantionibus

huius beneficæ delinitus, animum ad malas partes adducere: nondum audisti responsum meum, quo disturbabo huius machinas. P. Ito mecum: honores, potentiam, diuitias voluptates tibi polliceor. A. Accendis me pollicitationibus tuis: sed explicatiūs pollicere. P. Tūne ignoras inter ministros Principum quanta varietas, quantum nominis, auctoritatis, loci, munerisque discriminē? nōnne complures honorum gradus? A. Non ignoro ista. P. Nōnne ab uno ad alium, ab inferiore ad superiorem, ab infimo ad summum ascendi solet. A. Etiā, solet. P. Prō quanta aulicorum gloria? Incedunt per urbem, homines passim nudant caput, affurgunt, genua incuruant: si ad mutuum sermonem veniatur, si salutentur, singularis adhibetur cærimonia, manibus figūtur oscula, delecta verba, pudorisque ac reuerentiae plena usurpantur. Nōnne ipsorum opem ac gratiā mortales plurimi exposcunt? nōnne ipsos sibi propitiios in primis facere laborant? nōnne ipsorum apud se habere imagines, iisque domum illustrare percupiunt? Possunt illi & nocere & prodesse multis; nec pluris propemodum refert, ytrum apud aulicos domino suo charos, an apud dominum ipsum in offensa sis. Licebit præterea tibi ex ærario Principis magnificentissimas ædes construere: quin ultra, nec rogatus nunc mille, nunc duo aut tria aureorum millia donabit; nunc torquem, nunc pateram; nunc inauratum ensem, nunc aliud quippiam magni pretij: Longa famulorum caterua comitatus auro & ostro conspicuus prodibis. Si vehi cupies, paratus currus te dignus; si equitare, è Turcia aut Hispania præsto erit elegantia mira caballus. Fruēris insuper quotidianis, iisque tuauissimis oculorū, aurium,

aurium, odoratus, gustatus, tactio[n]isque voluptatis-
bus. Videbis ludos apparatissimos, spectacula sum-
ptuosissima; hominum vtriusque sexus & forma in-
signium, & vestibus non tantum mundissimis, ve-
rumentiam rarissimis induorum cœtus: quos cho-
reas identidem ducentes aspicere quam erit incun-
dum? Ibi perelegantes picturæ pascent animū, mo-
rabunturque oculos belluata, & auro argentoque
intexta vela, quibus parietes conuestiuntur: supel-
lex denique omnis visetur ibi tam lauta, tam co-
piosa, tam artificiosa, ut quidquam optari melius
non possit. Edificia ipsa è solido marmore, mirabi-
li & exquisito opere fontes, amoenissimi horti, præ-
stantes feræ, lectissimi canes; catuli etiam Melitæ,
fimæ, p[er]ittaci. Infinita memorare possum præter-
ea ibidem oculorum oblectamenta. Quid aures? Il-
læ verò dulcissimis musicorum cantibus assiduo re-
creabuntur, miscebis colloquia optatissima cum il-
lustribus viris, & de magnis viris, qui ad gloriam
virtutis via grallati sunt: nihil acciderit in Germa-
nia, nihil in Italia, nihil in Gallia, nihil in Hispania,
nihil in Perside, nihil in Turcia, nihil in toto terra-
rum orbe, quod tibi non etiam narrabitur. Mensa
cōditissimis optimisq; & diuersissimis dapibus cō-
structa, quantam pariet voluptatem? quod enim
Principi apponetur, tibi quoque appositum iri ne
dubites. Quid vina dulcissima, generofissima, è pe-
regrinis terris allata memorem, quæ poculis gem-
matis & cristallinis ministrantur? quæ porrò in au-
lis vnguenta, qui flores, qui odores desiderantur? o-
mnia perfecta, quibus & corpora & animi reficiuntur,
multoque plura reperies, quam à me breui ser-
mone possit exponi. Quocirca dubitationem quæ

te habet prorsus excute, me hac via ad quam sedes ingredientem hilari passu sequere: nunquam te suscepiti consilij pœnitiebit. Plures dixerunt salutem istis ignauissimis literis, quos ego ex ignotis notos, ex egentibus beatos, ex infimis summos reddidi: tu noli sapere nimium, & laureolā in mustaceis quærere. A. Acres mihi stimulos admouisti: parum omnino abest, quin te sequar. S. Faciam ego tu idem aliter prædices. Adoleſcens, vnum rogare te volo. A. Quid vis? roga. S. Ut auscultes & discas à me, quos tibi fumos indocta huius garrulitas vendiderit. P. Eia fumos. S. Etiam; meros fumos, & si quid est fumo inanius. Honores aulicos iactas? Heu quā illi sæpe non virtuti non meritis tribuuntur. In speciem te multi venerabuntur; vbi præterieris, medium extendent digitum, malè dictabunt tibi, tua vitia in ore habebunt. Quis explicabit sollicitudines, quis oratione consequetur metus, quibus isti aulici noctes & dies suspenduntur, cùm se negligi, alios efferri, aut sibi præferri aspiciunt? cùm honorem quiddam lubricum esse, quod parua offensione interposita amitti, & ignominia etiam multa compensari possit, considerant? Potentiam verò diuturnam obtinere quempiam inuidorum obtre. Etatorūmque insidiæ, & multorum odia non sinunt. Quisque primus esse nititur; & quo quis Principi gratior fuerit, quo apud illū plus poterit, eò à pluribus oppugnabitur, & tandem ruet: grauissimè autem ruunt, qui ex tam alto dignitatis gradu præcipitantur, & inimicis suis fiunt ludibrium, sibi dolorem, amicis dedecus ferunt. Quām autem indignum & risu prosequendum, ut diuitias assequare, libertatem vendere? quo enim pluribus beneficiis te cumu-

cumulauerit Princeps, eo amplius obseruare nutus eius, & ad omnia inseruire te ipsi oportebit: militare, nauigare, iusta, iniusta imperia exsequi; ridere si rideat, flere si fleat, laudare si quem laudet, vituperare si vituperet. Noui ego nonnullos qui cùm majorum virtute esissent diuites satis, in aula fortunarū naufragij fecerunt: multique cùm tot annos exegissent vitam illam, nec ad ullum honorem, nec ad opes peruenire quantascunque potuerunt. Iam si extreum bonum situm esset in voluptate, rectè eam sibi proponerent, qui aulam cogitant, ut dedici corporis gaudiis, per otium, luxum, somnum & ignauiam æxum suum exigerent. Cæterum alibi verba bona & homine digna sunt reposita. Quàm multa nihilominus iucunda & admiranda non videare eos necesse est, qui latera Principum stipare coguntur? Nec tantuin hauriunt in aula voluptatis oculi, quantum doloris: audiuntur autem plura quæ displiceant, quàm quæ placeant. Obscènas voluptates omitto, quibus fruendis quo quis est beatior, tanto est infeliciar, atque in ea ipsa re quot timores, & incommoda insint, nemo facilè dixerit. Gustus & odoratus voluptates seccari pecudum est, quas natura pabuli tantum studiosas fixit: ac saepe muscas potius, quàm istos videbis epulas regales attingere. Quoties, donec plerumque noctis processerit, exspectanda cœna? quoties prandendum cœnandumque simul? malè cocta, frigida, insulsa, & aliquando ante lucem ortam compelléris esitare, nisi velis nimium diu esurre. Cùm in meridie pranderis, post horam iubaberis cœnare; nihil enim propemodum certo aë suo tempore fit in aula: hinc vomitus, calculus,

intestinorum dolores, variaque morborum crucia-
menta. Vinum bibes saepe corruptum, nec quantu-
m sibi sitiens bibere audebis, nisi maiores coeperint,
transibitque poculum per multorum manus priu-
quam ad te veniat, & in fundo fax plurima haere-
bit: carnes edes frigidas, immundas, fœtentes, legu-
mina semicocta, pisces paratos ante quatriduum.
Tædet plura enumerare incommoda, quæ non per-
pendunt, qui ad pauca quædam foris magnifica, &
in speciem consecunda respiciunt. Agricolam, pri-
uatum aliquem ciuem, opificem deniq; aulico fœ-
liciorem arbitror. Nunc, mi iuuenis, meliora capes-
se confilia, & deserta Palatina ad meam te volun-
tatem nutumque conforma, ad meas te rationes
adiuge, ac scito, me ea expectare abs te, quæ à sum-
ma virtute summoque ingenio expectanda sunt. A.
tua oratio, Sophia, ad veritatem visa est propensior.
Quare tametsi aulam non cogito, tamen nisi mihi
studia literarum insigniter collaudaueris, & flam-
mam in pectore meo crescere incipientem confo-
ueris, atque in immensum adauxeris, etiam te non
potero sequi. P. O stultum, littori & vndis con-
cionata sum: præ iracundia nequeo animum ad co-
gitandum instituere. Abi in crucem cum tua mu-
liercula. S. I hinc quò digna es cum tuis tam lepi-
dis conclusiunculis.

ANNOTATIONES.

LITTERÆ PYTHAGORÆ) Cursum vite hu-
mane Samius ille senex literæ T comparauit, cuius
basis pueritia, summum autem basis, ubi videlicet duo cor-
nia oriri incipiunt, limen seu initium adolescentiae, quod
quisque hominum cum attigerit, haereat, ac nesciat in vtrā
se

fese partem det, dextramne an leuam vite agenda viam
 teneat. Illam esse virtutis bonarumq; artium, asperam qui-
 dem, sed exitu incundam & amoenam: hanc luxuria, in-
 ertia & ignavia, gratam & suauem in speciem, sine ipso
 plenam miseria. Qua de re Lactant. lib. 6. cap. 3. & 4. Fer-
 tur etiam carmen inter cetera Virgiliana Appendicis, Lit-
 tera Pythagora discrimine secta bicorni. &c. Sic Prodicus
 Sophista Herculi etiamnum puerō in solitudine ad biuum
 sedenti virtutem & voluptatem apparuisse, & utramq; ad
 se Herculem perducere conatam finxit. Meminerunt Xeno-
 phon lib. 2. & ταῦτα μνημονικά. Quintil. lib. 9. cap. 2. Cic. 1. Offic. Si-
 lius Italicus segmentum hoc ad Scipionem sub lauro seden-
 tem, & de bello cogitantem transitulit. Talis deliberatio est
 Lysiteli adolescentis in Trinum. Plaut. Huc referatur som-
 nium Luciani de statuaria & Pædia. Huc angusta porta &
 lata via, de qua apud Matth. MODO VNGVES RODERES) Sic facere consueverunt, qui aut de mutanda
 re, cuius pœnitere cœptum est, serio multumq; cogitant, aut
 in aliqua attentissima cura defixum habent & immersum
 animum: præcipue autem, qui maiorem ponunt in scriben-
 do attentionem ac diligentiam. Hinc Persius negligentiam
 Poëtarum reprehendens: nec demorsos sapit vngues. Et Ha-
 rat. de Lucilio Sat. 10. lib. 1.

Si foret hoc nostrum fato delatus in ævum,
 Detereret sibi multa, recideret omne quod ultra
 Perfectum traheretur, & in versu faciendo
 Sæpe caput scaberet, viuos & roderet vngues.

Q Y A M P A T R I M A M E C A P I T E) De oītu Mi-
 nerua è capite Iouis exstat festiuus apud Lucianum dialo-
 gus. Quorum vterq; parens in viuis esset, patrimimatrimi
 dicebantur. Quibus pater mortuus, matrī, quibus mater,
 patrī. Catull. epig. 1. Mineruam vocavit patrimam virgi-
 nem (sic enim quidam recte legunt pro patrona virgo) quod
 matre carens, tantum haberet patrem. T E N O N I T A

LONGE PROVECTVM) Vulgo dicitur: Scientiam neminem habere hostem, nisi ignoratam. Qui enim in adytis disciplinarum semel introierunt, iij demum experientur, quam sit verum illud aristoteleum: radices literarum amaras esse, fructus vero dulces. Ac potest sanè quod de Dialectica scripsit Gellius lib. 16. cap. 8. ad quamlibet doctrinam liberalem, atque ad chorum totum Musarum aquæ referri. Huius discipline studium atque cognitio, inquit, in principiis quidem tetra & aspernabilis, insuavisq; esse, & incilius videri solet; sed ubi aliquantum processeris, tum denique & emolumenntum in animo dilucebit tuo, & sequetur quædam discendi voluptas insatiabilis. Cui sanè si modum non feceris, periculum non mediocre erit, ne ut plerique alij, tu quoque in illis Dialectice gyris atque mæandris, tanquam apud Syrenios scopulos consenseris. ARTEM SEDENTARIAM) Sedentarij & sellularij opifices sunt, textores, futores, sartores, & omnes denique, qui sedendo opus faciunt, eaq; artes sellularia, & sedentariae dicuntur, suntq; in contemptu propemodum. QVI PLATONI DICEBAT) Laert. in Diogene rem his verbis exponit. Platone de Ideis differente, & nominante mensalitatem & cyathitatem, equidem, ait Diogenes, o Plato, mensam & cyathum video, mensalitatem vero & cyathitatem non video. Reclam(inquit Plato) quibus enim cyathus mensaq; conspicitur oculos habes: quo autem mensalitas, & cyathitas intelligitur, animum non habes. Hac historia melius se tuebuntur, qui ob rerum obscuritatem voces coguntur inauditas producere, & illo Lucretij:

Multa nouis verbis præsertim cum sit agendum,
Propriecegstatem linguae & rerum nouitatem.

melius, inquam, ita se defendent, quam eo, quod Cicero
Lentulus & Appietas dixerit. ESTOTE DII SI
VVLTISS) Messeniorum legati, aut aliis ciuitatis, legati
certe,

certe, Philippo Regi narrarunt, decreuisse Rempub. propter
 rerum ab eo gestarum gloriam & magnitudinem in deos
 ipsum referre. Tum Rex ita quasinit: Habetne vestra Re-
 pub. potestatem faciendi deos? Illi, habet, inquit, Et Rex:
 Facite ergo primum vos ipsos deos. Non ita filius Alexander,
 qui Dario superato spiritus ingentes, immoderatosq; con-
 cipiens, Græcis scripsit: ut se deorum numero ducerent. Aliis
 igitur aliud statueruntibus, Lacedæmoni⁹ decretum tale fecer-
 runt. Quoniam Alexander deus esse vult, esto deus. Laconice
 & patro more hominis stuporem, & recordiam redar-
 guerunt. Ælian, libr. 2. cap. 19. Idem agrotus se in Euphra-
 tem deiicere cogitauit, vt cum non appareret, ad deos abiisse
 credaretur. Rhodigin. lib. 3. cap. 5. In eodem de iis qui aut
 seipso fecerunt deos, aut relati sunt in deos. EST ENIM
 HOMINVM PROPRIA) Cicer. 1. Offic. In primisq;
 hominis est propria veri inquisitio atque investigatio. Ita-
 que cum sumus necessariis negotiis curisque vacui, tum a-
 uemus aliquid videre, audire, addiscere, cognitionemq; re-
 rum aut occultarum aut admirabilium ad bene boateq;
 viuendum necessariam ducimus. Et infra non longe: Omnes
 enim trahimur & ducimur ad cognitionis & scientia cu-
 piditatem, & qua sequuntur. Quæ sententia est etiam Ari-
 stotelis lib. 1. de Sapientia. QUAE EGIT SAPIEN-
 TIA, NEMINEM) Laert. Percontanti Dionysio qua-
 mobrem Philosophi diuitum limina tererent, duites vero
 philosophorum non item. Quod illi, inquit Aristippus, scunt
 quibus indigeant: at hi nesciunt. Duæ sunt p̄cclara sen-
 tentiae Isocratis, oratione ad Demonicum, quæ quidem re-
 ferta est p̄ceptionibus saluberrimis: eas attulisse, vide-
 tur ex vsu futurum, spectant enim ad rem propositam. Au-
 diuisse multa prestare puta, quam pecunia mulcū cogisse.
 Nā hac facile amittitur, illa perpetuū durat. Solus enim
 sapientia possessio est immortalis. Altera cōtinenter sequēs
 hac

hac est. Ne te piceat longam ire viam, ad eos, qui se aliquid
vile docturos profitentur. Cum enim mercatores rei fami-
iliaris augenda gratia tanta maria transmittant, turpe fue-
rit adolescentes excolendi ingenij caussa, nec terrestre iter
velle suscipere. ANIMAL RATIONIS ET
CONSILII COMPOS) Cic. i. de legib. hominem de-
scribit his verbis. Animal hoc prouidum, sagax, multiplex,
acutum, memor, plenum rationis & consilij, quem vocamus
hominem, praeclara quadam conditione generatum esse a
supremo Deo. Solum est enim ex tot animantium generi-
bus, atq; naturis particeps rationis & cogitationis, cum ce-
tera sint omnia expertia. Idem 4. de finib. Hoc solum ani-
mal natum est pudoris & verecundiae particeps, appetensq;
coniunctionem hominum ac societatem, animaduertensq;
in omnibus rebus, ne quid ab eo fieret, nisi honeste & deco-
re. PVNC TIS INTERROGATIONIS TVAE)
Fuit hic mos Stoicorum, quorum omnis cura in Dialecticis
consumebatur, quiq; disputationum suarum veluti laqueis
alios irretiebant. In Tuscul. Stoicorum more agamus, qui
breuiter astringere solent argumenta. Et prefat. Paradox.
Cato autem perfectus (mea sententia) Stoicus, & ea sentit,
que non plane probantur in vulgus, & in ea est heresi, que
nullum sequitur florem orationis, neque dilatat argumen-
tum, sed minutis interrogatiunculis, & quasi punctis, quod
proposuit efficit. CVM AVT PHILOSOPHI
EAS REGERE) Est apud Platone in V. de Rep. loquens
Socrates in hunc modum: Εξ μη δι φιλοσοφοι βασιλευ-
ωσιν, &c. id est. Nisi vel Philosophi ciuitatibus imperit, vel
iij, qui nunc reges & dynaste appellantur, legitimè, &
quod satis est philosophentur, atque in idem ciuilis facultas
& philosophia concurrant, & contra, quam hoc tempore in
utroq; sit, ingenia multa necessariò, diuersa in studia di-
strahantur, nunquam malorum finis reperiatur. Cic. epi. i.

lib. i. ad Q. F. paucis totius sententia summam est comple-
xus: Atque ille quidem princeps ingenij & doctrinae Plato,
rum denique fore beatas Resp. putauit, si aut doctri & sa-
pientes homines eas regere cōpissent, aut quiregerent, om-
ne suum studium in doctrina ac sapientia collocassent. UT
ATHENARVM GUBERNACVLA) In i. Off. Ita-
que eos (philosophos) ne ad Remp. quidem accessuros putat,
nisi coactos. Äquius autem erat id voluntate fieri. Vide lo-
cum. Præterea epist. 9. ad Lentulum; cur ipsem Remp. at-
tingere noluerit, caussam quandam affert: nempe quod cum
offendisset populum Athenensem prope iam desipientem
senectute, cumq[ue] eum nec persuadendo nec cogendo regi
posse vidisset, cum persuaderi posse diffideret, cogi fas esse
non arbitraretur. Älian. lib. 3. cap. 17. plurimos Philoso-
phos recenset, qui Resp. gubernauerint, easque instituerint,
& emendauerint. QVAM DIV LITERÆ A ROME
MANIS) Anno ab V. C. CCCCX. seu vt alijs numerat
DX. C. Claudio Cæci filio, & M. Tuditano Coss. Liuinus
Andronicus Romæ primus dedit fabulam, anno uno ante na-
tum Enniūm, qui fuit maior natu, quam Plautus & Næ-
uius. Sero igitur Romani poëticam acceperunt. At contrà
Oratorem celeriter complexi sunt, nec eum primò eruditum,
aptum tamen ad dicendum. Vide initium i. Tuscul.
Quin editio prohibiti sunt docere, & vt putabant, ignavia
corrumpere iuuentutem Rhetores. Id habes apud Gell. lib.
15. c. ii. Meminit etiam Sueton. libello de claris Rhetor. duo-
que censoria editio subiicit. At postea, quam imperio em-
rium gentium constituto, diuturnitas pacis otium confir-
mauit, vt est in i. de Orat. existimarent Romani sibi quo-
que ad literarum & sapientie laudem enitendū, qua Græ-
cias non multum cederent, qui ipsos eosque viciissent nō re-
pugnantes. NON MINIMAM PARTEM IN
COMMODORVM) Lege procœnum i. de Inuent. & li-
brorum

brorum de Orat. *COLLIGERE VASA*) Locutio militaris. *Vasa quippe, hoc est, impedimenta colligunt milites & sarcinas, quoties castrametaturi sunt.* Allegoria quadam & cum lepore Cic. *Verrina 4.* Cum Diodorum è Sicilia autem dicesse vellet significare, quam à Verre, cuius rapiendo libidines non solum oculis, sed etiam auribus excitabantur, scyphus & supellectile argentea spoliaretur, conqueri, inquit, Diodorum tota prouincia iubet. Ille ex Sicilia castra iam mouerat, & vasa collegerat. Conuasare, ait Nonius, est furto omnia colligere. Hoc est in sarcinam: constringere & componere, quæ tecum asportare & auferre velis, Terent. Phorm. Aliquid conuasassem, atque hinc me coniicerem protinam in pedes.

PROGYMNASMA OCTOGESIMUM SEPTIMVM.

Pars posterior, seu laudatio Eruditionis.

SOPHIA, ADOLESCENS.

SOPHIA. Gratificabor tibi quod petisti,) quid enim hac petitione tua dici potest equius?) si paucis adhuc, que tam inscitè ab inimica mea, tamq; odiosè, & putidè effusa sunt refutauero. A. Tui audiendi mira me cupidio incessit. S. Credas igitur ipsam partim falsa, partim sibilo digna, partim aliena locut , literasq; nō modo laudari, sed nec vituperari sine literis posse , de quibus illa gustasse videtur aliquid , vt canis è Nilo. Una scientia liberalis alteri necessaria est, vt suo munere perfectè fungatur. Habent quod dā inter se cōmune vinculum: omnes autē humano generi tantum conducunt, quantū nullius, etiā eloquentissimi

vertigiſſimi lingua declarare potest. Imperitus literatus perfugit ille quidē homo, & absolutus homo, quod ad naturae humanæ partes attinet: veruntamen ſocialis, ciuilis, mansuetus, ſimilibusq; laudum honestamentis excultus ac decoratus non eſt. Deinde ſi id necessarium interpretamur, ſine quo eſſe nō possumus omnino id quod volumus, aut debemus (volumus autē omnes boni, humani, tractabiles ac sapientes eſſe) ad virtutem ſanè & doctrinarū ſtudia incumbendū eſt, ſine quarū præſidio adminiculōq; in iſtorū quæ à me nominata iam ſunt bonorū poſſeſſionem nemo pedē eſt aliquando poſturus. Incōmoda quæ recensuit iocos & cauillationes quibus nugata eſt, existima ad homines, non ad ipſas artes pertinere. A. Non habeo dubiū, nihil illam magnoperè auditione dignum diſcerniſſe. Te autem, mater opere maximo rogo, pro tua facultate & copia præſtantia, fructus, ſuavitatemq; ſtudiorum explanes: ab te enim veriſſimā certiſſimāq; dici putabo, & animam relinquam citius, quā tua caſtra deſeram. S. Nauo tibi hanc operam fili, téq; iam desperatio-ne illa exemptū, qua initio cōflictabare, auerſumq; ab illa vitæ ratione, quā loquacula mulier insipientiſſimè ſuadere nitebat, mirum in modum vehe-menterque gaudeo. A. Demonſtrasti perſpicuè miſerias aulicorum hominum, & tanquam in tabella ſpectandas exhibuisti, grauique me huius voluntariæ feruitutis odio incendiſti: quamobrē me quidē certè non inefcabit hamus ille, nec aureis iſtis cōpedibus vñquam aſtrin-gar. S. In terris nihil ſane eſt admirabile atque magnum præter hominem, qui em nonnulli terrefrem, mortalemq; Deum nonu-nare voluerunt. At in ipſo homine nihil eximiūm præter animum;

animum : in quo ipso rursum nihil magnum *titio* *miliū* virtutem & scientiam. Porro unus ille mundus *milites* constitutor scientiarum semina , cupiditatēmque cognoscendi mortalibus ingenerauit : quidquid autem ab illo largifluo , perennique bonorum fonte promanat , hoc iustum honestumque confiterimus pius ac bonus est. Iam si non frustra infestuit, adhibenda est cultura,qua adolescent illa semina, fructusque pariant innumerabiles. Ecquid ita est filii?

A. Est verò haud aliter ac loqueris marer. S. Quid verò æquè decens hominem reperiatur, quam in-dagando & quotidie aliquid cognoscendo addi-scendōque concessum à natura viuendi spatum de-currere? cum enim in eo nihil sit ratione præstabilius atq; diuinius , certè nulla erit rationis functio-ne nobilior, illa autem est intelligere, quo uno mēs alitur. Propria hæc,inquam,rationis est actio, ut na-tatus piscium, volatus avium, cursus equorum, saui-tia belluarum. Vnde animorum vestrorum origo in terris nulla apparet, quoniam cœlestis est. Istoque modo ad diuinam similitudinem peruenitur: siquidem Deus alio modo ab hominibus non intelligi-tur, nisi mens soluta quedam ac libera, segregata ab omni concretione mortali, omnia sentiens , omnia mouens. Hebetes autem, indociles, & intelligentia parum valentes, non magis secundum naturā, quam prodigiosa corpora & monstra videntur nasci. Apud omnes nationes atque populos eruditis ac fa-pientibus viris summus semper tributus est honos, amplissimāque decreta præmia, philosophis, orato-ribus, poëtis, medicis, Mathematicis, Iureconsultis. A. Et quidem non immerentibus. S. Suspice hunc ducem ac moderatorem temporum solem, affidura vertigine

vertigine cœlum obeuntem, suaque clarissima luce
perfundētem & collustrantem omnia. A. Suspicio.
S. Nónne is omnium quicunque oculorum sensu
orbati non sunt lux est, per quam res singulas in-
tuentur? A. Est sanè. S. Sic prorsus omnibus quibus
cœlesti beneficio concessa est ratio, tanquam ocu-
lus, lumen, dux & ornamentum est vir sapientiæ
compos. Atque illi demum dicendi sunt viuere, &
memoriam sui quām maximè longam efficere, qui-
bus vel in senectute aspirare ad sapientiam licuit;
reliquorum vita somno est quām simillima, in quo
vanæ imagines inanésque rerum species deludere
animos consueuerunt: nec est animal in terris pul-
chrius homine literis tincto, atque adeò infecto. E-
ruditorum vitam exemplar quoddam dixerim il-
lius beatissimi status, in quo aurea ætate homines
erant victuri: fuisset quippe tum vita non aliud quā
iucundissima quædam schola, in quā de rebus di-
uinis, de natura rerum, de æternitate animorum, de
motibus Cœlestibus, de quibuscunque vitæ officiis
de pulcherrimis demum quæstionibus quām fre-
quentissimè disputaretur. Duæ item res sunt quibus
nihil habet natura humana constantius, nihil me-
lius, nihil clarus, nihil maius; veritas & iustitia, di-
uinarum enim, formæ reliquarumque rerum glo-
ria fragilis, caduca, & exigua est. Harum porrò in-
quisitio explicatiōque scholis est commendata. Et
quanquam in templis, aulis & foro veritatem atq;
iustitiam regnare oportet, earum tamen notitia ē
scholis petitur. Splendor generis & familiæ bonum
quoddam est à maioribus acceptum. Diuinarum
possessio fortunæ dominationi subiecta est. Honor
res instabilis. Forma haud longi temporis. Sani-
tas

tus quoque facile corruptitur. Etiam robur sene-
ctus & morbus auferunt. Et Elephantis, Tauris ac
Leonibus validiores quam homini vires concessae
sunt. Bonorum itaque omnium sola doctrina cœ-
lestè quiddam & immortale est, nulli periculo, ca-
fibus nullis, nulli temporum varietati obnoxium.
A. Admirabilia haec, quæque in pectus meum sen-
susque intimos quam lauissime influunt. S. Quid
dicam de fructibus? si in animum idoneum tanquam
in pingue, ac sua natura fertile solum disciplina-
rum isti satus inciderint, non poterunt non fœcun-
das ac lætas efferre segetes. An non memorabilis
sapientiae fructus hic tibi videtur, quod Reges &
Principes viris doctis amicitiae suæ fores cupidissi-
mè patefecerunt semper, & singulari eos liberali-
tate benevolentiaque prosecuti sunt, séque illis in-
stituendos tradere voluerunt? Pericles qui annis
quadraginta Atheniensium Rempub. administra-
uit, ab Anaxagora Clazomenio fertur institutus.
Timotheum Cononis filium Isocrates, Epaminon-
dam Lysis Pythagoræus, Alexandrum Magnum A-
ristoteles, Agesilaum Xenophon, Dionem Plato e-
rudierunt. Solonis collocutionibus summoperè te-
nebatur Crœsus, cum Dionysio Plato & Aristippus
familiariter vixerunt, cum Alexandro Callisthenes,
alij demum cum aliis. Inter sapientes autem non
postremas poëtæ occupant, è quibus charum fuisse
constat Ælchylum & Simonidem Hieroni, Euripi-
dem Archelao, Scipionibus & Catoni maiori En-
nium, Lælio sapienti Lucilium, Memmio Lucretiū,
Mœcenati & Augusto Imperatori Virgilium &
Horatium: omitto alios, quos memorandi magna
mihi esset copia. Ac tametsi opes docti non sitiunt,

fit

fit tamen ut eas assequantur. Non vixit pauper ac tenuis Aristoteles, non Demosthenes, non Gorgias, non Isocrates, non Virgilius. A. Ducēta quinquaginta millia coronatorum acquisisse per amicos scribitur hic postremus. S. Et hic idem aliquādo panes in mercedis loco accipiebat ab Augusto. A. Legi historiam. S. Censem' quidquam utilius, quam recte viuere? A. Nihil. S. Atqui Philosophia omnem virtutis, officij, benēque & innocenter viuendi disciplinam continet, omnium bene factorū benēque dictorum mater. Quid quæris? Eloquenta hominum fraus ad perniciem, integritas ad salutem vocatur. Iurisprudentia quid æquum, quid iniquum sit decernit. Poëtæ aut prodeſſe volunt aut delectare: aut simul & iucunda & idonea dicere vitæ. Mathematicarum doctrinarum terra marique multis rebus ac temporibus creber est usus. Eruditio iuuenibus donat sobrietatem, senibus affert solatium, pauperibus conciliat opes, diuitibus eximiū decus. Vno verbo, quidquid cernitur inter mortales humanitatis, moderationis, prudentiæ, virtutis, ac sapientiæ, totum è literarum purissimis sanctissimisque fontibus profluxit. A. Sic me ad assentendum commouet oratio tua, ut haec tenus æquè nulla. S. De voluptate literarum dicendum restat. A. Eam partem percupide exspecto. S. Incredibile memoratu est, quanta ea & quam multiplex sit: quam augent conuentus illi scholastici, ubi in omnium artium varietate versati Doctores consuli, interrogari, audiri que possunt. Natura simili delestat: at in gymnasii multos quisque sui similes, hoc est, iisdē artibus initiatos atq; consecratos inuenit. A semetipso in rebus aduersis solatiū petere vir

doctus potest: obliuiscitur etiam calamitatum suarum, & aberrat à molestiis eruditis cogitationibus intentus semper animus. M. Tullius filia mortua per literas doctissimis suauissimisque allocutionibus dolorem sibi suum leuauit. Fecit hoc idem in exilio Ouidius, fecit Boëthius. Quātæ autem iucunditatis putas, cum tot excellentissimis veteris memoriae hominibus colloqui, & eos quasi hospitio excipere? cum Homero, Platone, Cicerone, Plutarcho, Herodoto, Thucydide, Liuio, Sallustio, Cæsare, Euclide, Virgilio, Terentio? velut in imagine ipsorum sensa, ingenia, sapientiam perspicere, superioribus, & vetustissimis illis saeculis videri interfuisse, totum mundum, omnemque antiquitatem animo circumferre? Si etiam agresti parua leuisque notitia delectationem dat; quantoperè hominem eruditum infinitæ rerum pulcherrimarum maximarumque cognitiones delectabunt? Mira voluptas è fidium, tibiarum atque vocum cantibus hauritur, veruntamen illa continuò evanescit: literarum est stabilis ac permanens: quæ interdum mentem humanam ita velut captiuam & oppressam detinet, ut nec oculi, nec aures, nec gustatus suum faciant officium. Atque hæ res quas haec tenus audisti, in causa fuerunt, ut tam indefessos assiduosque labores in cumulata eruditione sibi pariunda multi susciperent, totq; regiones tam distantibus locis, tam diuerso sub cœlo positas peragrarent. Plato & Pythagoras in Ægyptum, ille etiam in Italiam cōtendit, Anacharsis Schytha Athenas venit, Apollonius ad Indos est profectus. Carneadi idem philosophandi qui viuendi finis fuit. Demosthenes Thucydidem octies sua manu descripsit; de cuius vigiliis & studiis

diis multa passim narrantur. Sophocles cùm propè centesimum ætatis annum attigisset, sub ipsam mortem fabulam præclarissimam Oedipum Colonæum diuulgauit. Horum aliorūmq; exempla studiosè imitaberis, & in eo, quod tam necessarium, tam fructuosum iucundūmq; intellectuisti consecrando, nullam neque corporis neque animi defatigationem contentionémue recusabis. A. Abducas me tecum licebit, tuisque diuinissimis præceptis instituerre pergas. Nihil me iam præter vnam te potest recreare, in te mihi sunt omnia, tibi immensas & habeo & ago gratias, cuius prudentissima splendidissimāque disputatione mens mea collustrata liquidissimam veritatem intuetur: tibi omnia mea quām commendatissima esse cupio; ad tuum arbitratum imperiūmq; me totum conuerto. S. Saluus es, si istam animi firmitudinem obtines. Serua tibi perpetuam patronam & adiutricem me, atque hanc inventam inueni.

A N N O T A T I O N E S .

NE C AVREIS I STIS COMPE DIB VS)
Diogenes Aristippum Philosophum in aula regia degentem aureis compedibus teneri dicebat, ne exire posset, captum videlicet delicata illa & splendida vita Principū. Est tamen stulti, vt ait Seneca, suis delectari compedibus, tametsi aureis. Lege proverb. Aureæ compedes. Item de miseriis Curialium Æneam Sylvium, aliosq; complures autores cum eodem coniunctos, de vita aulica & priuata.
CUPIDITATEM QVE COGNOSCENDI)
Cicer. 5. de finib. Tantus igitur innatus est in omnibus

cognitionis amor & scientie, ut nemo dubitare possit, quin ad eas res hominum natura nullo emolumento inuitata rapiatur. Videnturne ut pueri ne verberibus quidem e contemplandis rebus, perquirendisq; deterrantur? ut alii narrare gestiant? ut pompa, ludis, atq; eiusmodi spectaculis teneantur, ob e: ingrem vel famem, & siue perferant?

VNA SCIENTIA LIBERALIS ALTERI)

Quid poterunt sine Grammatica reliqua omnes? quandoquidem illa velut ianua & clavis est aliarum. Quid sine Dialecticis & Rhetorica & Iuris ciuilis prudentia, & rursum cetera omnes? siquidem instrumentum sciendi est. Quid sine Mathematicis Philosophia? quid sine Philosophia vel Medicina, vel Theologia? Quid sine leuioribus seu humioribus literis illae interiores & recondita? Quid rursum sine illis ista? Ac putarunt quidam ob hanc caussam dictas esse Musas quasi spes artis, quod sunt, seu esse debent simul NIHIL SIT RATIONE PRÆSTARE.

PLIUS) Id in quoque optimum est, cui nascitur, quo censetur. In homine optimum quid est? Ratio: Hac antecedit animalia, Deum sequitur. Ratio ergo perfecta proprium hominis bonum est: cetera illi cum animalibus satisq; communia sunt. Valet? & Leones. Formosus est? & Panones. Velox est? & equi. Non dico, in his omnibus vincitur. Non quero quid in se maximum habeat, sed quid suum. Corpus habet? & arbores: Habet impetum & motum voluntarium? & bestie, & vermes: Habet vocem? sed quanto clariorem canes, acutiorem aquilæ, grauiorem tauri, dulciorem mobiliorumq; luscimia? Quid in homine proprium? Ratio. Hac recta & consummata felicitatem hominis implevit. Seneca epist. 76.

HVNCE DVCEM AC MODERATOREM TEMPORVM SOLEM) Adscribamus locum Plinij ex cap. 6. lib. 2. quo hunc principem ac moderatorem luminum reliquorum, mentem ac temperationem

tionem mundi eximie collaudauit. Eorum (siderum errantium) medius Sol fertur, amplissima magnitudine ac potestate: nec temporum modus terrarumq; sed siderum etiam ipsorum, cæliq; rector. Hunc mundi esse totius animum, ac planus mentem: hunc principale naturæ regimen ac numen credere decet opera eius estimantes. Hic lucem rebus ministrat, auseptq; tenebras: hic reliqua sidera occultat: hic vices temporum, annumq; semper renascentem ex vsu naturæ temperat: hic Cœli tristitiam discutit, atque etiam humani nubila animi serenat: hic suum lumen ceteris quoque sideribus fœnerat, præclarus, eximus, omnia intuens, omnia etiam exaudiens, ut principi literarum Homero placuisse in uno eo video. Arnob. lib. 1. Siderum sol princeps, cuius omnia luce vestiuntur atque animantur, sors rerum, sator seculorum ac temporum. Vide multa apud Macrobius. cap. 20. lib. 1. in som. Scip. D I C E N D I S V N T V I V E R E) Otiosi à dormientibus atq; adeo à mortuis perpetuum differunt. Qui autem verè, & utiliter sint occupati, atque idecirco etiam verè vigilantes viuentesq; ostendit Seneca de breuitate vita. cap. 14. in extremo, & sequenti. N O M I N E L I T E R I S T I N C T O, A T Q V E A D E O I N F E C T O) Cic. 2 de Orat. Sit enim mihi tintillus literis, audierit aliquid, legerit, ita ipsa precepta accepterit, &c. Vbi Budaeus Commentar. lingua Græca, arbitratur Tullium exprimere voluisse δοκεωντες, quod valet bene tintillus, seu imbutus, ita ut deleri tintura, aut elui non posset. Ac de purpura proprie, de aliis omnibus que colorem habent metaphora dici affirmat Suidas. Victor. lib. 10. c. 18. aliter sentit, Ciceronem in promptu summag; ratiūnem cuto aspersum ac coloratum significasse, id declarari verbis sequentibus, legerit aliquid, audierit, &c. lege reliqua apud eundem. A S E M E T I P S O I N R E B V S A D V E R S I S) Hoc fecerūt, qui in hoc ipso dialogo nominātur Cic. & alij.

Et testatur id de se pluribus locis Cicero, sibi literas suas esse in rebus incommodis leuamento ac solatio. Quod si a naro in aduersa quapiam fortuna dulcis est pecunia in area recondita, ambitioso suus honor, voluptario sua Venus: cur sapientem non delectet sua sapientia? SESE PER LITERAS) Epist. 9. lib. 12. ad Att. ipse me per literas consolatus sum, quem librum ad te mittam. In Bruto, hanc scientiam Varro pluribus, & illustrioribus literis explicauit. In eodem, librum Attici, quem dicit sibi solatio fuisse, vocat literas. Omnino vox litteræ, frequenter Cicer. libros, orationes & monumenta significat. S V A V I S S I M I S Q V E A L L O C V T I O N I B V S) Alloqui quempiam dicebatur, qui ad eum mœrentem accedebat, verbisq; dolorem illius minuebat, vt Gracis ταραχυθεῖς & ταργυρεψη. Varro lib. 6. de ling. Latina. Hinc allocutum ire mulieres aiunt, cum eunt ad aliquam locutum consolandi causa. Sic allocutio pro consolatione, vt ταραχυθία, ταργυρεψία. In quam notionem cepit hoc verbum Sueton. in Tiberio. cap. 23. Catull.

Quem tu, quod minimum facillimumque est,
Quā solatus es allocutione?

Seneca Troade. Alios parentes alloqui in luctu decet, Tibi gratulandum est. Sic alloquium ταραχυθεῖς. Horat. Illic omne malum vino cantuq; leuato Deformis agrimonie dulcibus alloquiis. Victor. lib. 8. cap. 23. Muret. lib. 2. cap. 4.

IN EXILIO OVIDIUS) Sic ipsemet de se ac studio suo Trist. 4. eleg. 1. Scribit item Plutarch. in consolat. ad Apollon. de Antimacho poëta. Cui cum mortua es- set vxor Lyde, quam eximiè diligebat, elegiam, qua semet consolaretur composituit, quam Lyden nominauit, enumera- tisq; heroicis calamitatibus & infortuniis, malis alienis & gritudinem sibi minuit. V T N E C O C V L I, N E C A V R E S) Cicer. 5. de finib. Quid verd, qui inge- nus

nisi studiis atque artibus delectantur, nonne videmus eos
nee valetudinis, nec rei familiaris habere rationem? om-
niaq; perpeti, ipsa cognitione & scientia captos? & cum
maximis curis & laboribus compensare eam quam ex dis-
cendo capiunt, voluptatem? Lege totam paginam, multi e-
nim ostenditur, quomodo ad se totos conuertat homi-
nes, & mirabiliter pascat scientiarum iucunditas. P L A-
T O E T P Y T H A G O R A S I N Æ G Y P-
T V M) De Philosophorum peregrinationibus Cicer. lib.
5. de finib. in hunc modum: Cur Plato Ægyptum peragra-
uit; vt à sacerdotibus barbaris numeros & cœlestia acci-
peret? Cur post Socratem ad Architam? Cur ad ceteros Py-
thagoreos, Echecrateum Timæum, Acrionem Locros, vt cum
Socratem expressisset, adiungeret Pythagoream discipli-
nam, eaq; que Socrates repudiabat addisceret? Cur ipse
Pythagoras & AEgyptum lustrauit, & Persarum magos
adiit? Cur tantas regiones barbarorum pedibus obiit, tot
maria transmisit? Cur eadem Democritus, &c. In eodem.
Quid de Pythagora? quid de Platone aut Democrito lo-
quar? à quibus propter discendi cupiditatem ultimas terras
videmus esse peragratas.

P R O G Y M N A S M A, O C T O G E S I M V M O C T A V V M.

Studia politioris Humanitatis.

V E R A N N I V S , M V S Æ V S . Magistri.

VE R A N N I V S . Frequens excusſi atq; pon-
derauit acutissimam illam præclarissimā-
que, & perpaucis notam M. Tulij senten-
tiam de Doctoribus, qua nihil verius dici

Y 5 potuisse

potuisse confirmo: Ut quisque ingeniosissimus est,
 inquit, ita laboriosissime docet; quod enim ipse ce-
 leriter didicit, id cum alij tardius arripiunt, crucia-
 tur. M. Nondū perspicio quorsum collimes. V. At-
 qui nihil facilis. M. Ast ego Dauus sum, non Oe-
 dipus. V. Ingenium ego mihi quidem summum nō
 arrogo, mediocre & infra summum detrahi ferrem
 paulo arguius. M. Esto. V. Sed quanquam ingenio-
 sissimus haud numer, hoc tamen narro tibi, me do-
 cere laboriosius, id est, cùm video quæ à me dicun-
 tur arripi tardius à multis, cruciari vehementius. M.
 Et mihi bilem commouent, quos ita de iisdem re-
 bus cogor docere in dies, velut si eandem incudem
 perpetuò continentēque tunderem. Qui, et si meo
 iudicio tam sapiens minimè sum, quam fuit is, qui
 oraculo Delphico mortalium sapientissimus est re-
 nuntiatus at stultitia certè quidem carere me con-
 fido, quæ quidem consensu omnium philosophorū
 maius est malum, quam si omnia mala & fortunæ
 & corporis ex altera parte ponantur. Ita Cic. in 3.
 de Nat. deor. scripsit. V. Simili fortuna utimur; tuo-
 rum plerique sunt hebetes, meorum pauci ingenio-
 si ac dociles. Proinde ex sententia Philosophi nef-
 cio cuius, non iniuste magnam mercedem exegeri-
 mus ab utrisque; ab ingeniosis quidem, quod mul-
 ta discunt; ab obtusis, quod multum molestiarum
 exhibent. Veruntamen communis hæc ludimagi-
 strorum calamitas: communia autem toleranter pa-
 tienda sunt. Ingenium dare sibi nemo potest, sed u-
 litatem & industriam potest quilibet. Quibus de
 rebus ante meridiem disputasti in gymnasio? M.
 De illustribus. V. Sic reor equidem. De bello Tro-
 ano (quæ est materia in ore nostro frequentissima)

aut

aut de historia, aut de poësi fortasse. M. De nullo istorum. V. Quid suspendis me? quin rem dicis? M. Quoniam iuuentuti trado literas humaniores, & hac voce nihil contritus, cum tamen eius ratio & subiecta vis nec a Doctioribus nonnullis intelligatur, de studiis Humanitatis paratus meditatusq; differui. V. Prudenter fecisti. Non multi abierunt dies, cum idem inter meos argumentum tractau. M. Munere singulari abs te ornatum me putabo, si disputationis tuae summam quandam, ipsaque capita recensueris. V. Faciam id ego, si tu priore loco sententiarum tuarum consicium me feceris. M. Primum triplicem humanitatis significatum statui; post id causas attuli tres, ob quas haec liberalissima studia isto nomine afficerentur. V. Quid tertio loco ostendisti? quanquam id opinione præcipio. M. Quam latè paterent, quas artium facultates ambitu suo includerent. Postremò de iucunditate, utilitate, dignitate eorundem verba feci, & adolescentes ad ea toto pectore complectenda excolendaque inflammaui. V. Debitum tenuisti ordinem, via & ratione processit oratio. Ceterum animi & memoriae caussa rerum propositarum summam mutuo sermone iteremus. Et sicut nautis de re nautica, de ventis ac tempestatibus, agricultoris de seminibus & frugibus, militibus de bello & armis audire & colloqui cum voluptate moest, ita nos de communi professione nostra, deque suauissimis studiis, in quibus vterque iam pridem versamur, vel saepius in colloquium venire delebet. M. Bene iudicas. Humanitas igitur in Latina lingua idem est, quod natura hominis, quodque ad hominem pertinet, eiusque proprium est; hoc, inquam,

quam totum humanitatis nomine comprehenduntur. Sic eos omnem humanitatem exuisse dicimus, qui naturæ officia contempserunt, perinde ac si homines se esse quodammodo oblii sint. M. Tullius agens de parricidio, quod à Sexto Roscio filio commissum accusatores mentiebantur. Magna est enim vis humanitatis, inquit, multum valet communio sanguinis, reclamat huiusmodi suspicionibus ipsa natura. Deinde humanitas est, quæ à Græcis φιλαρέτων dicitur, dexteritas quædam & benevolentia erga omnes nobiscum naturæ societate fœderatos, prorsus erga omnes homines; morum facilitas & suauitas, lenitas, placabilitas, mansuetudo. Sic Ciceron scripsit difficillimam esse societatem grauitatis cum humanitate. Idem laudat nescio quem, qui suminam severitatem cum summa humanitate coniunxit: Sequitur tertia notio, qua capitur pro eruditione & institutione in bonas artes; Græci τεχνη vocant. Cicero: Homo non hebes neq; inexercitus, neque communium literarum & politioris humanitatis expers. Et alibi: Omnes artes, quæ ad humanitatem pertinent, habent quoddam commune vinculum, & quasi cognatione quadam inter se continentur. Testis item à Cællio adducitur. M. Varro, qui sic usus est hoc verbo, libro rerum humanaarum primo. Praxiteles qui propter artificium egregium nemini est paulum modo humaniori ignotus: Humaniori; inquit, non ita ut vulgo dicitur, facili, & tractabili, & beneuolo, tametsi rudis literarum sit (hoc enim cum sententia nequaquam conueniret) sed eruditiori doctiorique, qui Praxitelem quis fuerit, & ex libris, & ex historia cognouerit. V. Perspicue diserteque docuisti, quæ huic vocabulo

Io notiones subiicerentur. Mea porrò opinio est, ab illa prima fluxisse alteram, & ab hac tertiam. Quia enim ad humanitatem, id est, ad naturam hominis vehementer pertinent lenitas, mansuetudo, comitas, idcirco ea communiter humanitatis nomen acceperunt. Certè homines immansuetos, agrestes, inurbanos, duros, implacabiles, vix in hominibus, sed in belluis magis numerandos arbitror. Et quoniam, qui istas, de quibus sermo à nobis susceptus est, litteras studiosè colunt, comes, faciles, tractabiles, iucundi & suaves euadunt, propterea ipsimet eruditioni, ab effectu scilicet, hoc nomen impositum mihi videtur. M. Extra controuersiam est, huius elegantissimæ doctrinæ alumnos humanitatis laude excellere. Habet enim eam vim ac potestatem, ut quamvis naturam, quoduis ingenium mitescere, mollescere, ac mäsuescere cogat: & ut quisque ab ea est fœlicissimus, ita est facillimus atque lenissimus. Testimonium petere possumus ab Ouidio ingenioso ac pereruditio poëta duplex. Primum est.

*Adde quod ingenuas didicisse fideliter artes,
Emollit mores, nec finit esse feros.*

Alterum.

Artibus ingenuis (quarum tibi maxima cura est)

Pectora mollescunt, asperitasq; fugit.

Sit ergo hæc prima causa, cur hæc vox ad ingenuas artes significandas sit accommodata. Secundam video à nonnullis afferri, quod nemo ferè nisi placabili & mansueta præditus natura, & ab omni motione feritatis aliena, possit in hanc partem studiorum placidissimam pulcherrimamq; incumbere, & eius cupiditate incendi. V. Nec istic ratione sua decit proba-

probabilitas; humanas, siue humaniores appellari literas, quando eas ferè non nisi humani, id est, lenibus à natura & mansuetis ingenii ornati homines consequantur. Vel igitur quia faciunt humanos, vel quia non patiuntur nisi humanos, ideo humanitatis nomen sortiuntur. M. Adiungam his tertiam ex A. Gellio, apud quem ita scriptum est: Huius enim scientiæ cura & disciplina ex vniuersis animantibus vni homini data est, idcirco Humanitas appellata est. V. Hoccine Gellius? M. Etiam. Sed quod bona cum venia tanti scriptoris liceat mihi dicere, cum neque istarum, neque aliarum artium, ut Mathematicæ, Medicinæ, Iurisprudentiæ, Philosophiæ, Theologiæ participes sint aliæ animantes præter hominem, si quid hæc ratio valeret, eadem ille quoque quas recensui disciplinas, Humanitatis nomen ferrent. V. Rectè argumentationem concludis: non placethæc vltima cauſa. Quibus autem finibus, quibus terminis Humanitatem circundas ac circumscribis? M. Grammaticis (quo nomine duarum linguarum, Græcæ, videlicet ac Latinæ acerrimum & admodum latè patens studium intellico) poëticis, oratoriis, historia siue antiquitatis notitia, Dialecticis, & morum Philosophia. Non quidem his solis, sed his potissimum. V. Multa hæc, imò infinita complectuntur. M. Nec solùm vniuersa, sed singula: quod nōrunt optimè, qui longius discendo progressi sunt. V. Peruenimus ad disputationis tuæ quartum caput, quo istorum laudes celebrasti. Si otium superest, quæso, strictim quædam repece: non enim te audiēdo fatigari possum. Quid enim agam nunc aliud? aut in quo utilius hunc diem possum consumere? M. De laudibus harum

harum literarum puto abs te orationem habitam.
Quare tu mihi exponas licet quibus argumentis
carum dignitatem, suavitatem, utilitatem ostende-
ris: multò enim eruditius elegantiusque id præstisti
quam ego possim. V. Faltus animi es: vituperato-
ribus enim humanitatis respondi tantum. M. Ea
ipsam responcionem fuisse laudationem dico: quippe
cum studia hæc nostra maximè defenduntur, & à
contemptu vindicantur, tūm maximè commen-
dantur. Incipe Veranni, fac promissa, libera fidem.
V. Quoniam premis & acrius instas mihi, accipe;
alieno vti nihil moror. Criminacionem istorum in
quatuor diuisam esse partes, & quodammodo qua-
tuor tela in nos iaci animaduerto. Hoc genus stu-
diorum leue, inane ac nugatorium ducunt; quod
qui profitentur, nequaquam graues difficilesque la-
bores suscipiant. Ex eo deinde haud ita admirabili-
les utilitates ad Rempub. peruenire censem, cum
eius doctores interiore & singulari eruditione pre-
dicti non videantur. M. Probè rem percepi, & qua-
tuor illa, de quibus dixisti, capita accusationis pla-
nè video. Aciem igitur tuam contrà sic instruxisti,
vt munus nostrum & grauissimum, & multis diffi-
cultatibus plenum esse, nosque & commodare plu-
rimùm ciuitatibus, & partes nostras sine variis
multisque literis tueri neutiquam posse demon-
strares. V. Hæc ipsa docui Musæ. M. Potuitne er-
go magis collaudari Humanitas? V. Potuit ab alio
me disertiore & doctiore. Tamen cum hæc studia
mihi famam aliquam celebritatemque in hac vrbe
peperissent, decere existimaui, vt ipfis vicissim
pro virili mea aliquid splendoris conciliarem. M.
Iure. V. Valde ad nos deformandos mouet ad-
uersarios,

uersarios , quod non ita præmiis & honoribus
mactari conspiciunt in hisce studiis, ut in medicina
& iure ciuili sese collocantes; quæ quidem hoc tē-
pore sunt artes duæ quæstucissimæ. Nullis in ne-
gotiis deliberationibusque arduis consilium no-
strum postulatur , non componimus ciuium con-
trouerſias, non agimus cauſas, nemini ſalutem da-
mus. Proinde nos arbitrantur tantum versari in fig-
mentis poëticis, quibus auditorum nostrorum ani-
mos hilaremus , & in aliquot faciendæ ornandæq;
orationis præceptiunculis operam cōſumere: quæ-
rere quæ fuerit mater Hecubæ , quid cantent Sire-
nes, quot remiges Vlyſſes habuerit ; Æneas è nauि
egrediens , vtro pede Italiam tetigerit prius : Ana-
creon vinosior an libidinosior , Homerus an He-
ſiodus antiquior fuerit. Hanc eſſe eruditionem no-
ſtram; quæ neque ſi adſit, vllum emolumentum, ne-
que ſi abſit, vllum detrimētum communi generet:
Dialecticen, Physicen, Philosophiam morale ma-
ximas vtilitates parere aiunt, idq; iſum verbis do-
cent. M. Audire gestio confutationem tuam. V. E-
tiamſi affentiremur hoc vobis , inquam , nihil nos
niſi poëticas fabulas, & orationis perpoliendæ pre-
cepta tradere, non liceret tamen concludere , hanc
noſtram doctrinam quiddam inane , & ad puerorū
tantummodo aures animosque demulcendos ido-
neum eſſe, nec vllum artibus noſtris cum Philoſo-
phia commercium intercedere. Non ſunt enim o-
tiosorum hominum commenta duntaxat iſtæ poë-
tarum fabulæ, vt vos calumniamini: quin tanquam
integumēta omnem liberalibus ingeniiſ decoram
cognitionem, sapiētiāmque omnem complectun-
tur. Nunquāmne illud Maximi Tirij legiſtis? Quid
aliud

aliud est Poëtica, inquit, quām Philosophia, tempore quidem vetusta, compositione metrica, sententiis mythologica, ac fabularum inuolucro te-
cta? Plato & Aristoteles quām studiosè Homerum
legerunt? quām sēpe eius testimoniis ad res suas
confirmandas vñi sunt? ipse Plato poëtas modo sa-
pientiæ patres ac duces, modo Deorum interpre-
tes, modo Deorum filios appellat. Cūm igitur poë-
tas interpretamur, femente quodammodo virtutis
atque doctrinæ facimus. Cūm autem quo pacto
aptè, distincè, ornatè, copiosè, planèque oratoriè
loquendam sit præcipimus, ea docemus, quæ sem-
per in omni libera ciuitate, beneq; instituta, & op-
timis temperata legibus Repub. plurimum value-
runt. Quis ignorat vim eloquentiæ, quantumq; ipsi
à sapientibus semper tributū sit? legite quæ à Cras-
so in 1. & ab Antonio in 2. de Oratore grauissimè
sapientissimèque dicuntur, & à nobis eius facultati-
s artificium petendum intelligite. Quod si hæc
duò tantum tractaremus, & hoc solùm à nobis po-
stularetur, tamen nec leibus in rebus industriam
nostram exerceri, nec parum nos prodesse hominū
societati iure affirmaremus. Nunc attendite paulis-
per, quantum opinione vestra aberretis, & quanto-
per fallat vos sententia. Nulla est ars ingenuo ap-
ta homini, cuius non aliqua cognitione imbutum
esse oporteat eum, qui cum laude hoc munus velit
administrare. Alij eos voluunt & tractant scripto-
res, quorum uno aliquo genere disputatio contine-
tur. In librīs quippe Dialecticorum, physicorum,
medicorum, Iurisconsultorum haud ferè inue-
nias, cuius intelligentiam non ex illis ipsis, de qui-
bus inscripti conscriptique sunt artibus petere

Z queas.

queas. Nobis iij sunt explicandi libri, qui cùm à vi-
ris omni scientia instructissimis confecti sint, ipsi
quoque innumerabiles locos ex omni disciplina
depromptos habent. Cæteri si vnam illam artem
tenent quam docent, aliarum sint omnino imperi-
ti, atque rudes, existimantur tamen munus suum
præstare posse; nec medico vitio datum est nescire
leges, aut iurisperito ignorare medicinam, aut A-
strorum rationem: nos vni sumus, quibus omnis il-
la artium magnarum liberaliumque varietas non
pertractanda quidem ac pernoscenda penitus, sed
degustanda certè & delibanda est necessariò. Itote
nunc, nullamque eximiam in Humanitatis docto-
ribus scientiam inesse blaterate. Pergite iam in o-
dium contemptumque nos trahere, vt qui nullo
commmodo simus Reipub. qui nullos labores perfe-
ramus, quique nugas tantum venditemus. Fateor
me breuem fuisse. Atque hoc ideo, quod non de-
sunt, qui de hoc argumento vos plura & melius do-
ceant. Hæc Musæe, capita sunt defensionis meæ.
¶ Nisi me domum reuocarent negotia, pluribus
temporibus agerem; nascetur alia occasio. Vale, V. Mi-
Musæe, tu quoque.

ANNOTATIONES.

STUDIA POLITIORIS HUMANI-
TATIS) Cic. vocat artes, quæ ad humanitatem perte-
nent. Præterea, artes, quibus puerilis etas ad humanitatem
informari solet. Item politiorem humanitatem, & virum
humanitatem politum. Docti sè numero studia humanita-
tis, liberalia, optimarum artium studia, liberalem, ingenuam
doctrinam, artes ingenuas appellant. D A V Y S S V M,
NON

NON OEDIPVS) Ita seruus apud Teren. in And. cū se-
nex obscurius, & quasi ænigmata loqui videretur, ut pro-
inde opus esset aliquo Oedipo. Notum est ænigma apud The-
bas à Sphinge propositum de eo quod manè quatuor pedi-
bus incederet, meridie duobus, vesperi tribus. quod quidem
Oedipus dissolut. Plaut. Pœnulo.

Nam isti quidem hercle orationi Oedipo
Coniectore opus est, qui Sphinge interpres fuit.

S U M M A M Q V A N D A M) ἀναεφαλαγῆς Gracis est
breuiter, summatim, rem in summa quadam repetere, capi-
tulatim, seu per capita iterare ante dicta. In scientia nu-
merorum est in summam colligere ac redigere. ἀναεφα-
λαγῶς est summaria repetitio. Sic potius dicam, quam
recapitulatio, & sepe utar libentius duabus aut tribus vo-
cibus aut Latinis, aut latinioribus, quam una inquinata, &
veteribus inaudit. modo obscurus ne siam. Nam si quid e-
go iudico, præstat barbare loqui, quam obscure loqui. Ob-
scuritas autem aliquando dicitur, aliquando audientis
culpa contingit. A D D E Q V O D I N G E N V A S)
Cic. ad Q.F. lib. 1. epist. 1. Cuius natura talis est, ne etiam si-
ne doctrina videatur moderata esse potuisse: ea autem ad-
hibita doctrina est, que vel vitiosissimam naturam excolere
possit. Similis sententia extat apud Plat. in extremo tertio
de Repub. Q V O D N O N D E S V N T) Agminis
nostris duces & Imperatores, Victory, Maretii, Sigonij, Am-
sei, quod sciām, de studiis Humanitatis luculentissimas
orationes reliquerunt, que culuminiatoribus ora-
obstruere, & ad funem reducendam eos
cogere poterunt. Nos è Mureto
quædam saluatim
decerpsimus.
* *

P R O G Y M N A S M A
O C T O G E S I M V M N O N V M.

M. Tullius Cicero.

C H R Y S O S T O M V S , G L A P H Y R V S .


HRY SOSTOMVS. Nunquam tam manè, neque tam serò te conuenio, Glaphyre, quin legentem aliquid, affixumque libro offendam: ut tibi illud Plinij penitus in animo insedisse videatur: Omne tempus perire sibi dicebat; quod stadiis non impenderet. Cum autem ex te percunctor, quid auctoris euolucas, raro alium præter M. Tullium nominare soles, cuius modò epistolas, modò *τεχνικα*, seu præcepta oratoria, modo orationes, modo φιλοσοφικα manu tenes. Facere nequeo quin te mirer. G. Cur mirare? C. Nam cum impedio non modico bibliothecam tibi construxeris, possideasque scriptores & eruditione præcipuos, & elegantia non contemnendos, eosq; prope inumeros, quid est quod yni huic tam fixe pertinaciterque inhæres, ut ab eo diuelli non possis? Crantor philosophus de poëtis exosculabatur Homerum & Euripidem: hic tibi vnuis præ omnibus in amore ac deliciis est. G. Nicostratus pictor Zeuxiclis Helenam cum admiraretur, cum quidam interrogauit, quid ita tam vehementer illam picturā suspiceret. Non interrogasses, inquit ille, si meos oculos habuisses. Nec tu me Ciceroni adeo deditum mirarere, si in eo videres, quæ ego videre cœpi: si meos, inquam oculos haberet, non me etiam ipse interrogares. Me istuc factitare quod obiicis fatcor atque

atque etiam profiteor, & præ me fero: & quo magis facio, eo minus fecisse pœnitet; quantóque amplius & diutius hunc suauissimum saluberrimūmque cibum comedo, tanto maior me stimulat esuries, illiusque vehementiore desiderio exardesco, sumque in dolore ob eam rem grauissimō, quod diuini hu-
ijs ac cœlestis ingenij monumenta, à quo tot mag-
narum optimarumque artium probè percepta fuit,
& præclarissimis literis explicata doctrina, nec om-
nia ad nos peruererunt, & quæ peruererunt, nec
integra sunt, nec adhuc satis clara & emendata; id
quod eius studiosi tantum non quotidie experiu-
tur. Et quis tandem est ἐκ τῶν φιλολόγων qui non vnu
saltem alterūmue locum emaculet, corrigat, sanet,
illustret, declareret, castiget, restituat, purget, defen-
dat? his enim verbis idemque valentibus multis in-
ista revtuntur. C. Hæc tria, primum potissimē cum
T. Liuio, Varrone, poëtis, plurimiisque non spernen-
dis scriptoribus antiquis, tūm Latinis, tūm Græcis
ipſi cōmune est: quorū labores & vigilias aut edax
tempus, inuidiosaq; vetustas nobis abstudit, aut bar-
barorū Italiam & Græciam depopulantium furor
& immanitas deperdidit. Deum immortalem quas
gazas? plus quam Pactoli opes, plus quam talenta
Pelopis. Ac si tantis copiis fortunisque indignissi-
mè spoliati, nihilominus tam exaggeratas adhuc er-
ruditionum diuicias retinemus, qualis quantaque
extitisset nostra fœlicitas, si tot librorū lectissimo-
rum millia seruata fuissent? Veruntamen tu reli-
quorum auctorum vicem parum sollicitus, vnius
casum iacturāmque in primis dolenter pateris & la-
mentaris, cuius amore percussus es supra omnes.
G. Evidem Ciceronis vnius, qui mihi est pro

centum millibus, amore percussus sum, vt dicis. Iam si amare, ex quo amicitiae nomen ductum est, nihil est aliud, vt hic idē docuit 2. de Finib. nisi velle bonis aliquem affici quam plurimis, etiam si ad se ex iis nihil redeat, nōnne mihi optandum medullitus, vt extent de Rep. de consolatione, de temporibus suis, Hortensius, cæterique libri Latinæ linguae & eloquentiarum Romanarum parentis, omni doctrina elegantiāque refertissimi? vt quanquam vbi-que terrarum iam pridem adeptus est amplissimam, tamen longè ampliorem adhuc laudis & gloriæ celebritatem adipiscatur. C. Peruellem ego quoque extarent tam præstantis ingenij, tamque sapientis & clari hominis opuscula reliqua: sed ea aut nostrā, aut posteritatis memoriam aliquando visuram, cum hactenus tanto interuallo temporis prolatā non sint, desperandum opinor. Hic ego immortales gratias habendas illi statuo, qui abhinc septen- niūm Consolationem, aureolum profectò libellum è tenebris vetustatis in lucem eduxit, & desiderationem tot amissorum librorum vnius inuentione quoquo modo leniuit. G. Ha ha ha: simplicitatem spectate huius mei Chrysoftomi. C. Ride & deride vt lubet, me de sententia non detrudes. G. Quid? tu illum commentariolum è Ciceronis officina pro-cessisse? quid? tu illius ingenij extra omnem inge- nij aleam positi, tu facundiæ literarumque parentis fructum esse credis? C. Quidni credam? ita prædicat. G. Ita prædicant? ô inficitiam, ô imprudentiam. Quis inuenit? vbi inuentus est? qua occasione? quo modo? quo anno? cur nullæ lacunæ? cur nihil usquam imperfectum? cur nullam cariem? cur blatas ac tineas nusquam sensit? usque adeōne oleo cedrino

cedrino illum perunixerant? omnia plena, integra, nihil mutilum, nihil situ exesum, nulla litera fugiens, omnia expeditissima, quasi tum primum scriptus esset, cum est repertus. C. Mouerunt me principiò ista quæ opponis, & mirabar sine vlla præfatione, sine emendatione, sine vlla annotatione tot annorum centuriis sepultum proferri librū. Ast omnem postea scrupulum Caroli Sigonij hominis in antiquitate perscrutanda diligentissimi, & eloquentissimi orationes duæ mihi exemerūt, quibus eum & à Cicerone confectum, & partum suo parente dignum esse demonstrauit. G. Errorem haud leuem in extrema senectute obiectum Sigo-nio, & Consolationem istam esse supposititiam, ex frustulis per totum Ciceronem è Germana illa cō-folatione dispersis contextam, imò ex primo Tu-sculana magnam partem descriptam, inflatam nimis & grādiloquam, suavitatis, & diuinæ illius dul-cedinis, qua pollet in consolando tenera molli-que natura prædictus M. Tullius, prorsus exper-tum, & aliis præterea vitiis laborantem cō-plures postea erudití homines minimè dubiis rationibus conuicerunt. Sed me reprimam, nec vagabor in hac opinione refutanda longius. Nam vt est apud Arnobium: aiunt sana sentientes, con-tradicere rebus stultis stultiæ esse maioris. C. Quando tu isti libello non temere, sed ad probandum firmis argumentis complexionibꝫque confisus, quod animaduerto, tanquam ementito hæredi, & impostori, Ciceronianæ dignitatis nobilitatisque patrimonium negas, cur ego afferam? aut cur eius patrocinium sūcipiam, si eum Sigo-nius, (qui vir?) defendere, siue vt dicam rectius,

cooptare in familiam Tullianam toto , vt aiunt,
 corpore neruisque omnibus connisus non potuit?
 Tuum porro iudicium in complectendo,& in oculis
 atque in finu semper gestando Tullio nequaquam
 reprehenderim: velim nihilominus ad meam utilitatem
 eiusdem iudicij tui amorisque tam inflammati
 caussas ex te cognoscere. G. Non tu mihi im-
 perterritus , animaque prodigus miles videris. C.
Quidum? G. Quia cum vix adhuc signa cecinerint,
 relicta parmula meorum armorum aspectu tremefactus
 te fugae mandasti. C. Ego non cōtremiscam?
 ego non fugiam ? primo congressu imperatorem
 meum dedisti ad necem : & paroxiam nosti veterem;
 cōfuso duce fugantur milites. Nec verò si quis
 mihi hanc fugam exprobrauerit , responsurus sum
 quod ille è prælio apud Cheronæam fugiens , qui
 ignominiae causa pī. Φάστις est cognominatus , res-
 pondisse fortur: ἀνηρ δ φαστις καὶ πάλιμμαχος). Qui
 fugerit , rursus ille prælibabitur. Sed ad incepta redeamus. G. Multitudo , Chrysostome , lectitantum
 Ciceronem imitarique conantium , ipsa insuper experientia , variisque fructus , quem mihi ex eo tot
 annis diligenter etiam atque etiam lecto , ac penè
 contrito collegisse videor , ipsum mihi penitus penitusque commendauerunt , haeretque mihi in ve-
 nis , in medullis. Quæ enim schola est in tota Euro-
 pa , imò in Asia & Africa quoque , in qua quidem
 Latinus sermo doceatur , cuius parietes non quotis
 die vocibus Ciceronianis personent? quis magis-
 trorum non mille colaphis puniendus censeatur , si
 Cicerone caret , cum Alcibiades tam ægrè ferendum
 sibi putarit , magistrum illum , in cuius ludum
 intrauerat , carere Homero , vt manum ab eodem
 verberando

verberando abstinerone qui uerit? quis autem scho-
laisticorum non vnum saltem atque alterum eius li-
brum tenet in capsa sua , si omnes præ nummorum
penuria non possit emere ? quis est qui se studio-
sum literarum dicere audeat Ciceronis ignarus ?
quis non sibilis consindatur , qui se hunc non cu-
rare,nolle imitari , non nimis dictionem eius pro-
bare præ se ferat ? quis tot interpretes , tot scholia-
stas,tot correctores, tot explicatores & illustraro-
res, tot etiam admiratores , encomistas & præco-
nes inuenit? in quo toties recudendo Typographi,
toties vendendo bibliopolæ,toties colligando bi-
bliopegi occupati & sunt , & fuerunt , & erunt ? C.
Manifestiora sunt hæc , quām vt ea neget vel im-
pudentissimus. In quo autem tibi tantum emolu-
menti pepererit,ac mihi aliisque sui amantibus pa-
rere possit,velim pro nostra inueterata coniunctio-
ne ostendas. G. Non dubito quin multa & sæpe de
illius viri laudibus legeris. C. Multa equidem & fre-
quenter legi. G. Ea ipsa quid in eo quarere , quo
pacto eius opulentia rem tuam augere deberes,vt-
cumque docendi te vim habuerint. C. Habuissent:
verū cum ea legerem , non id cordi erat , vt in a-
lumnis & clientibus Tullianis numerarer. G. Quid
ergo ? C. Tantummodo vt liberali doctrina au-
gerer; bonæque Latiniratis instrumento domum
meam exornarem atque instruerem : qui omnium
propè in litteris versantium communis est finis.
Etsi verò non pauci sunt qui se ad exemplum Tul-
lij effingere laborant, non ita multi tamen illius
effigiem virtutēmque assequuntur. G. Hoc ideo
fir, quia stylum eius probè cognoscere , & de eo
scriptore iudicium ferre non est cuiuslibet: dein-

de rationem certain ac veram eò quò intendunt perueniendi non obseruant; in qua præscribenda videmus quosdam studiū posuisse. C. Memini me in eiusmodi commentariolos incidere, quos duabus de caassis volvete supersedeo. Primum quia ferè non persequuntur nisi exilia quædam & minuta, atque ad solam elocutionem spectantia: perinde quasi eloquentia, cuius perfectus ad vnguentum, absolutusque magister & dux Cicero proponitur, nō etiam aliis partibus contineretur. Deinde, qui præcipiunt, quæ in ipsorum oratione, cùm aliquid scribere aggressi sunt, non eluent: eit enim horridula plerumque ieunia, dissoluta, incompta, plena ruris, Ciceronis autem plena succi, plena tantatis, plena cultus, æquabiliter fluens, aptis illigata numeris, multisq[ue] distincta luminibus. Quare tacitè illos iubeo in suum ipsorum finum insperare, & cùm se purpuram vendere profiteantur, a feme tuis quoque sumere, non aliunde queritare exemplum quod mihi exhibeant. G. Mittamus horum institutū in præfens. Quid mihi Cicero meus contulerit, malo ab aliis, & aliquando abs te ipso (quando nimirum planius euin exploratiusque noueris) cognosci, quām à me non sine arrogantiæ suspicione enuntiari. Alterum illud, quid nempe tibi cæterisque scripta M. Tullij utilitatis afferre possint, spero te ex ore meo hodie intellecturum. C. Aures admoueo percupidas, mēque regalibus epulis abs te acceptum iri diuino. G. Verissimè T. Liuius de Cicerone: in eius viri laudes sequendas ipso laudatore opus fore. Quod non solum de rebus illius præclarissimè pro salute & incolumente Reipubl. gestis tolerataque morte, verum etiam

de eximia, & omnibus sacerdulis prædicanda eloquētia interpretandum scias : quæ quidem eodem ipso teste, ex plurimarum maximarūmque rerum cognitione efflorescit ac redundant, & est copiosè loquens sapientia, vnumque ex multis artibus, scientiis, studiisque constatum atque collectum. Quantam istuc admirationem habet; eum qui quinto & vicesimo ætatis anno intra iudicium subsellia versari, ad caussas priuatas atque publicas adire cœpit, omne reliquum vitæ suæ tempus honorum magistratuumque perfunctione, vrbanis seu domesticis, prouincialibusque negotiis, longissimis cereberrimisque itineribus transmisit, nihilominus ita multos, ita rebus & verbis singulares edere libros potuisse? Quid tibi hæc inter tantas corporis animiq; contentiones τολυγραφία, quid, inquā, aliud indicare videtur, nisi vehementissimum incitatissimumq; studium, summū & ab omni laude felicissimum ingenium, scientiarum copiam, exercitacionem maximam, memoriam penè diuinam? C. Sæpe illi vigilatas noctes existimo, & sentētias aliquot recordor, quibus incensum in literas amore suum status est; quæ ipsi cùm delectationi in secundis, tū solatio in aduersis, in grauissimis nempe illis Reip. tempestatibus, priuatisque incommodis fuerunt. Me inquit in epistolis, à prima etate omnis ars, & doctrina liberalis, & maximè philosophia delectauit. Pro Archia. Quis tandem me reprobendat, aut quis mibi iure conscienteat, si quantum ceteris ad res suas obeundas, quantum ad festos dies latorum celebrandos, quantum ad alias voluptates, & ad ipsam requiem animi & corporis conceditur temporis, quantum alij tribuunt tempestiuū conniuis, quantum deniq; aleæ, quantū pilæ, tantū mihi egomet

ad hæc studia recolenda sum pfero? In primo autem de Ora-
tore: Ac fuit tempus illud, cùm mihi quoque initium requies-
cendi, & animum ad utriusque nostrum præclarum studia
referendi fore, iustum & propè ab omnibus concessum ar-
bitrarer. Sic initio Tusculanarum: Cum defensionum labo-
ribus, senatoriisq; muneribus, & quæ sequuntur. Ad Atticū:
Ego, hic duo magna ὑπάγματα absolui, nullo enim alio
modo à miseria quasi aberrare possum. Ad Messinum, lib.
5. ad familiares: Itaque utrū eodem perfugio, quo tibi utē-
dum censeo, literulis nostris. Et ad Ampium Balbum, lib. 6.
Sed est unum perfugium, doctrina ac literæ, quibus semper
vsi sumus: qua secundis rebus delectationem modò habere
videbantur, nunc verò etiam salutem. Et sexcentis præ-
terea locis per illos epistolarum libros. G. Qui æ-
tatem omnem procul à Repub. abundantes inge-
nio; doctrina & diligētia homines in literis habue-
runt, tam multa certè mandare chartis superuictu-
ris non poverunt. C. Tibi istuc assentior, est enim
apertissimum. G. Leges tu quidem Latinos scrip-
tores omnes; si me audias, & leges quamdiu voles,
hunc unum imitaberis, quem ut transundi spes nō
fit, magna tamen est dignitas subsequendi. de quo
multò instius quam de Epicuro canetur:

*Qui genus humanum ingenio superauit, & omnes
Præstinxit stellas, exortus uti aetherus sol.*

Siquidem alios yniuersos in omni dicendi genere
longinquò post se interuallo reliquit.

*quid enim contendat hirundo
Cygnis? aut quidnam tremulis facere artibus hædi
Consimile in cursu possunt, ac fortis equi vis?*
Hinc copiam & ybertatem, hinc breuitatem, hinc
grauitatem, hinc suavitatem, acrimoniam, perspicui-
tam, subtilitatem, medio critatem, magnificentiā
petas.

petas. Ad ingenia, illustria limanda, perpolienda, & alenda nemo aptior; nec est quisquam, quem ille nō vt rebus doctiorem, sic oratione splendidiorem ab se dimittat. Hic vnuſ. merito gnomon quidam & regula in verbis diligendis statuatur; quam esse originem eloquentiae Cæsar scripsit. Abiecta, obsoleta, dura, aspera, impropria, longius ducta, obscura in eo nulla. Contra autem dilucida, plena, sonantia, illustria, iucunda, magnifica, propria, vſitata, pura, numerosa omnia. Proinde si recte ratio cinaberis, huic vni præoptabis te similem, quam aliis superiorem esse. Caue autem idem facias illis, qui quoties aliquid arrogantius ab eo dictum inueniunt, quoties ille se audiū gloriæ confitetur, miserum reprehendunt; cum nos non mores sed linguam, & doctrinam in ipso querere potius, & ista collaudare, imitationeque pro viribus exprimere, illa dissimulare debeamus. C. Velle te cum sensissent, qui oppugnare imitationem Ciceronianam, vt gigantes cœlum, non horruerunt. G. Non curat Hippoclides quid illi mastiges fabulentur, Zoilosque & Andabatas nec pili facit. Cicero noſter omnium doctorum suffragiis, in omni sermonis virtute primas tulit: quem quidem è Græcia Romam reuerſus, cum ingentes ſibi copias ex facundissimæ, & eruditissimæ gentis illius copiis cologiffset, ita excolluit, ornauit, amplificauit, vt iam Græcis ipsis non adeo multum concedamus, cum quibus ipſe de diſendi gloria tam fœlici Marte dimicauit, vt de iis trophyum constituerit. C. Quoniam de copiis è Græcia Romam transportatis mentionem inieciſti, occurrit animo præclarum illud testimonium, quo Apollonius Molo, quem Romæ bis audietat prius,

prius, & cui se Rhodi postea recoquendum dedit, cum tota Asia peragrata, cum summis se oratoribus exercuisset, cohonestasse Ciceronem dicitur, cum eum Græcè eloquentissimè orantem audiisset. Nā cum ceteri omnes qui tum aderant obstupuissent, Ciceronēque certatim extollerent, Apollonius neque dum audiret hilaris visus est, & postquam ille perorauit, diu tristis attonitōque similis cum sedisset, tandem aliquando : Te quidem Cicero laudo, inquit, & admiror ; sed me Græcorum fortunæ miseret, cum videam doctrinam & eloquentiam, quibus bonis iam solis beati eramus, ad Romanos per te translatas esse. G. Fuit sanè præclara vox illa Græci doctoris, eāmque postea euētus comprobauit. Quamuis igitur meritò præferendus videatur omnibus, qui domi forisq[ue] Rempub. probè administrarunt, quod illi partes aliquas iuuerunt, hic simul vniuersam conseruauit, possitque tanto iustius secundus appellari Romulus, quam Camillus, qui paruum adhuc & angustum restituit, cum hic tantoperè auctum amplificatumque imperium ē fauibus fati eripuerit : tamen quod Cæsar de eo scripsisse proditur, ad gloriā illi maius est. C. Quid scripsit? G. Ciceronem omnium triumphorum lauream adeptum maiorem, quanto plus est ingenij Romani terminos tantum promouisse quam imperij. Nec illa non certissima sunt, quæ vir literis Græcis & Latinis iuxta atque doctissimè eruditus, atq[ue] in Ciceronianis scriptis multum diuque exercitatus de eo magnificè protulit. C. Quænam? G. Strictim, & ex multis paucissima tibi recitabo. C. Animo arrectus sum ad audiendum. G. Ex hoc tanquam vberimo omnium doctrinarum atque artium fonte, siue

Gramma-

Grammaticum aliquid, siue Rheticū, siue Dialecticū, siue Historicū, siue Poeticū, siue Geographicū, siue Oeconomicū, siue Morale & Politicū, siue Physicū, siue Geometricū, siue Musicū, siue Astrologicū, quicquid denique ad ullam artem libero homine dignam pertinens requiras, hinc tibi assiduū haurire licebit. Ad hoc discunt pueri, senes, priuati, magistratus, rustici, urbani, miseri & calamitosi, beati & fortunati, pauperes & egentes, diuites & abundantes, ignobiles & obscuri, nobiles & clari viri; ab hoc militares & sagati, ab hoc pacis alumni & togati, ab hoc infimi & humiles, ab hoc viri excellentes & principes. Denique nemo est mortalium cuiuscunque sit vel a-tatis, vel loci, vel ordinis, vel fortuna, vel studij, vel nationis, quin à Cicerone & melior & doctior fieri posse. C. Agnosco laudationem. Iure sibi illum tantis laudibus ornandum sumpsit, à quo fuit ipse tam eximiè excellenterque ornatus. Et par esse duco, ut omnes animi ingeniique vires in eo deprædicando profundant, quibus ille tantum, quantum huic profuerit, cuius verba modò recitabas. G. Num Victorij, Sigonij, Mureti, Manutij, Corradi, quos Germanos Tullij discipulos appellare possis, scribendi elegancia atque munditia, & eruditiois varietate magistrum suum non valde commendant? C. Maximè commendat. Ad ea posthac exemplaria respiciam, versabóque Ciceronem non paulò diligentius, & aliquam eius similitudinem in meam imaginem, ut Zeuxis, transferre annitar. G. Gaudebis fructu huius diligentiae tuæ magis, quam si quis tibi regnum donauisset. Sed cum initio Tullianos lib. in 4. ordines distinxerimus, auēsne audire quo se sepe pacto in singulis gesserit, qualēmue se præstiterit, & quātoperè in hac rerum scriptiōnumq; diuersitate excellerit?

Iuerit? C. Nihil vtique malim; & te rogo, hoc bellum in meam gratiam milites. G. Militabitur.

ANNOTATIONES.

QVI cognoscere cupit quantus in doctrina & eloquētia vir fuerit M. Tullius, & quām eximiē tanquam à buccinoribus suarum laudum cantatus sit, legat. *Quintilia. lib. 10. cap. 1. sub finem. Prefat. Lamb. in eius editionem. Plin. lib. 7. cap. 30.* **Q**V I D E S T Q V O D V N I H V I C T A M F I X E) Sunt qui libros quamplurimos commercantur, eosq; non legunt. Ii tam docti euident, quām Citharœdi, si multas emant citharas, quas domi ad parietem suspendant: & quotidie intueantur. Sunt qui sine delectu ac discriminē per varios scriptores vagantur, & circumcursant, creduntq; multa & varia legendo se doctos fore. Isti solliciti sunt ut multa ingerant, non etiam ut digerant, quaq; legunt in suum succum sanguinemq; conuertant. Audiamus quid Seneca statuat de legendis auctoribus epist. 2. Est enim res magni momenti, & scitu necessaria studiosis, ne tempus, quod nunquam reddit, male conterant, & sese frustra macerent. Illud vide, inquit, ne ista lectio multorum auctorum, & omnis generis voluminum habeat aliquid vagum & instabile. Certis ingenii immorari & innutrirī oportet, si velis aliquid trahere, quod in animo fideliter sedeat. Nusquam est, qui vbiq; est. In peregrinatione vitam agentibus hoc euenit, ut multa hospitia habeant, nullas amicitias. Idem accidat necesse est iis, qui nullius se ingenio familiariter applicant, sed omnia cursim & properantes transmittunt. Nihil aquæ sanitatem impedit, quām remediorum crebra mutatio. Non coalescit planta, quæ sepe transfertur. Nihil tam utile est, quod in transitu prospicit. Distrabit animum librorum multitudo.

Itaque

Itaque cum legere non possis quantum habueris, sat est habere quantum legas. Probatos itaque semper lege: & si quando ad alios diuertere libuerit, ad priores redi. Idem epist. 45. Non refert quam multos libros, sed quam bonos habeas. Lectio certa prodest, varia delectat. Q Y A S G A Z A S) Persica vox gaza pecuniam regiam significat. Curt. lib. 3. Gazam Persae ararium vocant. Utuntur hac voce Cic. Virg. AMORE PERCVSSVS SVM) Percussum idem valet, quod permouit & afficit. Cic. ad Attic. lib. 4. Percussum animum. Sic Terent. And. Percussum illico animum. Horat. Ode 7. lib. 1.

Me nec tam patiens Lacedæmon
Nec tam Larissæ percussit campus opimæ.

Quod autem quidam apud Terent. legunt perculsum, errant. Perculit enim à percello, non perculsum, Latinum est. Atque vt amore percussus, sic perculsus dicitur. Q Y A M B E N E C V P E R E) Quid autem est amare, ex quo nomen amicitiae ductum, est nisi velle bonis aliquem affici quam maximis, etiam si ad se ex iis nihil redeat? Cic. 2. de finib. CONSOLATIONEM ISTAM ESSE SVPPPOSITITIAM) Mitto alias, Iani Gulielmi pereruditum libellum vidimus, quo istam consolationem nec Tully, nec Tullio satis dignam esse conuicit Carolum Sigonium, quem in infami arguento eloquentie sua diuitias opinatur ostendere voluisse. Concedit tamen esse hominis neque indiligentis, & philosophia ac Ciceronis studio: ingenio autem nec ad illam comprehendendam, nec ad hunc exprimentum vel acuto satis, vel accommodato, lege librum. Alterius acuti, & eruditus hominis iudicium hoc est. Scripta frigidè, solutè, & vt verbo dicam, ineptè. Quis ille tam stultus, qui sperauit se posse imponere nobis falsa hac persona, sub qua latet aliquis ne superioris quidè, vt suspicor, aui. Bardi Typographi, qui tam ambitiosè hac diuulgant. Sed credo in nostrum

rism, & suum quæstum. Valde me Ciceronis pœmitat, si ille vel in medio dolore tam elumbis. Nusquam nerui, nusquam sententiarum sanguis, ne color quidem verborum, nisi cum cerasa & fuco. Hattenus ille. Cicero autem eandem consolat suam etiam inscriperat, de luctu minuendo. ad Attic.lib. 12. epist. 21. Eodem lib. epist. 22. de eas sic ipse met. Neque tamen progrediar longius, quam mihi doctissimi homines concedunt: quorum scripta omnia, quecunque sunt in eam sententiam non legi solum, quod ipsum erat fortis agroſt, accipere medicinam: sed in mea etiam scripta tranſtuli, quod certè afflitti & fracti animi non fuit. VT
MANVM AB BODEM VERBERANDO)

Inclusit ei pugnam fatis durum, inquit, narrans hoc factū Aelian.lib. 13. cap. 38. eum imperitum esse, & similes sibi pueros efficere ostendens. Plutarch. quoque in Apophthegm. Regum & Imp. Non elvcent) in arte subtiliores, in oratione ieiuniores. Nam ſepe fit, ut qui artem sciunt, scribere neſciant, quod de Varrone, Hortensio, Galba, Horatio, Quintiliano, Seneca, Hermogene dicitur. Quin fuerunt, qui neminem scriptorem artis ne mediocriter quidem disertum fuiffe diceret. Cic. 1. de Ora. PLENA RVRIS) Plenus ruris dicitur, qui est inurbanus, insulsus, rusticatus plenus, ut Graci dicunt, ἀρρώτατος, & Hesychius explicat ἀγρικατος τοπίος. Catull. in Annales Volusij. At vos interea venite in ignē. Pleni ruris & inficiarum. In Truculento ancilla seruum, à quo tractaretur inhumanius, vocat rus merū. OPPVGNARE IMITATIONEM CICERONIANAM) Ausus est hoc Politianus, cui respondit Paulus Cortesius. Scimus etiam Erasmus dialogū euomuisse, quem Ciceronianum inscrifit. In quo ea de imitatoribus Ciceronis per calumniandi libidinem mentitur, que illis in mentem nec veniet aliquando, nec venerunt.

AVIDVM GLORIÆ CONFITETVR)

Proptey

Propter immoderatum gloriae studium non mediocriter reprehensus scribitur à Quintil.lib.ii.cap.1. Est tamen rerum à se gestarum, quae sine dubio magna fuerunt, quam eloquentia maior in omnibus iactator. Et ingenium suum raro ac modestè, labores suos, resq; gestas sèpius & liberius commendat. Quod non sine aliqua ratione fecit plerumq;. Aut enim tuebatur eos, quibus erat usus adiutoribus in opprimenda coniuratione, aut respondebat inuidiae, cui tamen non fuit pars, seruata patriæ pœnam passus exilium, ut illorum, quae egerat in consulatu frequens commemorationis, posset videri non gloriae magis, quam defensioni data. Plura Quintil. CICERO NEM OMNIVM TRIVM PHORVM) Plinius lib 7.cap.30. Idem Cæsar. vt narrat in Bruto Atticus, lib.1. eorum, quos ad Ciceronem de ratione Latine loquendi scripsit, ipsum Latine copia inuentorem ac principem nominauit. SIMILITVDINEM V T ZEVXIS) Quid hic pictor nobilissimus fecerit Crotoniatis Helenam in templo picturus, Cic. prefat. 2. de inuent. Multa de eodem Corradus in Brutum.

PROGYMNASMA NONAGESIMVM.

Epistole M. Tullij.

I I D E M.

 HRY SOSTOMVS. Nemo quisquam antiquorum, quod ego sciam, plures composuit epistolæ. G. Nec tam bonas & probatas, Chrysostome, nedum meliores. C. Tametsi non aliter esse mihi persuadeo, & omnes ita persuasos nō sum nescius, nihilominus causas huius rei abs te cognoscendi quodam studio

A 2 2 effor.

374 PRO GYM. LATINIT.
efferor. G. Demetrio Phalereo, qui à Theophrasto
disciplinam accepit, prima laus epistolæ videtur,
vt sit imago nostræ mentis, nosque ipsos penitus,
velut in tabella depictos ostendat, plenāq; sit hu-
manitatis & blanditiarum. C. Sententiam & iudi-
cium huius Demetrij planissimè intelligo. G. Hæc
laus cùm in illis quæ ad familiares dicuntur, tūm
verò in iis quæ ad T. Pomponium Atticum, & ad
Q. Fratrem missæ sunt, satis supérque eminent. C.
Hoc summatim est laudare. G. Mane, iam laudabi-
mus etiam sp̄ciatum. Estne illis ad Lētulum quid-
quam humanius? ad Memmīum aliōsq; officiosius?
ad plurimos, quibus in aduersis rebus consilium &
solatium impertitur, benevolentius atque fidelius?
ad Terentiam mollius? ad Tironem dulcior? quam
multa passim ad legendum inuitamenta? quanta v-
bique testificatio amoris? quanta studij? quanta vo-
luntatis? Sanè consolari eos, qui aliquod à fortuna
vulnus acceperint, quod non infrequens facit, mi-
tissimum ingenium, & ad commiserationem miri-
ficè inclinatā naturam perspicuè declarat. C. Cer-
tum est, lenem, placidam, ac blandam orationem,
qualis est illa consolatoria, nisi è facili, mansueto,
minimèque duro ac tetrico ingenio existere non
posse,

*Format enim natura prius nos intus ad omnem
Fortunarum habitum: iuuat aut impellit ad iram,
Aut ad humum mœrore graui deducit & angit.*

Post effert animi motus interprete lingua.

Quoties porrò in hoc genus orationis apud Tul-
lium incido, toties in florem nectaris, in medullam
mellis, in Attica bellaria me incidisse iudico, adeò
excellit. G. Quid eft, obsecro, in quo ille non excel-
lat?

lat? Et quis sine ipso vñquam aut excelluit aut poterit excellere? Cuilibet fas est exclamare de hoc viro, quod de suo Epicuro Lucretius, vñica tantum mutata vocula:

*Te sequor, ô Latia gentis decus; inq̄ tuis nunc
Fixa pedum pono pressū vestigia signis.*

Sed ne longius ab incepto trahamur, quando gratulatur, quām sincerus? quando petit, quām verecundus? quando iocatur, quām urbanus? quando gratias agit, quām nullius meriti oblitus? quādo commendat quempiam, quām sollicitus? quando narrat, quām apertus? quando monet, quām serius? quando (vt comprehendam breui) in quois tandem genere, (multa autē sunt genera, quæ ad duos fontes & capita, ad morale, & negotiale à quibusdam reuocantur) epistolam contexit, quam eiusdem exemplar & ideam perfectè consequitur? C. Quid ergo præceptionibus opus est, si in Ciceronis epistolis sunt omnia? G. Ne orationibus quidem eius vlla deficit laus oratoria, num idcirco non erit docenda Rhetorica? statuam videmus perfectam, picturam similiter: quis tamen sine magistri ductu, sine præceptis, non dicam bene pingere, bene sculpere ex ipsa modò pictura, & statua quamvis egregiè factis addiscet, sed vel ipsam statuam picturamque satis intelliget? Ars igitur hanc vim habet, vt opus facere ipse, & ab aliis factum iudicare possimus. Habes quippiam ad hæc? C. Magnoperè faueo huic assertioni tuæ: iam carpe viam vltoriū. G. Delectat in eo sc̄ita breuitas; quanquam nihilominus ipsa longitudo lectorem retinet ac pascit, vt se ad finem peruenisse non sentiat. Nec potest omittere argutias homo argutissimus, de quibus ita ipse met epist.

32.lib.7. scribens ad Volumnium : Pugna, si me amas, nisi acuta αμφιβολία, nisi elegans ὑπερβολή, nisi παράγραμμα bellum, nisi ridiculum παραποσθόντια, nisi cetera, quæ sunt à me in secundo libro de Oratore per Iulij personam disputata de ridiculis, ἐτεχνα & arguta apparebunt, ut sacramento contendas mea non esse. C. A Plutarcho & Macrobio dicta quædam referuntur, quæ cùm legerem, valde sum recreatus. G. Quām nos caperent illi tres libri quos Tiro libertus ex eius facetiis confecisse dicuntur? C. Longè amplius, quam nonnullos sordidissimi & spurcissimi lepores Martini cuiusdam, quibus inter epulas vtebatur, & qui compluribus libris collecti, ab eius discipulis cum voluptate leguntur. G. Ad epistolas nostras redeundum est. Desideras res obuias, minimè spinosas, è communi hominum vita sumptas? his refertæ sunt Tullianæ epistolæ. Vis rursum haud vulgares & trita, sed magnas, illustres è sapientum monumentis decerptas? harum veluti messis hic non est defutura tibi. Præclarè differit de religione erga Deos, de charitate erga patriam, de fidelitate in amicos, de maximis virtutibus, de virtutis. Humilem seu infimum dicendi characterem epistolis valde proprium, ut plurimum sectatus est: interdum tamen propter rerum subiectarum pondus grauitatēmq; affligit, ac verbis fulminat, quod Fabius Quintilianus fieri aliquando oportere admonuit. C. Ex tuis verbis arguinetationem possim concludere, non solum ad exercitationem scribendi, stylumque expoliendum, sed ad animum quoque insignium, variarūmq; rerum cognitione locupletandum perutile ac necessarium esse istas lectitare epistolas. G. Reuera & utilissimum, & vehemen-

vehementer necessarium. Philosophia est illa qui-
dein ars vitæ , medicina & cultura animi , quæ
vitia radicibus extrahit , & virtutes inferit : verum
hæc ipsa commoda magnam partem ex Episto-
lis huius admirandi scriptoris nostro ingenti bo-
no ad nos deriuare possumus. C. Dandum est
igitur summæ laudi maioribus nostris , cùm has
Epistolas , aliorum vel prætermissis , vel è scho-
la exclusis relegatisque iuuentuti explanandas ,
ediscendas , imitandisque proposuerunt. G. Pro-
tiidè illi. Multis tamen de caussis in gymnasiis
Grammaticis etiam dandus est locus dialogis :
quas ego , si requisiweris , aliás opportunius ex-
plicabo. C H R Y S . Sanè requiram , quando me
eruditas prudentérque excogitata rationes audi-
turum esse nihil dubito. G L A P H Y R V s . Tuum fe-
cero iucicium.

A N N O T A T I O N E S .

HOMO ARGVTISSIMVS) Macrobi:
Saturnal. libro secundo capite primo , ipsum &
Plautum à iocorum venustate commendat. Idem tamen
alibi , & alij eundem ut aliquando nimium in iocando
notauerunt. Q Y O S TIRO LIBERTVS EX
EIVS) Quintilian.lib. 6. cap. 3. Utinam libertus eius
Tiro , aut alius , quisquis fuit , qui tres hac de re libros
edidit , parcus dictorum numero indulsissent , & plus iudi-
cij in elegendis , quam in congerendis studij adhibuissent :
minus obiectum calumniantibus foret , qui tamen nunc
quoque , ut in omni eius ingenio , facilius quid reiici . quam
quid adiici possit , inueniunt. De Tirone Gellius libro 7.
cap. 7. Q Y O D A D C. HERENNIVM) Anti-
quitas putauit Ciceronem auctorem , sed antiquius ruditus;

& elegantiorum literarum ignara, atque in Cicerone nimis parum exercitata. Digladiantur adhuc hodie quidam super hoc negotio. Veruntamen standum est à pluribus. Scripsit quiddam de hoc Aldus Manutius, Pauli pater, Maiorarius.lib. reprehensionum in Nizolium, & alijs.

PROGYMNASMA
NONAGESIMVM PRIMVM.

Rhetorica M. Tullij.

I I D E M.

 H R Y S O S T O M V S. Inter volumina de ratione dicendi, quorum complura foras dedit M. Tullius, primum semper locum obtinet, primū in oculos lectorum incurrit, quod ad C. Herennium inscribitur. Tūne verum sincerumque, an adulterinum subditumque partum hunc esse arbitrare? G. Arbitror vero adulterinum esse, & Ciceronis grauitate indiguum. C. Docti sunt illi quatuor libri. G. Quis Negat? C. Non pessimè loquuntur Latinè. G. Quis contradicit? addo etiam, quartus tam ad rem apposita, tam elegantia figurarum exempla subiicit, ut admirationi potius, quam reprehensioni locum reliquerit: digni tamen qui in Tullij hæredes adscificantur, quique ipsius tam gloriosum nomē in fronte præferant, non sunt, quidquid homines nonnulli tenui literatura garriant; quorum aliqui nullas, aliqui parum probabiles huius opinionis suæ rationes producunt. C. Cuīnam ergo venditori redhibendos statuemus? G. Ei videlicet, quem iam pri-
dem

dem consensu homines elegantiore doctrina perpoliti, legitimū operis illius parentem statuerūt.

Q. Cornificio. C. Quandoquidem commentariū hunc à Cicerone abiudicas, nolo ex te sciscitari qualem existimes, tametsi iam audiui: non vituperas certè. De Inuentione quid me sentire postulas?

G. Idem quod eius libri conditor Cicero. C. Quid ille? G. Praefatione trium de oratore ad **Q. F.** Vis enim, inquit, ut mihi sæpe dixisti, quoniā quædam pueris, aut adolescentulis nobis ex commentario- lis nostris inchoata atque rudia exciderunt, vix hac ætate digna, & hoc vslu, quem ex caussis, quas diximus, tot, tantisque consecuti sumus, aliquid iisdem de rebus politius à nobis, perfectiusque proferri. C. Ergóne duo illi de Inuentione ibi significantur? G. Illi ipsi. C. Sunt ergo imperfecti? G. Imperfecti; non ita tamen, quin probata præcepta, cāque multa contineant, atque ad emendandam excolendamque linguam futuri sint frugiferi, valde- que commodi. Reliqui vniuersam facultatem oratoriam copiosè, distinctè, prudenter & absolutè pertractant. Quod si omnia tūm à Græcis, tūm à Latinis euulgata eloquentiæ præcepta in vnum cōferantur, non poterunt cum illo solo, qui de Oratore nomen accepit, nedum cum omnibus simul contendere. C. Quid ego abs te audio? G. Quod verum est. C. At ipsius Ciceronis testimonio (quo quid potest esse grauius? quid credibilius?) Aristotele nemo doctior, nemo acutior, nemo in rebus vel inueniendis, vel iudicandis acrior. Huius Græci doctoris de dicendo libri feruntur, in quos eruditissimè artēm ipsam inclusit, ingeniosissimè cuncta disposuit, pollitissimè explicauit, à quo ipse met

Tullius vel sumpsit multa, si fatetur; vel, si negat surripuit: utar enim iisdem verbis, quibus ipse in Bruto usus est, cum de Ennio & Naevio poëtis vultissimis loqueretur. Huc tu saltem excipias, quæso, quod ille solet facere Platoni, cum de Philosophis est sermo. G. Non excipiam. C. Quid vetat? G. Audies. Aristoteles à forensi strepitu remotus, nullis in caussis vñquam iactatus, domi in otio literato, tanquam in umbra, non in Sole ac puluere viuens, iis oculis, eaqué mentis acie, qua res ceteras à natura tectas & inuolutas, hanc etiam oratoriā rationem perspexit, eamque diligentissimè scribendo est persecutus. Atqui vehementer æquum est, nos illis doctoribus semper potiores deferre, qui, quod docent, ipso quoque usu, à quo multa emendantur, multa adduntur, & eo quidem diuturno experti cōprobauerunt. Ac si in ceteris artium honestarū disciplinis illis magistris, qui usum non mediocrem scientiæ suæ addiderunt, maiorem cōsueuimus honorem habere, quam iis, qui modicum aut nullum, cur hoc dicendi ratione non similiter nobis obseruandum putemus? C. Verbum hac de re tecum non commodabo. Quoniam autem ad hosce dialogos delapsi sumus, quid est quod tantoperè tibi commendandi videantur? G. Complura sunt quæ mihi charos & suspiciendos efficiunt. C. Quæ tandem? G. Persona ipsa scribentis: composuit enim hos libros grandis natu, iudicio longa dicendi exercitatione perfecto & confirmato. Deinde res quæ tractatur, quarum dignitate nihil grauius, subtilitate nihil elegantius, varietate nihil iucundius, vertute & copia nihil fructuosius. Quam multa ex Platone, ex Philosophis, ex Oratoribus haustæ

hausta? quos non ille riuos ex illorum fluminibus
in suum agrum deduxit? delectat cognoscere quid
valeat vis oratoris, quid oratoria natura, quid stu-
dium, quid exercitatio, quid historia, poësis, philo-
sophia, ius ciuile, adiuvet; quibus, id est, quam am-
plis regionibus septa & circumscripta teneatur
Rheticæ materia, quæ docendi ratio, quæ moue-
di: quomodo fieri possit ut sermo facetus, ac nulla
in re rudis appareat; qui sint affectus in vestibulo
orationis tentandi, qui perorata cauſa concitandi,
ex quibus locis ad gignendam fidem argumenta
sumenda, quibus quasi luminibus tota oratio illu-
stretur. In iis porro quibus disputandi partes dan-
tur, quibusque sermo affingitur quanta moderatio?
quanta prudentia? in probando refellendóque ad-
mirabilis solertia, in tota disputatione summa gra-
uitas, & cum eximia venustate coniunctus lepos:
genus orationis quam ornatissimum, & copiosissi-
mum. Ipsem non vulgari laude eosdem extulit,
magnique fecit. Ad Lentulum: Scripsi, inquit, Ar-
istoteleo more, quemadmodum quidem volui,
tres libros de Oratore, quos arbitror Lentulo tuo
fore non inutiles: abhorrent enim à communibus
præceptis, & omnem antiquorum Aristoteleam &
Isocrateam rationem oratoriam complectuntur.
Item ad Atticum: De libris Oratoriis factum est à
me diligenter: diu multumque in manibus fue-
runt, describas licet. Et rursus ad eundem: Sunt e-
tiam de oratore nostri tres, mihi vehementer pro-
bati. C. Præcipua semper voluptate his dialogis le-
ctitandis affectus sum, tantoque libentius tibi, tam
pleno ore eos collaudanti fidem adiugo, quod pro
ingenij mei tenuitate hæc ipsa quoquo modo me

in iis obseruasse recordor. G. De tribus oratoriis ad necessitudinem rei dictum est satis: sequitur ut de Bruto dicamus, siue de illo, quem de claris Ora- toribus inscripsit. C. Quare hunc edidit? G. Cum tribus illis libris oratorem præceptis instituisset, ut eum quasi populo exhiberet, exemplis exprime-re voluit; quo circa oratorum penè singulorum tuū Græcorum tūm Latinorum initia, ætates, progres-sus, virtutēsque expressit, eo consilio, ut has imitari, illa vitare possemus. Qui autem paulò attē-tiūs hunc librum legerit, omnem penè Romanam historiam cognoscet, in quo quantum ipse de rebus oratoriis iudicium habuerit, præclare ante oculos ponit. C. Qua occasione Oratorem perfectum scri-psit? G. Rogatu Bruti, qui, quænam esset potissimā dicendi species, præstantissimumque genus ora-tionis, ex ipso discere cupiebat. C. Illos de oratore ipsem et commendauit: vtrum hoc idem in isto fecerit, non memini. G. Fecit. C. Vbi? G. Epist. ad Leptam. lib. 6. his verbis: Oratorem meum à te tan-to perè probari vehementer gaudeo. Mihi quidem sic persuadeo, me quidquid habuerim iudicij de dicendo in illum librum cōculisse: qui si est talis, qua-lem tibi videri scribis, ego quoque aliquid sum; si aliter, non recuso, quin quantum de illo libro, tantundem de iudicij mei fama detrahatur. Memi-ni eiusdem lib. 12. epist. 17. ad Cornif. Sed proxi-mè scripsi de optimo genere dicendi: in quo sæpe suspicatus sum, te à iudicio nostro, sic scilicet, ut doctum hominem à non indocto paululum dissidere. Huic tu libro maximè velim ex animo, si mi-nus, gratiæ causâ suffragere, & quæ sequantur. Iterum epist. 22. lib. 14. Oratorem meum (sic enim in-scripsi)

scripsi) Sabino tuo commendauui, &c. C. Bruto tamen non vsque adeo satisfecit, id quod Cic. ipse met cum Attico conquestus est, ni fallor, epist. 20. lib. 4. G. Bruti iudicium nihil moramur, dummodo nobis satisfaciat. C. Quid erat igitur, in quo discreparent amborum iudicia. G. Elocutioni Cicero tribuebat plurimum, Brutus autem rebus haud paulo plus quam verbis. Inest in hoc syntagmate variorum doctrinarum recondita eruditio, insunt graves magnique ponderis sententiae, inest mira orationis festivitas, quae legentium mentes alliciat, & sine ulla satietate fastidioque permulceat. Quod si M. Tullius ipsem talis orator non fuit, qualis illic exprimitur, nullus fuit, nullus erit. C. Non adeo putarim dissimilem huic libello illum Demetrij Phalerei de elocutione. G. Sic est: nam de variis orationis generibus venustè disputat, quamuis quae sit optima dicendi forma non querat. Dionysius Halycarnassæus in commentario de componendis nominibus, non paucas quæstiones à Cicerone hoc volumine explicatas attingit. Dionysius Longinus librum reliquit τετραγήν, in quo de principatu inter oratores differuit, quibusque gradibus ad altissimum illud absolutæ eloquentiae fastigium ascenderetur ostendit. Scripsit & Hermogenes de formis dicendi, quas Ideas nominauit. C. Topica sequuntur. G. Hæc Velia in Græciam nauigans, cum libros non haberet secum, repetita solum harum rerum memoria confecit. Mira breuitate arctauit, quæ apud Aristotelem diffusa leguntur. Quod verò ipsa præcepta exemplis è iuris disciplina illustrauit, Trebatio Iureconsulto gratificatus est: prodest tamen ea scire etiam oratoribus. C. Habet profecto libellus

libellus ille multas obscuritatis latebras, & nō paucis obstructam difficultatibus doctrinam. G. Responsum tibi puta, quod Trebatio scripsit ipse: Sin tibi quædam videbuntur obscuriora, inquit, cogitare debebis, nullam artem literis sine interprete, & sine aliqua exercitatione percipi posse: quanquam tu si attentè leges, si sèpius, per te omnia consequere. C. Ordo nos ad partitiones deduxit. G. Affirmat ipse has è media Academia effloruisse: neque sine ea intelligi aut tractari posse. Mole quidem & paginarum numero vides quām exiguus parvusque fit liber, verùm utilitate haud scio an par aut maior unoquoque aliorum Rhetorum, et si fuerint lögiores multis Iliadibus. Pauxillum auri mallem, quām aceruos arenarios; & smaragdum pusillum anteponerem minantibus in cœlum scopulis. Breuiter, apertere, miro ordine quidquid ad artem eloquentiæ pertinet exponit. Seruauit præceptum Horatianum:

*Quidquid præciplias, esto breuis, ut citè dicta
Percipient animi dociles, teneantq; fideles,
Omne superuacuum pleno de pectore manat.*

Concludam rem verbis Quintiliani: Præcipuum lumen sicut eloquentiæ ita præceptis quoque eius dedit unicum apud nos specimen orandi docendique artes oratorias M. Tullius: post quem tacere modestissimum foret, nisi & Rhetoricos suos ipse adolescenti sibi elapsos diceret; & in oratoriis hæc minora, quæ pleriq; desiderant, omisisset. C. Quin addis unum verbum de illo, cui de optimo genere oratorum nomen esse voluit? G. Cum tanquam Asiaticus notaretur ab iis, qui Atticorum eloquentiæ siccitate ac ieiunitate sua definiebant, quo illorum errorem principum oratorum auctoritate conuelteret,

feret, Aeschinis & Demosthenis nobilissimas, & inter se cōtrarias orationes latinitate donauit ; quarū exemplo discerent, Attici esse, orationē ad id quodcunque decet accommodare, & humilia subtiliter, magna grauiter, mediocria temperatē dicere: alioquin si ornatē, grauiter & copiosē dicere non esset Atticorum, ne Aeschines quidem & Demosthenes Attici fuerunt, quos grauiter ornatēque dixisse notissimum est. Priusquam verò orationum argumen-ta exponeret, breuiter de optimo genere orato-rum, & consummata eloquentiæ forma differuit, quo perfecti oratoris imago quædam ab iis cer-neretur qui Attici, hoc est, excellentes atque optimi oratores usurpari volebant : quam quidem plu-ribus in oratore ad Brutum expressit. C. Nec plura desidero de hac quidem parte librorum quæ τεχνῶψ est, nec si desiderem, velim te vrgere: animus e-nim meus ad eum locum festinat, qui cæteris & ad differendum magnificentior, & ad cognoscendum iucundior est, nempe de orationibus; & mihi quantus fuerit orator. M. Tullius declarari peropto: quā-quam primorum principem esse credibile mihi fa-ciunt cateruꝝ ita scientium atque credentium. G. Fiet hoc quantum nostra imbecillitas permiserit: volo meam ad tuam voluntatem aggregare. Verum-enim uero hic maior rerum mihi nascitur ordo, Maius opus moueo; vt canit Latinus vates.

A N N O T A T I O N E S.

IPSE MET TULLIVS VEL SVMPSI
T MVLTA) Ex his qui supersunt libris Aristoreleis, Cice-ro multa in suos transtulit, præsertim in tertiu de Oratore.
Nec

Nec pauca vtique ex illo, quo ipsum dicendi artes omnium superiorum exposuisse confirmat 2. de Oratore. Quinetiam 2. de Inuentione confiteri non dubitat, se omnium quicunque fuerant ab ultimo principio Rhetorice præceptionis, vsque ad id tempus expositis copiis, quodcunque placeret elegisse, ad illos scilicet de inuentione libros locupletandos. Fatetur etiam epi. ad Lentulum 9. se omnium antiquorum Aristoteleam, & Isocrateam dicendi rationem oratoriam tribus illis ad Q.F. esse complexum. Vide Manut. explanat.

PROGYMNASMA

NONAGESIMVM SECUNDVM.

Orationes M. Tullij.

I I D E M.



LAPHYRVS. Vnde conuenientius exordiar disputationem hanc, quam ab ipsis confessione Tullij, non video. Nulla est, inquit, vlo in genere laus oratoria, cuius in nostris orationibus non sit aliqua, si non perfectio, at conatus tamen atque adumbratio. Iudicauit hoc poëta, qui fuit illius æqualis, cum dexterissimum Romuli nepotum, quot sunt, quot fuerunt, quotque post aliis erunt in annis epigrammate nobili appellauit. Iudicauit etiam Quintilianus, qui eum cuique Græcorum fortiter posse opponi; & cum se totum ad Græcorum imitationem contulisset, effinxisse vim Demosthenis, copiam Platonis, iucunditatem Isocratis affirmat. C. Præclarissima laus, similem trium illorum euasisse, quos uniuersa Græcia suspexit, & omnes gentes omnibus faculis

sæculis admiratae sunt. De Octauio Augusto Plutarchus libro de Fortuna Romanorum: Cùm quartum & quinquagesimum annum ætatis ageret, eum tria à Diis precatum; Scipionis fortitudinem, benevolentiam Pompei, fortunam Cæsarum. Ego si quid magnum à Deo precari velim, illa tria velim, imò verò unicum tantum: nimisrum simile esse Ciceronis vnius, qui omnes omnium Oratorum laudes unus est complexus. G. Votum maximum. Sed si lubet, audiamus quid adiungat Fabius, & quemadmodum plenis buccis virum celebret. C. Lubet. G. Nec verò quod in quoque optimum fuit, studio consecutus est, sed tantum, sed plurimas vel potius omnes ex seipso virtutes extulit immortalis ingenij beatissima vertus. Non enim pluuias (vt ait Pindarus) aquas colligit, sed uno gurgite exundat: dono quodam prouidentia genitus, in quo totas vires suas eloquentia experiretur. Nam quis docere diligenterius, mouere vehementius potest? Cui tanta unquam iucunditas affuit? vt illa ipsa qua extorquet, impetrare eum credas: & cùm transuersum vi sua iudicem ferat, tamen ille non rapi videatur, sed sequi. Iam in omnibus que dicit, tanta auctoritas inest, vt dissentire pudeat, nec aduocati studium, sed testis aut iudicis afferat fidem: cùm interim haec omnia, que vix singula quisque intentissima cura consequi potest, flunt illaborata, & illa qua nihil pulchrius auditu est, oratio, præ se fert tamen felicissimam facilitatem. Quare non immerito ab hominibus etatis sua regnare in iudiciis dictu est: apud posteros verò id consecutus, vt Cicero iam non hominis, sed eloquentiae nomen habeatur. Hunc igitur spectemus: hoc propositum nobis sit exemplum. Ille se profecisse sciat, cui Cicero valde placebit. C. Quoniam cum Demosthene componi solet Cicero, velim mihi una opera comparationes illas, si plures

sint repræsentes. G. Difficile est ex tempore : conab-
ortamen, ne aut noluisse me , aut nescisse , aut la-
borem fugisse suspicere. Duos hosce oratores Deus
ab initio veluti nummos duos eadem materia , eo-
dem signo percussit,cum naturam similem ipsis in-
didit. Vterque honoris & gloriæ cupientissimus, li-
bertatis Reip. amantissimus,in periculis & armis ti-
midus, fortunæ dominationi multū subiectus. Vix
enim duos reperias. Oratores, qui vt hi, ex obscuris
& mediocribus poteris & magni euaserint , qui re-
gibus & tyrannis se obiecerint, filias vterque vnam
habuerint , & ante obitum suum amiserint , in pa-
triā post exilium publica omnium lātitia & gra-
tulatione reuerterint, iterum profugere coacti sint,
& in manus hostium inciderint , à quibus commu-
ni luce priuati,vnā cum vita patriæ libertatem po-
suerint, eadem propemodum atate. Nam Demo-
sthenes quidem secundum & sexagesimum, Cicero
tertium supra sexagesimum vidit. Virtutes in am-
bobus pleræque similes; consilium item ordo, diui-
dendi, præparandi, probandi ratio, omnia demum
quæ inuentioni subiiciuntur. In elocutione diuer-
sitas est aliqua. Ille densior, hic copiosior: ille con-
cludit astrictius, hic latius pugnat: ille acumine sem-
per, hic frequenter pôdere: illi nihil detrahi potest,
huic nihil addi: curæ plus in illo, in hoc naturæ. Sa-
libus & commiseratione (qui duo affectus plurimū
valent) vincimus: cedendum verò in hoc quidem,
quod ille & prior fuit, & ex magna parte Ciceronē,
quantus est, fecit. C. Periucunda mihi fuit hæc col-
latio. Quod nisi labor memoria , in parallelis Plu-
tarchi, & nescio quo loco apud Fabium vel eadem,
vel horum similia diu est cum legi, quæ tu compen-
dio

dio quodam retulisti, & ex utriusque sententiis vnu
quoddam paruumque corpus effecisti. C. Num aut
acutiores, aut doctiores sumus duobus illis, vt aut
videre nos, quod ipsi non viderint, aut intelligere,
quod ipsi non intellexerint putare debeamus. C. *μη*
γένοιτο. G. Cur itaque illorum iudicio verbisque
non utamur, praesertim cum nos per eos profecisse
haud negemus? C. Si quis in eodē Cicerone simul
omnia cluxisse assereret, quæ in cæteris seorsim e-
micuerunt, fortasse nihil erraret: id quod ante dixi.
G. Nihil prorsus. Est in eo Lysiae subtilitas, acumen
Hyperidis, Aeschinī sonus, lenitas, Lælij, grauitas
Africani. C. Quid Periclis habet? G. Hunc à cœ-
lesti quadam eloquentia Olympium cognomina-
tum aiunt; quem Aristophanes fulgurare, tonare,
permiscere Græciam dixit: in eiusdem labris Sua-
dam sessitasse, illumique sic auditores permulcere
solitum, vt aculeum in ipsorum animis relinqueret,
scripsit Eupolis Comicus. Hæc omnia iure de Ci-
cerone affirmaueris. C. Audio etiam T. Liuium il-
lustre testimonium ei dedisse. G. Fragmentū quod-
dam Liuianum ex amissis libris ad nostram ætatem
permansit. Illic narrans caput eius præcillum, atque
in rostris inter duas manus positum, addit: Vbi ille
coafsl, vbi sæpe consularis, vbi eo ipso anno ad-
uersus Antonium quanta nulla vñquam vox huma-
na, cum admiratione eloquentiæ auditus fuerat.
Quoties ei acclamatum est à populo Quiritium:
Bene, rectè M. Tulli, præclarè, non potuit melius?
Simil atque pro Sex. Roscio dixit, quæ oratio pu-
blica prima fuit, quam iuuenis habuit, annū ingref-
sus sextum & vicefimum, adeò suspici eius eloquentia
cœpta est, vt iam tum nulla maior causa non

digna eius patrocinio videretur. Pericles quia Anaxagoram Physicum audierat, ideo ab ipso Tullio in percellendis animis tantum valuisse existimat. Cur ergo ipsemet, qui ad Diodotum, Philonē, Antiochum, Posidonium, viros doctissimos, clarissimosque Philosophos audiendos sese applicauerat, non fuerit parem in dicendo facultatem consecutus? Duo sunt, ait in Orat. quae bene tractata ab oratore, admirabilem eloquentiam faciunt, quorum alterum est quod Graci θεον vocant, ad naturas, ad mores, & ad omnem vitæ consuetudinem accommodatum: alterum quod ταῦτα θεον nominant, quo perturbantur animi, & concitatur. In superiori illo quantum præstiterit, qui nondum cognouit, exordia orationum eius percurrat, quibus nihil iucundius, moderatus, mitius, ad suauiter mouendum aptius: nihilominus in mediis quoque orationibus mirabiliter saepe audientium mentes sibi conciliat, & ad se amandum allestat. In posteriore, quod totum est incitatum, & torrentis instar, rapidissime fertur, nec illum quisquam unquam superauit, nec par ei unquam fuit. Cum Verrem propter vexatam & expilatam Siciliam accusaret, non ausus est respondere Hortensius patronus disertissimus, cuique summam copiam, facultatemque dicendi natura tribuerat. Ab eodem in senatu homo audacissimus Catilina accusatus obmutuit. In priuata caussa, quam pro Ticinia dixit, cum cœpisset Curio pater respondere, subito assedit, ac repente totam caussam oblitus, veneficiis Ticiniæ sibi memoriam ereptam vociferatus est. Quod ad miserationem attinet, qui affectus ad victoriam, atque ad iudicem planè expugnandum ac subuentendum valet in primis, in eo commouendo omnibus

bus antecelluit: quamobrem cùm plures eandem caussam agerent, perorationem ipsi semper relinquebant. C. Legi illam pro Quintio, & illam pro Milone; vix lachrymas cohibui. Attimo tum in affectibus grauioribus, tum in miseratione concitanda multum profecisse ex Euripide, cuius singulos versus singula testima^tia putat. G. Non in hoc tantum affectu concitando, in quo tragicus ille facilè præcipuu^s est, verum etiam in tota ratione oratoria: quandoquidem eruditus & ingeniosus magister eloquentiæ Fabius eundem in dicendo & respondendo cuilibet eorum, qui fuerunt in foro diserti, comparandum pronunciat. C. Memini item cuiusdam loci, vbi de semetipso his verbis prædicat: Qua nos(miseratione, videlicet) ita dolenter ut solemus, ut puerum infantem in manibus perorantes tenuerimus; ut alia in caussa, excitato reo nobili, sublat^o etiam filio paruo, plangore & lamentatione compleremus forum. G. Officium boni Oratoris est docere, delectare, & permouere: quò tria genera dicendi pertinent; subtile ad docendum, temperatum ad delectandum, graue ad impellendum. Si quis in uno horum excelluerit, in magnis: si in omnibus, in maximis oratoribus numerari poterit, & potuit semper. Ut de Græcis taceam, quis ex Latinis præter unum Ciceronem nominari potest, in quo ista perfectio fuerit? Hoc nemo in paruis subtilior, in modicis temperior, in magnis grauior: non aliis iudicem acutius docuit, delectauit iucundiūs, incitauit ardentiūs. C. Arbitror præter alias laudes orationum eius innumeras ne hanc quidem deesse, locos, inquam, Philosophicos. G. Et hos quidem grauissimè or-

natiſſimēque tractatos, quod ipſe in 1. de Natura Deorum testatur, vbi eas Philosophorum ſententiis refertas affirmat. Quām porrō eleganter, quām venustē, quām veluti ad perpendiculum orationem conſtruit? quām ſtudiosus & obſeruans eſt numerorū? vt quod Antonius in ſecundo de Oratione, cūm eloquentiam laudaret, inter cætera dixit, hoc potiſſimum de Tulliana oratione di-ctum accepi poſſe videatur. Quis enim cantus, inquit, moderatæ orationis pronunciatione dulcior inueniri potheſt? quod carmen artificiosa verborum conclusione aptius? Addam quæ ſequuntur, nihi-lominis in Ciceronem, ſi in aliū quempiam, conuenientiſſima: Quid autem ſubtilius, quām acutæ crebræque ſententiæ? quid admirabilius, quām res ſplendore illuſtratæ verborum? quid plenius, quām omni rerum genere cumulata oratio? Quæ ſchemata ſententiarum? quæ figuræ verborum? quæ ſuauitas, quæ vehementia? Hæc arma de ſceleratissimorum manibus excuſſa perſæpe ceciderunt: hæc Catilinam peftem patriæ molientem opprefſit: hæc Vatinium & Pifonem ſempiternis maculis inuſtos, & ad omnem posteritaris memoriam ignominia notatos reliquit: hæc P. Clodium amenia, & furore exultantem domuit, & Antonij crudeliffimiſ confiliis incitatos impetus retardauit: hæc populum Romanum victorem gentium non ſemel vicit. Neque potuiflet illa lux orbis terrarum Roma extingui, illud pulcherrimum, & post homines natos ampliſſimum imperium funditus de-lieri, niſi priuſ illud diuinum os Tullij conticuiflet, caputque à ceruicibus auuſum fuifset, per quod tot ciuium capita ſcruata erant. Quid de copia me-

morem

morem? quæ cùm in toto Cicerone , tùm in orationibus est admirabilis. Quanta varietas ? quis Oceanus ? quād dissimiliter omnia similia ? & rursum quād similiter omnia dissimilia ? Reliqui scriptores quantumuis copiosi, cum hoc vno , si comparentur , verborum inopes existimari profectò possint: non fontes, non riuos, sed flumina fundit, & flumina aurea. Ut absoluam: si quis ex me querat ; quæ sit optima Ciceronis oratio, respondebo quod ipse de Demosthenis; quæ longissima. C. Ego idem respondero, quamuis, vt tu, in Cicerone nondum habitauerim , sèpius tamen ad eum diuerti. & hospitio acceptus sum perhumaniter , dimislusque peramanter. G. Posthac igitur me duce tabernaculum tibi in eo colloces. C. Faciam quæ suades, & faciam quād primum , nisi meis consiliis mors importuna intercurrerit. Vnum nomen restat, hoc etiam rogo vt dissoluas , deque libris Philosophicis aliquid in medium afferas. G. Respondebo.

ANNOTATIONES.

QVOT SVNT, QVOT FVERVNT)
Epigramma Catulli in Ciceronem , nescio ob quod
beneficium, quod videtur ab eo accepisse, agit enim gratias,
hoc est:

Dilectissime Römuli nepotum,
Quot sunt, quodque fuere Marce Tulli,
Quotque post aliis erunt in annis?
Gratias tibi maximas, Catullus
Agit pessimus omnium poëta.
Tanto pessimus omnium poëta,
Quanto tu optimus omnium patronus.

Vtitur autem idem poëta sapius isto amplificandi modo, iisdem verbis, aut pene iisdem. Cic. etiam Orat. post redditum ad Quirit. Cn. Pompeius vir omnium qui sunt, fuerunt, erunt virtute, sapientia, & gloria princeps. Et epist. 21. lib. 11. Dicisti Segulio malefaciant, homini nequissimo omnium, qui sunt, qui fuerunt, qui futuri sunt. Plaut. Persa. Qui sunt, qui fuerunt, quicq; futuri sunt posthac, ego solus omnibus antideo facile, miserrimum hominum ut viua. QVEM ARISTOPHANES FVLGVRA RE) Versiculum Aristophanis Graecum, itemq; alios Eupolidis de eodem Pericle inuenies apud Plin. epist. 20. lib. 1. CAPVT ETYS PRÆCISVM) Quata constantia mortem exceperit Tullius, in illo fragmento Liuij, cuius suprà facta est menio loculentissime exponitur. Nimirum viuere diutius potuisset, si patriam tantoperè non dilexisset. Nunc illi mors non ignominia, sed honori sempiterno est. Occurrit illud ex Arnobij lib. 1. Nemo vñquam innocens male interemptus infamis est: nec turpitudinis alicuius commaculatus nota, qui non suo merito paenas graues, sed cruciatoris perpetitur seuitatem. Caput abscissum Antonius ad se afferri, & in mesa apponi iussit, tamdiuq; per diem aspexit, donec animum expleuisse. Fulvia porro Antonij vxor, cum caput illud in manibus sumpfisset, primò maledictis & diris execrationibus est prosecuta: deinde consputans atque in gremio repnens, toruissimeq; inspectans linguam eius extraxit, & in eam sapius aciculam infixit, vt ad crudelitatem nihil faceret reliquum. Suidas. Crinit. lib. 1. cap. 8. Xiphilin. in August. Eandem immanitatem in caput D. Ioan. Baptista adultera mulier Herodias exercuit. Testis Hieronymus, apud quem ita est in apologia aduersus Rufinum. Ne magnoperè gloriari, si feceris quod faciunt scorpiones atq; cantharides fecerint. Haec & Fulvia in Ciceronem, & Herodias in Ioanvem: quia veritatem non poterant audire, linguam verilo quam

quam discripnali acu confoderunt. Cædem Tullianam
multi luculentis versibus deplorauerunt. E quibus carmen
suum quidam cœgrū: nōs hoc disticho conclusit:

Vulnere nempe uno Ciceronem conficis, at te
Tullius æternis vulneribus lacerat.

Vide append. Virgilianam. SVBLATO ETIAM
FILIO PARVO) Suos paruos liberos, consanguineos,
& amicos Graci in iudicium adducebant secum, misericordia commouenda caufa, quam consuetndinem tetigit
in Apologia Socratis Plato. Fuit & Romanis hic mos ut in-
telligitur cum ex hoc loco, tum ex illo in Bruto de Galba.
Cum suos pueros, tum C. Galli etiam filium flens commen-
dabat: cuius orbitas & fletus mirè miserabilis fuit, propter
recentem memoriam clarissimi patris: isq; se tum eripuit
flamma, propter pueros misericordia populi commota. For-
sitam & Hebrai idem solebant, Susanna quidem venit cum
parentibus, & filiis, & vniuersis cognatis suis, Daniel. 13.

Qy & LONGISSIMA) Ita sentit de epist. Attici.
Tullius. Nam lib. 6. ad eundem epist. 11. Quod vereris, ne
ἀδέλεοχος: mihi tu? quis minus? cui ut Aristophani, Ar-
chilochi iambus, sic epistola tua longissima queq; optima vi-
detur. De Cicerone autem ita Plinius, epistol. 20. lib. 1. cuius
oratio optima fertur esse quæ maxima. Addit & Hercule,
ut aliae bonæ res, ita bonus liber melior est quisque quo ma-
ior. RESPONDEBO) Ut appellari dicitur debitor à
creditore, cum flagitatur ut soluat, ita cum soluit aut sol-
uere se dicit, respondere dicitur. Obseruauit Manut.

Cic. ad Attic. lib. 16, fit sepe, vt ij, qui
debent, non respondeant
ad tempus.

* *

Bb 5

PRO-

PROGYMNASMA

NONAGESIMVM TERTIVM.

Philosophica M. Tuly.

I I D E M.



LAPHYRVS. Testatus est ipse in 1. Tuscul. hanc se perfectam philosophiā semper iudicasse, quæ de maximis quæstionibus copiose posset ornateque dicere: & in 1. de Off. ait. Quis est enim qui nullis officijs præceptis tradendis philosophum se audeat dicere? Neutra laus in eius libris desideratur. Nam cū ad variorum philosophorum decreta, ad locos teñebriosos atque difficiles, ad res abstrusas & magnas explicandas lucem orationis, & differendi elegantiam sibi adhibendam putauerit, tum præceptor morum atque virtutis tantus est, quantus potest aut Seneca, aut Plutarchus, aut Aristoteles, aut Plato iudicari. C. Cur orator ipse de philosophia scribere voluit? Cur non, quod Aristoxeno Musico præcepit, cūm in enumerandis de Natura animi Philosophorum sententiis eius harmoniam reprehendit; ipsem fecit? Hæc philosophis, inquit, relinquat, canere ipse doceat. Bene enim illo Græcorū proverbio præcipitur: Quam quisque norit artem, in ea se exerceat. G. Voluit suis ciuibus hac quoque in parte prodesse, eosque beneficio nouo cumulate: quoniam turpe dacebat gentem illam, quæ per totum orbem vicitria arma circumtulisset, populum inquam, latè regem, vitam ac mores suos sine Græcis magistris excolere, ac regere non posse, & serui-

re

ré quodammodo illis, quibus iura legásque daret. Philosophia, inquit, iacuit, vsque ad hanc ætatem, nec ullum habuit lumen littrarum Latinarum, quæ illustranda & excitanda nobis est, vt si occupati profuimus aliquid cibis nostris, profimus etiam, si possumus, otiosi. C. Stoicam philosophiam non parum videtur admiratus, propter grauitatem ac seueritatem doctrinæ fortassis. Principio quidē Off. se ex illorum fontibus haurire solitum ipse met cōfirmat, verbisque eam quā honorificentissimis pas- sim prosequitur. G. Prorsus, vt dicis. Dele etatus est tamen singulariter ratione scribendi Platonica, dialogo videlicet, & eius philosophi placita quam maximè complexus est, quem Deum suum alicubi vocauit. C. Recordor illa: Quem ego auctorem vehementer sequor. Errare mehercule malo cū Platone, quācum cum cæteris vera sentire. Ut rationem nullam afferret (vide quid homini tribuam) ipsa auctoritate me frangeret. Quem tu admiraris, quem omnibus anteponis, quem maximè diligis: diuinus ille vir, quem quadam admiratione commotus, sæpius fortasse laudo, quācum necesse est. Et locis aliit præterea sexcentis. G. Quin si vera fateri volamus, eius scripta totam fermè & veterum Academicorum, & nouorum, & Peripateticorum, & Stoicorum, & Epicureorum aliorumque sententiam continent. C. A quibus magistris hæc didicit? G. A Diodoto, & Posidonio Stoicam, à Phedro, & Zenone Epicureā, à Philone, & Antiocho Academicā, à Cratippo, Stasea, & Pisone Peripateticā. Omnes pænè qui tū erāt in philosophia clari ac nobiles, audiuit: philosophorū libros innumerabiles legit, ex hisq; multa Latinis vocib. liberè tamen, & suo more expressit.

expressit. C. De Deo quid sensit? G. Tot locis tam
piè de Deo, tamque sacris Christianorum consen-
tanea locutus est, ut admirabile videatur tam li-
quidas eum tantæ maiestatis, ab humanis sensibus
remotissimæ intelligentias habuisse. Eum vnu hu-
ius mundi effectorem statuit, mentem solutam, &
ab omni concretione mortali segregatam, omnia
sentientem & mouentem, in omnes beneficium &
liberalem, omnibus animantibus commoda qui-
bus vtuntur, lucem qua fruuntur, spiritum quem
ducunt dantem, atque impertientem, bonis præmia
persoluentem, improbos pœnis afficientem sempi-
ternis. Dici nō potest, quanta in libris istis veterum
ac recentium Historiarum cognitio, quanta optimorum
exemplorum copia, quam denique multa
lectio, quam ingens sanctissimorum præceptorum
multitudo. Quē iracundia obfirmatum Ciceronis
oratio non flechteret? quem durum non leniret? quē
adeò mœstum non consolaretur? Libros de officiis
Plinius non modò de manibus nunquam deponen-
dos, sed ediscendos etiam censet. Alexander Senecus
Imp. eosdem, & de Repub. libros præcipue le-
gebat, & ex iis tantum admirabatur Tullium, ut ei-
ius imaginem in larario, sive facello domestico
cum præstantissimorum virorum statuis & imagi-
nibus collocaret. De quibus libris, vt item de Tus-
culanis, & de Finibus, verissimè quispiam Horatia-
nas illas voces usurpauerit:

Feruet auaritia, miseroq; cupidine pectus?

Sunt verba & voce, quibus hunc lenire dolorem

Possit, & magnam morbi deponere partem.

Laudis amore tumes? sunt certa piacula quæ te

Ter pure lecto poterunt recreare libello.

Inuidus,

Inuidus, iracundus, iners, vinosus, amator,
Nemo ad eum ferus est, ut non mitescere possit,
Si modò cultura patientem commonet aurem.

Quotusquisque versat hæc scripta, quin contrahi appetitus, & sedari turbidas animi sui commotiones, seque indies probiorem fieri experiatur? Quæritur. D. Augustinus, omnes mirari linguam Ciceronis, pectus non item. Se autem fatetur etiamnum Manichæum incidisse in eius Hortensium, in quo ille laudauit & defendit philosophiam, quam accusarat & vituperarāt. Hortensius: hic plane affectum Augustini mutauit. Et ad te ipsum Domine, inquit, mutauit preces meas, & vota ac desideria mea fecit alia. Vilituit mihi repente omnis vana spes, & immortalitatem sapientiae concupiscebam æstu cordis incredibili, & surgere iam cœperam ut ad te redirem. Non ad acuendam linguam referebam illum librum, neque mihi locutionem, sed quod loquebatur persuaserat. C. At enim de natura, in qua euoluenda versatur pars Philosophiæ altera, nihil ab ipso habemus. G. Secus est ac dicis. Habemus multa passim, & totos libros de natura Deorum, quæ est res occulta admodum explicatuque difficilis: Platonis item librum τετραγύρων Latinè conuertit. Quod si ipsi diutius per Antonij scelus, crudelitatēmq; ætatem propagare licuisset, plura scripturus erat. Nec idcirco tamen existimandum est, illum ea nesciuisse, quia non scripsit. Quid, quæso, scriptum reliquit Socrates? hic tamè princeps Philosophorum, & parens Philosophiæ ab omnibus & dicitur & habetur. Quid alij complures? quorum tamen non est inauditū nomen inter Philosophos. C. Temperare mihi non possum quin exclamem: O ineptos, & ab omni iudicio derelictos mortales,

ó bardos.

ō bardos, qui nihil nisi verborum lenocinia , nihil nisi res leues merasque nugas in Cicerone reperiri improbissimè mentiuntur. Inanis rerum est, qui Augustinum, (prò quale ingenium?) humi repentem, & obscēnas audiissimè consequētām voluptates, ad vitā integratam cœlestēmque sapientiam excitare potuit? Solāne verba habet, quem Plinius lucem doctrinarum , Lactantius Firmianus modò perfectum & summum philosophum; modò Roma næ philosophiæ principem appellat? G. Quidā doctus vir, cum fuisset aliquando satis alienus à Cicerone, tandem senex in gratiam cum eo rediens , inter alia quæ gloriösè de eo scribit: Quid aliis accidat, inquit, nescio ; me legentem sic afficere solet M. Tullius, præsertim ubi de bene viuendo differit, ut non dubitem quin illud pectus, vnde ista prodierunt, aliqua diuinitas occuparit. C. At illius pectus, vnde non pauca ad lacerandam fidem orthodoxam prodierunt, contemptio, & arrogantia occuparunt. G. Non potest seiungi à sapientia eloquentia. Proinde si eloquentissimum fatemur Ciceronē, sapientissimum quoque statuamus necesse est, sin aliter sapimus, nihil sapimus, & essebō indigemus. C. Nunquam ex ullius sermone tantum percepī frumentum, quantum hodie ex tuo. Quasi de Cœlo isthęc huius disputationis occasio decidit. Summo me gaudio delibutum reddidisti.

A N N O T A T I O N E S.

ADIODOTO) De hoc ita in Lucullo. Diodoto quid faciam Stoico, quem à puero audiui ? qui mecum vivit tot annos? qui habitat apud me? quem & admiror, & diligo

diligo? VT EIVS IMAGINEM IN
LARARIO) Sic appellat Lampridius sacrarium illud
Imp. domesticum. Sed is cum in interiore, seu maiore la-
rario etiam Christi Seruatoris nostri statuam inter princi-
pes diuos & animas sanctiores haberet, & in eodem Apol-
lonium Thianeum, Abramum, & Orpheum, in minore
Achillem, aliosq[ue] Duces clarissimos, & cum Ciceronis simu-
lachro etiam Virgili. Crinitus lib. 10. cap. 5. F E R V E T
AVARITIA MISERO QVE) Hunc locum
Horatij confert cum versibus Euripideis ex Hippolyto Mu-
ret.lib. 1. cap. 4.

P R O G Y M N A S M A
N O N A G E S I M V M Q V A R T V M.

Tres lingue principes.

ÆLIUS, MAXIMINVS.

AElius Eheu. M. Qua gratia tu sic ingemiscis?
Æ. Quod misero mihi vnum tantummodo
est cor. L. Cachinno digna res. Esne apud te? cui-
nam vel homini, vel mutæ animanti duo corda vn-
quam fuerunt? Æ. Nuper legi olim Calabro cida
tria corda fuisse, nedum duò. M. Portentum narras.
Æ. Immò veritatem profecto. M. Quis hic morta-
lis? Æ. Ennius, poëtarum Romanorum pater, qui
primus ameno detulit ex Helicone perrenni frô-
de coronam. amicus ille P. Scipionis, qui primus
Africani cognomentum obtinuit. M. Quomodo
is tria corda gessit? aut quæ tandem sunt ista cor-
da? aut quis hoc de ipso miraculum vel memora-
uit, vel chartis illiuit aliquando? Æ. Ipse met ita
gloriatus perhibetur. M. Quare? Æ. Quod Latinè,
Græcè, oscè loqueretur: à mente enim (quam
cor

cor etiam nominitamus) omnis fngitur oratio. M.
Papæ. Cedò quot corda habuisse rex ille credendus
est, quem duabus & viginti linguis locutum acce-
pimus? Æ. Totidem Maximine: cur dubitas? M. Fuit
igitur quām cordiosissimus, vt nullus alias : siquidē
tot linguas tenere aut tenuisse puto neminem. Sed
quid hoc, quod tu tria potius tibi optas, quām aut
decem, aut quindecim, aut viginti? Æ. Quia si He-
braicè, Græcè, & Latinè doctus essem (quanquam
hasce linguas degustavi singulas) non inuitus igno-
rarem reliquas, Germanicam, Italicam, Hispanicā,
Gallicam, Anglicam, Boëmicam, Indicam, & quot-
quot tandem barbaræ numerantur. M. Quid? túne
præter illas tres audebis omnes appellare barba-
ras? Æ. De Græcis exemplum capio, qui præter
suam alias ad vnam omnes ita vocauerunt. M. Etiā-
ne Romanam? Æ. Etiam. M. Facilè tibi istuc de a-
liquibus concesserim, nec recusarim quin agrestes,
incultæ ac barbaræ nominentur: de Gallica, Hispa-
nica, Italica vereor vt possim concedere ; quæ dis-
cuntur, & in congressionibus ac deliberationibus
exercentur ab honoratissimis nobilissimisque ho-
minibus: confirmantque illarum periti (in quo ipsis
ego libēs suffragor, pro mediocri cognitione mea)
iis eas laudibus abundare, quæ quidem linguarum
sunt propria. Æ. Haud possumt sanè hæ tres cum illis
tribus in contentionem venire. Primum, non est
istarum tam veneranda canities, tam longæua ve-
tustas, existere siquidem cœperunt annos ab hinc
mille centum quinquaginta, aut circiter, quibus ni-
mirum temporibus Gothi, Vandali, Alani, Hunni,
Gepidæ, aliquique populi truces è Septētrione eges-
si, & in florentissimas, nobilissimasque terrarum
prouincias

prouincias Italiam, Hispaniam, Galliam infusi, eas ab imperio Romano vi & armis distraxerunt. Quin si quis eas corruptā latinitatem, nec toto genere à Romana sciūctas ac differentes appellare voluerit, non errauerit. Nequibant enim illæ indolatæ linguae, illa immanum belluarum ora distortissima ad voces tam compositas, ad sonos tam suaves & rotundos sese aptare: itaque omnia penè conciderunt, immutarunt, peruerterunt, fœdauerunt. M. De originis excellentia & antiquitate non est fas ipsis tollere supercilium, vt illis tuis; quarum cùm antiquissima sit Hebræa, secundas tenet Græca, Latina tertias. **Æ.** Prorsus ita. Nam genus humanum mox vt est à Deo fabricatum, sermonis facultatem habuit, & quidem non alias quàm Hebræi. Ad hæc quà de scriptione, veterrima est eadem: siquidem Moyses multis antè tempestatibus sacram contexuit Historiam, quàm Græci obsidione cingere Troiam & oppugnare cœperunt; id quod regnante apud Iudæos Dauide contigisse Chronographi obseruarunt: post quod bellum agnis CLX. floruit Homerus, fermè primus scriptorum Græciæ. **M.** Hoc propter Hesiodum dicas, quem quidam antiquiorem faciunt. **Æ.** Non, propter Sibyllam & Orpheum in primis dico, quos illo priores vixisse, & nonnulla literis mandasse indubitatum est. **M.** Varia sunt, quæ de horum duorum sæculis scribuntur. **Æ.** Et eiusmodi, vt disputationes tam curiosas legisse fit tempus minimo cum fructu contruiisse. Hasce tres linguas in crucem actus Dei filius Seruator noster dedicauit: nempe vt sanctissimus, sapientissimus, potentissimus, Hebræam sanctissimam, Græcam sapientissimam, Romanam

C c potentissi

potentissimam. Quid enim Romanis potentius? an non illi rerum domini? quid Græcis sapientius? an non illi & inuentores & perfectores artium penè omnium? quid Hebreis sanctius, Deoque sub sole isto charius? Audi quid Esaias dicat in persona Dei: *Et tu Israhel, serue meus, Iacob quem elegi, semen Abraham amici mei, in quo apprehendite ab extremis terra, & à longinquis eius vocauit te, & dixi tibi: Seruus meus es tu, elegite te, & non abieci te.* & quæ deinceps leguntur in eodem cap. 41. præclara sanè. M. Iudicauit semper, & eruditis ita placuisse intelligo, titulum I E S V S N A Z A R E N V S, &c. non sine mysterio tribus illis linguis conscriptum, & supra crucem positum atque hoc ipsum ad earundem decus pertinere: quæ admodum & hoc pertinet, omnia illis tradita & explicata esse, quæ cùm ad res sacrosanctas, diuinæ, cœlestes, ad salutem animarum nostrarum sempiternâ, tum ad res humanas, ad ciuilia negotia, atq; ad omnem denique scientiam spectant, easque vagari quâm latissimè, & omnes fermè orbis angulos vltimosque fines occupasse, cùm cæteræ suis sese tantum, usque non ita amplis regionibus contineat, aut si exierint, non sint æquè communes, neque in scholis doceantur, neque ad libros tam multos, vel potius innumerabiles conscribendos adhibeantur.

Æ. Huc accedit, quod gentes alioqui vehementer dissidentes ac discrepantes inter se, harum beneficio coniunguntur & conficiantur, quæ hominem ingenuum præcipue ornant & co-honestant.

**

ANNO-

ANNOTATIONES.

QUOD LATINE, GRÆCE, OSCE) Gell.
 lib.17. cap.17. DVABVS ET VIGINTI)
 Mithridates Ponti atque Bithinia Rex inclitus, qui à Cn.
 Pompeio bello superatus est, duarum & viginti gentium,
 quas sub ditione habuit linguas percalluit: earumq; om-
 nium gentium viris haud vñquam per interpretem locutus
 est: sed vt quemq; ab eo appellari vñs fuit, perinde lingua
 & oratione ipsius non minus scitè, quam si gentilis eius ef-
 set, locutus est. Gell. ibidem. **Q**VAM COR ETIAM
 NOMINATAM VS) Cor pro animo s̄pē dixerunt ve-
 teres, quod videlicet animi sedem in corde quidam Philoso-
 phi constituerent, aut animum cor esse docerent. Cic. 1. Tus-
 cul. Aliis cor ipsum animus videtur: ex quo excordes, vecor-
 des, concordesq; dicuntur: & Nasica ille prudens bis consul
 Corculum. Plaut. Mostel.

Recordatus multum & diu cogitaui,
 Argumentaque in pectus multa institui
 Ego, atque in meo corde (si est quod mihi cor)
 Eam rem volutaui, & diu disputauai.

Idem Milite. Cuique sapiat pectus, nam cor non potest, quod
 nulla habet: Quasi mulieres omnes sint excordes & amen-
 tes: nam de muliere ibi sermo est. Cic. 2. de fin. Hoc est non
 modò cor non habere, sed ne palatum quidem. Ausonius re-
 prehendens Grammaticum quandam de barbarismo:

Qui reminisco putat se dicere posse Latinè,

Hic ubi coscriptum est, faceret cor, si cor haberet.

Lege etiam Gellium lib. 7. cap. 2. H E B R A E A M S A N-
 CT I S S. G R A E C A M) Euangelista Ioannes titulum
 Crucis scriptum tradidit Hebraicè, Græcè, & Latinè, qui
 erdo quomodo intelligendus, & Latinam primo loco fuisse
 positam Cæsar Baronius, qui nuper Annales Ecclesiasticos
 Romæ edidit pag. 90. & 176.

PROGYMNASMA
NONAGESIMVM QVINTVM.

Hebræa Lingua.

I I D E M .

ALIVS. Hebræam dici potest Deus ipse i nuenisse per se, cùm reliquæ ab hominibus inuentæ & expolitæ sint. Eadem ipse cum genere nostro, & nos cum illo, & Angeli nobiscum, & nos cù Angelis sæpenuero collocuti sumus. Eadem vni-
gena Dei IESVS CHRISTVS, cùm in terris corpoream indutus naturam degeret, Conches habuit, & directum ad Cœlos iter monstrauit. De Plauto notum est illud Epij Stolonis, à Quintilio repetitum; Musas, si Latinè loquantur, Plautino sermone ysuras. quiq; nimirum verborum Latinorum auctor est elegantissimus, seu princeps in Latina eloquentia, vt Gellius censet. Nónne magis optabimus nos ealingua vti posse, qua Deum esse vsum cognouimus? Singulæ item literæ admirandam multis in locis vim & energiam habent, reconditosque sensus & diuinos significatus efficiunt. M. Frequens Iudæos colloquentes audiui: horrida omnino, ac difficilis pronuntiatu mihi præ ceteris visa est hæc lingua. **A**. Non tamen horridior, neque asperior quam vel Turcica, vel Persica, vel Aethiopica: quas nihilominus percipi, & commodè pronuntiari à nostrarum regionum hominibus, cùm in illis oris aliquandiu versati fuerint, ne tu quidem nescis. Nec ego satis dispicio, quamobrem adeo inconci-

inconcinna, & dura videri debeat oratio, quæ sua sponte, scriptore id non laborante, ad aptos numeros venit. M. Ad quos numeros? quis hoc affirmit? **A. E.** D. Hieronymus Hebraicè doctissimus. Is Isaïæ orationem phaleratam, & apud Prophetas creberima carmina hexametra, iambica, saphica reperiri; immo quosdam penè totos versibus confessos testatur. M. Testis omni exceptione maior Hieronymus. **A. E.** Est insuper pudica admodum & verecunda hæc lingua, & sine honestarum aurium offensione plerunque effert, quæ turpicula, parumque casta sunt: quam illi laudem Græca & Latina meritò intenderint, in quibus ad res obscuras explicandas (in Græca præsertim) nimis copiosam vocabulorum fylum, & loquendi nimis multa genera inuenias.

ANNOTATIONES.

MUSAS PLAVTINO SERMONE)
Idem de Xenophonte lib. 10. cap. 1. Adde quod M. Tullius ne Thucydidem quidem aut Xenophontem utiles oratori putat, quanquam illum bellicum canere, huius ore Musas esse locutas existimet. In eodem cap. longè admodum infra. Quid ego commemorem Xenophontis iucunditatem illam in affectatam, sed quam nulla possit affectatio consequi? ut ipsæ finxisse sermonem Gratia videantur. Celebre est etiam Ciceron. illud de Platone in Orat. perf. louem, si, ut aiunt Philosophi, Gracè loqui velit, Platonis sermonem usurum. Non potuit certè maior hisce scriptoribus ornatisimæ dictionis, & omni numero consummata elegantiæ laue impertiri.

P R O G Y M N A S M A
N O N A G E S I M V M S E X T V M .

Græca lingua.

I I D E M .

MA X I M I N V S . Cum Græca tamen neutram harum , nec ullam aliam arbitror copia & varietate posse comparari . **Æ.** Hoc verissimum , falsoque ac maligne Cicero , nimius nonnunquam suorum laudator , aliorum contemptor , exclamat : O verborū inops interdum Græcia , quibus te semper abundare putas . Etiam illud minus verè : Latinam esse locupletiorem quam Græcam . Satis copiosè , & doctè iam illi responsum est à nonnullis , quorum libri in prōptu sunt . M. Tûne Ciceroni , quem tantoperè suspicis , quem vbi cunque potes dilaudare consueisti , dicam impingis ? **Æ.** Amicus Plato , sed amicio veritas . **M.** Appositè . **Æ.** Ea insuper inest in Græca verborum proprietas , vt cum rebus ipsis nata videantur ; ea vis , vt sub aspectum quasi rem subiiciant . **M.** Non possum hoc loco idem obiicere Græcis , quòd supra Hebræis ; esse asperos in pronuntiando , & inluaves : nam quantum ego Græca legi omnia videntur æquabiliter , placideque ac leniter decurrere , & mira cum iucunditate ad aures affluere , recteque Horatium dixisse puto : Graiis ingenium , Graiis dedit ore rotundo Musa loqui . **Æ.** Potuisti & hoc animaduertere , eandem Latinæ linguae matrem , & quandam velut procreatrixem ac nutricem esse . Et quomodo Aomana alias linguas ornat ,

ornat, illustrat ac perficit, ita vicissim ipsa à Græca
ornatur, illustratur atque perficitur: à qua si omnem
sapientiam, doctrinam fructum separemus, ac ve-
luti detracta veste nudam intueamur, eximia certè
pulchritudo, & elegātia ipsius nostros in se animos
conuertet. Ceterum cum illis literarum principi-
bus, Homero, Platone, Aristotele, Demosthene, He-
rodoto, Xenophonte. Isocrate sine interprete con-
fabulari quanti est? Nam Latine quām hoſfridē, im-
purē, inquinatē ac fōrdidē iidem & alij plerique
loquuntur, non te fugit. M. Minimē fugit; & soleo
stomachati in tam illatos ac lutulentos interpre-
tes, conditionē inque sapientissimorum doctissimo-
rumque hominum vehementer miserari, qui cūm
in sua lingua fundant aurea orationis flumina, in
nostra balbutiunt, indisertiique sunt. Nec illud no-
bis non molestissimum accidit, quod vnius eiusdem
que scriptoris tantum non in singulos annos nouā
conuerſionem accipimus, vt in tanta copia quem
interpretem præ aliis eligas, explicare sententiam
non possis. Verū quid tu illis responderes, qui
hanc linguam minus necessariam esse affirmare nō
erubescunt? quid etiam adolescentibus nonnullis,
quibus laboriosa videtur atque difficilis? **Æ.** Sic oc-
curredrem istis posterioribus: Itāne verò? Sit diffici-
lis, vt vultis: an vos tantum facilibus studebitis? Et
quæ, obsecro, sunt ista tam facilia? quæ ars? quæ dis-
ciplina? sequibus & ignavis nihil non difficile, indu-
striis atque impigris nihil non facile futurum asse-
nnero. **Æ.** επιμελεῖς τελέσα οὐδὲ λαγύνετο: Assidua vincit
cuncta diligentia. M. Latina, inquiet multis parti-
bus est facilior. **Æ.** Si hoc Latine indocti assertis, o-
ratio vestra nullam meretur fidem: si docti; quæto,

num hoc anno Latinam didiceritis? M. Nequam, dicent, sed à paruis in hunc usque diem Latinis dediti fuimus. **A.** Iam constrictos & impeditos teneo. Potestne, rogo vos, id facile nominari, quod annis 15. aut 20. quotidiano labore vix aliquatenus consequare? quod si vos ab incunabulis Græcam discere cœpissetis, affirmare non timeo, tam laboriosa Latina vobis nunc appareret, quam Græca apparet. M. Dimittamus pueros cum querela sua puerili: viros refuta, & eos quidem suo iudicio non indoctos. **A.** Vulpes cum amisisset caudam, nitebatur ceteris persuadere, ut tanquam rem superuacuam: & onus minimè necessarium eam resecarent. Nesciunt isti docti Græcas literas, proinde socios quaerunt, ne soli sine caudis, turpiterque deformati, & ignorantibus incedant. Utilem & necessariam non esse fateor ad quæstum, ad otium, ad voluptates, ad opes; sed ad liberales artes percipiendas eius cognitionem requiri dico: idque in Theologia, Philosophia, Mathematicis, Rheticis, Dialecticis, Medicina, Iurisprudentia, Grammaticis possem quamvis copiosè ostendere, si cum illis agerem coram. Sed quod omnes ad Latinam mittunt, & a Græca reuocant, quis hoc ferat? Quid tandem esse existimant Latinè scire? num Calepinum euoluisse? num vocabularios aliquos memoria cōprehendisse? num epistol. phrases, num copiæ & inopiæ certas formulas; & locutiones Latino Gallicas didicisse? Illud est Latinè nosse: primùm optimum quemq; scriptore diurna & nocturna manu versauisse, legendo cōtriuisse, penitus & in cute nosse; omnem loquendi rationē à præstantissimis Latinitatis auctoribus usurpatam, non ab epitomis & compendiis nescio quibus

quibus traditam tenere, verborum, loquendiq; generum fontes & origines cernere: pure, ornata, politè ex multa exercitatione tūm loqui, tūm scribere quæ quidem Græcis incognitis fieri nullo modo possunt. M. Mihi & antè persuaserā, & nunc etiam magis persuasi, delirare, qui huic linguae obtrectat, eāmque velut difficultem, vel ut non adeo necessariam atque utilem calumniantur. Quapropter istis accusatoribus salute dicta, de Latina cōmentemur.

ANNOTATIONES.

ET MIRA CVM IVCVNDITATE) Tanto est sermo Græcus Latino iuctūdior, ut nostri poētae quoties dulce carmen esse voluerunt, illorū id nominibus exornent. Quintil.lib. 12.cap.10. Si ex instituto velim hanc linguam laudare, facilius mihi erit orationis principium quām exitum inuenire: tanta suppeditat à me olim ex doctissimorum hominum scriptis collecta argumentorum vis. Sed hoc tēpore satis eſe duxi panca de multis promere, & adolescentibus ac magistris plura requirendi dicendiq; occasionem dare, & quasi quoddam calcar admouere ad hoc ipsum. Poteram & de aliis duabus differere copiosius, ni meus fore iudicasse, non omnia simul & uno loco dicere.

PROGYMNASMA
NONAGESIMVM SEPTIMVM.

Latina lingua.

I I D E M.

AEVNUS. In huius laudatione caput est, quod uniuersas propemodum linguarum omnium

Cc 5 laudes

Iaudes in se cohibet. Dulcis est Gallica? dulcior Latina. Virilis est Hispanica? virilior Latina. Tenera quodammodo Italica? tenerior Latina. Grauisfima putatur Germanica, numerosa Hebræa? hæc quoque in Latina cumulatè reperiuntur. Et quia Græcæ partus ac filia est, quis negabit eam maternis dotatam laudibus? quis hæreditatem pulcherimam atque amplissimam ipsi relictam ibit inficias? M. Pop. Rom. cæteras gentes non modò imperij magnitudine, verum etiam lingua sua propagatione viciisse certu est. Persæ, Medi, Affyrii Græci latè quidem suos fines protulerunt, attamen cum imperio linguam proferre nō potuerunt ut Romani, qui non corporis, sed animi suauissimum quendam conditissimumq; cibum cum innumerabilibus nationibus sibi communem fecerunt. Nec summos, & amplissimis in Repub. perfunctos honoribus viros puduit huic lingua, commentariis explicandæ & illustrandæ operam tempusque tribuere. Num fuit quisquam M. Tullio honoratior? Num C. Cæsare potentior? Num Varrone variarum artium scientia eruditior? Num quoquis istorum publicis negotiis domi, foris tractandis occupatior? Nihilominus in mediis belli tumultibus, inter armorum fremitus de analogia Cæsar, de lingua Latina Varrro vterque scripsit. Cicero autem Grammaticum studium in libris suis sæpe indicavit, & Grammatici officio sæpe functus est. Æ. Hæc ad veram sapientiam nos instituit, hac sanctissimæ religionis mysteria custodiuntur, hac per omnia templâ Deo Opt. Max. & beatis cœlitibus diu noctuque sacra carmina continuntur: cùmque reliquæ duæ scholarum parietibus includantur, hæc etiam ad cœtus, consultationes,

tationes, conuiuia, familiaresque congressus admittitur. Quod magis dignum est miseratione, adeo superiore saeculo neglectam contemptamque iacuisse. Nemo fermè quid esset Latinè loqui sciebat; quilibet verborum monstra & prodigia inuehebat: quod ita fieri necesse erat, cum bonos libros ne de nomine quidem quisquam nosset. M. O seclum insipiens, & inficetum AE. Insigne etiam vulnus Latinæ linguæ inflxit quorundam temeritas, qui tam multa ex ea in alias linguis conuerterunt, ut paucissimi deinde ad eam descendam metes appellere voluerint. Quare quod principio in sacris Bibliorum voluminibus evenit, unde huius mali factum est initium, ut quisque putaret se arcana illa capere, atque inde noua & horribilia opinionum inter se pugnantium commenta nascerentur; hoc idem in disciplinis literariis vsuueniet aliquando, cum textor aliquis, aut Ianius, cetarius Aristotelem & Platonem pro sua inficitia interpretabitur. M. In Aristotelem tamen, & Platonem peccaretur tolerabilius. AE. Sed absurdè vtrobiique. Gratia vero habenda Victoriis, Manutiis, Sighoniis, Lambinis, Muretis, qui tanquam luciferi quidam nostra memoria extorti, quantum in ipsis fuit, sua luce barbariei caliginem ab oculis nostris discusserunt, seribendi perfectione ad antiquorum præstantiam proxime accesserunt: quorum libri ab omnibus & Humanitatis, & Latinitatis studiosis quam accuratissime legendi sunt. M. Quæ de me, Lydum prouocas in planiciem.

**

A N-

ANNOTATIONES.

Qvanti suam linguam ficerint Romani, multis indicis potest cognosc̄. Tiberium narrat Suetonius cap. 71. quanquam alias Gr̄co sermone pr̄optum & facilem, nō usque quaq; vsum, abstinuisseq; maxime in senatu adeo quidem, ut monop̄lium nominaturus veniam postularit, quod sibi verbo peregrino vtendum esset. Et in quodam decreto Patrum cum ἐμβλημα recitaretur, commutandam vocem censuit, & pro peregrina nostratem requirendam, aut si non reperiatur, vel pluribus, & per ambitum verborum rem enuntiandam. Militem quoque Gr̄cē testimonū interrogatum, nisi Latinē respondere vetuit. Eadem Xiphilinus in Tiberio. Vide quid idem Sueton. de Claudio memo- ret, cap. 16. & Cic. de Lucullo ad Attic. lib. 1. epist. 16. Valerius lib. 2. cap. 2. Magistratus verò prisci quantoperè suam populiq; Romani maiestatem retinentes se gesserint, hinc cognosci potest, quod inter catēra obtinenda grauitatis indicia, illud quoque magna cūm perseverantia custodiébant, ne Gr̄cis vñquam nisi Latinē responsa darent. Et quæ sequuntur, nolo enim esse longior. Plura de maiestate huius linguae, Baronius Annal. Ecclesiast. pag. 90. & 91.

PROGYMNASMA

NONAGESIMVM OCTAVVM.

Solutæ pedestrisque scriptioṇis varietas:

CONSTANS, A POLLINARIS.

CONSTANS. Dies non ita multi effluxerunt, cūm tē in quodam conuentu literato mira, nec pauca sanē de exercitatione iactantem, eiisque laudes plena manu

manu in astra tollentem latus ac lubens audiui,
 quorum summa quædam est hæc : Ab ea naturæ vi-
 tia emendari, longeque plus diligentia, assiduitate,
 labore, consuetudine cum mediocri ingenio, quæ
 sine his etiam cum summo effici : corrupti enim
 ingeniorum bonitatem ignauia atque socordia, &
 cum negligens etiam facilia non consequatur, stu-
 diose ac diligentie nihil esse difficile. Adducebas
 quoque Periandri verbum, *μελέτη πάστα θύνα*,
 quo significatur, nihil esse tam arduum, laboriosum
 atque magnum, quod cura, industria, contentione,
 sedulitate non superetur. Hac Aristo. tantum Phi-
 losophum Ciceronem & Demosthenem tatos ora-
 tores, Archimedem & Euclidem tantos Mathema-
 ticos, Virgilium & Horatium tantos poëtas, Apel-
 lem & Parrasium tantos pictores, Phidiam & Po-
 lyclatum tam excellentes statuarios euafisse. Com-
 mendabas autem nobis scriptionis vsum & exerci-
 tationem præsertim, quandoquidem hoc sæculo, &
 istis hominibus, neque in scholis aliud maius quæ-
 ritur, neque extra scholam maiori gloriæ ducitur,
 quæ Latina lingua. Hanc nos puram, elegantem,
 propriam & copiosam assecuturos, si quamplurimum
 scribere in animum induceremus: stylum enim op-
 tumum esse, & præstantissimum huius rei effectorem
 atque magistrum. Et cum Cicero ipse, fons Latini-
 tatis vberimus, vnusque omnium post hominum
 memoriam disertissimus & eloquentissimus, libro
 9. ad Pætum scribens de se dicat, Ipsa illa, si qua fuit
 in me facultas orationis, nisi me ad has exercita-
 tiones retulisset, exaruisset : quid de nobis mi-
 seris cogitandum est, aiebas, qui tantos oratio-
 nis thesauros etiam creberrimis exercitationibus

vix aliqua ex parte corraderemus? Ego tum illa disputatione tua ita animatus discessi, ut statuerem, simul ac in te rursus incidissem, querere, quænam quasi genera putares esse scriptionis, non solutæ tantum, verum etiam ligatae, in quibus nos adolescentiores versaremur, qui in vtraque orationis facultate præstare cuperemus. Itaque te valde pro amicitia nostra rogo, ut me tamquam discipulum instituas, quæque scribefida sint, minere ne detrètes. A. Quid tibi, quæso, opera mea in isto negotio opus est? lege Aphthonium, lege alios recentiores, qui istud argumentum doctè integrisque voluminibus persecuti sunt. C. Tua volo, tuis ero contenus: ne fuge tantillum laborem caussa mea. A. Haud expeditum est ex tempore satisfacere votis tuis: sed quoniam fine in orandi virgendiique non videris esse facturus, exponam tibi quæ requiris vel ex tempore, & breuiter. C. Nullum est periculum, ne quid tibi excidat, quod mihi non profit audiuisse. A. Principio id do consilium, ut scriptites epistolas, frequenter quidem ex præceptis, quæ à Rocho Perusino accuratissimè traduntur, aliquando tamè liberas omnino, nullis quasi vinculis præceptiorum alligatas. Nec mihi non placent, qui sine argumento scribunt, & hanc solam habent epistolæ sententiam, non habeo quod scribam: quales ad se mitti epistolas ab Attico etiam M. Tullius vouit, & est hoc genus inter doctos frequentatum. Solent præterea magistri diligentes argumentum, siue rem totam epistolæ cuiuspiam docti viri sumere, Corradi, verbi gratia, Sadoleti, Manutij, Longolij, eamque dictare discipulis: postea illorum epistolas cum his conferentes docent eos quid

quid agere , & quoniam modo scribere debuissent ,
vt essent viris illis non dissimiles ; laudant si quid
bene , si alicubi persimiles , si opera & labore haud
parci fuerunt . C. Iucunda exercitationis ratio . Est
enim suave per se epistolas facere , quamuis eas
nusquam sis missurus : & posterior modus Præcep-
torem in argumentis inueniendis non mediocriter
adiuuat . Dic iam de alio genere . A. Ex Æsopo , aut
ex poëtis lepidam fabellam de promas licet , eam-
que nunc breuissimè ac simplicissimè , nunc copio-
sè , cum auctoris commendatione , cum affabula-
tione , cum interpositis aliorum nominibus , & col-
loquiis tracta . Item narratiunculas è theatro vitæ
humanæ , è Valerio Maximo , & exemplorum libris
nouas , antiquas , veras , commentitias (nihil enim
interest) nonnunquam petes , quas similiter aut
paucis verbis , sineque ornamentis , aut pluribus
& ornatioribus , affectibus quoque admistis expo-
nes . C. Quam vellem hīc mihi tuum exemplum
proponeres aliquod : adolescentes enim milites
cū ducum & Imperatorum suorum strenuè facta
corā intuentur , longè perfectius bellicam artem ,
quam solis præceptis audiendis discunt . Sed vi-
deo id fieri iam minimè posse . A. Cū poterit , &
in hoc , & in aliis quæ recensebo , aut conscribam
ipse exempla tibi , aut conscripta iam pridem o-
ffendam . C. Docebis me igitur quæ ipse expe-
riundo cognouisti ; non vt quidam , qui cæcis vo-
lunt præire , cū ipsi propemodum talpæ sint . A.
Exercitationem amauī & complexus sum à pu-
sillo puerō , cui maximè debeo si quid sum . Non
paruam insuper copiam ad scribendum suppedita-
bunt apophthegmata , quæ vbi breuiter com-
prehensa

prehensa fuerint , argumentis excogitatis aut confirmari , aut refutari , aut laudari , aut vituperari poterunt. Commendentur item aut reprehendantur auctores eorundem , similia & dissimilia adducantur , quibus illa magis illustrentur , Idem statuendum de proverbiis & sententiis , siue sacris , siue profanis , quæ etiam παραφραγμῶς dilatabuntur , & tanquam communes loci tractabuntur. C. Tam multi extant sententiarum libelli in utroque genere , auctorum , inquam , sacrorum , nō sacrorum , poëtarum quoque , ut si quando est animus aliquem eorum legere , nesciam quem præ aliis legam. A. Utilem præstitit studiosis operam Andreas Eborensis Lusitanus : hunc eme. Præterea Stobæum , sententias Ciceronis , gemmas Platonis , flores poëtarum tibi commendo : nec sperno quæ seorsim ex Seneca Neronis magistro , & Plutarcho collectæ sunt. C. Meminero horum. A. Non ad stylum modò exercendum , verùm etiam ad inventionem iudiciumque , ad decori quoque discendam rationem (quod tamen est iudicij) proderit Dialogos breues & variis confidere , materia sæpe & quavis occasione sumpta , nec non ex poëtis , historicis , oratoribus , quos vel legimus ipsi , vel explicari audimus. In hac ipsa exercitatione non modica ineſt delectatio , quam tūm rerum , tūm personarum vicissitudo conciliat. C. Modò ne iubeas me Dialecticū , & Rethoricum in iis artificium obſeruare , ac nescio quæ alia , quæ nuper ex commentario quodam in Dialogis obſeruanda esse cognoui. A. Ille commentarius de dialogis maioribus , grauioribus , & grandioribus loquitur , quos componere debent , qui ad magistrum itare , manumque ferulæ subiicere iam desierunt.

desierunt. C. Amabo, quid sentis de conuersionibus? estne vtendum ea exercitatione adolescētibus? A. Non aliter, quām vt solent in scholis, cūm Præceptor argumentum vel à se conscriptum, vel ex aliquo Latino Germanicum factum discipulis conuertendum proponit. Verū in emendatione accuratum esse conueniet, vt linguae vtriusque idiotismi, elegantiæque ostendantur, & moneantur pueri, quid sequi, quid vitare, quid melius facere debuerint. Qui robustiores sunt in litteris, interdum ad conuersionem aliquot paginarum aggrediantur. laudat hoc genus Cic. i. de Orat. & habet cūm magnas, tūm non paucas vtilitates. Addam hoc appendicis loco. Componenda exempla illustrium figurarum, vt distributionis, subiectionis, frequentationis, similitudinum, cōparationum. Aliquid breuiter laudandum, aut reprehendendum, eadem sententia variatis verbis ac figuris efferenda sāpius, eadem Græcē ac Latinē, metro & soluta oratione varianda. Nunc de ligata differam, si attendas. C. Attendo.

A N N O T A T I O N E S.

SO L V T A E P E D E S T R I S Q Y E) Tribus potissimum nodis appellatur oratorum oratio. Soluta, non quod pedibus & numeris careat, sed quod ius tam astricta non sit, vt carmē. Prosa, seu prorsa, quasi profusa. Pedesteris, Græce τελος λέγεται, quod quasi pedibus incedat, cum carmen quodammodo equo ferri videatur. Itaque Horat. historias soluta oratione compositas pedestres vocavit Ode 12. lib. 2.

PO S T H O M I N V M M E M O R I A M) Sic sape Cicerō. Nec raro, post homines natos, quæ formulæ ad amplifi-

D d candum

etandum valent. Demosthenes de ementita legat. dixit: ἐφ
Ἐγένετο δέ τις αὐτοῖς, ex quo homines esse cōperunt
Lege Victor, cap. 12. lib. 17. Quod quidam sic loquuntur, ab
orbe, à mundo condito, non est vituperandum. Pro illis
autem, nostro tempore, patrum nostrorum tempore, melius
dicemus, nostra, patrum, maiorum memoria. Quod Cæsar
habet lib. 3. de bell. Galli. Nec adhuc hominum memoria
repertus est, &c. videtur id velle, quod Germani, ben
Manns gedencken.

PROGYNASMA

NONAGESIMVMNONVM.

Poëticæ scriptioñis varietas.

I I D E M.

 POLLINARIS. Rem quamquam eodem
genere carminis bis, ter, quater, diuersis
nimis verbis locutionibusque & figu-
ris explicabis. Cernis in appendice Virgi-
lliana tam iucundam mirabilem varietatem, & tot mo-
dis auroram, quatuor anni tempora, amnem glacie
concretum, & alia expressa elegiacis, ut nihil supradictum
possit esse. Quid si etiam eandem materiam tribus,
quatuor carminum formis mandes, ut hexametro,
elegiaco, iambico? Virg. in 8. Æneid. Ouid. 9. Meta-
morph. Ausonius, labores Herculis hexametro cō-
plexi sunt: Quidius rursum in epistola Deianiræ ele-
giaco, Seneca in Hercule furente iambicis eos in-
clusit. C. Contuli aliquando istos diuersorum poë-
tarum versiculos, & poëticæ orationis diuitias sum
contemplatus. Occurrit tam illud de Archia poëta,
quem

quem defendit Cicero. Fertur is cum Rōscio principe ætatis suæ histriorum certare solitus, vtrum ille eandem rem sæpius variato gestu exprimeret, an hic mutatis verbis per carmen efferret. A. Magna eloquentiæ, & incredibilis fœcunditas, oratorib[us]—que cum poëtis communis est. C. Quæ adhuc exhortationum metricarum genera laudas? A. Hoc: solutam orationem, siue dictum elegans & graue, ue, siue historiam, siue fabulam ad carmen redigere, poëticaque libertate vti, & flores, fucos, vbertatem quandam verborum atque rerum adhibere. C. Arbitror contrà etiam fieri posse, vt soluatur carmen, siatque libera pedibus oratio. A. Potest maximè. Deinde vnum genus carminis apud auctorem aliquem inuentum, nos mutatis numeris in aliud transferemus, hexametrum in elegiacum, & hoc in phaleucium, & istud in sapphicum: ne ignoremus tamen, vniuerscuiusq[ue] generis suam ac propriam idem esse. Curabimus præterea, vt nobis versus alieni proponantur, aut ipsimet eos deligemus, quibuscum nostra Musa decerteret, vt suprà in epistolis faciendum dicebamus. V. Vellem hac tempestate in scholis vigerent, certamina poëtica, vt adolescentes se mutuò non tantùm numero versuum (nā id parui duco, breui tempore sexcentos versus euomere; & tamen id in vsu est penè solum) sed acumine, lepore, elegantia, artificio superare contenderent. A. Ego & istuc, & alia complura optauerim: sed pergā ulterius. Centonum & parodiarum scriptio in primis iucunda & frugifera est, nōsque apiculas imitari cogit, quæ ex diuersis flosculis succum ad mel gignendū colligunt. Quomodo cētones & parodiæ fiant, cum multis exemplis quidā Gallus docuit. C.

Noui librum, & legi. A. Satis erit nos septem aut octo communiora carminum genera usurpare, & in illis excellere: illa alia non æquè vulgata, nimium otiosis & ostentatoribus relinquuntur. C. Quanquam mirificè capior poëtis & legendis & audiendis, cupioque ardenter capiti meo quóque ex Helicone coronam petere, tamen nunquam cogitationem suscepi, quo pacto centum genera versuum possem condere, aut versibus etiam extemporalis loqui, quod quidam se posse gloriati sunt, & quidem de rebus Philosophicis, Theologicis, Mathematicis, idque quocunque tandem genere quis postulauisset. Res inaudita. Quam rotundos & venustos putabimus illos versus esse potuisse? Nec idē Lyricus, Elegiacus, Comicus, Heroicus vñā simul esse desidero: sat erit, si fecero non malos heroicos, ad quod genus me natura blandissimè inuitat. A. Optimum est naturam sequi in hoc studio, quod natura propè sola constat.

ANNOTATIONES.

CVM ROSCIO PRINCIPPE) Tanta fuit huius auctoris excellentia, ut qui in aliqua parte prestatet, is in suo genere Roscius diceretur. Cic. i.de Orat. Eundem laudat orat pro Quint. Festus. Roscij appellabantur in omnibus perfecti artibus, quod Roscius quidam perfectus vñus in arte sua id est, comœdia iudicatus sit. Horat. epist. i. lib. 2. Quæ grauis Æsopus, que doctius Roscius egit. Vide & Macrob. lib. 3. cap. 14. Disputauimus de variis exercitacionum, scriptionumque generibus in duobus antegressis pro gymnasimatis, & quæ adolescentum viribus aqua videbantur

tur attulimus. Nunc robustioribus alium magistrum doctorem, Plinnum scilicet secundum dabimus, qui eos varietatem exercitationis tam oratoria, quam poetica admodum eruditè ac disertè doceat epist. 9. lib. 2. quam subscribimus per capita distincta, quo omnia dilucidiora fiant.

C. PLINIUS FVSCO. S.

*Queris quemadmodum in secessu, quo iamdiu
frueris, putem te studere oportere.*

EXERCITATIONES.
ORATORIAE.

I. GENVS.

Nihil imprimis, & multi præcipiunt, vel ex Graeco in Latinum, vel ex Latino vertere in Græcum: quo genere exercitationis proprietas, splendorque verborum, copia figurarum, vis explicandi: præterea imitatione optimorum similia inueniendi facultas paratur: simul que legenters fefellerint, transferrentem fugere non possunt: intelligentia ex hoc, & iudicium acquiritur,

II. GENVS.

Nihil obfuerit, quæ legeris hactenus, ut rem argumentumque teneas, quasi æmulum scribere,

Dd 3 lectisque

lectisque conferre, ac sedulo pensitare, quid tu, quid ille commodius. Magna gratulatio si nonnulla: cum magnus pudor: si cuncta ille melius.

III. GENVS.

Licebit interdum & notissima eligere, & certare cum electis. Audax haec, non tamen improba, quia, secreta contentio. Quanquam multos videamus huiusmodi certamina sibi multa cum laude sumpsisse, quosque subsequi satis habebat, dum non desperant antecessisse.

IV. GENVS.

Poteris & qua dixeris, post obliuionem retractare, multi a retinere, plura transire, alia interscribere, alia rescribere. Laboriosum istud, & tedium plenum, sed difficultate ipsa fructuosum, recalescere ex integro, & resumere impetum fractum omissumque. Postremo noua velut membra peracto corpori intexere, nec tamen priora turbare.

V. GENVS.

Scio nunc tibi esse praeципuum studium orandi. Sed non ideo semper pugnarem hunc, & quasi bellatorium stilum suaserim. Ut enim terre variis, mutatisque seminibus, ita ingenia nostra nuc hac, nunc illa meditatione recoluntur. Volo interdum aliquem ex historia locum apprehendas.

VI. GENVS.

Volo epistolam diligentius scribas. Nam saepe in oratione

oratione quoque non historiae modo, sed propè poëticæ descriptionis necessitas incidit, & pressus sermo purusque ex epistolis petitur.

EXERCITATIO POETICA,
QVI DICUNTUR LVSUS.

Fas est & carmine remitti: non dico continuo, & longo (id enim perfici in otio non potest) sed hoc arguto & breui, quod aptè quantaslibet occupatio-nes curasque distinguit. Lusus vocantur, sed hi lusus non minorem interdum gloriam quam seria consequuntur: atque adeo (cur enim te ad versus non versibus exhorter?)

Vt laus est ceræ, mollis cedensque sequatn
Si doctis digitos, iussaque singat opus,
Et nunc informet Martem, castaque Miheriam,
Nunc Venerem effingat, nunc Veneris puerum
Vtque sacri fontes non sola incendia fistunt,
Sæpe etiam flores, vernaque prata iuuant:
Sic hominum flecti ingenium, duciique per artes
Non regidas docta mobilitate decet.

Itaque summi Oratores, summi etiā viri sic se aut exercebant, aut delectabant, immo delectabant; exercebantque. Nam mirum est, ut his opusculis animus intendatur, remittatur. Recipiunt enim amores, odia, iras, misericordiam, urbanitatem: omnia denique, quæ in vita, atque etiam in foro caußisque versantur. Inest his quoque eadem, quæ aliis carminibus utilitas, quod metri necessitate devin-

ēti soluta oratione latamur: & quod facilius esse
comparatio ostendit, libentius scribimus.

EPILOGVS, ET PAVCA
DE LECTIONE.

HAbes plura etiam fortasse, quam requirebas.
Vnum tamen omisi: non enim dixi quae legen-
da arbitrarer: quanquam dixi, cum dicerem que
scribenda. Tu memineris sui cuiusque generis au-
ctores diligenter eligere. Aiunt enim multum le-
gendum esse, non multa. Qui sint hi, adeo notum
prouocatimque est, ut demonstratione non egeat,
& alioqui tam immodicè epistolam extendi, ut du-
tibi, quemadmodum studere debeas suadeo, studen-
di tempus abstulerim. Quin ergo pugillares resu-
mis, & aliud ex his, vel istud ipsum quod cœperas,
scribis? Vale.

PROGYMNASMA
CENTESIMVM.

Actio scenica.

CONRADVS, HELISÆVS.

CONRADVS. Accenditur mihi animus
haud mediocriter. Helisæe, ad personam
in theatro agendum, siue id in comœdia,
siue in tragœdia, siue in dialogo, (nam
hoc tertium quoddam dramatis genus nostri fa-
ciunt) non, inquam, parua cupido huius rei mihi
crescit

crescit in pectore, cùm obseruo spectatores vultus atque ora in ludionibus desigere, & non modò primarum, secundarum, ac tertiarum partium, sed in suo genere optimum quémque actorem intueri continenter, admirariq; maximè, & alios collatis capitibus percunctari, quinam sit ille aut ille adoleſcens, cuius filius, quod ei nomē. H. At mihi cùm hac, tūm aliis dé cauſis ſemper iucundum fuit obligari ſacramento huius militiæ. C. Recenſe cauſas illas, niſi onerosum eſt, & adde currenti ealcar. H. Plerique de ſtudioſis literarum aliena misericordia liberalitatēque indigent, qui quidem cùm suas partes egerint egregiè, & ita ſe populo probauerint, à diuitiis ac nobilitatibus viris ſumptum in ſingulos annos, quo victum tolerent, facile hac ratione, etiam non rogantes confequuntur. Exempla complura commemorauerim, & ex illis ego ipſe vnum ſum, qui quoniam in comedia quæ inscribitur Salomon coronatus, puerum Salomonem non malè videbar egiffe, illuſtri & opulento viro annuos aureos quinquaginta in acceptis refeſo. C. Pro tantilla opera tanta merces? H. Non illi operā & labore, ſed ingenium, quod ſeſe in huiusmodi comicis actionibus mirabiliter oſtendit ac prodiſt, ſpectare ſolent. Videmus præterea parentes admōdum deſiderare, vt filij doceantur bene gestum agere, moderari manus, vultum, corpus totum, ac vocem etiam inſlectere, atque variare, & in his omnibus poſthabito pudore ſubrufſtico, liberi eſſe, nihil metuere. Hoc nusquam commodiūs, maiore-que cum eorum, & aliorum voluptate fit, quam in theatro. C. Quām vera ſunt hæc? nam quod mihi mei, hoc aliis perinde ſuos parentes credo facere.

Quærunt sëpe; dabiturne comœdia? quæ partes mandatae sunt tibi? putant, credo, etiam ad suam ipso-
rum gloriam pertinere, se filij placuerint. H. Et ad gymnasij quoque decus atque gloriam vehe-
menter scito interesse: laudatur enim locus, & ma-
gister, vbi, & à quo tam præclara indole, tam apti ad
res pulcherrimas adolescentes instituantur. Quin
nos metipso, condiscipulos, populum, magistratus,
totas ciuitates liberalissima & honestissima volup-
tate cumulamus, si nos ex poëta sententia gerimus.
C. Ac me quoque doctiorem factum sentio, tam
multis egregiis sapienterque scriptis versibus, edis-
cendis: & memoriam non parum exercui; si quidem
trecentos quingentos aliquando, vt digitos meos,
vt nomen meum recitare potui. H. Si fabula quæ
datur, Latinè ornatèque composita, fuerit necesse
est omnino actores, cùm eam ediscunt, omnes om-
niū personas propemodū memoria tenere (quip-
pe quos toties cùm exercentur audiunt) in Latini-
tate, & orationis virtutibus nonnihil proficere, atq;
ad scribendum loquendūmque aliquam sibi supel-
lectilem comparare. Augetur adhac prudentia, &
cognitione τηρεωντος, cùm animaduertimus
scilicet, in œconomia adhibitum iudicium, & cùm
personæ cuiusque eum sermonem audimus, qui ad
naturam, ingenium, mores illius καὶ ὁλος est appo-
fitus. In quo quidem officium poëtae in primis con-
sumitur, qui vniuersa in singulis imitari, atque ex-
primere debet. C. Cur igitur apud veteres probro-
dabatur histrionicam facere? H. Si cogitemus qua-
lia priscarum comœdiarum argumenta fuerint, non
mirabimur; leuia, litigiosa, nugatoria, impura: qua-
les itē versus, spurcidici, vt inquit Plautus, & imme-
mora-

morabiles. Ibi lenones, meretrices, parasiti, serui callidi, adolescentes asoti. Huiusmodi personas agere honestum hominem iure pudeat, scurram autem, circulatorum, male feriatum ac triobolarem non pudeat. Dramatum nostrorum longè diuersa est ratio, quæ fermè illustres, grawes, notas historias, & frequenter è sacris litteris petitas continent quo populo & notiores sint, & placeant magis. Quàm autem tales historias, tot annis præsertim, tamque distantibus locis gestas rectè diligamus, & quàm easdem materias præceptis & exemplis antiquorum seu comicorum seu tragicorum conuenienter tractemus, non est meum disputare, doctioribus relinquo. Cùm igitur res sint honestæ & sacræ, personæ etiam ciuilibus honoratores, aut faltem non viles atque abiecta, tantum apud nos abest ut sit ignominia histriponem profiteri, ut sit commendationi ac laudi potius. C. Illud superest, ut Roscios atque Aësopos habeamus, qui nos in hoc artificio ipsi artifices celebratissimi instituant. H. Bene optas. Nulla ars sine magistro discitur: quamquam noster doctor non est postremus in hac palastra.

ANNOTATIONES.

SI FABVLA QVÆ DATVR) Dare fabulam vñstatum est Terentio. Sic autem dicitur, data est fabula, vt data est cœna, datum est prandium. Et dari dicitur fabula cum agitur, stare, eum placet. Hæc Donat. in prolog. Hecyr. Cic. Tuscul. 1. annis enim ferè CCCCX. post Roman conditam Liuius fabulam dedit. Et in Bruto. Minor fuit aliquanto is, qui primus fabulam dedit. Utitur etiam verbo docere, vt eodem libro. Annis XXX. post, quam eum fabulam

fabulam docuisse & Atticus scribit. In eodem lib. Ennius cum Thyestem fabulam docuisse, mortem obiit. Sic Horat. ad Pison. Vel qui praetextas, vel qui docuere togatas. A P V D VETERES PROBRO DABATVR) Apud Romanos, at non apud Gracos. Itaque Aemilius Probus prefat. docens, non eadem omnibus esse honesta atque turpia, sed omnia maiorum institutis iudicari, commemoratis aliis: In scenam vero prodire, inquit, & populo esse spectaculo, nemini in iisdem gentibus fuit turpitudini, quæ omnia apud nos partim infamia, partim humilia, atque ab honestate remota ponuntur: contra ea pleraque nostris moribus sunt decora, quæ apud illos turpia putantur, &c. Lege Læb. in eundem locum. Rem ergo histrionicam apud Romanos non alij sermè, quam serui & venalicij tractabant, erant q̄, non ita magnò in precio & honore. Hinc Cic. pro Quintio de Q. Roscio Etenim, cum artifex eiusmodi sit, ut solus dignus videatur esse, qui in scena spectetur, tum vir eiusmodi est, ut solus dignus videatur, qui eo non accedat. I B I L E N O N E S, MERETRICES) Quales comediarum veterum personæ ut plurimum essent, indicauit Teren. quæque in prologo. Heaut.

Ne semper seruos currens, iratus senex,
Edax parasitus, sycophanta autem impudens,
Avarus leno, assidue agendi sicut mihi.

Certè cum Plautius captiuos laudet etiam ob hoc, quod ibi non sit meretrix mala, intelligimus nullam pene sine infamibus illis personis dari solitam. Unde totam grauitatem & sanctimoniam dramatum illorum estimare licet. Addam istuc corollarij loco. Intermedia quæ hodie vocantur in comediis & tragediis, diuerbia scilicet, quibus spectatorum animi actoribus è theatro, post actum finitum digressis, à veteribus dicta exodia, & actores ipsos exordiarios qua de re legendus Turneb. lib. 3. cap. 17. & lib. 10. cap. 27. Addam alia.

alia: Primarum partium actores seu personæ in dramatis
esse eas, que plurimum versantur in dramate, seu cuius ma-
ior habetur ratio, quam potissimum respicit fabula, & à
qua plerumq; nomen fabule, imponitur, ut Hecuba, Ore-
stes, Hyppolytus, Andromacha Euripidis, Andria Terentij,
Amphitruo Plauti. Ex hoc intelligitur quæ sit secun-
darum, aut tertiarum partium. Græci δοκτε-
ραγωνιçæ & ἔπλαγχονιçæ, solent no-
minare. Designator is dicitur,
qui loca spectatori-
bus designat in
theatro.

*





Hic Progymnasmatum primus liber R. P.
IACOBI PONTANI ex Societate
I E S V , politioris literaturæ studiofis utilissi-
mus est, eò quod & doctrinam singula-
rem ad formanda Christianæ iuuentutis
ingenia contineat, & de moribus grauem
admodum disciplinam complectatur, ty-
pis proinde mandatum publicari debere
iudicaui.

P E T R U S S T E V A R T I V S Leodius,
Collegij Theologici hoc tempore Deca-
ni Vicarius.

L V G D V N I,

Formis Petri Michaël.

I

P

D

JACOBI PONTANI
DE SOCIETATE IESV,
PROGYMNAS-
MATVM LATINITATIS,
SIVE DIALOGORVM
Volumen secundum, cum
Annotationibus.

DE MORVM PERFECTIONE.

*Editio tertia recognita & aucta. Voces plurimae
ex vulgari Germanorum, in
Gallicam traductæ.*



L V G D V N I,
Apud Bartholomeum Vincentium.

M. D. X C II.

1. M A R C O S I B O G A
2. A V M M Y D O H 9
P R A T I M U S K A Y A M
M V F O D I A L E S M I C
A L P E R S E S S E M A N I
H R O M M



I V M C O M 3

1 2 3 4 5 6 7 8 9

pi



S E R E N I S S I M I S
V T R I V S Q V E B A V A R I A E
P R I N C I P I B V S, P A L A T I N I S
Rheni, Philippo Episcopo Ratis-
bonensi , Præposito Coloniensi,
&c. & eius germano fratri F E R-
D I N A N D O, Canonico Colo-
nienſi, Treuirensi, &c.

I A C O B V S P O N T A N V S
de Societate Iesu, S. P. D.

 ATVRAM ET GE-
NVS ipsum, P R I N-
C I P E S Sereniss. certio-
ra hominibus afferre solere
præsidia ad bene & cum
virtute viuendum, quam
educationem siue discipli-
nam, plerosque probata sa-
pientia viros opinionem habuisse animaduerto.

Plato enim (ut hunc solum nominem , qui est
unus instar omnium , ex cuius quasi sanctis qui-
busdam augustisque fontibus maiores nostri reli-
giosissimi libenter ac saepe hauriebant) in dialo-
go qui Menexenus , seu oratio funebris inscribi-
tur , qua ciuibus suis charitatem patriæ suadet , &
honorificentissimis verbis eos extollit , qui pro eius
salute ac libertate extremum in certamine spiritum
effuderant , sic ait : ἀγαθοὶ δὲ ἐγένοντο διὰ τὸ φῦναι εἰς
ἀγαθῶν . τὴν εὐγένειαν δημιουρῷ αὐτῶν εὐημερίω-
μενη , δεύτερον δὲ τὴν τροφήν τε , καὶ ταῖς θεαρ , &c.
Bonī extiterunt , quod ex bonis progeniti erat . Qua-
circa generosam ipsorum originem primum , dein-
de educationem institutionemq; commendemus .
Præterea ostendamus , quam præclara , & his maxi-
mè consentanea facinora ediderint . Homines igit-
ur una cum sanguine virtutum , & (in quo tan-
tudem probabilitatis inest) vitiis datum quoque
suarum semina quedam in filiorum animos ple-
rumque transmittunt , producuntq; religiosi pios ,
sobrij temperantes , mansueti placabiles , benigni li-
berales , magnanimi fortes , naui industrios : contrà ,
imp̄y sacrorum contemptores , ebriosi vinolentiae de-
ditos , seu crudeles , sordidi , & restricti auaros , ti-
midi imbelles , ignavi desides . Ad consummandam
porro prauitatem quanquam præceptio non requi-
ritur ,

ritur, ideo quod facillimum est natura sola, sine
magistri opera vel improbisimum euadere, tamen
quo sit partibus suis expleta virtus, & ut præcla-
rum ac singulare quiddam existat, ad eximiam &
illustrem naturam adiungenda videtur doctrina
conformatio, adiungendum studium, adiungendus
v̄sus: quibus si destituta fuerit, eius bonum turpi-
tudine vita merumq; contaminabitur. Hinc persa-
pienter Horatius.

Doctrina sed vim promouet insi-
tam,

Rectique cultus pectora roborant:
Vtcunque defecere mores,
Dedecorant bene nata culpæ.

Iam verò hic cultus à magistro venit. Quamobrem
eximus ille naturæ habitus est sicut in agricultura
fertile ac pingue solum, magister moratus & pru-
dens tanquam peritus colonus, præcepta ipsa velut
electissima semina. Quām beatos ergo, quām feli-
ces illos numerabimus, quibus hæc singula diuino
beneficio ac munere adeò cumulate contigerunt,
ut ipsis ex omni seculorum memoria compara? i per-
pauci, anteponi haud scio an illi omnino possint?
Quorum cogitata, dicta, facta, immortalitatis sunt

magis quam etatis. Qui curriculis mensium omnem temporum celeritatem præteruolant; ante viri quam adolescentes, ante senes quam iuvenes. Quæritis, quorsum hæc mea spectet oratio? Ad vos ipsos, inquam, qui eorum satu procreati estis, unde in vos cum illustrissima nobilitate tanta ad præclarissimas actiones, tamque incredibilis ad honestatem & decus peruenit, atq; transfusa est incitatio. Qui quidem ut vobis maximo honori sunt, non tantum quia magni Principes, verum etiam quia mirabiliter in omni pietatis exercitatione inter se consentientes, & spectata vita sanctimonia, perque orbem longè ac latè non dubiis hominum sermonibus celebrati Principes sunt: sic ipsos viciissim liquidissima voluptate compleri arbitror, quoties de vestris in virtute literarumque disciplina processibus, & de certissimis, ijsque multis futurae olim præstantiae significationibus nuncios accipiunt; accipiunt autem in dies penè singulos. Non eos audimus molibus ac peregrinis gaudere deliciis; non in ludis & spectaculis tempus ponere: non fluxum denique & caducum aliquid admirari. Vos illorum gaudia, vos spectacula, vos secundum Deum estis omnia, habitatisque in eorum medullis, & haereticis in visceribus. Si enim, ut scriptum est apud Tullium, nihil dulcius hominum generi à natura datum est, quam

fui

sui cuique liberi; tam bonis, tam religiosis, tam ad
omnem excellentiam factis, tam ad parentum suo-
rum laudem atque gloriam efflorescentibus liberis,
poteruntne illi quidquam reperire dulcius? Nam
illud in primis quanti faciendum est, quod ista ata-
te necdum matura cœlestis amore numinis tanto-
pere deuincti tenemini: ex quo in sacris mysteriis
obeundis, in diuinis precationibus frequentandis
summa elucet assiduitas vestra, summa pietas: in
tuenda autem animorum pulchritudine & inno-
centia, repellendisq; scelerum contagionibus ardor
planè inexpectatus, mirificus singularis. His addo
flagrans desiderium excindendi religiones deli-
ras & sacrilegas, usque doctoribus quacunque via,
quibusunque modis resistendi, à quibus inclivæ
Germania pestem & exitium comparatum vide-
tis. Cui sanctissime voluntati re ipsa aliquando
explicanda inseruiet prudentia vestra, inseruiet
eruditio, grauitas & constantia vestra, totus de-
nique virtutum vestrarum nobilissimus comita-
tus, quarum clara specimina quotidie præbetis. Il-
lam autem humanitatem, illam affabilitatem, il-
los mores suauissimos, quibus utimini etiam er-
ga infimos, illamq; liberalitatem, quam in pau-
peres ipsi etiam presentes, eorumque domicilia
obeuntes confertis, ad conciliandos utriusque om-

nium mortalium animos quantam vim tandem
habituras credimus?

Veniam adea que ingenij & literarum sunt.
In rebus grauibus & arduis ita præstare iudicio,
ita subtiliter falsa à veris, bona à malis, aqua ab
iniquis, honesta à turpibus internoscere ac discer-
nere posse etatem vestram etiamnum teneram,
nemo non secum ipse miratur. Declarat item inge-
nierorum vestrorum magnitudinem, docilitatem
que, quod paucissimis annis Latinè loqui & scri-
bere, atque etiam poëmata condere didicisti. Di-
ligentiam, & proficiendi cupiditatem, amorem
recitandi, repetendi, cum condisi puluis acerrime
disputandi, qui vobis à studiis sunt, miris effe-
runt laudibus. Omitto pronuncias orationes &
carmina tota audiente Academia, presentibus
que viris principibus, actione tam venusta, gra-
ui, & ad animos per mouendos idonea, ut om-
nes ob stupuerint. Quod præterea conciones habere
vos nonnunquam delectat (quas nihilominus
corona applaudente habetis) hoc ipso magnis qui-
busdam rebus efficiundis quasi præludere mihi
videmini. Hæc aliaque multa primum quidem
Deo auctori bonorum uniuersorum, tum com-
memorandæ naturæ vestre, rectissimæ voluntati
ac sedulitati, accuratissimæ institutioni, magi-
strorum

strorumque vestrorum probitati, prudentia, sollicitudini tribuenda sunt: quae eadem me ad vos mente penitissima atque intimis sensibus complectendos, & ad istuc meum iudicium ad posteritatem prodendum, domumq[ue] vestra laudatissimam, toti Bauariae, toti Germaniae, toti Ecclesiae Catholicae de duobus tam admiranda spei fratribus gratulandum impulerunt. Cuius rei certissimum testem hoc secundum progymnasmatum meorum volumen ad vos mitto. Nec fuit sanè, quod aut ego potius donare vel possem, vel deberem, aut à Serenitate vestra libentius acceptum iri confidrem: quorum delectamenta præcipua sunt libri: & tales quidem, qui & annis iuuenilibus, & studiis in quibus per hoc tempus versamini respondent. Quorum è numero hunc nostrum fore spero, quem eadem diligentia, qua antea primum, fructu autem fortassis uberiore euoluetis. Postulauerunt insuper hoc à me officium à parentibus, auis & proauis vestris non solum in Bauaria, sed aliis quoque locis apud Societatem IESV collocata multa & magna beneficia: nempe ut eorum nos memores, & ad gratificandum inferuendumque Principum familie clarissimæ pro rationibus instituti nostri semper paratissimos demonstrarem. Quod supereft, rogo hoc

exiguum paruūmque munus ne aspernemini , &
Societatem nostram exemplo maiorum vestro-
rum, sicuti iam pridem facitis, omni beneuolen-
tia comprehendere ne cesseatis. Deus Opt. Max.
cui sincerissimum cultum adhibetis, quémque à
paruulis diligere cœpistis, quam longissimè auum
amborum extendat, & quam impertiuuit men-
tem optimam ac diuinam, eam in vobis
usque ad exitum vita pro sua bonita-
te custodiat. Augustæ, Ka-
lend. Iunij. M. D.

XXCIX.

H V M A





HUMANISSIMIS LECTORIBVS.

DErebus humanis non tam præclarè mereri eos , qui scientiam bene dicendi afferunt, quām qui piè & innocentē docent viuere, quod est longè præstabilius : cūm illud ad paucos, hoc ad omnes pertineat: atque idcirco apud Græcos maiori fuisse in gloria Philosophos quām Oratores, quia rectè viuendi doctores existimaretur, initio diuinarum Institutionum Laetatius affirmauit. Quando igitur nos quoque, quantumcunque in nobis est literarum , quod exiguum est, ad communes vtilitates summa voluntate conferimus, & quo de iuuentute mereri quām optimè possumus studiosè enitimus, vīsum est faciendum , vt cūm sermo Latinus sine aliqua rerum tractatione doceri nequeat , in ipsis rebus , quas eius tradendi cauſa explicandas suscepimus, morum quoque honestorū, & Christianæ Catholicae que pietatis rationem vel potissimum haberemus. Verum enim uero hanc argumenti partem omnium præstantissimam, in primisque ac vehementer necessariam co temperamento persecuti sumus, vt neque singula quæ vtiliter dīci possent diceremus, ne nimium creceret voluminis magnitudo , néue puerorum & adolescentium ingenia , quibus præsertim ista elaborauimus, disputationibus tortuosis ac spinosis oneraremus ac perturbaremus: potius, quām oratoria quadam simplicitate facilitatēque erudire conaremus. Illud persæpe nobis optandum fuit, vt extaret in cuius tāquam vestigiis ponere gressum liceret: qui, inquam, Dialogis scholasticis componendis, hunc ordinem, istumque modum , & institutum simile tenuisset. Nunc, quod ad methodi quidem huius nostræ nouitatem, ad rerum multitudinem diuersitatemque attinet, quam progyranasmatis longè plurimis comprehensam in tria, eaque haud parua sanè volumina includo, potero fortassis aliquo modo vti verbis Lucretij , qui primus naturæ Philosophiam Latinis versibus illustrabat.

A. 1664

*Ania Pieridum peragro loca, nullius ante
Trita solo, &c.*

ET quanquā ipsi fontes ad quos accedo, iam integri non sunt: propterea quod ex illis ante me doctissimi viri in eodem negotio hauserunt; nec possim meo capiti petere inde coronam (ut inquit idem poëta)

Unde prius nulli velarint tempora Musæ,

vellem tamen etiam atque etiam, capacitoribus vñnis hau-sissent, studiosorumqñne animos & ingenia affatim irrigas-sent, non autem dialogis tam parcè conscribendis, id est, verbis & locutionibus pro rerum immensitate paucissimis tantummodo velut leuiter aspersissent, siue irrorassent. Ve-runtamen illi non temerè, credo, sed deliberatè, & cum iudicio, suo quasi, & alio itinere incesserunt: & quod in om-nibus artibus factum cernimus, posteris quoque ipsorum inuenta augendi ornandiique materiam potestatemqñ re-liquerunt. Quapropter verbum non addam. A benevolo & eruditio lectore peto & quælo, ne grauetur in hisce vi-giliis laboribusque meis τοῖς μὲν παραλειμμένοις συγγράμματος τοῖς δὲ ἐνεργέοις πελλιν χαριν ἔχειν.



I N D E X
PROGYMNASMATVM
SECUNDI VOLVMINIS.

C V B I C U L V M .

	PAG.
1. Cubitum discessuri.	1
2. Sese vestibus exuentes, preces ante somnum.	6
3. E somno suscitati, precatio matutina.	12
4. Vestientes se, & reliqua peragentes.	17
5. Mores in cubiculo, in lecto.	21
6. Salutatio matutina, ientaculum.	27

CORPORIS NONES TATES.

7. Oculorum moderatio, & affectiones.	30
8. Frons, nares, caput.	37
9. Mala, os, labra, dentes, vultus.	41
10. Cervix, humeri, brachia, manus, vngues, auriculae.	46
11. Spuere, tuscare, eructare, screare, oscitare, &c.	51
12. Ritus, sessio, genuflexio, incessus.	55

VESTITVS, SIVE HABITVS.

13. Vestiæ literatorum.	60
14. Decorum vestium generatim.	76
15. Muliebris cultus.	83

CONVICTVS.

16. Morum elegantium utilitas, & necessitudo.	90
17. Qui potissimum in coniunctione consuetudinis atque sermonum odiosi.	94
18. Compositio corporis inter colloquendum, & consuetudines rusticane.	104
19. Honores quibus & qui.	107
20. Epitheta, seu tituli.	114
21. Quales in sermone.	121
22. Sermones fugiendi.	128
23. Nec nimium, nec minimum.	143
24. Ceremonia.	148

TRI

I N D E X.
TRICLINIVM, SIVE COENATIO.

25.	<i>consecratio mensæ.</i>	152
26.	<i>Gratiarum actio post epulas.</i>	156
27.	<i>Instruere & adornare mensam.</i>	160
28.	<i>Quæ ante accubitum.</i>	165
29.	<i>Decorum accubitus, & alia quedam.</i>	168
30.	<i>In potu quid deceat.</i>	172
31.	<i>Quando & quomodo accipiendum est patina.</i>	177
32.	<i>Cum ab aliis quidpiam porrigitur.</i>	181
33.	<i>Aceruus præceptorum.</i>	184
34.	<i>Sermo apud mensam.</i>	194
35.	<i>Appendix.</i>	198
36.	<i>Questiones symposiaceæ.</i>	203
37.	<i>Pars secunda.</i>	217

T E M P V S.

38.	<i>Parfimonia temporis.</i>	229
39.	<i>Cum tempore congruendum.</i>	238

ADMINICVL A, SEV NVTRIMENTA
& impedimenta virtutis.

40.	<i>Exempla & sententiae prælectionibus aspersa.</i>	242
41.	<i>Mansueta obiurgatio.</i>	247
42.	<i>Proborum familiaritas.</i>	250
43.	<i>A Deo actionum capienda primordia.</i>	254
44.	<i>Temperantia in vicio.</i>	257
45.	<i>Quotidiana in semetipsum inquisitio.</i>	262
46.	<i>Vitiorum peccatorumque amuleta generalia.</i>	265
47.	<i>Solitudo.</i>	272
48.	<i>Cultus & amor Dei.</i>	277
49.	<i>Seruanda erga fæminas.</i>	279
50.	<i>Malorum societas.</i>	283
51.	<i>Minutiora peccata.</i>	287
52.	<i>Libelli scurriles.</i>	290
53.	<i>Otium.</i>	294
54.	<i>Philanthria, seu cæciss amor sui.</i>	297

VERECUNDIA, ET EIVS EXTREMA.

55.	<i>Natura verecundie.</i>	302
56.	<i>Laus verecundie.</i>	306
57.	<i>Adole</i>	

I N D E X.

57.	<i>Adolescentiae propriam esse verecundiam.</i>	310
58.	<i>Quæ res verecundiam pariant.</i>	314
59.	<i>Quosnam vereamur.</i>	320
60.	<i>Impudentia.</i>	323
61.	<i>Immodica verecundia.</i>	326
62.	<i>Damna quorum auctoritatis viciosus pudor.</i>	332
63.	<i>Duplex curatio huīus ritū.</i>	336

L V S V S.

64.	<i>Ludendum esse.</i>	339
65.	<i>Tempus & modus ludendi.</i>	348
66.	<i>Officia ludentium.</i>	350
67.	<i>Lusus auersandi.</i>	354
68.	<i>Genera lusuum.</i>	358
69.	<i>Colloquium festuum.</i>	362
70.	<i>Ludus lapidum orbicularorum ad metas.</i>	370
71.	<i>Ludus globulorum.</i>	374
72.	<i>Ludus nucum.</i>	376
73.	<i>Ludus turbinis.</i>	378

V A R I A O F F I C I A.

74.	<i>Obiurgatio fraterna, iniuriæque condonatio.</i>	381
75.	<i>Ægrotos visitare, in funus prodire.</i>	386
76.	<i>Pacificatio.</i>	389
77.	<i>Mæcenates.</i>	395
78.	<i>Auxilium mutuum.</i>	398
79.	<i>Consilium ad edemandam libidinem.</i>	401
80.	<i>Innocentie patrocinium.</i>	404
81.	<i>Peregrinatio.</i>	402
82.	<i>Gratus animus.</i>	417
83.	<i>Ignorantium institutio.</i>	417
84.	<i>Amor & amicitia.</i>	423
85.	<i>Modesta eruditio.</i>	428
86.	<i>Solarium paupertatis studiosorum.</i>	436
87.	<i>Erga mendicos, calamitosos, seruos.</i>	444
88.	<i>Formulae bene precandi.</i>	447
89.	<i>Alloquium seu consolatio super excessu matris.</i>	450
90.	<i>Virtutis laus.</i>	458

F I D E S

I N D E X.
FIDES ET PIETAS CATHOLICORVM.

91.	<i>Catechismus.</i>	464
92.	<i>Sacre conciones.</i>	466
93.	<i>Missa sacrificium, & instrumentum sacrum.</i>	472
94.	<i>Piacularis confessio.</i>	481
95.	<i>Sacraissima Eucharistia.</i>	486
96.	<i>Ieiunia.</i>	493
97.	<i>Religiosi seu vita monastica.</i>	497
98.	<i>Temporum constructio, & ornatus.</i>	503
99.	<i>Indulgentie, bona opera, Christi Vicarius, cultus & imploratio sanctorum, & alia demum.</i>	508
100.	<i>Veneratio, & laudes Dei matris.</i>	514

P R O



